






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 43





Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 43



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 43



Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 43

381

E 43

niet platte
(boekeband nr. 1/88 0102)

U-
oxi
dant in la-
mou enim
rante m

~~III. 6. 88~~

Rector Aggrem Albadia Liber rerum.
Cp. de Wal, de chor. Fins. Nt. 24.

381
243

ACTA
PACIFICATIONIS

Q V Æ

CORAM SAC. CÆSAREÆ
MAIEST. COMMISSARIIS,

I N T E R

SEREN. Regis Hispaniarum & Principis
Matthiæ Archiducis Austriae, Guber-
natoris, &c. Ordinumque Belgij lega-
tos, Coloniae habita sunt:


F I D E L I T E R

*Ex Protocolo legatorum Ordinum descripta, & quæ Ger-
manicè vel Gallicè concepta erant, in linguam Latinam
translata, necessariisq; Annotationibus illustrata.*

Psalm. XCIV.

Non derelinquet Dominus populum suum, & hæreditatem suam
non deferet:

Usquedum ad iustitiam reuertatur iudicium, & sequentur illud
omnes recti corde.



L V G D V N I,
Apud Andream Schutenum:

M. D. LXXX.
EV.

+
Sum ex libris Eneffi Comitis
ac Domini in Mansfeld
lenq ad Salum mense
vmbri Ao. cxxxi.
clx. lx. xxx.

Joh. Mart. Silber
rad. 1729.

AD SER. PRINCIPEM
MATTHIAM ARCHI-
DUCEM AVSTRIÆ,
GVBERNATOREM, ORDINESQVE
BELGII GENERALES.



*Q*uæ in hoc conuentu palàm & publicè cum
legatis vestris acta sunt, fideliter descri-
pta, & quæ Germanicè vel Gallicè conce-
pta erant, in linguam Latinam cõuersa, ad
vos transmittō: Illis porrò locis, qui ma-
iorem probationem ad iustificationem cau-
sæ nostræ requirere videbantur, vel rationem aliquam, vel
auctoritatem subieci, vt quilibet intelligere possit, nihil ab
iisdem legatis vestris perperā aut leuiter dictum esse. Id quod
non solum propter exteras nationes feci, apud quas alij nos
tanquam perduelles, alij tanquam hæreticos & perduelles si-
mul reputant & traducunt: sed etiam propter homines no-
stros, vt qui in fide vestra manent, habeant in quo se conso-
lentur, vbi iustitiam & æquitatem causæ suæ perspexerint:
Ii verò, qui à vobis defecerunt, vt cognitis illis, secum per-
pendant, an idonea & legitima causa sit ob quam non so-
lùm propria sua membra deserant, sed & vnà cum alienis,
quorum ingenium & studium illis notum est, oppugnare ea
incipiant. Hoc factum si serium est, vel non in meliorem finem
à Deo Opt. Max. dirigatur, non potest non magnoperè de-
plorari: nemo enim tam stupidus & vecors est, qui non intel-
ligat quorsum separatio ista tendat; imò qui nunc non per-
spiciat, quid Hispani per hunc Conuentum quaesierint.

SEMEl enim verum est, illos nos omnes laesa Maiestatis
diuina & humane reos aestimare, proptereaq. dignos iis pœ-
nis quæ aduersus huiusmodi delicta per leges constitutæ sunt;
& quia non potuerunt ordinariè pœnas istas exequi, vi &
armis infligere eas tot iam annis nobis conati sunt. Sūt quoq.
in hac persuasione, cuius approbatores non solum politicos ali-
quos viros, sed & Theologos suos habent, se tandem superio-
res & victores futuros, & de iis præcipuè, quos Regi rebel-
les esse putant, iustam vindictam & supplicium sumpturos;
reliquis leges, quas ipsi velint, imposituros. Nec ab hac sen-
tentia adhuc recessisse videntur; sed quia animaduertunt,
per externa arma se eò peruenire non posse, imò maiores diffi-
cultates & pericula indies oriri, necessarium esse duxerunt,
aliis consiliis & mediis uti, quæ nō amplius ut in initio huius
Conuentus fecimus, coniectura colliguntur, sed præ oculis no-
stris cernimus, omnia ad hoc seruire, ut alias provincias &
ciuitates ab aliis separent, atque ita eosdem subditos, alios per
alios, oppugnent & opprimant.

PROPTEREA omnes illos, qui defectionē à vobis vel
etiam fecerunt, vel adhuc facere instituunt, obnixissimè rogo,
antequam illi cum Hispanis vltèrius progrediātur, aut hi con-
uentionem aliquā cum iis ineant, Acta ista relegere nō grauen-
tur, ex quibus cognoscēt & perspicient Seren. Regem Catho-
licum, principem & dominum nostrū naturalem, nulla in re
à nobis laesum esse, sed nos econtrà tot annis grauissimis iniu-
riis ab Hispanis ipsius affectos esse, & hodie adhuc affici. Si
verò cōspirare cum illis pergunt, & arma aduersus nos susci-
piunt, præterquam quod impiè & iniuste facturi sint, facile
ipsi prospiciunt, quid iuxta humanam prudentiam inde eve-
nire necesse sit. Nam vtcunque alteram partem superare se
posse

posse putauerint, quanquam id non in hominum, sed in Dei consilio & arbitrio consistit, & euenta in aliis regnis & prouincijs contrarium demonstrarunt; tamen fieri non poterit, quin & vires eorum infirmiores debilioresque reddantur. Quae spes ergo alia superest, quam vt vtrique post mutuas lamenas & direptiones Hispanis impares & inferiores facti aliqua maiori vi qua facile à tantis hostibus colligi potest, tandem frangamur & conteramur?

HAEC res humana ratione ita euidentis est, vt non possit à quoquam ignorari. quamobrem cum nunc ciuili illa causalibertatis & priuilegiorum, per oblationem à Caesaris Commissariis factam, in speciem sublata aliquatenus videatur; metuo, ne persuasum iis sit, se posthac à criminibus illis quorum rei accusantur, excusari non posse, si cum alijs, qui ex professo aliam religionem, quam quae catholica Romana est, sequuntur, diutius in communi defensione manserint; operæpretium me facturum esse arbitror, si expendero & declarauero, quomodo se veritas circa crimina ista habeat. Quae res non solum illos, qui alterius sunt religionis, sed & Catholicos, & quosuis alios concernit, cum omnes vna sententia ab Hispanis condemnati fuerimus. Hanc autem materiam propterea tractare hic cupio, vt paulò melius de causis calamitatum nostrarum diiudicare incipiamus: quippe quòd incolumitas & salus nostra non in eo posita sit, vt vna pars alteram oppugnet & conficiat, sicut quibusdam superbis, ambitiosis & auarjs hominibus videri poterit, qui in suo animo, si non ipsorum Hispanorum, à quibus sibi ob priora sua facta metuant, eorum tamen, qui illis pares sunt, dominatum expetunt, vt populus in eam rursus seruitutem redigatur, in qua iam per annos plurimos detentus fuit; sed in eo, inquam,

† 3

prospe-

prosperitas & conseruatio nostri consistat, vt errores & of-
fensas nostras agnoscamus, super iis pœnitentiam agamus,
operamque demus, non tam quomodo Regi nostro (quem si
vnanimes & concordēs manserimus, suo tempore fortè lenie-
mus) sed quomodo Regi regum, Christo Domino, filio Dei re-
conciliemur. Verùm ad rem ipsam venio.

NVLVS pius, modò vsum Apostolica primitiua Ec-
clesiæ non ignoret, & in sacris literis, veteribus Patribus &
ecclesiasticis historiis aliquantum versatus sit, negare potest,
Ecclesiam Romanã per aliquot superiora secula, præcipuè ante
annos proximos quinquaginta, nò solùm vita & moribus de-
formem factam esse (quod malum hodie adhuc durat) sed &
multos errores in doctrina, plurimos abusus & superstition-
es in cultu Dei, intolerabilem quoque arrogationem illius po-
testatis, quæ soli Christo competit, in eam irrepisse; quæ
omnia emendatione, reformatione & illustratione diuina opus
habuerunt. Cœperat tum tempus ignorantie, quo Dominus
ad vitia quædam conuiuere solet, præterire, & tempus co-
gnitionis ac reuelationis succedere, quo cordibus quorundam
ita illuxit Dominus, vt per eos nobis & prauitatem vitæ
nostræ ob oculos poneret, & superstitiones, abusus atque
errores nostros detegeret & aperiret. Non nego ambitione
& contentione postea quosdam ex iis extra vocationem suam
progressos fuisse, & assumpsisse quædã prioribus haud mul-
to meliora, deinde multa bona cum malis oppugnasse & sus-
tulisse, erat tamen lucis & gratiæ Dei, qua ea, quæ mala
erant, nobis patefecerunt, & inter eos quidam ex istis exti-
terunt, qui luce & gratia ista in omnibus rectè vsi sunt.

HAEC lux & gratia licet gratis animis, ad maiora con-
sequenda dona ab omnibus recipi debebat (verè enim Chri-
stianismus,

Eusebius: Eccle-
sia iusto Dei iu-
dicio, & neces-
sariæ correptio-
ne, ob sacerdo-
rum præcipuè
& seniorum im-
pietates, odia,
contentiones,
ambitionem
atque superbiam,
necnon per fal-
sos Christiano-
rum illatores,
in tantam de-
fectionem co-
arctata est, vt
omni humana
ope desperata,
solum mileren-
tis Dei sit, eam
restituere atque
reformare.
Cassander in
consultatione de
articulis religio-
nis: Præsens
Ecclesia Ca-
tholica non
parum & di-
sciplina inte-
gritate, adde-
rit etiam in doctri-
næ sinceritate
ab antiqua illa
vnde orta &
deriuata est,
dissidet.

stianismus, qui in patefacta cognitione Christi, in spiritali cultu Dei, & in regenerata noua vita consistit, neque tum, neque adhuc apud multos satis perspectus est) maior tamen pars ex nostris hominibus eā prorsus reiecit & detestata est. Aduersus eos autem, qui ad hanc lucem & gratiam attendere cœperunt, seuerissimæ leges latæ sunt, atque vt fideliter eæ executioni mandarentur, vix alij in magistratus cooptati fuerunt, quàm qui nulla humanitate & misericordia erga istos homines afficeretur. Hæc persecutio & oppressio quantafuerit, nemo nostrum est qui ignorat. quod ad me attinet, exhorresco sæpius ad tormenta illa, quibus miseros homines apud nos & alibi subiectos & afflictos fuisse memini. Non arbitror huius loci esse de articulis disputare, quos hi aut illi speciatim defenderūt: satis est verbo indicasse, omnes istos ex timore vnius Dei, testimonio suæ conscientie, iuxta mensurā fidei, in Christum vnicum Seruatorem, Mediatorem & Pastorem animarum suarum, pro asserenda veritate quam profitebantur, se testimonio sacrarum literarum confirmare posse, tormenta quauis atque adeò mortem ipsam constanter pertulisse.

non ita pertinentibus, consentire: quod nunc quidam volunt, Christianam Ecclesiam nimis in arctum cogentes. Mihi sanè erit filius Dei & Christianus, quisquis crediderit & confessus fuerit Iesum esse Christum; etiam si in quibusdam opinionibus à me dissentiat: ita ego multos patior esse in Ecclesia externa, quos alij ciciunt & occidunt; quàm bono iure, nescio.

QV AE cum ita sint, satis constat, non posse vllos Status in vlla prouincia hucusque Maiestatis diuinæ læsæ ab ipsis scilicet Hispanis reprehendi (apud Deum vt mox dicemus, aliud est) non enim Regi in hac re contrarij fuerunt, sed constitutiones eius, pro religione Romana latas, approbarunt & sedulo executi sunt. Multò minus possunt priuati eiusdem criminis accusari, qui Deo suis factis non rebellare, sed obe-

Neageorgus in
1. Ioh. c. 5. Quia
Ioannes sapē
dicit & asse-
uerat, Omnes
esse filios Dei
qui credunt
Iesum esse
Christum, se-
quitur hanc fi-
dem & confes-
sionem esse no-
tam verè cre-
dentium & Ca-
tholicæ Eccle-
siæ nō esse ne-
cesse, in omni-
bus alijs opi-
nionibus, huc

Hieron. in epist.
ad Tit. cap. 2. S. i
bonū est quod
precepit Impe-
ratorum

rator aut Præses, iubentis obsequere voluntati: sin verò malum & contra Deum sapit, responde eis de Actis Apo-
stolorum: Obedire oportet Deo magis quàm hominibus.

dire, non despectui habere Maieſt. ipſius, ſed eam ſua patien-
tia & morte glorioſam reddere voluerunt. E contra quod ne-
ceſſitas huius materie me cogit dicere, veriſſimum eſt, &
Regem & Status, ſinguloſque magiſtratus grauiſſe contra
Maieſtatem diuinam deliquiſſe, quòd tot millia hominum, re-
ligionis nomine, & ſub prætextu deſenſionis catholice Roma-
næ fidei trucidauerint.

HANC rem, quoniam in Actis ipſis pertractatur, non
longius hinc perſequar; ſed paucas tantum propoſitiones po-
nam, ex quibus id intelligi poterit.

*Cyprianus ad
Thymotheum. Que
iſta obſtatio,
que reſponſum
propter humanam
traditionem
diuinæ diſpo-
ſitionis arreſta-*

Prima eſt, quòd præter contemptum oblatae lucis & gratiæ,
humana decreta, & mundanæ ſapientiae placita, contra man-
data Dei, & caeleſtem prudentiam, à ſubditis ſuis ſeruari
voluerint.

nere, nec animaduocare indignari & iræſci Deum, quoties diuina præcepta ſoluit & præterit humana traditio.

*Tertullianus. Nec
religionis eſt
cogere religio-
nem, que ſpon-
te ſuſcipi de-
bet, non vi.*

Secunda eſt, quòd carnalibus armis & brachio ſeculari
eadem illa decreta defenderint, & liberam religionem ſibi
ſeruam fecerint.

*Augustinus
quaſt. in Matth.
cap. 13. Quia
cum ad ſeruos
loqueretur, &
ait: In tempo-*

Tertia, quòd zizaniorum extirpationem, præteritis Ange-
lis, quibus id à Domino ſolis relictum eſt, ante meſſis conſum-
mationem ſibi aſſumpſerint.

*re meſſis dicam vobis. Colligite primum zizania, ſed dicam, inquit, meſſoribus. Vnde intelligitur, colligendorum
zizaniorum ad comburendum alia eſſe minifteria, nec quenquam Eccleſia filium debere arbitrarî, ad ſe hoc offi-
cium pertinere.*

Quarta, quòd contra competens ſibi officium, non ſolum
externè bonis & corporibus, ſed & internè animabus &
conſcientiis ſubditorum imperauerint.

*Leontius Epiſco-
pus in Myſiæ re-
prehendit Con-
ſtantinum, quòd
Synodo præ-
eſſe, & de reli-
gione ſtatueret
vellet, inquit:*

Quinta, quòd ſimiliter contra officium ſuum, & ad in-
iuriam Chriſti, cui vni hæc poteſtas à Deo, Patre data eſt, in-
iis, quæ fidei ſunt, & cultum Dei concernunt, iubere ac ve-
tare inſtituerint.

Miror te, Imperator, cum ad alia negotia ordinatus ſis, alia tamen aggredi. Hæc Suidas.

*Chriſtoſtomus. Qui
vini adfert*

Sexta, quòd gladio corporali ſpirituale regnum Chriſti in-
uaſe-

uaserint, & filios huius regni (qui filij Dei & lucis sunt) inclementer & impie persecuti sint.

plerunq. auer-
tit; in celesti-
bus bonis non
inferenda est
vlt.

SED vt ulterius pergam, hucusq. rursus dico, quantum crimen laesa Maiestatis humanae attinet, Status singularum prouinciarum, quoad Regem, ab eo similiter crimine prorsus liberos fuisse: nam ad arbitriū Maiestatis ipsius, omnia Placita aduersus eos qui de religione suspecti erant, exequi permiserunt. Sed nec priuati eidem crimini obnoxij fuerunt, qui se voluntati Regis humiliter, vsque ad mortem, & amissionem bonorum suorum submiserunt: deinde Regi non contra Deum, sed propter Deum obedientiam prestare addixerant, sola Dei causa excepta, in iis quae Regi debentur, prestandis promptissimi & paratissimi. E contra negari non potest, Status grauitur aduersus Maiestatem populi deliquisse, quod passi sint Regios magistratus in membra sua adeo crudeliter sauire: quod non modo non curauerint indagacionem aliquam de hoc negotio fieri, sed omnem etiam beneuolentiam & humanitatem erga eos exuerint, cum plerique tamen scirent, & passim faterentur, homines, qui religionis nomine ad supplicia ducerentur, Christum & duodecim Christianae fidei articulos profiteri, atque inculpate viuere. In eodem vitio & delicto comuniter etiam populus, praesertim nobiles & optimates fuerunt, qui & supplicia ista approbarunt, & iure cum iis agi existimarunt: deniq; auctores & fabricatores istorum suppliciorum Doctores & sacerdotes populi extiterunt. An haec defensio subditorum ad Status & populum pertinerit, non opus habet vlla alia probatione, quam eorum alle-

Eusebius Eccles.
lib. 4. cap. 15
Polycarpus
Proconsuli Ha-
rodi magna a-
lacritate reli-
dit: Docemur
enim principi-
bus & potesta-
ribus iis, quae
Deo sunt ho-
noris defere,
cum scilicet
qui religioni
non sit contra-
rius.

Lucius quidam
Christianus vir,
videns tam te-
mere datam sen-
tentiam, contra
Christum
quendam ait
ad Tribunum
iudicem: Quid
quiso causae
est, quod neq;
adulteri, neq;
corruptorem,
aut homicidam
vel latronem, ra-
pioremq. aut
alterius cuius-
libet facinoris
reum, sed tan-
tum pro no-
mine Christi a-

††

gatione

no, quod hoc se vocabulo confessus est, nuncupari a Tribuno duci hominem praecipisti? Non sunt haec digna pro Imperatore, nec sapientissimo puero filio eius, neque sacro Senatu, quae agis o Urbici. Eusebius lib. 4. cap. 17.
Cyprianus de simplicitate praelatorum: Haec est in Ecclesia non tendenda superbia, haec charitas obsequenda ut columbae, dilectio fraternitatis imitetur, ut mansuetudo & lenitas agnis & ouibus aequetur. Quid facis in pectore Christiane? Luporum feritas? & canum rabies? & venenum lethale serpentum & cruenta leuitia bestiarum?

*Erasmi in annot.
ad 1. Corint. 15.
vers. Omnes qui
dem resurgemus,
etc. in fine: Dis-
fisi praefidiis.*

quibus armatos decet esse Theologos, ad violentiam confugiunt quasi cogi possit humanum ingenium ut aliud credat quam sentit. Idem 2. Cor. 1. vers. Dominamur fidei vestrae, &c. Fides libera est, dominium necessitatis, ut interpretatur Ambrosius. Hæc animaduertenda nobis, qui fidei ac religionis titulo ad tyrannidem abutimur.

gatione, quæ per vos Ordines illorum auctoritate hodie fiunt
& decernuntur: sed & in Actis firmissimis argumentis ostenditur,
quod hæc intercessio apud Status & populum fuerit,
& quod impiissimè fecerint Theologi, qui tale consilium magistratui dederint, brachiumque seculare in religionis negotio
inuocauerint.

HIS ita expositis, venio ad ea, quæ post id tempus apud nos acciderunt: quæ sanè non sic considero, quasi inde nos Rex læsæ Maiest. diuinæ, quam ipse vindicandam habeat, vel etiam Maiest. ipsius læsæ culpæ & condemnare possit; sed ut pœnam Dei, qua ipse suam Maiestatem & iniuriam, quæ filio suo Regi regum illata est, aduersus Regem, aduersus Ordines, aduersus populum, & præcipuè aduersus Doctores & sacerdotes ecclesiæ vindicare voluit. Circa quod in primis notandum est, iustum Deum pro sua iustitia neminem punire, nec condemnare, quem non prius ex propria confessione, ex proprio iudicio, ex propriis factis coarguerit & conuicerit: Deinde prout cuiusque animus est, cuiusque propositum, secundum ordinem quem ipse constituit, delinquentes erga se castigat & punit.

NUNC initium & progressum huius pœnæ consideremus: Qui primò Placitis Regis se opposuerunt, hi ex Statibus fuerunt, & in Concilio Status Placita ista abrogata sunt, introductaque quædam religionis transactio; deinde missi legati ad Regem, ut confirmationem & abrogationis & transactionis istius à Maiestate eius impetrarent. hic redargutio & confessio quædam sui delicti extitit, at quam nondum cum pœnitentia agnouerunt. Sed amplius, prius
quàm

quàm resolutio Regis fieret, religionis prior forma mutari, & noua permitti; deinde, ne quid deesset, imagines destrui cœperunt. Ex hoc factò non illi solùm, qui id perpetrarunt, sed & reliqui omnes, quod cùm possent non prohibuerint istud (potuerunt quidem istud iudicio Hispanorum, sed qui presentes fuerunt, perhibere audent manum quandam Deifuisse) ex hoc tamen factò omnes rei diuinæ & humanæ Maiestatis apud Regem & Hispanos constituti sumus: Sed, qui ad veritatem, & ad Dei iudicium respiciunt, longè aliter sentiunt. factum quidem illud, politicè & humano more non probant, sed intelligunt, Deum per hoc factum, & Status, & populum, & Regem erudire & conuincere voluisse, si tam graue piaculum iudicent, lapideas & ligneas statuas frangere & demoliri, quantum piaculum sit, homines, sine vllò discrimine sexus & ætatis, qui ad imaginem Dei facti sunt, & quorum sine dubio magna pars iam imago Dei, hoc est, Christiani erant, destruere & euertere? Si quauis pœna illos dignos iudicent, qui hoc factum perpetrarunt (in qua sententia adhuc, nisi quatenus ex metu se reprimunt, multos ex nostris hominibus esse verisimile est: Hispani verò absque vlla pœnitentia in ea perseverant) quis dubitare poterit, Deum pro sua iniustitia, nolle quoque suas imagines, in quibus glorificari vult, inultas sinere?

auram autem humanam ad imaginem & similitudinem diuinam esse perfectam. Quare ne tam crudeliter imaginem Dei iugulari præcipiat, irritaturum enim fabricatorem illius imaginis supplicio. Quin & hoc cogitet hæc ab eo tam iracundæ æræ imaginis respectu geri. Quanto autem imago animata inanimatæ præstet, neminem latere: præterea etiam in mentem ei hoc veniat, facile nobis esse pro vna æræ imagine plurimas restituere: ipsum verò præstare non posse, vt vnum saltem pilum interemptorum fabricetur. Hæc Nicephorus Eccles. hist. lib. 12. cap. 44. Augustinus ad Eusebium Africæ præconiuilem: Quicquid mali contra Christianam societatem ab hominibus impijs ingratiusque committitur, profecto grauius est, quàm si in alios talia committantur.

FUIT ergo hoc factum prima occasio pœnæ Dei in miseram patriam nostram, & tanto grauior æstimanda, quòd non ab extero aliquo Principe, & milite exerceri in nos voluerit,

†† 2 sed

Macedonius
Anachoretæ ad
Prefectos Theodo-
doli Impera-
toris, missis vt
animaduerte-
rent in Antio-
chenos, qui
arcam imagi-
nem demoliti
fuerant, sicut:
Nunciate Im-
peratori, non
Imperatorem
solum esse se,
verum & ho-
minem, quam
ob rem nõ im-
perium tantum
suum existimet,
sed & naturam
ei consideran-
dâ esse: cumq;
sit ipse homo,
communis ge-
neris subditos
se habere: na-

sed ut nos ipsi unus de altero poenam sumeremus. Cetera facta, mutationes, calamitates & miseriae nostras, quae nunc hic, nunc illic inciderunt, quia omnibus nota sunt, enarrare praetermitto: satis est istud modò indicem, unum malum semper aliud excitasse, ut nec opus unquam rectè inceptum, multò minùs ad finem peruenisse; neque tum neq. adhuc videri possit, iniiciente Deo novas semper occasiones, quibus utrinque nunc animi deiecti, nunc rursus erecti fuerunt. Sed & ipse euentus ostendit, nullas hic vires, nullas copias, nullas personas ab utraque parte aliquid valuisse, nec consilia vlla & pacificationes, sed & in nihilum omnia ista redacta fuisse, & illustres ac nobiles personas partim miserè periisse, partim turpiter ab incepto opere discessisse: poenam vero Dei ulterius semper progressam fuisse & adhuc hodie progredi.

„Esa. 8. Confo-
„ciamini o po-
„puli & conte-
„rimini. acci-
„pite vos & con-
„terimini. Inite-
„cōsiliū & iu-
„rium fiet: lo-
„quimini ver-
„bū & non fiet,
„sed Emanuelis

„Psal. 75. Deus
„iudex est, qui
„hunc deprimi-
„t & illum extol-
„lit. Nam calix
„in manu Dñi,
„& vinum tur-
„bidum est. ple-
„nus mixtione,
„ex quo fudit:
„Veruntamen
„facies eius quas
„expresserint,
„bibent omnes
„improbi terræ.

AN verò nunc defectio ista, quam quaedam provincia & ciuitates faciunt, vel sibi vel aliis noua occasio ad maiores calamitates erit, ut & ipsa, vel alia quae ab istis malis hactenus liberae manent, partem suam, si eidem crimini se obnoxios coram Deo reddiderunt, non minus quàm alia accipiant, nouit Dominus, & euentus declarabit. Hoc tamen ex iis quae dixi, constare arbitror, à neutra parte quenquam predictorii criminum quae ab Hispanis nobis obiciuntur, reum esse, quasi vel contra Maiestatem diuinam, quam Rex punire debeat, vel contra Maiestatem ipsius deliquerimus: nihilominus grauissimam esse culpam, qua Deum offendimus, sed quae non tantum ex parte nostra, siue Status, siue magistratus, siue etiā populum consideremus; sed multo magis ex parte Regis & Consiliariorum Maiestatis ipsius commissae est. Et hanc culpam dico omnium calamitatum nostrarum causam esse

esse. An nunc illa per separationem istam, quæ & apud vos, & hic quaesita est, tolli possit, imò an non potius oppugnatione alterius partis, ira Dei magis accendetur, prudentibus indicandum relinquo. Hoc tamen certo certius mihi scire videor, vos qui alios oppugnare statuistis, siue hoc nouum & detestandum bellum erga propria viscera vestra cum Hispanis, vel soli eorum auspiciis aggredimini, vos inquam nullis magis quam vobis ipsis nocituros esse; tantum abest, ut quam speratis victoriam & gratiam ab Hispanis, de popularibus vestris reportaturi sitis: vel etiam multo grauiora metuam, quæ hoc publico scripto declarari nequeunt.

IN summa, quid politicè expediat, non est necesse ut vllum ex quauis parte admoneam: vos enim omnes ipsi intelligitis (quidam saltem modum ambitioni & superbiæ suæ imponant) quātum momenti vobis in mutua beniuolentia & concordia positum sit, ne alijs aliorum calamitates & miseriae ipsimet aggrauetis, sed quò prorsus ab iis liberemur, causa eorum auferri debet, quæ in his duobus potissimum sita est, ut super contempta luce gratiaq; Dei, & sanguine innocentium hominum propter eam effuso poenitentiam agamus: deinde eidem luci & gratiæ maiorem locum dare incipiamus: quā in primis monemur & docemur, ut potius simplici, puræ ac sanæ doctrinæ Christi, quàm humanis constitutionibus & inuentionibus fidem adhibeamus: Secundò, ut eum cultū Dei, non qui in creaturis, externisq; rebus, & egenis mundi elementis, quibus diuina virtus affingitur, quā tamen nemo accipit vel experitur: sed qui in spiritu & veritate positus est, qualem Dominus instituit, amplectamur & exerceamus:

†† 3

Tertiò

nos faciendum putauerit, sed quid primus qui ante omnes est Christus prior fecerit.

Augustinus de doctrina Christiana: Miserabilis est seruitus animæ cum signa habentur pro eo quod signa designant, nec oculos mentis supra corporatas creaturas ad percipiendam æternam lucem possumus erigere.

Ecclesiast. xviij.
Qui lapidē in altum mittit, super caput suū mittit: & plaga dolosa diducit vultus. Quia alteri fedit foveam, in ipsam incidet: & qui statuit laqueum proximo, capietur ipso. Qui mala molitur vicino, malis inuoluetur, & cetera. Unde ubi inquant.

Christianus: Ha-
mana tradit o-
non est ante-
ponenda diui-
nae dissolutioni:
nec homi-
nis consuetudo
sequenda, sed
Dei veritas. Si
solus Christus
audiendus est,
non debemus
attendere quid
aliquis ante

Ambrosius in 1. ad Corinth. Magnus error est & ad Dei contumeliam pertinet quando Deo praedicatio gloria datur hominibus. Quid ergo minus est a gentilitate dum adhuc aliquid diuini & salutis de hominibus speratur?
Idem: Plantare est euangelizare, & ad terram trahere: rigare vero baptizare solennibus verbis: peccata autem dimittere & Spiritum dare, Dei solius est. Si ergo effectum salutis Deus dat, nulla gloria in hac re hominis est.

Tertio, omnem potestatem, quam homines sibi in diuinis negotiis usurpant, remissione peccatorum, datione Spiritus sancti & erogatione multarum confictarum gratiarum, ab illis ad Christum Dominum transferamus, eamque illi soli attribuamus. Circa hac reconciliatio nostri cum Deo versatur; ad quae quia haecenus non attendimus, omnes nostri conatus irriti fuerunt, & erunt quoque tamdiu vani & inutiles, quamdiu operam dare neglexerimus, ut tria ista, nempe sana doctrina, verus Dei cultus, & potestas tam in caelo quam in terra, in eum modum, quo à Christo Domino docta, instituta & demonstrata fuerunt, eidem restituantur.

Pro confirmatione huius consilij videatur praefatio eruditissimi viri Ioannis Sturmi ad Dominum Io. Neruium, in explicationem Psalmorum Conradi Heerebachij scripta. 15.

QVO id fiat commodius & rectius, nihil habeo in hoc tempore aequè conueniens, quod consulam, quam ut ex singulis prouincis viros aliquos pios, iustos, moderatos, in sacra Scriptura, Patrum & neotericorum doctrina versatos, ab utraque parte deligatis & ordinetis ad numerum quinquaginta vel plures, qui de articulis fidei inter se, inuocata gratia Domini, conferant, quid vel admitti vel non admitti debeat, inter se deliberent, conuenta & conclusa ad Ser. T. vosque Ordines generales referant: ita tamen ut cuique ex populo permittatur quoque de iisdem articulis, hoc quod sentit, liberè sed religiosè vel ore vel scripto ibidem proponere, inquisitio enim hac libera & Deo grata erit, & multis ad salutem seruiet: ad quam si vera poenitentia accederet vel potius praeriret, magistratus sine villo discrimine religionis, ex viris qui iustitiae & naturalis virtutis nomine commendantur, constitutus fuerit omnibus omnium iudiciorum corruptelis amputatis; sperarem Deum pro infinita sua misericordia nostris malis finem impositurum, & nos in iis qui nos affligunt visuros

visuros ira Dei pœnas mirabiles . Hæc vt tam sincero ani-
mo quàm à me , ex vero amore (quo communem patriam
nostram prosequor,) dicta sunt, quali animo quoque breues
illas Annotationes Orationibus vel Scriptis vestrorum Le-
gatorum subiunxi , accipiat, vos etiam atque etiam rogo.
Quod reliquum est, gratiæ & misericordiæ Dei Opt. Max.
vt in ea per Christum Iesum agatis, viuatis & valeatis,
vos omnes supplex commendo . Colonia VI. Decembr.
Anno M. D. LXXIX.

ACTA PACIFICATIONIS.

AD CONVENTVM, qui per Cæsarem Coloniae indictus erat, in quo de pace inter Sereniss. Regem Catholicum, & Ordines Belgij ageretur: à Sereniss. Archiduce Mathia & Ordinibus electi & legati fuerunt Illustrissimus Princeps Dominus Philippus de Croy, Dux de Arschot: Dominus Ioannes vander Linden, Abbas S. Gertrudis: Dominus Fridericus de Yue, Abbas de Marolles, rerum Status Consiliarij: Dominus Bucho Aytha Præpositus S. Bauonis: Caspar Schetz Eques, Dominus de Grobendonck & Wesemael: Franciscus d'Oygnies, Dominus de Beaurepar: Adolphus de Meetkerke, Scutifer, rerum Status Consiliarius: Adrianus vander Milen I. V. Doctor, & in Concilio Hollandiæ Consiliarius: Bernardus de Merode Baro, Dominus de Rumen: Adolphus à Goer, Dominus de Kaldenbroeck: Aggæus de Albada I. V. Doctor.

Hi omnes, exceptis duobus, qui tum temporis ibi agebāt, & excepto Francisco d'Oygnies, qui propter defectionem, quam Hannonia & Artesia moliebantur, emansit, IIII. Maij, M. D. LXXIX. Coloniam sub vesperam aduenerunt.

CONVENERANT eodem iam antè Reuerendissimi & Illustrissimi Electores & Principes: Dominus Iacobus Treuirenſis, & Dominus Gebhardus Coloniensis Archiepiscopi & sacri Romani Imperij per Galliam, regnūmq. Arelatense Archicancellarij: Dominus Iulius, Episcopus Herbipolensis, Dux Franconiæ: item Illustrissimi Ducis Iuliacensis, Cluiæ & Bergæ nomine, nobilis vir Wernherus Dominus de Gymnich, & Generosus Comes Ottho Henricus, Comes in Swartzenberg, Dominus in Hohenlansberg, Sacræ Cæsareæ Maiestatis Commissarij.

SIMILITER ex parte Seren. Regis Catholici, Dñs Carolus ab Aragonia, Princeps Castri vetrani, Dux Terræ-nouæ.

A V. Maij

Dominus de Vaulx: Dominus Ioannes Funck Præpositus: Christophorus de Assenleuile Consiliarius
Regius: Urbanus Scharenberg, Secretarius.

Adfuit quoque ibidem Dominus Castaignetius Archiepiscopus Rossanensis nuntius Apostolicus.

Consiliarij eius: Maximilianus de Longueval Consiliarius

*Ante omnia
legati Ordini
inducias
inesundas esse
sensuerunt.*

V. M A I I hora octaua manè, cōsilio inter legatos Ordinum habito, relectis Mandato & instructione sua secundum præs-scriptum illius primū Iohannem de Kessel in Secretarium suum elegerunt, qui iuramentum illis ad hoc conueniens eodem momento præstitit: Deinde visum iis fuit à prandio Comitē de Swartzenberg conuenire, ad exhibendum illi litteras Credentiarum, vt vocant, quas ad ipsum à Serenis. Archiduce Mathia & Ordinibus habebant, & vt gratias ei agerent, quòd ipsius opera & studio ad tractationem istam de pace peruenissent; simul etiam rogarent, ne desisteret quandiu non ad optatam prorsus catastrophē deduxisset. Vltimò cognoscerent ex eo num putaret Cæsareos legatos sua sponte inducias proposituros & vsuros: Metuebant enim, ne si ipsi proponerent & vrgerent, Hispani difficiliōres & insolentiores fierent. De ceteris etiam, quæ ad modum & ordinem agendi & procedendi spectare putabant, cum illo communicarent.

A prandio ergo ijs quæ diximus expeditis & propositis, singulariter autem Comiti explicato, quid de induciis in mandatis haberēt, vt interea dum de pace inter se tractarent, vtrinq. cessatio ab armis iniungeretur: Ad ea omnia Comes tum temporis (in summa dictum) nihil aliud respondit, quàm se optimam spem de felici euentu concepissee; ad quem etiam consequendum, se nulli operæ & labori parciturum.

*Præcipua
caussa erat,
quòd nō antè
diplomata
ruri & liberi
accessus ac-
cepissent.*

V I. M A I I à prandio circa tertiam, Legati Ordinū primò Electorem Treuirensē, deinde Electorem Coloniensem, vltimò Episcopum Herbipolensem accedunt, eosque Serenis. Archiducis Mathiæ & Ordinum nomine salutant, gratiisq. actis, quòd in se hoc negotium suscepissent, atque eo Cels^{bus} eorum commendato, moram, quam in veniendo fecissent, excusant; de litteris Credentiarum, quas ad ipsos haberent, simul etiam de Mandato suo indicant, quæ quando vellent, exhibituros se offerunt. Responsione more solito facta, dies illis ad exhibendum ista crastinus aut ad summum perendinus constituitur.

V I I I. M A I I Legati Ordinum vocati, exhibent Dominis Commissariis litteras Credentiarum, de quibus paulo antè dictum est. Illi vicissim legatis exhibent litteras Imperatoris ad ipso

3

ipfos datas, quibus, quidnam in mandatis haberent, exponebatur. Deinde multis verbis pacis necessitatem iis ostendunt, desiderium & studium suum ad eam declarant: petunt huiusmodi media à Legatis proponi, quibus Rex inducatur, ut ipsi reconcilietur. Ultimò editionem Mandati eorum exigunt. Quid ad ea responsum fuerit, quia postea in scriptis illa dari sibi postulauerint, referre hîc supersedeo. Sed cum Illustriss. Dux Arschotanus ipsemet ea Gallicè elocutus fuisset, Domini Commissarij postulant, ut iuxta morem Imperij, legati Ordinum vel Germanicè, vel saltem Latinè posthac loqui velint: ea verò quæ in scriptis exhiberent, non Germanicè, sed Latinè conciperent. Altero die rursus admonitio de eadem re illis domi, per quosdam Consiliarios facta est, qui petebant quoque Latinè sibi in scriptis ea exhiberi, quæ præcedenti die à Domino Duce Gallicè dicta & proposita erant. Legati ergo Ordinum ex suis in Oratorem deligunt & ordinant Doctorem Albada, qui communi nomine ea quæ vnanimiter iuxta instructionem suam deliberassent & conclusissent, proponeret, & ubi opus esset in scriptum redigeret: quia tamen erant ex iis, qui ne inferiorem quidem linguam Germanicam intelligerent, visum illis fuit non solum scribendo, sed & dicendo Latina lingua uti. Eodem igitur die sequens scriptum concipiunt, & ad dominos Commissarios transmittunt.

*Brenis explicatio eorum, quæ octaua Maij Legati
Ordinum ore exposuerunt.*

IN primo ingressu Reuerendissimis ac Illustrissimis Sacri Rom. Imperij Electoribus & Principibus, nobili ac præstantissimo viro Illustrissimi Ducis Iuliacensis legato, S. Cæs. Maiestatis Commissariis exhibuimus litteras nostras Credentiales, quas à Sereniss. Archiduce Austriæ & Ordinibus Belgij ad Celitudines & dignitates ipsorum habuimus. Et cum ad eas clarissimus vir Cancellarius Treuirensis vicissim nobis litteras Cæs. Maiestatis tradidisset, & vnà cum iis desiderium & studium inprimis Imperatoris, deinde Electorum & Principum Commissariorum nobis declarasset, simul etiam calamitates & miseras, in quibus versaremur, nomine eorum aperuisset, cum exhortatione quò ad huiusmodi media intenti esse velle-

*Albat tum
tēporis Comes
à Suruart-
zenberg.*

A 2 mus,

4
mus, vt Regi Hispaniarum nostro naturali Domino reconciliaremur, firmaque pax inter nos tandem constitueretur: Illustrissimus Dux Arschotanus nomine Archiducis & Ordinum Cels^{bu} & Dignitatibus dictorū Electorum & Principū amicē, humillimē & officiosē pio desiderio & studio isto gratias egit, multisque ex causis ostendit, nihil magis ipsi Duci & Ordinibus in votis esse, quā vt pax ista coiri possit; nec vnquam per eos stetisse, quin iampridem æquis conditionibus inita & cōclusa fuerit, nisi per Regem & ipsius Duces impedita esset. Rogare etiam vt in eo animo & voluntate perseverare velent; Archiducem & Ordines id omni amore, officio ac obsequio compensare ac demereri cupere.

PORRO cū ex litteris Illustrissimi Principis Auraici, quas ad Ducem Arschotanum dedit, colligi possit, non solūm hīc de pace agi per eos, quos Sereniss. Rex Hispaniæ ad hunc conuētum ablegauit, sed etiam Principem Parmensem idem tentare: deinde aliunde constet, quosdam alios ex nostratibus Nobilibus hanc potestatem sibi arrogare, quod non minus cum subditis Maieft. ipsius tum publicē cum omnibus, tum priuatim cum singulis agere possint, eaque tractatio non tantū ad imminutionem auctoritatis Cæs. Maieftatis, sed directē quoque commissioni Reuerendissimorum Electorum & Principum, qui ad hunc conuentum electi sunt, repugnet; ad
1. hęc confusionem totius negotij & prouinciariū distractionem in pacis & multorū præiudiciū illatura sit: Has litteras Illustrissimus Dux Cels. & Dignit^{bus} ipsorū prælegere, & exemplar earum petentibus exhibere voluit, vnāque Archiducis & Ordinum nomine rogare, vt de Mandato Illustrissimi Ducis de Terra-noua inquiratur, & si ipsi soli hoc negotium commissum sit, æquū esse vt idem negotium aliis interdicator.

ANNO TATIO.

1. *Ad verbum Prouinciarum distractionem, &c.] Statim ab initio multi suspicati sunt, cū Princeps Parmensis, & vnā cum eo aliquos Nobiles, sub prætextu singulari Mandati, in hoc incumberent, quomodo in Belgio Hannoniam & Artesiam ab aliis prouinciis amouerent: Ita ex altera parte per hunc conuentum Hispanos præcipuē elaboraturos esse, vt simul etiam alias prouincias, quæ fœdere adhuc iunctæ sunt, vel saltem ciuitates in iis sitas, à se inuicem alienarent, atque ita per discordiam & factiones, alias ab aliis separarent, imbecillioresque redderent.*

Adm.

Aduersus hunc conatum optimè facient Ordines, si perpetuò insignium suorum memores sint, vel eius apophthegmatis, ex quo illa desumpta videntur: quod Apophthegma hîc ascribere non graua bor.

Scylurus octoginta liberos masculos habens, cùm esset moriturus, fasciculum iaculorum singulis porrexit, ut singuli rumpere. id cùm singuli recusassent, eo quòd videretur impossibile, ipse singula iacula exemit, atque ita facile confregit omnia, filios admonens his verbis: Si concordēs eritis, validi inuictique manebitis; contrà, si dissidiis & seditione distrahemini, imbecilles eritis, & expugnati faciles. Non potuit Scythia magis Scythicè rem ob oculos ponere. Erasmi. Apophtheg. lib. 5.

Scythicus.

LITTERÆ IMPERATORIS.

*Rudolphus secundus diuina fauente clementia electus
Romanorum Imperator semper Augustus.*

REVERENDI, Illust. Generosi, Magnifici, Nobiles, honorabiles, prudentes, deuoti & fideles nobis dilecti. Cùm pacis inter Sereniss. Principem Dominum Philippum Regem Hispaniarum Catholicum auunculum, sororium & fratrem nostrum charissimum ac Sereniss. suæ prouinciarum Belgicarum Ordines & Status tractandæ negotium nobis vtrimque concreditum sit: Nos iis quæ hoc loci à nobis expectari possunt, deesse nolentes, Venerabiles & Illustrem Iacobum Treuirenses & Gebhardum electum Coloniensem Archiepiscopos, Sacri Romani Imperij per Galliam regnumque Arelat. & Italianam Archicancellarios Principes Electores & nepotes nostros charissimos, ac Guilielmum Ducem Iuliacensem, Cluiæ & Bergæ, consanguineum, affinem & principem nostrum charissimum necnon nobilem nostrum & Imperij sacri fidelem dilectum Orthonem Héricum Comitem in Schwartzenberg, Dominum in Hohenlansberg, nostrum Consiliarium & supremum Curia Mareschalcum isthuc Coloniam destinauimus, ut iidem coniunctim vel diuisim nostro nomine & tanquam Cæsarei Commissarij nostri eius rei curam suscipiant, ac quanto maiori studio in id incumbant, ut omnia ad tranquillum statum reducantur, uti ex ipsiſ vberiùs intellecturi estis. Quapropter vos beneuole clementerque hortamur &

A 3

requi-

requirimus, vt tanquam dictorum Statuum Belgicorum Legati & Mandatarij non solum iisdem Commissariis plenam in omnibus quæ sic nostro nomine vobiscum acturi sunt, fidem non secus ac si nos ipsos audiretis, præstare: verumetiam ita vos exhibere velitis, vt haud quicquã in vobis desiderari possit quod ad salutarem pacem conciliandam, stabiliendamque opportunum necessariumve videri queat. Quod cum de vobis planè expectamus, tum verò ditionibus istis Belgicis operam inprimis vtilem atque necessariam præstituri, ac id effecturi estis, vt patria vestra à totali interitu, cui proxima est, vindicta optata tandem quieti suoque pristino nitore, vti maximè optamus, restitui possit. De cetero beneuolentiam & gratiam nostram Cæsaream vobis propenso animo deferimus. Datum in arce nostra Regia Pragæ die xvij. mensis Martij, Anno Domini millesimo quingentesimo septuagesimo nono. Regnorum nostrorum Romani, quarto: Hungarici, septimo: Bohemici verò itidē quarto. Signatum *Rudolphus*. Inferius ad latus dextrum *Vt. Sviehenser*: & ad latus sinistrum erat scriptum: *Ad Mandatum Sacre Cæs. Maiestatis proprium*. Infra signatum *Phernberger*. Superscriptio: *Reuerendis, Illust. Generosis, Magnificis, Nobilibus, honorabilibus, prudentibus, deuotis & fidelibus nobis dilectis N. Statibus & Ordinibus Belgicis, vel eorundem Legatis Coloniam destinatis*. Consignatum magno sigillo ex rubra cera.

COPIÆ CREDENTIALIUM

Ex lingua
Germanica in
Latinam
translata.

*Ad Sacr. Rom. Imperij Electores & Principes Roman.
Cæs. Maieft. Commissarios, &c. Colonia nomine
Archiducis & Ordinum mutatis mutandis.*

REVERENDISSIMI Electores & Principes amicabili nostro seruitio, & quicquid alioquin vel chari vel boni possumus, præmissio, dilecti Domini & amici: Posteaquàm Rom. Cæs. Maieft. clementissimo Domino nostro & fratri, ex Christiano pacifico paterno affectu, ad prægressum Seren. Regis Hispaniæ &c. consensum, adiuuante diuina gratia, per suam Cæsaream intercessionem in ciuitate Coloniensi pacificatio-

7
ficationis tractatum agere, eoque calamitosas has prouincias
& subditos à diuturno damnosissimoque bello subleuare ele-
mentissimè placuit. Ad quem etiam vestræ dilectiones, vt ei
rei suam operam præstent, amicè & beneuolè in propriis per-
sonis comparuerunt. Atque nos sanè vnà cum his prouinciis
nihil acceptius & gratius à Deo Opt. Max. quàm constantem
ac salutarem pacem optare sciamus, nec possimus. Ideò ad
eiusmodi pacificationis tractatum Illustrissimum Princi-
pem Philippum de Croy, &c. (*reliquorum nomina in sequenti*
Mandato ponuntur.) cum Instructione plenòque Mandato
ablegauimus, prout vestræ dilectiones coràm ex ipsis intelli-
gent. Requirimus ergo ab iisdem vestris dilectionibus pror-
sus amicè vt velint prædictis nostris & Ordinum harum prou-
inciarum Legatis, non solum in iis, quæ nomine nostro pro-
posituri sunt, sicut nobis ipsis plenam fidem dare: sed ad ea
etiam tam amicè se præstare & exhibere, prout id vestris dile-
ctionibus tanquam pacificis Electoribus & Principibus, præci-
pui membris sacri Imperij ad consolationem harum afflictis-
simarum inferiorum ditionum, & ad constitutionem piæ fir-
mæque pacis conuenit & factu notum sit. Quemadmodum
etiam nos de iisdem omnino nobis promittimus: id quod
grata amicitia officiosè promereri quouis tempore parati su-
mus. Antwerpia xvi. Aprilis, M. D. LXXIX.

Mathias Dei gratia Archidux Austriae.

Mandatum Legatorum Ordinum.

Nos Mathias, gratia Dei Archidux Austriae, Dux Bur-
gundiae, Stiriae, Carinthiae, Wirtembergae, &c. Comes
Habsburgi, Tirolis, &c. Gubernator & Capitaneus generalis
Belgij, siue Germaniae inferioris, per Ordines generales ad id
electus, & Prælati, nobiles ac deputati ciuitatū repræsentantes
eosdem Ordines ad id inpræsentiarum specialiter & sollempni-
ter conuocati, competentique numero congregati, in ciuitate
Antvverpiensi: Omnibus qui has præsentis litteras visuri sunt,
salutem. Quandoquidem communicatio per nostros deputa-
tos in ciuitate Louaniensi mense Augusto ultimo elapso ha-
bita, cum Commissariis quondam Domini Ioannis Austriaci,
super

*Ex Gallico in
Latinū ver-
sum de verbo
ad verbum.*

super negotio pacificationis harum miserarum turbarum & bellorum, quibus hæ prouinciæ adeò sunt extenuatæ, non fuit perfecta, neque consequi potuit fructum desideratum & necessarium, ad vitandam integram earum ruinam, ex causa quòd per litteras Regis Catholici, pendente eadem communicatione, potestas perficiendi esset adempta dicto Domino Iohanni, omniq. permissa Imperat. Maiest. qui vti Mediator & amicabilis compositor, dignatus fuerit suam auctoritatem interponere, & ad hunc finem mittere aliquos Principes, aliosque suos legatos in ciuitatem Colonensem: Nos certiores quoque facti de bona intentione dictæ suæ Maiest. Regiæ, optantes nullum medium aut occasionem prætermittere, quò dictæ prouinciæ & earum incolæ liberentur ab iisdem bellis, turbis & calamitatibus, vt in posterum quilibet conseruetur & manu teneatur in pace ac quiete, necnon in suis iuribus, libertatibus & fortunis ad honorem Dei, & seruitium suæ Regiæ Maiestatis, ad incolumitatem & tranquillitatem suorum bonorum subditorum ac patriæ amantium: Notum facimus nos in supradicta qualitate, commisisse & deputasse, committere & deputare per præsentis, dilectum nostrum & charissimum cognatum Philippum Dominum de Croy, Equitem aurei velleris, Ducem de Arschot, Principem de Chymay & Portien, & Comitem de Beaumont & de Senighem, &c. Reuerendos in Deo patres, Dominum Iohannē vander Linden, Abbatem S. Gertrudis: Dominum Fridericum de Yue, Abbatem de Marolles, rerum Status Consiliarios: Dominum Buchonem Aytha Præpositum S. Bauonis Gandauenfis: Casparum Schetz Equitem, Dominum de Grobendonck, & Wesemale, thesaurarium generalem dominiorum & financiarum: Franciscum d'Oygnies, Dominum de Beaurepar: Adolphum à Meeterkerke, Scutiferum, rerum Status Consiliarium: Adrianum vander Milen, legum Doctorem, Consiliarium in concilio prouinciali Hollandiæ: Bernardum à Merode, Equitem, Dominum de Rumen: Adolphum à Goer, Dominum de Kaldenbroeck, & Doctorem Aggæum de Albada. Quibus omnibus simul, vel quinque aut sex ex illis dedimus, & his præsentibus damus plenam auctoritatem & mandatum generale ac speciale, ad comparandum coram dictis legatis Imperatoriis, & vltorius cum deputatis dictæ suæ Regiæ Maiestatis ad præ-

ad præfatam communicationem procedendum, tractandum, deliberandum & concludendum bonam aliquam reconciliationem & pacificationem, vti pro maiori vtilitate & securitate Reipub. & singulatim ad liberationem harum ditionum ab omnibus exteris militibus ipsis videbitur expedire; planè iuxta instructionem quam à nobis habent, atque ad hunc finem sese obligandum deputatis præfatæ suæ Maiest. Catholicæ; ea lege vt omnia sint conclusa & consummata intra sex hebdomadas à primo die communicationis. Quibus elapsis tenebuntur ijdem deputati statim huc reuerti, neque vltius tractare. Poterunt quoque ijdem deputati eligere tales personas, quas ipsis videbitur, qui illis opem ferant ac assistant, atq. etiam Secretarium, quo vtentur ad omnia, quæ occurrent ad effectum prædictum, dantes ei facultatem & auctoritatem debitè annotandi, describendi, expediendi & signandi omnia acta. Promittentes bona fide, & sub obligatione nostri & cuiuslibet nostrum, nostrorumque successorum singulatim & generaliter, vnà cum bonis nostris quibuscumque præsentibus & futuris, nos habituros gratum, ratum & firmum in perpetuum omnia & singula puncta & articulos, quos dicti nostri deputati nostro nomine concordabunt & concludent, & omnia rata habere ac inuiolabiliter obseruare & obseruari curare, præstare & implere, nec iis vnquam contrauenire, vel pati contraueniri, directè vel indirectè, quocunque modo id fieri possit. In quorum testimonium, nos Mathias Archidux Austriæ, Dux Burgundiæ, &c. has præsentēs manu nostra propria subsignauimus, & sigillo armorum nostrorum muniuimus. Ac nos Prælati, Nobiles & Deputati supradicti iisdem iussimus appendi sigillum nostrum cōmune, easq. signari per vnum ex nostris Secretariis. Antvverpiæ nono die Aprilis; Anno Domini millesimo quingētesimo septuagesimo nono. Signatum *Mathias*, addita impressione sui sigilli; cui subscriptum erat, *De mandato sue Serenitatis*. Et subsignatum, *N. Sille*. ab altera parte subscriptum erat; *De mandato dictorum Ordinum*; & signatum *A. Blyleuen*. vnà cum magno sigillo rubræ ceræ impressio duplici cauda appendente.

B

LIT.

LITERÆ PRINCIPIS

AVRAICI.

Ex lingua
Gallica in
Latinam
translata.

Domino meo, Domino Duci Arschotano.

EQVIDEM optassem, mi Domine, iter tibi felicius, quàm ex literis tuis Breda scriptis accidisse intelligo. Spero tamen exiguam hanc profectionem aliquid profuturam, videlicet ut te magis misereatur eorum, qui tam multo tempore cubandi in nauibus quasi opificium exercuerunt, idque frequenter magno cum periculo. Interea etiã tuas accepi Neomago scriptas, pro quibus gratiam habeo. A discessu tuo Ordines generales acceperunt literas à Statibus Artesij, quibus exponunt non fuisse opus pro pace Coloniam mittere, quoniam Imperator mora tempus extraheret: Verùm si vellemus Atrebatum mittere, legatos Principis Parmensis bonam pacem nobiscum inituros. Vnde facile colligi potest Principem Parmensem in Artesio inuenisse homines idoneos ad promouendum potius sua priuata negotia quàm publica totius Belgij. Id quod adhuc manifestius apparebat, ex eo quod superioribus diebus Montibus Hannoniæ in Comitibus tractatum fuit, quod iuerunt Marchio Hauræus & Dominus de Fresin. Nam legati Artesij qui ed. venerunt, proposuerunt Principem Parmensem mansurum Gubernatorem generalem Belgij tribus mensibus post discessum Hispanorum. Ex quo vides mi Domine, primùm eos velle gubernationem Domini Archiducis repudiare; deinde paulatim progredi, ac postea sua per otium stabilire. Ecclesiastici approbant id quod per Artesienses propositum est, & oppidum Montense videtur in eandem sententiam iturum, sed nobilitas & minora oppida non sunt eiusdem sententiæ: nihil tamen adhuc conclusum est. Dominus à Cruninga suæ Serenitatis nomine profectus est ad Dominum de Montigny, ut ei declararet quibus fraudibus erga ipsum Hispani vtantur; uti ipse videbit ex literis interceptis quas Comes Lalenius misit: item ut ipsi indicet necessarium esse ut semel statuatur Flandria exire, quia quatuor membra Flandriæ nullo modo amplius ferre volunt, ut ibi colligat aliquas exactiones, uti hactenus fecit; quemadmodum tamen adhuc facere sperat vigore tractatus in monte S. Eligij cum

Motta.

12
Motta initi, alioqui fieri non posse, vt impediatur quin ipsi
bellum inferatur. & profectò hi motus Flandrici planè labe-
factant omnes res nostras. Quodcumq. euenerit, non decre-
quin te certiozem faciam. His commendo me tuæ beneuo-
lentiae toto animi affectu, Deumque precor vt tibi, mi Domi-
ne, largiatur prosperam & salutarem vitam. Antwerpiae po-
stridie Cal. Maij, 1579.

Tuus beneuolentiss. frater & amicus ad tibi
praestandum obsequium

Guilielmus de Nassau.

POSTea XII. Maij Domini Commissarij legatis Ordinum
quatuor puncta proposuerunt. Primum in effectu illud
est, quod sequenti scripto Ducis de Terra-noua continetur.
Secundum, quod aliquot vitia in Mandato ipsorum inueni-
rent, quæ tamen tum non explicabant, nec eo minus in caussa
progredi se velle affirmabant. Tertium, quod putarent ex-
pedire vt induciæ indicerentur. Quartum, vt media propo-
nerent, quæ constituendæ paci seruire possent.

SCRIPTVM DVCIS DE
TERRA-NOVA.

*Illustrissimi, Reuerendiss. Nobiles, & clarissimi
S. Cesareæ Maiestatis ad componendos motus
Belgicos, tum delegati, tum subdele-
gati, longè dignissimi.*

DVx de Terra-noua à Serenissimo Rege Hispaniarum
Catholico ad instaurandam sui populi Belgici pristinam
tranquillitatem, sollenniter constitutus Mandatarius, partim
intellectis iis quæ vestro iussu sibi hesterno die relata fuere,
partim etiam viso scripto, à Commissariis Ordinum eiusdem
dicti populi exhibito, mentionem faciente de facultatibus,
quarum virtute tam Excellentissimus & Illustrissimus Prin-
ceps Parmeus Regius Gubernator, Locum tenens & Capita-
neus

B 2

neus per Belgium generalis, quam plerique alij nobiles negotio pacificationis ac reconciliationis populi cum legitimo iuxta ac hæreditario suo Principe naturali sese immiscere, ac illud, quoad eius in ipsis est, promouere conantur; Respondendo proponit, dicit & declarat; quòd vobis Illustrissimis Cæsareis delegatis haud dubiè iam antea satis superque innotuerit, & signanter per inspectionem originalis Regij Mandati procurationis, septima huius præsentis mensis in amplissimo vestro conuentu exhibiti, qualiter idem Serenissimus Rex Catholicus, tum ad seriam instantiam dictæ suæ Maiest. Cæs. tum etiam singularis suæ clementiæ, ac denique paternæ sollicitudinis, tam orbi terrarum, quam vniuerso sacro Roman. Imperio manifestandæ studio, nihil sanè promptius habuerit, quam vt alacriter obsequens pio desiderio eiusdem suæ Maiestatis, totius negotij componendi curam & potestatem illi, & Principibus ab ea delegandis, mira quadam animi fiducia concederet, etiam peculiari ministro ad eum finem cum procuratione sufficienti ad locum, quò oportuit, ex Hispaniis destinato. Quo accidit quòd idem Dux supradictus ad id muneris cooptatus huc se in Belgium iampridem contulerit, & se quidem suffultus facultatibus amplissimis, prout luculenter fidem est factururus ipsemet tenor supradicti Regij Mandati.

Q V A N T V M, igitur attinet ad pia conamina, tam supradicti Principis Parmensis, quam ceterorū ministrorum nobiliū, omninò persuasum est dicto Duci, eiusmodi qualiacunque tandem illa sint, haud aliò tendere, quam vt ea qualitate, qua Regius est Locum-tenēs & Gubernator generalis, ac proinde fretus amplitudine sui Mandati generalis, perbenighè cumprimis suscipiat particulares prouincias, oppida & ciuitates, si quæ forsan præ ceteris magis auidè anhelantes ad pristinam animorum tranquillitatem, ac præterea etiam sponte memores debiti officij, quo obstrictæ sunt Regi, tanquam Principi suo naturali, suoque motu aspirant ad salutarem reconciliationem. Illud autè dicto Principi hætenus licuisse, & adhuc dum licere, res ipsa manifestior est, quam vt demonstrato egeat. Quid enim res illa obfutura studiis dictæ Maiestatis Cæsareæ, atque adeò etiam suorum delegatorum, imò potius cur ni & profutura plurimum? tâquam paucioribus superfuturis, quorum gratia laborem & sollicitudinem subire cogantur. Siquidem

dem graue nimis foret ardentioribus in spontaneam reductionem sui aditum præcludere.

CETERVM quod concernit ipsam generalem pacificationem ceterarum prouinciarum adhuc, proh dolor, laborantium, & ad debitam obedientiam nondum reductarum, nullum dubium esse potest, quin eius rei auctoritas, sicut attributa est Cæs. Maieſt. vobisque Illustrissimis eius delegatis: ita facultas tractandi, concordandi & concedendi quæcunque necessaria & oportuna videbuntur, haud dubiè impartita sit dicto Duci soli & in solidum; prout constat ex Mandato iam antè producto ad quod se refert.

ANNOTAT.

1. *Ad verb. Ad debitam obedientiam.] In hoc scripto & alibi quoque non aliter Regius legatus agit, ac si Ordines, & sub eorum nomine omnes subditi inobedientes, hoc est, perduelles existant, cum scire debuisset, ex iis quæ iam antea sapius oblata erant, atque etiam ipsemet iterum offerre proposuerat, non subditos Belgas contra Regem, sed Hispanos contra Maieſt. eius deliquisse; ipsos verò iam tot annis grauissimis iniuriis ab Hispanis affectos esse. Nam cum Rex iam antè, & nunc quoque iustum & æquum censeat, vt leges, consuetudines, immunitates, exemptiones & priuilegia eorum posthac ipsis integra & salua conseruentur, ex consequenti non potest non iniustum & iniquum astimare, quòd Gubernatores & Duces eius eam violare, abrogare & eripere illis per vim hætenus conati sunt. Vicissim secundum opinionem tam Iurisperitorum quàm Canonistarum non potest non iustum & æquum arbitrari, cum Maieſtas eius, quæ superiorem non agnoscit, per Hispanos suos perperam contra subditos suos Belgas instructa, nullum remedium oppressioni eorum adferret, quòd ad defendendum ius suum, item ad defendendum corpora & bona sua, quæ vnà ipsis auferrebantur, arma aduersus illos ceperint. Certum enim est ob nullam aliam causam, quàm quæ hic refertur, iam tot annis in armis communiter prouincias & subditos fuisse.*

Dominicus à
Soto de iust. &
iur. lib. 5. q. 1.
art. 3. Ferd.
Vasq. illustr.
contr. lib. 1.
cap. 8. nu. 33.

XIII. Maij ad scriptum illud & duo alia puncta, nempe tertium & quartum, legati Ordinum sequentem Replicam & responsum primum ore retulerunt, deinde in scripto ad requisitionem Commissariorum exhibuerunt.

B 3

SCRI

Reuerendissimi, Illustrissimi, Generose, Nobilis

S. Cæs. Maieft. Commissarij.

QUÆ Cels. & Dign. V. hesterno die placuit Illustrissimo Duci Arschotano & reliquis nobis Ordinum legatis proponere, ad ea breuiter hæc nostra responsio est.

*Non magno-
perè curasse
videntur qui-
bus modis, si
nō pronincias
omnes, saltem
aliquas in
partes suas
pertraherent,
ex causa qua
supra anno-
tata est.*

PRIMVM, quod ad scriptū illud Ducis de Terranoua attinet, posteaquā Dominus Ioānes Austriacus, dum in viuis esset, Ordinibus declarauerit, sibi penitus tractandæ pacis cōmissio- nem ademptam fuisse, atq; hoc ipsum non ita pridem scripto Generoso Comiti legato Cæsaris hīc præsenti princeps Parmensis significauerit, affirmans omnem potestatem tractandæ pacis in Cæsarem translatam esse: Illustrissimus Dux & nos reliqui admiratione quadam ducimur, & S. Cæs. Maieft. eiusq. Commissariorum autoritati parum honorificum esse censemus, Principē Parmensem de nouo sibi nō solū eandem potestatem assumere & arrogare, sed eam quoq; à Duce de Terranoua comprobari: simul etiam quōd eos gratiores & honoratiores habeat, qui cum Principe Parmensi, quā qui iussu Cæs. Maieft. cum Commissariis ipsius de pace agere cupiant. Nihilominus super hac re nullam cupimus cū legatis Regiis disputationē inire, ne principali negotio aliquod impedimentum obiiciatur, sed ea arbitrio & iudicio vestro consideranda relinquimus.

*Offerunt se
ad inducias.*

SECVNDVM de induciis, Illustrissimus Dux & nos Sacr. Cæs. Maieft. clementissimæ voluntati, quā aliquoties paterno animo suis literis Ordinibus significauit, humillimè obtemperantes, contenti sumus, vt de induciis ratio & tractatio ineatur; in quem finem cōdicionēs quoque, sub quibus illas indici æquum sit, à Cels. & Dign. V. audire & intelligere cupimus.

QUOD tertio loco de Mediis, quæ cōstituendæ paci seruire queant, propositum fuit, Seren. Archidux Austriæ, Gubernator & Capitaneus generalis & Ordines Belgij ad S. Cæs. Maieft. literas Illustrissimo Duci & nobis iniunxerūt: vt quæ placebunt Serenissimo Regi Catholico, Principi & Domino nostro naturali per suos legatos nobis proponere; vel quæ sibi ab

15
ab Ordinibus præstari velit declarare, ea audiamus & cognoscamus: quibus auditis & cognitis, arbitramur meliori tū loco, tum ordine, quæ media necessaria erunt, sua sponte se oblatu-
ra. Actum Colonia 13. Maij Anno 79.

HABITA deliberatione ad ea Domini Cōmissarij legatis Ordinum exponi faciunt, sibi gratum esse responsum, quod tū super scripto Ducis de Terranoua, tum super induciis dedissent. Velle se ergo à prandio cum Duce de Terranoua agere de condicionibus, quibus induciæ iniri & indici possint.

ITEM gratum sibi esse dicebant, quod intelligerēt ipsos, omi-
missis inutilibus disputationibus, ad principale negotium pro-
perare: similiter ergo se cum eodem Duce de Terranoua non
solum super Mediis, si quæ ille proponere velit, sed etiā de via
& ratione, quam in hoc negotio sequi expediat, acturos.

QVOD ad Mandatum legatorum attineret, admonitionis
ergo iterum & apertius vitia, quæ in eo inuenirent, declarant:
nempè quod nomina prouinciarum, quæ Mandatum dedisse
dicerentur, in specie non exprimeret; quod nullam mentionē
ciuitatum faceret, quæ præcipuè tamen ad hoc negotium per-
tinerent. Item quod non esset purū & absolutum, sed condi-
tionale & restrictum per ea quæ in Instructione illorum con-
tinerentur. Vltimò, quod sigillum nouum esset, quod aduersa
pars non posset nec vellet agnoscere; monere ergo vt de alio
Mandato sibi prouideant, quod prædictis vitiis careat, sigillis-
que singularum prouinciarum munitum & roboratum sit,
priusquam tractationi isti finis imponatur.

LEGATI Ordinū post actas gratias tam beneuolè suscepti
responsi ipsorum nomine quàm factæ admonitionis, replicāt,
se ea quæ contra Mandatum suum dicta essent, perpensuros,
& super iis suo tempore responsum daturus.

XVI. Maij Domini Commissarij Legatis Ordinū osten-
dunt, licere Principi Parmensi, virtute Mandati sui generalis,
cum prouinciis & ciuitatibus, quæ se spontè ad pacificationē
cum Rege offerrent, agere, nec intelligere se, huiusmodi tra-
ctationem aliquo modo Cæsareæ autoritati repugnare, multò
minus, se illam nomine Maiest. ipsius impedire posse: Sed rur-
sus monent, vt de tali sibi mandato prouideāt, in quo prouin-
ciarum & ciuitatum nomina singulatim exprimantur; si ex eo
tum constare possit, Parmensem cum iis prouinciis vel ciuita-
tibus

*Cæsaris man-
datū ad Do-
minos Com-
missarios, ex-
tendit se ad
omnes prouin-
cias, sic etiam
Terranen-
sis: particu-
larium
nusquam ulla
mentio fit, ac
si Parmensis
cum quibus-*

*dam, Terranen-
sis: verò cum aliis intercedentibus Principibus agere debeat.*

tibus agere, quarum Mandato comparuissent, Terranouensem curaturum ut ea in re ipsis satisfiat.

QVOD ad inducias attinet, se diligenter de iis cum Duce de Terranoua egisse, sed ad verba sua attendere ipsum noluisse, affirmando negotium esse in eo statu, quo induciae concedi non deberent. Progressu ulteriore facto, offerri posse ab illis talia media, quibus ad concedendum inducias commoveri possit.

Ex hac ergo causa, deinde per se visum illis fuit, ut ex parte Ordinum propositio mediorum fieret.

HIS ita dictis, petierunt Legati Ordinum, si Dux de Terranoua in scriptis illa exhibuisset, eorum exemplar sibi communicarent, ut melius super iis deliberare & respondere possent.

REPLICANT Commissarii, Terranouensem quidem scriptum quoddam edidisse, sed esse imperfectum; plura etiam ore eum proposuisse, quam quae scripto illo contineretur; ob hanc causam & quasdam alias se non posse illis scriptum ipsius communicare: sed iterum instant ut mediorum exhibitione legati Ordinum principium faciant.

AD ea illi deliberationem petunt in diem Lunae proximum, quae illis concessa fuit.

XVIII. Maij, Legati Ordinum quae sequenti scripto continentur, primum ore exposuerunt, deinde ipsum scriptum Dominis Commissariis una cum sequentibus articulis exhibuerunt.

S C R I P T V M.

*Reuerendissimi, Illustrissimi, Generose, Nobilis,
Sacr. Caes. Maest. Commissarii.*

QVÆ Illustrissimo Duci Arschotano & nobis Ordinū legatis nomine Ducis de Terranoua responsi loco proximè exposita sunt, deinde quae Cels. & Dign. V. placuit quo ad Mandatum & media exhortationis ergo amico ac benignissimo affectu addere, ad ea brevis haec nostra responsio est.

PRIMO factum Principis Parmensis sicut antè fecimus multò magis nunc, posteaquam satis de eo ex proprio Sereñ. Archiducis Austriae legato Cels. & Dign. V. instructa sunt, earundem iudicio & arbitrio relinquimus: Illustrissimo tamen Duci & nobis Parmensis tractatio, quae non ultro oblata, sed quaesita

Hic fuit Antonius de Laing, Dominus de Meullorie.

quæ sita & sollicitata est, non potest vel legitima vel conueniens generali huic tractationi videri.

Quod spectauerit, euentus declarat.

Q V O D secundo loco iterum de Mandato motū fuit, datur operam sumus suo tempore, ne vlla controuersia vel nullitas ratione Mandati & prouinciarum, quarum nomine huc comparuimus, exoriri possit.

T E R T I V M de induciis, prouinciæ nostræ à Sacr. Cæs. Maiest. aliquoties admonitæ fuerunt, ne se in induciis admittendis præberet difficiles: quapropter clementissimè ipsius voluntati humillimè nos subiicere voluimus. Arbitramur similè admonitione Ducem de Terranova vel coram vel per literas à Cæs. Maiestate accepisse. Quamobrem cum eæ nunc à Cels. & Dign. V. qui Maiestatis ipsius Cômmissarij estis, propositæ & postulatæ sint, non sine grauissimis, quæ hîc se quamplurimæ, tum respectu Cæs. Maiest. & vestræ condicionis, tum personarum, inter quas præsens bellum geritur, offerunt causis, miramur eas ab Excell. ipsius denegatas esse. Verum sicut bellum vel pacem, ita etiam inducias Deo Opt. Max. in primis, deinde Cels. & Dign. V. committere volumus.

A N N O T A T.

1. *Ad verb. Denegatas esse.] Dura sanè hac recusatio, Princeps, subditi: caput membra: pater, filij: pastor, oues: Vnum alteri paucorum dierum securitatem & quietem denegare, parum etiam conueniebat Ecclesiasticis personis, de pace tractare, non prius indictis induciis, quippe quæ mansuetudinis officio includuntur, & ad iras restinguendas, beneuolentiâque conciliandam seruiant.*

Claudius Coteræus de iure militum lib. 3. cap. 21.

Q V A R T O, quod ad media attinet, etsi multas hîc causas habeamus, cur non à nobis, sed à Regiis legatis principiū fieri debeat: tamen ad Cels. & Dign. V. amicam & gratiosissimam exhortationem libenter etiam nos in hac parte demitemus.

A N N O T A T.

1. *Ad verb. Multas causas.] Cause videntur fuisse illæ; Prima, quòd Ordines ab Hispanis vt Rei oppugnentur: Secunda, quòd omnis Ordinum defensio non aliò spectet, quàm vt se in possessione libertatis suæ conseruent: Tertia, quòd Ordines prouincias suas & bona non à Rege, sed Rex imperium & potestatem suam in illa ab ipsis habeat. id infra explicatur.*

L O C O ergo mediôrū sincerè & simpliciter ea exhibemus, quæ petenda & agenda à Serenissimo Archiduce Austriæ, Gubernatore & Capitaneo generali, & Ordinibus in mādatis accepimus; in quibus si aliquid reperiatur quod maiori declara-

C tione

tione opus habeat, Illustrissimus Dux et nos parati sumus eam quouis tempore, à Cellis. & Dign. V. admoniti, facere.

Rogamus etiā Regios legatos, quò hoc ipsum præsint, vestra autoritate induci, ne quod hactenus fecerunt, responsa sua nimis diu extrahant. Est enim mora illa non solum nobis grauis, sed & damno causā futura, cum tempus quod nobis ad agendum præsriptum est, prout, ex Mandato nostro constat, pro bona parte iam effluerit.

ANNOTAT.

Statim ab initio multi timuerunt, Hispanos in hoc conuentu idè responsū suū ita extrahere, vt interim difficultates & pericula, quæ immineret sibi viderentur, commodius auerterent, causamq; suam firmiorem & Ordinum infirmiores efficere.

*Ex lingua
Gallica in La-
tinam de ver-
bo ad verbum
translati.*

ARTICVLI ET CONDITIONES

loco Mediorum propositi. I.

CONCEDETVR vtinque perpetua obliuio, siue à *præsentis* omnium eorum quæ facta sunt à tempore primorum motuū & causā illorum, quocumque loco & modo, tam generaliter quàm particulariter: ita vt eorum nulla fiat amplius mētio, exprobratio aut inquisitio, quasi ea numquam accidissent.

ANNOTAT.

Auctor Commentariorum De regno aut quouis principatu rectè administrando, Comment. ij. de politia: Clementis magistratus, & honesti populi non est, odia in perpetuum recondere, sed facile ac libenter in concordia redire. Neque tantum ad reconciliandam gratiam prout ac faciles esse debemus, sed odisse quoque vim ad vliscendum paratam, tamquam illicitam & indecoram eis qui religiosorum ac bonorum hominum astimationem querere ac tueri cupiunt. Imò (vt inquit Salustius) bono vinci satius est, quàm malo more iniuriam vincere & victoria ex libidine sua vti: nam ea res plerumque magnas respubl. pessum dedit, dum alij alios vincere quouis modo, & victos acerbius vlisci volunt, nec cogitant vulgatū illud, quod quia verum erat, in prouerbiū venit: Amicitias immortales, inimicitias mortales esse debere. &c.

II.

Rex Catholicus habebit ratum ac gratum, quicquid factū, contractum, constitutum, decretum, conclusum, definitum, prouisum, collatum, aut quoquo modo actū est, per Sereniss. Dominum Archiducem Austriae Mathiam, Consilium Status, Ordinesque generales ac particulares, tam id quod cōcernit negotium bellicum, quàm politicū.

*Ratiobuius
art. ad eūdem
secundo editū
redditur &
exponitur.*

III.

Rex promittet rata habere, & tenore præsentium rata habebit, non modò omnia priuilegia, iura, vsus antiquasque cōsuetudines cuiuscumque prouincię, ciuitatis & territorij: verum etiam consentiet ac concedet, quòd omnes prouincię generaliter, & quælibet earum singulatim, poterunt frui & fruenter priuilegio Brabantię, videlicet vt liberati sint à suis iuramentis & fidelitate, eo casu, quo Princeps non obseruat omnia antedicta priuilegia, vsus & consuetudines. Secundum quod priuilegium si contingat eadem priuilegia, consuetudines aut articulos hac in pace conclusos infringi, dictę prouincię erunt generaliter liberatę à suo iureiurando; poteruntque eligere talē Gubernatorē vel Principem, qualis ipsis videbitur, tam vt omnes prouincię, quoad istud, sint æqualiter priuilegiatę, quàm etiam quòd secundum ius & rationem (quum iusiurandum & obligatio Principis & subditorum sint reciproca;) prouinciis sine alio priuilegio vel constitutione id liberum sit.

*Hac particu-
la in secundis
articulis iuris
dispositione
relinquitur.*

†

A N N O T A T.

† *Ad verba, Fruentur priuilegio Brabantię.] Iunius Brutus in libro qui inscribitur Vindicia contra Tyrannos. Extant Brabantinorum ceterorumque Belgia populorum, Austriacorum, Carinthiorum & ceterorum cum Principibus suis disertissima conuentiones, que sanè conditionum locum obtinent. Brabantini verò in primis, ne vlli ambiguitati locus daretur, conditionem istam expresse-
runt. In Duce enim suo inaugurando conuentionibus antiquis, quibus nil ferè ad Reipub. conseruationem deest, coram Duce perlectis, ne eas omnes obseruarit, sibi integrum esse alium quemlibet suo arbitratu eligere, palam ei diserteque protestantur. Ipse verò tum in eas, accepta conditione ultroque agnita, sese sacramento deuincit. Quod etiam postremo in Philippi Hispaniarum Regis inauguratione obseruatum fuit. In summa, inter Regem & subditos contractum mutuo obligatorium esse, nemo negare potest; nempe vt bene imperanti bene obediatur, qui quidem iureiurando ab illo primum, deinde ab his confirmari solet, &c.*

*De his de
incompt.*

*Ludouicus
Guicciard.*

* *Ad verba, Secundum ius & rationem:] Populus, inquit idem Brutus, Regem facit, non Rex populum; atq. ita in paciscendo populus stipulatur, Rex promittit: stipulatoris verò partes in iure potiores sunt. stipulatur ille à Rege, an non iuste & secundum leges regnaturus sit; hic facturum spondet: Populus demum se iuste imperanti fideliter obsecuturum respondet. Itaque promittit Rex purè, populus sub conditione; quæ si non impletur, populus ipso iure omni obligatione solutus censetur. Item:*

Est inter Principem & populum vbique locorum mutua & reciproca obligatio: promittit ille se iustum Principem futurum; hic, si talis fuerit, se obsecu-

C 2

turum

turum. Obligatur ergo populus Principi sub condicione, Princeps populo prout. Itaque si minus adimpletur condicio, solutus est populus, irritus contractus, obligatio ipso iure nulla.

IIII.

OMNES milites Hispani, Itali, Burgundiones, Germani, Frāci, Angli, Scoti, omnesq. alij extranei indifferenter vtriusq. partis, egredientur ex ditionibus Belgicis, intra terminum sex hebdomadam. Intercā tamen Princeps Parmēsis deferet ilicō oppida & loca quę occupat vel detinet, post inuasum Namurcum; qualia sunt, Arx & ciuitas Namurcensis, Carolomontiū, Bouinæ, Philippo-villa, Louanium, Leevva, Dieftum & alia, eaquę reddet Ordinibus, vnā cum tormētis bellicis, munitio- nibus & com meatu. Et eorundem extraneorum loco collo- cabuntur in oppidis & arcibus vbi expedire videbitur, milites naturales Belgij, qui steterunt à partibus Ordinum, idq. con- sensu & approbatione Ordinum generalium, ac notanter eius prouinciæ vbi collocabuntur.

V.

QVI quidem milites, præter fidelitatē, quam iurabunt Re- gi Catholico vt prouinciarum Principi & legitimo domino, iurabunt etiam fidelitatem Patriæ Ordinibusq. generalibus & particularibus prouinciarum, quas ingredientur, ac notāter obseruare articulos in hac pace conclusos.

ANNO T.

1. Ad verb. Patriæ Ordinibusq. Junius Brut. in d. lib. De vindiciis. Q. 3. Quod de vniuerso populo dicitur, de iis etiam dictum volumus, qui populum vniuersum in omni regno vrbeue legitimè representant; qui quidem vulgò, re- gni, non Regis officarij censentur. Regis Officiarij à Rege pro arbitrio creatur aut exauctorantur. quin & eo mortuo nullo loco sunt, & quodammodo mortui habentur. Regni Officiarij contrā à Populo, in Concilio nempe publico, aucto- ritatem capiunt, aut saltem olim capere solebant, nec absque eodem exaucto- rar: possunt. Itaque pendent illi à Rege, hi à Regno: illi à supremo regni officia- rio qui Rex ipse est: hi à supremo dominio populi, à quo ipse Rex non secus ac illi pēdere debet. Illorum munus est Regem curare: horum ne quid detrimen- ti Respublica vsquam capiat. Illorum vt Regi tamquam domino cuilibet do- mēstici adesse ac inservire; horum populi iura & priuilegia tueri, & ne quid Princeps ipse in vilius perniciem committat omittatue, diligenter provide- re. Denique sunt illi Regis ministri, serui, domēstici, ad obsequium tantum- modo instituti: hi contrā Regis in iure dicundo veluti Assessores, Regij im- perij consortes, adeo vt omnes quidem illi Rempublicam administrare tenean- tur, non secus ac Rex: is tamen inter eos quasi Præses, primum tantā locum teneat. Vt verò populus vniuersus Rege superior est: ita etiam hi et si singuli Rege inferiores sunt, vniuersi tamen superiores censendi sunt, &c.

VI.

VI.

OMNES captiui vtriusque partis liberabuntur sine aliquo pretio redemptionis, si modò ante huius pacis communicationem non fuerint aliter obstricti: ita tamen vt teneantur respectiue expensas soluere. Si qui etiam antea promiserunt redemptionis pretium soluere, tenebuntur etiam satisfacere suæ promissioni.

VII.

ET quia Comes Buranus extra oppidum & Academiam Louanensem sine causa extractus est, vectusque ex Belgio contra priuilegia tum dictæ Academiæ, tum Ducatus Brabantia; idem Comes statim restituetur in libertatem, & remittetur in oppidum Antuerpiense intra terminum duorum mensium.

VIII.

QUILIBET vtriusque partis restituetur & regredietur in sua bona immobilia, non obstante quacunque alienatione facta à tempore Pacificationis Gandauensis, atque etiam in bona mobilia, non distracta aut alienata.

IX.

FIET etiam restitutio bonorum in Burgundia, Luxemburgo, Hollandia, Zelandia, aliisque locis, vbi Pacificatio Gandauensis non fuerit adimpleta, tam ecclesiasticis, Principi Aurganiæ, quàm omnibus aliis, iuxta dictam pacificationem.

X.

OMNES naturales Belgij vtriusque partis poterunt liberè in Belgium reuerti, ibique habitare, ea lege vt præstent iuramentum fidelitatis, tam Regi quàm Patriæ ac Ordinibus generalibus & particularibus, atque adeò sese obseruatueros omnes articulos huius pacis.

XI.

PACIFICATIO Gandauensis manu tenebitur & obseruabitur.

XII.

ITEM in iis prouinciis, ciuitatibus & locis vbi religio quæ dicitur Reformata, Cõfessio Augustana, vel pax religionis (dicta *Religions-friedt*) recepta est, omnia permanebunt in suo statu, ita vt à neutra parte cõtraueniri possit. Quia in re nulla debet fieri difficultas; quia aliter possibile non est inuenire media alicuius bonæ & securæ pacis, tranquillitatis, & quietis publicæ. Et si quis in posterum vellet alium ordinem instituere, hoc

nihil aliud esset, quàm motus inchoare & nouas calamitates ac ruinas reducere, abigendo innumeros homines, qui secum transportarēt vniuersam negotiationē & opificia, ac per consequens omnem successum Belgij, vti superioribus annis visum est. Adde quòd inhabitatores Belgij non sunt dispositi, vt sināt se fugari extra suam patriam, atq; ita redigi ad extremam inopiam, in quā necessariò incidunt, cū priuantur ordinaria sua mercatura, opificio vel aliis muneribus, officiis aut vacationibus, quorum medio sese cum vxoribus & liberis sustentant.

ANNOTAT.

Ex Germani-
ca lingua in
Latinam
translata.

Ad verb. Vbi religio.] Formatus est hic articulus ad constitutionem, quæ per Carolum Quintum Cæsarem, & Ferdinandum Regem, Ordinesq; Romani Imperij Passauia olim decreta & publicata sunt. Verba eius hæc sunt: Ne Cæs. & Reg. Maiestates, nèue Electores Principes & Status Sacr. Imperij vllum Augustanæ Confessioni addictum, vel alios qui ceteroqui nulli palam reiecta & damnata sectæ adhareant, de facto, violento more, vel alio modo contra suam conscientiam & voluntate à sua religione & fide cogant, vel eius nomine inuadant, ledant, per Mandatum, vel quauis alia specie grauent aut contemnant; sed vt eos in tali ipsorum religione quietè & pacificè manere sinant, litigioq; religio non aliter, quam per amabilia pacifica media & vias, ad uniformem Christianum intellectum & concordiam reducat.

Ex Gallica.

Item formatus est ad Edictum quod per Regem & Concilium Gallis anno millesimo, quingentesimo septuagesimo sexto, ex eadem quoque causâ conceptis & promulgatum fuit: præter alia in quarto articulo ita edicitur: Ne quæ inter illos qui nobis subiecti sunt, materia tumultuum & controuersiarum relinquantur, permisimus & permittimus exercitium liberum publicum & generale religionis, quam ipsi reformatam prætendunt, in omnibus vrbibus & locis regni nostri, itemq; regionibus quæ sunt sub imperio nostro & tutela: sine vlla exceptione temporis, personarū, locorum, dummodo loca, quæ ad illud exercitium deligent, ipsorum sint, aut certè id faciant eorum voluntate & consensu, ad quos ea pertinebunt. Quibus in vrbibus & locis, licebit iis qui eam religionem profitentur, concionari, precari, Psalmos canere, administrare Baptismum & Cœnā, publicare & celebrare matrimonia, scholas habere & publicas lectiones, correctionem morum constituere, ex forma & præscripto illius suæ religionis, & omnia alia facere, quæ ad liberum & solidum exercitiū illius religionis pertinent. Licebit his etiam exercere consistoria & synodos, tã prouinciales quàm generales. His autem synodis generalibus & prouincialibus edicimus Officialibus nostris vt intersint, vel aliqui ex ipsis.

XIII.

GVBERNATIO generalis Belgij manebit penes Sereniss.
Domi.

Dominum Archiducē Mathiam, iis condicionibus quas iuravit. Quem si contingat mori, vel si fortē sese vellet aliō conferre, Regia Maiestas non poterit committere alium Gubernatorem nisi gratum Ordinibus, ex suis liberis aut sanguine legitimo: qui tenebuntur iurare eosdem articulos ac condiciones, super quibus receptus fuit dictus Dominus Archidux.

XIIII.

Nulli in posterum admittentur ad gubernacula prouinciarum, ciuitatum, castrorum & fortalitorum, Capitaneatus aut praefecturas militum, neque ad Consilia Status secretum aut financiarum, aut alia officia magni momenti, nisi naturales† Belgij & bene idonei, qui steterunt à partibus Ordinum, vt supra, ac grati erunt prouincijs ac ciuitatibus ad quas mittentur. Qui primum & antequam admittentur, tenebuntur solenniter iurare hanc pacem, & particulariter etiam manutenere & obseruare priuilegia, consuetudines, iura & vsus generales & particulares Belgij: ac iureiurando promittere, si resciscant aliquid tractari in eius prauidicium, quod ea de re certiores faciēt Ordines generales & particulares prouinciarum, sub poena quod habendi sunt pro periuris.

ANNOTAT.

† *Ad verb. Nisi natur. Belgæ.] Auctor Commentariorum De regno vel quouis Principatu rectè & tranquillè administrando Comment. i. de Principum cōsilio. Machiaveli sectatores statuunt, Principi peregrinos (i. qui communem cum Principe patriam & gentem non habeant) ad nullā Reipub. partem adhibendos esse, etiā si aliquin sub eiu imperio ac ditione viuant. Ego contrà rationibus docere nitur, principem in Republica administranda subditis suis, etiā si diuersa gentis sint, vti debere: atque adeo prouincias externas suae ditionis eiusdem illius gentis praefectis & magistratibus committere, quoad eius fieri possit. Quum enim homines natura patriam charam habeant, si magistratus eadem illa gente cui impositus est, ortus sit, haud dubiè illum omnes vt sui corporis multo chariorem quàm externum habebunt. Atque is populum, cui spontè acceptus & gratus est, facillimè obsequentiē praestabit principi: siquidē vera tutag, obedientia, beneuolentia magis quàm vi aut metu quaritur. Adhac cū necesse sit, vt magistratus earum gentium, quibus praesunt, ingenijs sese accommodet, si illi peregrini sunt, peregrinis moribus impares, diuersa à suis instituta sumere vel nequeunt vel dedignātur. Neque tamen sentio non alios Rectores populo dandos, quàm qui vel eodem ex oppido vel eadē prouincia originem duxerint, sed satis esse si commune gentis nomen cum subditis*

ditis habeant. Item paulo post: Cum ex principis legitimo ac moderato imperio populi, qui in eum ius suum transtulit, incolumitas pendeat, subditorum magnopere interest, ut Reipub. prudenter habeat. Itaque cum deterius administrate sicut dedecus ad Principem, ita damnum periculumque ad populum pertineat, mirum non est, si ciues scire appetant quomodo sese gerat princeps, ac si quibus ille partem aliquam Reipub. commiserit, obedientius omnia faciant: Sin vero se à principe sperni, & a Repub. procul haberi intelligant, atque omnia munia inter peregrinos diuidi, mirum quantum ea re offendantur. Quippe ex eo colligunt, principem ipsorum fidei diffisum, externa presidia querere; cumque suspicentur, se ab eo non diligi, eum non diligunt. Mox inde incepta motus, factiones, defectiones nasci solent; quando subditi cum Principis charitate obsequium simul exuunt: Præterea natura omnes ferè gloriæ & honoris auidi sunt, neque ea cupiditas per se mala aut damnanda est, cum in quibus virtutis studium est, decus ac laudem, non propter semetipsos, sed quasi virtutis premium exoptent. Itaque cum externa provincia hominibus viam ad honores princeps obsepit, bonos quoque ipsos vehemens iniuria dolor stimulat, cum non habeant ubi virtus sua enitescere possit, atque in affectus ab cetero vitæ instituto ingenioque diuersos impellit. Aristoteles quoque & Hesiodus verè dixisse videntur: Naturæ legibus ita comparatum esse, ut qui ceteros animi dotibus & ingenio antecellit, ceteris imperet; qui minus industria valet, meliori pareat. Quam ad legem et si summa imperia non dirigantur, propter ancipites eligendi casus, hæret tamen hominum mentibus insculpta, ut qui se non indignos honoribus existimant, ægerrimè ferant, si deterioribus ascitis repulsam patiantur. Quamobrem quoties à principibus in Reipubl. procuratore prelati sunt indigenis aduenæ, ab animis contumelia incensis magnas offensiones, tempestates & turbas ortas legimus, &c.

QVIA verò Belgium incidit in has calamitates & miseras ortas ex bello, quod natum est ex infractione quondam Domini Ioannis Austriaci, quodque etiam Ordines coacti fuerunt exponere magnas summas pecuniarum Colonellis, Capitaneis & militibus, quorum solutio priuatim ad Regem pertinebat, sub ea spe quod in futurum Belgium in tranquillitate conseruaretur: sua Maiestas Catholica Ordinibus restituet eam summam, quam militibus soluerunt, ad minus usque ad decies centena millia coronatorum, eosque exonerabit à reliquis obligationibus, quas dictis militibus dederunt: quia condiciones, sub quibus eæ promissæ sunt, non sint adimpletæ.

Et quia Ordines sunt obligati Serenissimæ Reginæ Angliæ propter sinceram amicitiam, vicinitatem, & auxiliū, quod illis præstitit ad vtilitatem publicam: ipsa comprehendetur reciproce in hoc tractatu, in confirmationem antiquorum fœderum

rum

rum perpetuò conseruatorum inter Principes tam eius regni
quàm Belgij.

SIMILITER cõprehendetur in eodem hoc tractatu Illustrissimus Dux Andegauensis Regis Christianissimi frater, tamquam defensor libertatis Belgij, cū recognitione, quam Ordines ipsi promiserunt proponere & concludere; quoniam tam liberaliter atq. heroicè operam nauauit eorum defensionì ac conseruationi. Vti etiam comprehenduntur omnes alij confederati dictorum Ordinum.

SUPPLICABITVR sue Sanctitati, Cæs. Maiest. Regi Christianissimo, Reginę Anglię, Duci Andegauenfi defensori libertatis Belgicę, omnibus Principibus Electoribus Germanię, Duci Iuliacensi, tamquam studiosis vtilitatis & tranquillitatis Reip. Christianę, vt iis placeat efficere, vt hic tractatus in omnibus suis partibus compleatur & inuiolabiliter obseruetur.

HIC tractatus reciproce iureiurando solemni, super sancta Euangelia præstito, confirmabitur, & à Rege approbabitur, intra terminum duorum mensium aut citius, si fieri potest. Actum Colonia xviij. Maij, Anno M. D. LXXIX.

xix Maij,

DOMINI Commissarij ante prandium, miserunt ad ædes Ducis Arschotani quosdam ex suis Consiliariis nobiles & Doctores, quibus præsentibus Cancellarius Treuirensis Duci & reliquis Ordinum legatis declarauit; Principes suos legisse & examinasse articulos, & media, quę præcedenti die proposuissent & exhibuissent, sed inuenisse eos ad eò irrationabiles, duros & enormes, tam remotos etiam à prioribus pactis & conuentis, vt nec Imperator, nec Rex, nec Dux de Terranoua velint aut possint ad eos attendere: postulare ergo & admonere, vt repetant & sequantur vestigia præcedentium tractationum & Pacificationum. Hanc enim esse intencionem Imperatoris, eoq. etiam ipsorum Mandatum directum esse, vt secundum illa, quę iam antè pacta & concordata sunt, præsens tractatio habeatur, & reconciliatio inter Regem & ipsos ineatur. Quę medio tempore inciderunt, ad illorū normam & formam vtrinque reducantur & restituantur. Sic

D

etiam

etiam fieri posse vt citius & facilius induciæ concedantur.

Cum hæc Cancellarius dixisset, legati Ordinum perunt ea in scriptis sibi dari, in eum finem, vt dicebant, ne quid aliud intelligerent aut scriberent, quàm hoc ipsum, quod Domini Commissarij intellectum & scriptum vellent: simul tamen addebant per se non stetisse, quominus priores tractatus custoditi & seruati fuerint; immò magnum dolorem se percepisse, cum viderent tum per Regem, tum etiam per Dominum Ioannem Austriacum illos infringi & rescindi. Rem enim ita se habere: Regem Ordinibus per Baronem de Selles declarasse, quòd nollet Pacificationem Gandauensem obseruare, sed regere regiones suas in ea forma religionis sub suo imperio & obedientia, in qua tempore Imperatoris Caroli defuncti sui patris erant. Eam declarationem multas mutationes in singulis prouincijs sequutas fuisse, cum subditi inde occasionem arripuerint, quasi tractatibus istis amplius obstricti non essent. Per illas porrò mutationes, res ipsorum in eum statum redactas esse, vt tractatus illi præcedentes seruari diutius nequeant, nisi liberaliore aliqua cōcessionē & indulgentia adiuuentur & augeantur, secundum ea quæ in articulis suis exposuissent. In quibus si aliquid difficultatis inuenirent, rogabant vt ea sibi in specie declararent, non dubitare quin ipsos contentos redderent.

Quod ad memoratas inducias attinet, Ordines generales Cæs. Maiest. clementissimæ voluntati acquiescentes, Mandatum sibi dedisse inquiebant, vt in eas sub æquis conditionibus, quas à parte aduersâ obtinere possent, consentirent: sic cessatione ab armis per Dominos Commissarios sibi proposita, de ea iam antè se declarasse dicebant; & in præsentiterum se declarare, quòd prompti & parati sint eam ex parte sua facere: ea ratione maximè, cum in omni tractatu de pace, induciæ primum locum habere soleant, multo æquissimum sibi videri eas hîc concedi & præcipi, ob causas quas antea declarassent. Obnixè igitur rursus eas à Cæs. & Dign. eorum petere, vt semel vellent super condicionibus earum agere.

SIMVL

SIMVL etiam prædicti legati Ordinum Consiliarios illos rogabant, quò melius ea, quæ ad negotium istud pertinent, cognoscere & promouere possent, non grauarentur familiariter nonnunquam super his secum conferre & communicare.

xx Maij,

LEGATI Ordinum ad Concilium Dominorum Commissariorum vocati, hora octaua ante prandium, iis indicant, intellexisse se responsum, quod præterito die Consiliariis suis dedissent, ad ea quæ nomine suo ipsis proposita erant. Nihilominus propter rationes, quæ tum in medium allatæ fuerunt, & iterum hîc repetebantur, postulabant ab iis denuò, vt vellent insistere vestigiis Pacificationis Gandauensis, & Tractatus Bruxellensis, si quæ in iis infracta vel non obseruata essent, vt illa indicarent & proponerent, aliâque media iis conformia exhiberent, se velle operam dare, vt in pristinum statum priora restituantur, Regi quæ reconcilientur. Hoc facto, se Ducem de Terra-noua inducturos, vt in cessationem ab armis consentiat; addentes se aliter super articulis, qui ab ipsis exhibiti essent, tractare non posse; imò si in iis persistere vellent, se aliam viam non inuenire, quàm vt suam instructionem sequantur, & secundum eam vltius progrediantur.

LEGATI Ordinum ad ea deliberationem in diem proximum petierunt.

xxi Maij,

DELIBERATIONE inter legatos Ordinum habita, an insisterent prioribus articulis, vel potius alios iuxta secundam suam instructionem exhiberent, visum illis est, pro defensione priorum articulorum, ea quæ sequenti scripto continentur, exponere. Audientia ergo à prandio impetrata, ore ista retulerunt: deinde dictorum exemplar, à Dominis Commissariis petitum, incontinenti quoque exhibuerunt.

D 2

SCRI

S C R I P T V M

*Reuerendissimi, Illustrissimi, Generosi, Nobilis,
Sacrae Cæs. Maieſtatis Commiſſarij.*

QVÆ Cels. & Dign. V^{re} placuit hesternò die, contra articulos, ab Illustrissimo Duce Arſchotano & nobis Ordinum legatis exhibitos, quasi paulò essent duriores, atque etiam contrarij prioribus pactis & cõuentis, obicere & declarare, cum amica, benignissima, & beneuola petitione & exhortatione, vt media moderatiora, & quæ illis pactis propiora essent, proponeremus; quò etiam, quantum intelligere potuimus, instructio, quæ à Sac. Cæs. Maieſt. Cels. & Dign. V^{re}. data est, sese dirigit; ad ea quæ latius per Dominum Cæcellarium deducta & explicata fuerunt, hæc nostra responsio est.

AR T I C V L I, quos Mediorum loco exhibuimus, sunt ij, qui Illustrissimo Duci & nobis petendi & agēdi à Serenissimo Archiduce Austriæ, Gubernatore & Capitaneo generali, & Ordinibus mandati & traditi sunt.

NE C vllò modo videre possumus, eosdem illos articulos tantam duritiem in se continere, quæ in iustam reprehensionem venire possit; nec etiam vllus articulus est, si rectè consideretur, qui prioribus pacificationibus contrarius sit, sed agnoscimus quædam addita, tum propter præſentes necessitates, tum maioris declarationis gratia, quæ omitti potuissent, si Dominus Ioannes Austriacus fidem, quam Ordinibus dederat, in istis non fefellisset; nec etiam Baro de Selles Regius legatus postea declarasset, voluntatem Regis non esse, vt ea, quæ ibi pacta & conuenta essent, obseruarentur; nihil tamen additum putamus, quod à Regia pietate, hoc statu rerum, non possit aut debeat impetrari, aut quod non ex priuilegiis & iuribus nostris deberi nobis clarissimè docere possimus.

QV A M O B R E M optassemus Cels. & Dign. V^{re} placuisset duritias istas & cõtrarietates in specie nobis indicare (nõ enim omnes articulos pro talibus haberi existimamus) tum non solum sollicitudini vestræ, quoad duritias & contrarietates istas, fortassis

fortassis satis fecissemus, sed & melius & ad rem propius etiam nunc respondere potuissemus. Similiter etiam optassemus nomine Regiorum legatorum nobis declarari, quæ media ipsi proposuerint, an gratæ illis sint priores pacificationes. quod si gratæ illis sunt, frustra sibi & nobis tantas misérias & calamitates ab eo tempore induxerunt.

N I H I L O M I N V S vt cognoscant Celsi. & Dign. V^r, nos nihil quàm quod pium & iustum est, proponere nec desiderare: Primò, circa quæ dissidium vel potius aberratio inter Serenissimum Regem Principem & Dominum nostrum naturalem, & Ordines versetur, indicabimus: deinde in quibus iam antè conuenimus, & quid adhuc definiendum restet, ostendemus: Ita poterunt Celsi. & Dign. V^r non modò æquitatem articulorum, sed & statum totius negotij facilius intelligere.

D V O sunt præcipuè, circa quæ est aberratio. Vnū circa religionem, alterum circa authoritatem: Quæ præterea vel olim vel nunc sunt in controuersia, aut ad restitutiones & emendationes ablatorum & iniuriarum, aut ad securitates vtriusque præstandas pertinet, quæ causam & originem habent ex bello, quod tanto tempore gestum est. Primis ergo duobus capitibus transactis & compositis, speramus facillimè & ista transigi & componi posse.

A R T I C V L V S de religione præ ceteris grauissimus est, ex ea ratione, quod religio non ad homines, sed ad Deum spectet, non hominibus, sed Deo præstari debeat, cui non minus populus quàm Rex subiectus est, sed vtriusque, tum Regi, tum populo ex æquo observatio eius præcepta est; ex æquo etiā ambo vel vitam vel mortem æternam sperant & metuunt, si aut bene aut malè in religione versati fuerint. Itaque ambo etiam, & Rex, & populus, (cùm populum dicimus, simul etiam vnumquemque singulatim intelligimus) Deo iuxta suam conscientiam seruire postulat. I

ANNO TAT.

1. Iuxta suam conscientiam.] *Chrysostomus super illud Matth. 22. Reddite quæ sunt Cæsaris Cæsari, & quæ Dei Deo. Numisma Cæsaris aurum est, numisma Dei homo. In solidis Cæsar videtur, in hominibus autem Deus*

D 3

agnosci-

agnoscitur: ideo diuitias vestras Casari date, Deo autem conscientia vestra
solam memoriam reseruate.

Augustinus in lib. ad Rom. Propos. 72. Cum constemus ex anima & corpore, quamdiu in hac vita temporalis sumus, etiam rebus temporalibus ad subsidium degende huius vite utamur. Oportet nos ex ea parte qua ad hanc vitam pertinet, subditos esse potestibus, id est, hominibus, res humanas cum aliquo honore administrantibus. Ex illa vero parte, qua credimus Deo & in regnum eius vocamur, non nos oportet subditos esse cuiquam homini, id ipsum in nobis euertere cupienti, quod Deus ad vitam aeternam donare dignatus est.

I s r i v s consideratione, & quod etiam experimento nimis
I verum esse didicerunt, parum vim & arma ad propagationem
& conseruationem religionis conferre: deinde prout nolunt
suis conscientis vim ullam adhiberi: ita legi Dei non conuenire, ut ipsi aliorum conscientis vim ullam adhibeant.

Quod tibi
non vis fieri,
alteri ne feceris.

ANNOTATIO.

Comment. 3.
de Politia.

I Ad verba, Vim & arma.] Auctor Commentariorum De regno aut quouis principatu recte & tranquille administrando: Hic moueri possit questio, An liceat principi pro Religione bellum suscipere, id est, ut homines ad suam religionem cogat. Ea facile dissolui potest, si res aequitate definiatur. Quum enim religio in iis approbandis sita sit, qua ad Dei cultum pertinent: approbatio autem ex persuasionem & fide oriatur, persuaderi homines armis & minis non possunt, sed docendo, mouendo argumētis & testimoniis, qua paulatim ad assentiendum illiciunt. Sed si quis malit eam questionem exemplis expedire, ea passim occurrunt. Nam (ut ex nostris Annalibus patet) Clodoueus 1. Carolus Magnus, & aliquot alij Gallia Reges, non aliam ob causam Saracenis Ethnicisq. arma intulisse videntur, quam ut Christianos fieri vi & armis subigerent. Itaque victi bello, & nulla adhibita institutione, baptizati, simul atque rebellandi facultas obuenerat, qua facilitate Christianam religionem induerant, eadem exuebantur, anno cio ccccliii. Papa per totum orbem Christianum bellum in Turcas publice indici iussit, ad vlciscendam Christi mortem, & Turcas in religionem Christianam cogendos. Sed cum literis monuit Turcarum princeps, crucifixum fuisse à Iudeis Christum: se verò non ex Iudeorum, sed Troianorum stirpe genus ducere, à qua Itali quoque se ortos ferunt. Itaque suum & eorum potius officium fore, Troia ruinas reparare, & Hectoris sui ani cadem in Gracos vlcisci, quam inter se bello certare. Se quidem id iam aggressum, magnam Gracia partem in potestatem suam redeisse. Ceterum credere Christum magnum & nobilem Prophetam fuisse, sed nunquam imperasse (quantum quidem intelligeret) ut homines ad suscipiendam

Annal. in
ann. 718.

Monstr. lib. 3.
cap. 68.

piendam suam legem vi & armis adigerentur, neque se profecto quemquam cogere, ut Mahometis legi credat. Tali propè forma literas Turca ad Papam scripsit, multo certè auiiores, quàm bulla Pontificis. Quippe non violentia armorum Christus, sed prædicatione & doctrina Euangelium suum tradi voluit.

Mémoratu quoque dignum est exemplum Ludouici XII. cui Patris populi cognomen impositum est. Incendebant eum Cardinales & Episcopi alii quot aduersus Merindolanos & Cabrerienses (reliquias videlicet Albigen-
Molinaus de Monarch. Francan. 155
sum Christianorum, qui olim propter Christum diu multumque vexati sunt) quippe veneficos, incestos, hæreticos, ac proinde tollendos esse. Merindolani & Cabrerienses subodorati quæ Cardinales & Episcopi in se consilia coquerent, mittunt ad Regem legatos, & innocentiam suam tutantur. Eos legatos aditu Regis Cardinales prohibere conabantur, Regem monentes ne illis pro se dicendi apud se potestatem faceret: iure Canonico prohiberi, ne quis cum hæreticis communicet. Tum Rex, Etiam si, inquit, mihi in Turcam aut diabolum bellum suscipiendum esset, eos tamen prius audire vellem. Dignum prorsus Rege responsum: Quippe inauditum & indefensum quenquam damnare, sceptro & iure abuti est. Ergo accitos legatos Ludonicus introduci iubet: Illi reuerenter exponunt Merindolanos & Cabrer. Euangelium, Biblia, symbolum Apostolicum, Dei præcepta, Sacramenta agnoscere atque amplecti: ceterum nec Papa nec ipsius doctrina credere, si sæcùs esse Rex deprehenderet, se nullum supplicium recusare. Ea itane se haberent, an sæcùs, Rex scire voluit. Itaque ea de re Adamo Finneo libellorum supplicum magistro & M. Parno Dominicano, qui illi à Confessionibus erat, questionem mandat. Illi ea in loca profecti, & questionibus perfectis reuersi, ad Regem referunt: Illis in locis homines baptizari, articulos fidei & Decalogum doceri, Dominicos dies religiosè coli, Dei verbum exponi, veneficia & stupra apud eos nulla esse. Ceterum se in ipsorum templis neque imagines neque ornamenta Missæ vlla reperisse. His auditis, Rex eosne præcipiti iudicio damnauit, aut bello persecutus est? Minime: sed iureiurando addito, Me, inquit, & cetero populo meo Catholico meliores illi viri sunt. Ad hunc modum Principes aduersum sycophantarum calumnias protegere eos, qui errorum conuicti non sunt, & patienter tolerare, neque ad vllam religionem adigere subditos suos debent, &c.

ILLORVM ergo consideratione primùm in Pacificatione Gandauensi consensu consilij Regij: deinde etiam in pacificatione Bruxellensi, quæ à Rege comprobata est, omnia Edicta, quæ contra assertos hæreticos lata fuerant, suspensa sunt, & in effectum abrogata. *

ANNOT.

* *Ad verb. Assertos.]* Hoc verbo legati Ordinum vsi videntur, quòd illi qui in Belgio hactenus pro hæreticis habiti, & propter regia edicta persecutio- nem, ac mortem denique ipsam passi sunt, veri hæretici non extiterint. Si quis etiam confessiones eorum perspexerit, inueniet credidisse eos omnia, quæ Apostoli in suo Symbolo credenda nobis proposuerunt.

Rom. 15.
2. Tim. 3.

Item credidisse quatuor sancta Euangelia, & omnia verba Domini nostri Iesu Christi: deinde sacras literas veteris ac noui Testamenti, & quicquid Prophetæ atque Apostoli docuerunt & scripserunt, ea omnia vera esse, tum fidelibus ad salutem seruire & conducere per fidem.

Præterea præcipua capita fidei nostræ non aliter intellexerunt, quàm prout illa in antiquis symbolis, maximè Nicæno & Athanasij, exposita & declarata inueniuntur.

Quinetiam crediderunt, quacunque sancta Ecclesia, & antiqua Concilia, item approbati & recepti Doctores, testimonio sacra scriptura, de Deo, de Christo Domino, de Spiritu sancto, & de regno Dei, æternaque salutis creden- da nobis præceperunt.

1. Timoth. 3.

De Ecclesia crediderunt, eam congregationem Dei vini esse, columnam & stabilimentum veritatis, esse numerum omnium electorum, & ad æternam vitam destinatorum: Esse sponsam & corpus Christi, quæ super fundamento Prophetarum & Apostolorum superstructa, cuiusque imus angularis lapis sit ipse IESVS CHRISTVS.

Ephes. 2.

Matt. 26. 28.
1. Cor. 11.
Acto. 2. 4. 8.
10.

De sacramentis Ecclesia crediderunt, quacunque de iis sacra scriptura te- statur; quòd etiam pro Christianis à Christo Domino instituta, atq. ab Apo- stolis Christianæque Ecclesia secundum præceptum Domini vsurpata sint, & adhuc in cœtu Dei vsurpari debeant.

Matth. 28.
Act. 8. 22.
August. tract.
59. in Iohan.
Illi manduca-
bant panem
Dominũ, ille
panẽ Domini.
Hilar. lib. 8.
de Trinit. Nos
verò sub my-
sterio carnem
corporis Chri-
sti sumimus.
Rom. 3. 5. 8.
29.

Sic crediderunt vnum sanctum Christianum Baptisma, ad ablutionem & remissionem peccatorum, in confessione sanctæ Trinitatis & inuocatione nominis Domini. Et de Sacramento altaris, vel de Cœna crediderunt & con- fessi sunt, quòd Christiani, qui panem Domini in congregatione sanctorum frangunt, mortemque eius annunciant, pane Domino, vero corpore & vero sanguine Christi Domini, in cœna Dominica, vel in mysterio Sacramenti, per ipsum Dominum verè & essentialiter ad æternam vitam cibentur & po- tentur.

De iustificatione, vel quomodo homo coram Deo iustus fiat, asseruerunt, posteaquam per lapsum Adæ omnes in peccato concipiamur & nascamur, quòd nemo aliter coram Deo iustificari, & à peccatorum damnatione liberari possit, quàm per Iesum Christum Dominum nostrum, per passionem & mor- tem ipsius, per quam etiam filij Dei & heredes regni celorum constituamur, quicunque scilicet recipiunt eum, & in nomen eius credunt.

Tenuerunt etiam, quòd talis fides, quæ sine bonis operibus est, mortua fi- des, & coram Deo prorsus inutilis sit, sed eam solum fidem coram Deo valere, qua

33
que per charitatem efficax existit, & qua omnibus bonis operibus ut fructi- Gal. 5.
bus spiritus & fidei, plena est.

De bonis operibus similiter crediderunt, quod Deus misericors Dominus, nullum opus bonum a se mandatum, & ex fide frugifera promanans, gratis fieri sinat, æquè ut Christus Dominus fidelibus, qui ipsum confitentur, & propter nomen suum iniurias & persecutiones ferunt, addicit, quod merces eorum magna futura sit in calis. & diuus Paulus scribit, Corde credi ad iustitiam, ore autem confessionem fieri ad salutem. Quapropter etiam tam fortiter non solum ignominiosissima & crudelissima tormenta & supplicia, sed & orbitatem & paupertatem suarum uxorum & liberorum pertulerunt. Matth. 5. 10. Rom. 10.

Si quis tamen scire quoque velit, ob quales igitur articulos à Romanensibus Inquisitoribus & Magistratibus nostris isti velut hæretici declarati & interfecti fuerint, eos paucis verbis hic non grauaor referre, & sunt summarim isti:

I.

Quod à presenti Romana Ecclesia discedentes, eam cum suo capite Papa, Cardinalibus & Presulibus, pro veteri sancta Apostolica illa Ecclesia, cuius solus Christus pascens & caput fuit, salua conscientia habere non potuerint. Eph. 1. 2.

II.

Quod inanimes imagines venerari, & mortuos sanctos ut intercessores colere, proq; mediatoribus in iniuriam viue Dei imaginis, unicusque Mediatoris & Deprecatoris Christi innocare ausi non fuerint. Ioelis 1. 2. 1. Ioh. 2. 1. Tim. 2. Rom. 8.

III.

Quod humanas traditiones diuinis mandatis præferri, vel etiam equiparari, aut conscientias externis ceremoniis, & impotentibus mundi huius elementis, contra Prophetarum & Apostolorum admonitiones, granari & alligari non debere existimauerint. Deut. 4. 12. Mar. 7. Eph. 4. Hebr. 13. 1. Cor. 6. Tit. 1. Col. 2. Gal. 4.

III.

Quod hostiam consecratam in Missa ut sacrificium propiciatorium & oblationem incruentam pro viuis & mortuis, vel ut Christi transsubstantiatum corpus adorare, & ibi ceu panem Angelorum, & cibum aeternæ vitæ, in remissionem peccatorum sumere non sustinuerint, cum ex Pauli doctrina manifestè constet, post unicam Christi oblationem in cruce semel peractam, nullam aliam restare oblationem pro peccatis: Nec Christus alibi quàm in calice ad dextram Dei Patris adorandus & querendus sit. Heb. 9. 10. 1. Pet. 3. 4. Rom. 6. Coll. 3.

V.

Quod sacerdotibus peccata sua particulatim confiteri, & ab illis absolutionem plenariam petere, aut indulgentias veniales, & satisfactiones meritorias apud

E

rias apud

Matth. 11. rias apud creaturas exquirere, praterito vnico animarum suarum Episcopo,
1 Petr. 2. Indultore, Satisfactore, Seruatore & Creatore Christo pertinuerint.

Hebr. 9. 10.
Esa. 63.

Prouerb. 16.

Augus. in En-
chirid. ad Lau-
rent. cap. 67.
contr. Pelag.

Hypognost.
lib. 5.

1. Timoth. 4.

VI.

Quòd cum D. Augustino professi sint, qui ignem purgatorium (ex quo
moriui viuorum meritis liberentur) credunt, humana quadam beneuolentia
decipi.

VII.

Quòd iuxta S. Spiritus in Apostolo cautionem, non attenderint spiriti-
bus errorum, qui Ecclesiasticis suis perpetuo voto prohibent contrahere ma-
trimonium, & tam spirituales quàm laicos iubent abstinere à cibis, quos
Deus creauit ad participandum cum gratiarum actione fidelibus, & iis qui
cognouerunt veritatem.

VIII.

Ephes. 5.
1. Ioh. 1.

1. Corinth. 6.

Hcb. 1. 2. 10.

Quòd externam aquam Baptismi charactrem esse indelebilem, aquam
regenerantem, fontem saluificum, vel aqua benedicta omnia deleri delicta,
aut extrema olei vnctione, ex opere operato, cunctos animae nauos elui non
crediderunt, sed sacre scripture simpliciter acquiescentes, interno lauacro
aqua in verbo vite peccata abstergi, sanguinemque Christi nos ab omnibus
purgare delictis, & oleum letitiae, quod est Spiritus sanctus, nos plenè sancti-
ficare, renouare ac eluere confessi fuerint. Sed hac hactenus. Vnum me adde-
re adhuc oportet.

Si illorum religio & fides, quam iam recitauimus, vera fuit, & adhuc ho-
die, qui eadem credunt & profitentur, vera sit, ut multi pijs eam veram esse
sentiant, duplici modo aduersus eos seueris illis edictis & olim peccatum fuit,
& adhuc hodie peccatur. Primo modo, quòd humane illis constitutiones,
& superstitiosae opiniones, pro vera religione, & sana fide obtruse fuerint,
& adhuc hodie obtrudantur. Altero, quòd ob veram religionem & sanam
fidem interfecti, & oppugnat olim fuerint, & adhuc hodie interficiantur &
oppugnentur. Sin verò vtrorumque, & occisorum & viuorum, religio & fides
falsa sit, id quod nec hactenus à Romanensibus probatum est, nec vllò modo
ab illis probari posse creditur: iterum dico non solum non illos, quos videmus
articulis fidei, & primitiua Ecclesiae symbolis inhaerere, sed nec alios, qui verè
haeretici sunt, exterminari, vel vltimo supplicio affici debere: quò pertinent
vltima verba huius paragraphi.

De primo modo optarem legi Lactantium de iustit. lib. 5. cap. 20. 22. 23. &
24. De altero disputationem Mimi Celsi Senensis, quae est: in haeticis coër-
cendis quatenus progredi liceat. Item Chronicon August. Eleutherij in tra-
ctat. de Rom. haeticis, ex quo vnum precipue caput in lectoris gratiam huc
adscribere

adscribere volui, quo ostēdit, non esse temerè habēdos pro hereticis, quos mundus habeat pro hereticis: Periculum, inquit, est, ne verum sit Hieronymi dictum, quo ait multorum corpora in terris adorari, quorum anima apud inferos torquentur: quandoquidem Dei & hominum iudicia tam procul inter se distant, quàm calum à terra, & quod mundus pro sancto habet ac benedicit, id coram Deo est detestabile. Luca 16. Esa. 23. Est enim manifestum, quosnam mundus iamdiu canonizauerit & adhuc canonizet, & e contrario quosnam hereticos esse proclamet, videlicet omnes quicumque contra eius veritatem, lumen & Euangelium fuerint, quod tamen re ipsa mendacium est, & tenebra & abominatio: quandoquidem mundus nullos habet pro sanctis, nisi quos ipse sanctificauit. Rursum idem mundus suas tenebras & mendacia pro luce & veritate obtrudit, proclamat, ostentat, ac quidquid se his abominationibus opponit, utcumque rectum & verum sit, id pro heretico habetur: atque ita semper fuit; vt apparet in Christo & Apostolis, & antè in prophetis, qui pro hereticis cōdemnati sunt. Ita Valdo anno 1158. Dulcinus 1307. Rockenzam 1361. Wiclef 1364. Ioannes Hus 1414. damnati sunt pro hereticis. Quod idem vulgo sit nostro tempore, & fiet deinceps, vt pro hereticis multi habeantur ac puniantur, quos posteri pro sanctis venerabuntur. Itaque metuo ne multi boni Christiani fuerint hereticis annumerati, quemadmodum de Prophetis, & Christo, & Apostolis patet, & nobis Christus exemplo est. Omnes posteri adificant Prophetis, & Christo, & Apostolis sepulcra, & ea magnificè exornant, & tamen iidem semper (sicut Iudæi) implent mensuram patrū; ac quemadmodum agnus ab initio fuit interfectus, ita vsque ad extremum mactabitur. Vbicumque modo Christus existit, ibi semper inueniuntur Iudæ, Annæ, Caipha, Pilati, & vniuersa passio. Non est hodie melior aut sanior mundus, quam olim, vt non idem faciat: quin potius peior est, ita vt veritas pro heresi ab omnibus omnem persecutionem patiatur. Quamobrem diligenter prospiciendum est, quid & quare res aliqua concludatur. Nam ferè accidit vt Christiani, qui hereticorum nomen ferunt, non fuerint nisi nimis serò cogniti, aut etiam dedita opera hereticis fuerint adscripti. Ita factum est, vt Christus & veritas semper fuerit à mundo damnata, & pro mendacio & heresi habita, cuius rei causa illa est, quam dicebat Christus Ioan. 6. Non potest mundus odisse vos: me autem odit, quia ego testimonium fero de illo, quòd opera eius mala sint. Hic comprobatur dictum illud Luc. 16. Quod coram hominibus sanctum est, id coram Deo est abominatio. Atque vt omnia excutias, manet Deus verax, pertinētque mundi sanctitas, iustitia & sapientia ad illius Aduersarium, Matth. 7. Ioan. 16. 1 Cor. 13. Esa. 64. Dei opera quæ quotidie gliscunt, scripturas probè explanant, si quis oculos haberet ad videndum. Breuiter, si mihi daretur optio, mallet in conditione esse multorum quos mundus pro hereticis damnavit, quàm eorum quos in diuos retulit. Videre licet etiam nostro tempore apertissimè, quid mundus heresim appellet, & quàm malitiose & hostiliter verba aucupetur & secernat, & heretica pro-

nunciet, quæ modò veritati tantillum aduersari videantur, vel potius mundi nugis & libidini. Quicquid enim mundus approbat, id pro veritate vendit, & omnes ab eo dissidentes, sine vlla misericordia damnat. Cur ego non putem sic cum Wesselo, cum Wiclef, cum Iohanne Hus, aut etiam cum nonnullis antiquorum hereticorum (tamen si ecclesia nondum esset ita deprauata) actum fuisse, & eos perfidiosè occulta fraude oppressos fuisse, eorum verbis malitiosè detortis atque peruersis, cum idem quotidie fieri deprehendamus.

Item verò qui se de Orthodoxorum religione hodie iactant, & tamen alios tam audaciter hæreseos damnant atque plectunt, non magis fundati sunt super Orthodoxis, quam super Euangelio, quemadmodum manifestè demonstrari potest: quin eos ipsos pro hereticis re ipsa habent, quantumvis eorum sepulchra ornent, & in eorum disciplina stare se profiteantur. Video quàm probè possint huiusmodi homines indicare de rebus spiritualibus. Est enim veritas ita comparata, vt de ea indicare aut eam intelligere nemo possit (etiã si quis omnes humanas scientias ad vnguem calleat) nisi sit ipse in veritate; 1. Corint. 2. Cùm igitur mundus non solum non sit harum rerum capax, sed econtra mendacium amet, atque querat, Psalm. 4. quomodo possit de his rebus sententiam ferre aut pronuntiare, quarum non modò nullam habet naturaliter cognitionem: sed etiam si quis eas ei dicat, eas tamquam stultitiam deridet, & pro mendacio carpit, & de vera veritate adeò sinistrè loquitur, vt eius opinione veritas nihil minus sit quàm veritas, etiã si verbis eam iactet.

Hæc idè dico, quòd scio vniuersos mundi sapientes non posse intelligere quid dicat Christianus, nedum vt de eius negotiis loqui possint aut indicare: & tamen cæcus mundus de hoc colore quotidie indicat, videlicet secundum suam naturam, non melius quàm caro de Spiritu, & tenebræ de Luce. Hoc totum perspicuè apparet in Christo, quem videmus quomodo intellexerit Israëlitarum magister Nicodemus Ioan. 3. quem item omnes literati & Pharisei adeò non intellexerunt, vt vniuersam eius doctrinam pro puerili, stulto & detestando mendacio habuerint, & cum furiosum & pessimum hereticum iudicauerint. Idem fit & hodie, vt pro hæresi habeatur, quicquid eiusmodi est, vt id mundus intelligere aut comprehendere nequeat, præsertim verò de rebus spiritualibus, si quando carnalis mundus indicare vult, id ita facit, vt dicas esse asinum ad lyram. Omnia peruertit, & veritatem in mendacium vertit, & de Christianis nihil nisi mentiri nouit.

Propterea vocatur Scriptura liber clausus septem sigillis: sũntque verba Dei ita composita, vt ea non nisi eius filij intelligant. Loquitur cum eis in parabolis & occultè, ne quis ipsum intelligat, nisi qui sunt nati ex eo: estque eius obscura oratio clausa cunctis externis, id est, toti mundo.

Itaque

Itaque veritas quoque tempus scholamque suam desiderat, adeò ut melius sit tunc scire, quam veritatem coram saevo mundo intempestive profiteri, ne margarita porcis obiciantur, *Matth. 7. Amos 5.* Video nostro tempore apertissime quibus calumniis opprimantur pii: itaque credo idem olim fieri solitum, quandoquidem pietas impiis semper iniussa fuit. Omnia perverterunt scriptores mali & invidi, qui rerum potiti sunt: neque quicquam de iis quos oderant, sincere & bona fide scripserunt, ita ut ex eis veritas certo sciri nequeat. Si Scriba aut Pharisei Christi Evangelium scripsissent; videremus eius dicta omnia mirifice perversa & detorta, vocaretur seditiosus, seductor, rabula, diabolicus, blasphemus, veneficus, summus hereticus, sceleratorum princeps, Dei & Moysaicae legis hostis, & insuper meretricis filius, quemadmodum in eorum Talmud vocatur.

Quod si nostro tempore illorum similes, hoc est crudeles fictique homines, & eadem auctoritate praeiti (tales enim homines semper apud cecum mundum auctoritatem obtinuerunt) de hereticis sententiam ferent: id plane fiet, quod fieri videmus, ut secta alia aliam capitali odio prosequatur, & alij alios non intelligant, eademque res ab aliis damnatur, ab aliis absoluitur, sed semper eò deveniatur, ut quisquis vapulat, (vapulant autem semper pii) is omnium iudicio & vivus & mortuus male audiat, & potentes bene audiant. Sic est mundus, semper fauet potentioribus, pios odit, quoniam ab eorum vita damnatur. Sapient. 2. *Matthaei 10.* at impios odisse non potest. *Ioan. 7.* Iam verò cum Christus ipse suo ore literatos alloqueretur; quoniam non erant eius rei capaces (nam mundus Spiritum veritatis capere aut comprehendere nequit, *Ioan. 14.*) rem ipsam parabolis ambiguisque verbis implicabat, ut illis haec arcana nihil aliud essent quam clausus liber. Itaque illi eius omnia verba pervertebant, & omnino quid diceret non intelligebant, cum tamen adhuc viventem audirent. Hac res facit, ut ego arbitrer multos pro hereticis habitos fuisse, vel quia mundum reprehenderint, vel quia eos nemo intellexerit, omniaque de eis falso dicta scriptaque fuerint, quemadmodum etiamnum quotidie accidere comperimus. Itaque optandum esset ut quemadmodum Iohannis Hus, ita etiam ceterorum, qui pro hereticis habentur, exemplaria veraeque causas & scripta haberemus: quandoquidem nullus est ita malus liber, quin eo Christianus (qui eludi aut corrumpi non potest) uti possit in suum commodum: siquidem veritas collata cum mendacio conspicuosius & constantius elucescit. Propterea Deus haereses evenire permittit, & oportet mendacium esse, ad probandam iuvandamque veritatem. quando unaquaque res suum contrarium affert atque postulat. Præterea vellem idè nos habere eorum libros, ut perspiceremus vel falsitatem vel veritatem erroris eorum. Nam primos illos hereticos, qui fuerunt Apostolorum tempore, habuisse nonnullam speciem veritatis ex eo apparet, quòd movebant multos, cum tamen viverent. Apostoli, adeò ut propter eos factum fuerit concilium, *Act. 15.*

id quod nunquam factum fuisset, nisi illi sua probabiliter sacris literis colorare potuissent. At de iis, qui postea secuti sunt, hereticis, nihil nisi mera nequitia & abominanda blasphemia traduntur, sine vlla specie aut scriptura, sicut de Simone, de Mane, de Mcnandro, quorum nonnulli se Deum aut Christum esse iactauerunt, & tam inepta tradiderunt, ut ego non possim credere, potuisse primos illos Christianos ab eis decipi, si tam crassa fuissent eorum hereses. Videtur Eusebius saepe, si quid probabile habuerunt, pratermisisse, ut solemus, si quem odisse cepimus, nihil nisi malum de eo dicere possumus, ut est in proverbio: Inimicum os nemini bene dicit. Scriptores ea aliquando de hereticis post eorum tempus scripserunt quae vulgo ferrentur, sed credibile est illos togè aliam speciem habuisse. Itaque credo multa eorum dicta esse inuersa, multa etiam eis falso adscripta, aut bonis omissis, si quid mali erat, id esse decerptum atque auctum. quandoquidem nostro tempore si decem homines modo adfuerint in vna concione, & inde egressi inter sese contendant: ferè fit ut totidem sententias quot capita habeant, & concionatorem alij alia dixisse affirmant. Iam verò si etiam hi libri, qui amantur & manibus teruntur, tamen aliquando adulterantur, sicut ingenue fatetur Erasmus in Annotationibus, & Tertullianus contra Marcionem, & Origenes in *Matth. hom. 26*. quid credibile est accidisse hereticorum vel dictis vel scriptis, cum omnes eis fuerint inimici? cum saepe videamus sanctos & populo dilectos homines ita denigrari Scribarum & Phariseorum calumniis, ut reddantur omnibus inuisi. Sic ego hereticis accidisse opinor, qui si nihil nisi horrendas blasphemias habuissent, quemadmodum Anabaptistae à nonnullis accusari solent, mirum est potuisse vel unum hominem ab eis persuaderi.

- Quo facto omnino confidimus, Serenissimum Regem
1. saltem tacite ostendere voluisse se non statuuisse vllum post-hac ad religionem suam cogere, sed vnicuique permittere ut domus suae in quocumque loco habitet sine vlla persecutione & offensione liberè pro sua conscientia Deo seruire possit. Hoc ergo vnum est quod concessum & conuentum esse putamus, & concordat cum lenitate & voluntate Christi, cum vsu primitiuae ecclesiae & cum doctrina patrum.

ANNOTAT.

1. *Ad verb.* Se non statuissè] Tertullianus vetustissimus, iuxta ac doctissimus Theologus, ad Scapulam Praesidem Carthagini scribens, inquit: Humani iuris & naturalis potestatis est, vnicuique quod putauerit, colere, nec alij prodest aut obest alterius religio. Sed nec religionis est, cogere religionem, quae spontè suscipi debeat, non vi, quum & hostia ab animo libenti exposita lentur.

Ad verb.

2. *Ad verb. Concordat cum lenitate Christi]* *Mimus Celsus* Sect. 2. *disputat. de hereticis.* *Augustinus* alicubi dicit: Nullis bonis in Catholica religione hoc placet, si usque ad mortem in quenquam licet hereticum sauiatur. *Viderint* igitur ut boni appellari possint, qui non modo pro suggestu clamant muneris sui esse, hereticos magistratibus ad necem tradere: verum simplicium Christianorum mentes explorare, ut si aliqua doctrina cum sua non usquequaque conueniente imbutos deprehendant, Magistratui denuncient, ad hoc ex officio teneri asserentes. Ex his autem *Augustini* verbis manifestè percipitur, ad aetatem usque suam, ecclesie morem non fuisse quenquam ob religionem vel heresim necandum curare: sed potius pios ut Catholicos omnes hanc sauitiam horruisse. Alibi idem dixit: Diligite homines, interficite errores, sine sauitia pro veritate certate. Adhæreant quæsc duo hæc metalla lapidi *Lydio*, cuiusque attritu examinentur, utrum eorum potius sit, meliorique fodina effossum. Lapis autem sit pia, innocens, placidaque vita lenissimi illius agni Christi Iesu, ad cuius imitationem non discipulus tantum, sed magister quoque tam Dominus quam seruus, Rex non minus quam subditus pari obligationis nexu tenentur. *Ait enim Hieronymus:* Qui dicit se credere in Christum, debet ut Christus ambulare. Ipse non venit ut verberaret, sed ut verbera exciperet; alapam non dedit, sed accepit; neminem cruci affixit, sed ipse crucifixus fuit; non occidit, sed fuit occisus. Qui occiditur, Christum imitatur; qui vero occidit, Antichristum. Unusquisque igitur conscientiam suam probe excutiat, compertumque habeat, qui alios persequuntur, carnis filios; qui verò in sectationem patiuntur, spiritus natos esse.

QVOD verò definitum non est, ad publicum exercitium religionis pertinet. Est tamen in eo quoque in dictis pacificationibus conuētum, quod *Serenissimus Rex noster* *Ordinum* arbitrio hanc rem commiserit.

CIRCA istud primū attendi cupimus, nos indies videre & experiri, quo maior vis religionis nomine hominibus inferatur, eo statum Catholicæ Romanæ ecclesiæ deteriorem fieri.

ANNOTAT.

1. *Ad verb. Quo maior vis]* *Ioannes Wittingius:* Sape vidimus ætate nostra, ad martyrii spectacula Catholicos exemplo constanti monitos, religionem reformatam suscepisse, & in fide sua Romana naufragium fecisse. Hoc scilicet Ecclesiæ catholicæ (si Deo placet) ex asserti heretici morte lucri apponitur. Idem olim factitatum esse, ut quanto crudelior violentia religioni inferretur, tanto & illa magis amplificareetur, & receptus in mundo cultus deprimereetur, veteres ecclesiæ Patres asserunt, ut *Tertullianus* ad *Scapulam:* Nec tamen deficiet hæc secta, inquit, quam tunc magis adificari scias, cum cadi videtur.

detur. Quisquis enim tantam tolerantiam spectans, ut aliquo scrupulo percussus, & inquirere accenditur quid sit in causa, & ubi cognouerit, veritatem & ipse statim sequitur. Item Iustinus in colloquio cum Tryphone: Quod autem nos in Iesum credentes nemo terrere aut domare valeat, apparet quotidie: Cum enim obruncemur, crucifigamur, obijciamur bestis, ignibus aliisque tormentis tradamur, tamen a confessione non discedimus: sed quanto magis in nos sentitur, tanto plures pietatem fidemque per nomen Iesu profitentur, haud secus quam si quis vitem putatione prouocet ad vbertatem. Nam vitis à Deo & Seruatore Christo plantata est eius populus.

IMò manifestè deprehendimus, cum Regis consilium & propositum non sit aliud, quam Cathol. Rom. ecclesiam, eiusque cultores conseruare, tueri ac defendere, eius tamen Vicarios & exercitum semper perdendis iis occasiones praeuisse, & adhuc praebere hodie.

ANNOI.

I Ad verb. Perdendis iis occasiones praeuif.] *Quanam causa huius rei sit, id idem Vuitlingius libello de Magistratu in hanc fere sententiam persequitur: Euangelium, inquit, Magistratui suum permittit officium, quantum sui muneris terminos non excedat, sed in ordine legitimo permanserit, & puniat quicquid illi puniendum iure concessum permiffumque est. Ceterum si gladius extra sui iuris terminos fertur, & latius quam à Deo ordinatum est, puniendo progreditur, volens id quoque irrogata poena corripere, quod solo Euangelio & verbo Dei est corripiendum, cuius generis est incredulitas & heresis: sanè hic plus malorum dare potest, quam pacem & tranquillitatem retinere, seq. tantummodo per hoc facit hebetiorem, dum violenter alieni operis & officij executionem sibi vendicat, in alterius messem falcem suam (quod aiunt) mittendo.*

ORDINES verò sibi mutuò cōdolentes, cum Regi hactenus non libuerit, in tanta membrorum suorum diuulsione & infirmitate per praesentiam suam iis opitulari & succurrere, nec ipsis amplius aditus ad Regem nisi cum vitæ discrimine pateat, ut veritatem status corporis sui cognoscere possit, conati sunt seipsos variis remediis recreare. sed cum caput ipsis aduersum sit, & contrariis remediis, quam membris conueniat, utatur, quos Rex potissimum conseruatos voluit, eorum conditionem & facultates de die in diem in peius vergere & dilabi animaduertimus.

ANNOI.

1. *Ad verb. Contrariis remediis.*] *Lactantius lib. 5, cap. 20. Sed defendenda sunt, inquit, suscepta publice sacra. O quam inhonesta voluntate miser errant! Sentiunt enim nihil esse in rebus humanis religione praestantius, eamque summa vi oportere defendi. Sed ut in ipsa religione, sic in defensionis genere falluntur. Defendenda enim religio est non occidendo, sed monendo, non sania, sed patientia; non scelere, sed fide. Illa enim malorum sunt, hec bonorum. Et necesse est bonum in religione versari, non malum. Nam si sanguine, si tormentis, si malo religionem defendere velis, iam non defendetur illa, sed polluetur, atque violabitur. Nihil enim est tam voluntarium quam religio, in qua si animus sacrificantis auersus est, iam sublata, iam nulla est. Recta igitur ratio est, ut religionem patientia vel morte defendas, in qua fides conservata, & ipsi Deo grata est, & religioni addit auctoritatem.*
† Quomodocunque istud accadat, hoc certum est, euenta omnia ostendere & demonstrare media, quibus Rex contra nos utitur, ad eum finem, cui Maiest. eius ista destinavit, non feruire, sed prorsus contraria operari. Ergo non eo loco quo bona, sed quo mala haberi debent.

ANNOTAT.

† *Ad verb. Quomodocunque.*] *Causa videtur mihi non esse alia, quam quae supra in praefatione ad Ordines deducitur & exponitur, cum qua convenit admonitio cuiusdam viri pij & docti ad omnes Principes & populos olim facta, quae sic habet, de verbo ad verbum:*

ILLUD volo admonitos omnes Principes & populos, ut caveant seditiones & tumultus, qui solent ex persecutionibus oriri, sicut ostendunt exempla. Primum, tempore Machabeorum maxima & longissima bella extiterunt propter persecutiones Antiochi Epiphanis, qui Iudaeos propter religionem infestavit: nec finire malum id potuit, nisi cessante persecutione. Deinde Hierosolymis perniciosissimi tumultus extiterunt, quia Scribae & Pharisei Christum persecuti sunt, cum antea nullae essent tales turbae. Idem postea accidit in Paulo, qui cum Ephesi sine vlla turba doceret, extitit Demetrius faber argentarius, qui sua persecutione tantam seditionem excitavit, ut tota urbs tumultu confunderetur. Idem postea fecerunt Iudaei, qui Paulum in templo nulla turba nacti, persecuti sunt, & ita maximos tumultus effecerunt. Idem nostro tempore videre licet. Nam ubicumque sunt persecutiones, ibi sunt omnia plena barbarum: ubi vero absunt persecutiones, quamvis diversa sint religiones, omnia sunt tranquilliora. Novi ego aliquot urbes, in quibus sunt fere tot sententiae, quot capita: tamen quia cessat persecutio, cessant seditiones: eadem, si excitaretur persecutio, turbis confunderentur. Sunt Constantinopoli Turcae, sunt Christiani, sunt & Iudaei, tres nationes inter se de religione maxime dissidentes, qui tamen inter se pacate vivunt; quod profecto fieri

F

et fieri

Etò fieri non posset, si essent ibi persecutiones. Perpendatur hac res, deprehendatur, persecutiones semper maximorum malorum causam extitisse. Quare si vultis o Principes & Magistratus vestras res habere tranquillas, nolite eis obtemperare qui vos ad persequendum incitant. Sunt enim seditiosi, cum tamen alios seditionis accusent, sicuti Iudæi Christum, qui ipsi seditionem excitabant, & domum Christi, qua charitate debet edificari, odii & sanguine edificare volunt. Quod si eos non cauebitis, mihi credite, vestra regna, & Respublicas, & civitates, & animas & corpora funditus, & in semperiternum perdent, & in eandem vos infelicitatem redigent, in quam Scribe & Pharisei Iudaicam gentem suis persecutionibus, sanguinariisque consiliis redegerunt. Hac Georgius Kleinbergius lib. de Religione.

Magnum mysterium est religio Christiana, ad quam promouendam Deus non impio milite, non arcubus & gladio; sed spiritu suo, & Pastoribus à se missis vitur.

ANNOTAT.

Regnum Christi non est de hoc mundo, est spirituale, non carnale. Similiter verbum Dei propriè loquendo, spiritus est. Euangelium virtus Dei. Verus cultus Dei novi Testamenti fit in spiritu, & est spiritualis. Ita etiam fides gratuitum spiritus Dei donum est. Quare per homines, siue gladio carnali nec acquiri, nec auferri, nec defendi aut conservari potest.

Quod si inhonestum est aliquot Episcopos metuo coactos sententiam immutasse: quanto gravius fœdusque illorum facinus, qui quod hominum est, minimè suæ causæ confidentium, inuitos ad mutationem sententia coegerunt! Ita quoque diabolus, quia nihil veri habet in securi & ascia innadēs, concutit fœres eorum à quibus recipitur. Saluator contra mansuetus est. Si quis, inquit, velit me sequi & esse discipulus meus, docetque se cum ad quempiam venit, non instare, sed potius pulsare ac dicere: Aperi mihi soror, mea sponsa. Quod si aperiant, intrat: sin grauentur aut nolint aperire, abscedit.

Athanasius epist. ad solitariam vitam agentes: Non enim gladiis aut iaculis aut militari manu veritas predicatur, sed suadendo & consulendo.

Augustinus retract. lib. 2. cap. 50. Non placet mihi ullius secularis potestatis impetu schismaticos ad communionem violenter arctari.

Damasceus tradit, Euangelium toto orbe fuisse predicatum, sed nullis telis, aut armis, aut bello suos aduersarios vicisse, sed à paucis nudis, pauperibus, indoctis & flagellatis confusos fuisse sapientes mundi. Quomodo enim posset Ecclesia martyres habere, si ipsa martyres faceret?

Witlingius ad locum illum Christi: Regnum meum non est de hoc mundo, Ioan. 18. scribit: Non est quod huius mundi Principes gloriantur se esse Ecclesie Christiane defensores: Ecclesia enim non potest defendi armis, propterea quod regnum Christi non sit de hoc mundo. Quod si quis voluerit esse protector Ecclesie, Petri, Pauli, ac aliorum Apostolorum & martyrum, gladium.

dium accipiat, non Augusti aut Neronis. Nam Imperatores defendunt externo suo gladio oppida & vicos: Apostoli autem defendunt Ecclesiam gladio spirituali, hoc est verbo Euangelij, & passione sua, qua de verbo testificantur.

SED ne longius à proposito nostro digrediamur, ex his causis, quas modò breuiter attigimus, Serenis. Regem Dominum ac Principem nostrum naturalem demississimis animis rogatum volumus, vt placeat Maiest. ipsius semel à medijs, quibus nunc vtitur, desistere. Quàdiu in his angustijs & miserijs constituti sumus, nec Ordinibus nec subditis vlla requies supererit, vt super ijs, quæ ad pietatem, quoad Deum & Maiestatem eius pertinet, ita vt oportet intenti esse possint: sed omnes in eo laborant, quò se aduersus iniurias Hispanorum defendant & tueantur.

NEVTROS tamè pertinaciter in opinione sua perseuerare velle existimandū est, nec Regis voluntati, quoad religionem verà, vilo modo resistere, si postea quieti restituti repperint se in aliquo articulo aberrare. Quis enim est qui sciens seipsum æternis cruciatibus dedicare velit? Quapropter obnixissimè Ordinesrogant, quod ad publicum exercitium alterius religionis, quam quæ Cathol. Romana est, attinet, quod post prædictas Pacificationes pluribus in locis, quàm antè erat, introductum & institutum est, vt pro necessitate, in qua constituti sumus, & ex causis, quas suprà enarrauimus, Rex hanc beneuolentiam & amorem prouincijs nostris elementissimè præstare velit, vt placeat Maiest. suæ, eos subditos, qui sunt alterius religionis, in hac parte quoque conscientijs suis relinquere, & religionis publicum exercitium iuxta tenorem articulorum, qui à nobis exhibiti sunt, indulgere.

ANNOTAT.

Auctor Commentariorum De regno, &c. lib. 3. Quum tempore schismatis pontificij Christiana Respublica discessisset in partes, & alij alijs bellum inferrent, disceptanda erat quedam controuersia inter Gallia Regem & Ducem Britannia, eiusque rei causa Turonibus indictus erat conuentus. Ibi Ducem nonnulli è consilio regio summonuerunt minus esse obsequentem Regi, quòd diuersa ab eo religionis esset, neque decere Vassallum diuersam à suo principe religionem sequi. Ad ea Dux prudenter respondit: id neque rebellionem, neque inobedientiam iure vocari posse; neque se quemquam conscientia sua arbitrum præter Deum habere. Plerique Consiliarij Regis, sed tenuiores, in discrimine illo religionis hærebant: sed Biturigum & Burgun-

die Duces non tanti esse illud indicarunt, ut fœdus cum Duce impedire posset. Itaq. ex eorum sententia non tantum Rex fidem futura cum Duce amicitie sœxit, sed domesticum quoq. fœdus publico adiunxit, pacta filio Ducis in matrimonium filia. Hoc exemplum Christiani principes imitari debent, neque propter discrimen religionis inuicem dissidere, sed eius rei summum arbitrium ad Deum ipsum deferre, neque ab iis ad ullam religionem armis adigendi subditi, sed molliores via tentanda sunt, enodandi errores, & ex Dei verbo via rector aperienda est: sed præsertim cum hæreseos conuicti non sunt, etiamsi adulescentes instigent, nunquam tamen bello vel vi sunt cogendi.

HANC unicam viam unam cum vera pœnitentia esse putamus, qua Dei iram erga nos auertere poterimus, quod alijs fortassis mirum videbitur, nobis autem non ita, qui inter calamitates istas didicimus regimen animarum & conscientiarum ad solum Deum pertinere, cumque verum religionis læsæ vindicem esse; item unicum hunc esse modum, quo & Regi Catholico Domino & Principi nostro naturali debita sua obedientia restituatur, & nos ipsi inter nos ad mutuam concordiam & amorem redeamus.

ANNO T A T.

Ose. cap. 5.
vers. 10.

† Ad verb. Regimen animarum.] Iunius Brutus in libro cui titulus Vindiciæ contra tyrannos Q. 1. Mihi certe causam tot tantarumque calamitatum, quibus abhinc annis aliquot orbis Christianus diuexatur, examnanti, succurrit illud Oseæ Propheta: Principes Iudæ iis similes fuerunt, qui terminum mouent: Itaque iram meam aqua instar in eos effundam. Ephraim verò conteritur in iudicio, quia impia mandata secutus est. Peccatum & Principum, & populi, vno verbo hic habes. Terminos verè mouent ij Principes, qui illa iurisdictione non contenti, quam ipsis tribuit Deus Opt. Max. eam quam sibi supremam in omnes retinuit, vi innuadere conantur, quibus, inquam, non sat est bonis corporibusque subditorum pro arbitrio & libidine uti, ni etiam miserorum animas, quod Christi merum peculium est, sibi vendicent, qui solo non contenti, calum etiam ipsum audacter aggrediuntur, admotisque scalis innuadere conantur. nimirum ut ait Poëta:

Qua licet affectant calum isti: Templa Quirinus,
Liber, & Alcides, & modo Cæsar habent.

Populus verò impia mandata sequitur, qui aduersus legem Dei quicquam iubentibus aut assentitur aut assentatur, qui tanquam Diis thura quodammodo adolet, qui solum Dei affectantibus non contradicit, qui quæ propriè Dei sunt, Cæsari tribuere non veretur. Et inferius: Principes ne in tam atroce crimen incidant, suam à diuina iurisdictione in primis distinguant necesse est, & eo quidem accuratius, quod in eodem solo, in eadem re, in homine, inquam, Deus & Rex, ius suum ambo capiunt. Constat homo ex corpore
& anima :

& anima. Deus corpus finxit & animam quoque inspirauit: utroque ergo optimo iure vti solus poterat. Quod si liberaliter indulget Regibus, ut subditorum corporibus bonisq; ad eorundem tamen conseruationem, vti possint, meminisse sanè debent vsum non abusum concedi. In primis verò nil quod animæ tributi nomine imperent, habere se, qui suam ipsi Deo tributariam profiteri teneantur. Rex capit tributum censumue à corpore, usque quæ corporis ministerio acquiruntur colunturue. Deus ab anima præcipuè, quæ suas etiam functiones per corpus exercet. Ad tributum illud pertinent fructus, nummorum pensitationes, & cetera onera tum realia, tum personalia. Ad hoc, preces, sacrificia, conciones cultusque adeo diuinus, tum priuatus, tum publicus. Quæ quidem adeo diuersa & distincta sunt, vt neutrum alteri officiat, fiscus Dei, Cæsaris fisco nil adimit, sed inique ius suum constet. Item:

Quod si utrumq; tributum sibi vendicat Princeps, perinde ac si Gigantiū more celum petere & scandere conentur, regnia affectati reus est, & non secus ac Vasallus qui regalia iura inuadit, feudum committit, ac eo sapissimè spoliatur, & eo aequius, quòd ea Vasalli ad Dominum superiorem aliqua; Regis ad Deum, homuncionis ad omnipotentem nulla potest esse proportio. Quotiescumque enim Princeps aliquis insolenter dicit: Ego scandam celum, extollam folium meum supra stellas Dei. & ero similis Altissimo. At ego contra, Deus inquit, extollam meipsum, insurgam aduersus te, & exscindam nomen tuum ad ultimos nepotes vsque. Et tua quidem consilia euanescent: quod verò semel decreni, mutari non potest aut incassum cedere. Hac ille.

Isai. 14.
vers. 22.

* Ad verb. Eumq; verum relig.] Lactantius lib. 5. cap. 21. Nos Christiani non expectimus vt Deum nostrum, qui est omnium Creator, colat aliquis inuitus, nec si non coluerit, irascimur. Confidimus enim Maieſt. eius qui tam contemptum sui possit vlisci, quàm seruorum suorum labores & iniurias. Et ideo cum tam nefanda perpetimur, ne verbo quidem reluctamur, sed Deo remittimus ultionem, non vt ij faciunt, qui defensores se esse deorum suorum videri volunt, & sauiunt efferatè aduersus non colentes.

QVI modus præterea etiam magis amplectendus est, quòd multis euentis eum ad concordia & pacis constitutionem inter Principem, Magistratum & populum utilem & salutarem esse in multis regnis, prouincijs & ciuitatibus comprobatum sit. Atque hæc de Religione.

SECUNDVM, in quo diximus aberrationem aliquam inter Sereniss. Regem nostrum, & inter Ordines existere, circa auctoritatem Regis versatur. quæ non ex culpa nostra, nec etiam, vt speramus, ex voluntate Regis, sed ex iniuria & ignorantia Gubernatorum nata est.

F. 3

AT

At maiori ex parte definita est hæc quoque controuersia per priores Pacificationes, quibus singulis prouincijs pacta, libertates, iura & priuilegia sua salua & illæsa à Rege promittuntur.

Vicissim Ordines per easdem pacificationes Sereniss. Regi Catholico, Principi ac Domino suo naturali, omnem obedientiam, quam secundum mutua ista pacta, libertates, iura, priuilegia sua, Maiest. eius præstare debent, addicunt & promittunt.

Nec ab eo tempore quicquam noui in hoc articulo accessit, quàm quod in receptione Sereniss. Archiducis Austriæ, secundum prædicta pacta & iura, potestas Gubernatoris & reliquorum Consiliariorum & Officialium per certas condiciones, ut posthac mala, in quæ nunc per Gubernatores & Consiliarios incidimus, euitentur, declarata & restricta est.

*Augustum quid atq. fir-
mum est socie-
tas generis hu-
mani, ad illā tamen vel stabiliendam, vel euertendam, maximum habet momentum Magistratus. Plato in Polit. vel in libro De regno.*

Hæc condiciones speramus Sereniss. Regi, cum non ad imminutionem auctoritatis ipsius, sed ad iniurias & iniustitias Gubernatorum & Consiliariorum præcauendas; deinde ut quod fieri debet, viri sapientes & iusti, in quibus non minus quàm in ipsis legibus salus Reipubl. posita est, dignitatibus & officijs præficiantur, in electionibus & ordinationibus eorum additæ & constitutæ sint. eas, inquam, speramus Maiestati ipsius non displicituræ; sed easdem consensu suo comprobaturam.

Bonus Magistratus efficit, ut vitam felicem homines uiuant, quantum potest aliquid in hac vita inesse felicitatis: malus e contra vitam per se miseram planè reddit & euerit. Plato ibidem.

Hæc breuiter ita Cels. & Dign. V. ad defensionem articulorum, quos iussu Sereniss. Archiducis Austriæ & Ordinum exhibuimus, item ad declarationem eorundem referre & aperire volumus. Si quid adhuc amplius in his vel alijs articulis desideretur, vel tanquam durius offendat: Illustrissimus Dux Arschotanus & nos amicè & humillimè petimus, in specie nobis ista proponi, parati sumus quauis hora super ijs intellectum & mentem nostram declarare. Factum Colonix xxj. Maij Anno 1579.

XXIII. Maij, ad legatos Ordinum, qui in ædibus Ducis Arschotani congregati erant, venerunt aliquot Dominorum

47

rum Commissariorum Consiliarij, Nobiles & Doctores, vnà cum Cancellario Treuirensi. hic ordiens, inquit, se vltimum scriptum illorum perspexisse, & penitus articulos ab ipsis exhibitos examinasse; sed reperisse se in ijs quamplurimas difficultates & obscuritates; & primo loco articulo secundo: vbi petūt vt Rex gratum & ratum habeat, quicquid factum, contractum, constitutum per Archiducem Austriae Mathiam, Concilium Status Ordinesq; fuit, ea dicta sibi videri nimis generalia; rogare ergo vt ea speciatim declarare velint.

P O R R O in articulo tertio; non solum petere Ordines approbationem priuilegiorum quæ cuiq. prouinciæ & ciuitati competūt, sed simul etiā vt reliquæ prouinciæ frui possint priuilegio Brabantiae: & aiebant rationi consentaneum sibi videri, vt Princeps custodiat & seruet singulis prouincijs priuilegia, statuta, & cōsuetudines eorum; sed cū sibi de priuilegio Brabantiae nihil constet, petunt exemplum eius exhiberi, addentes; antequam possit virtute istius priuilegij, propter infractionem eius, alius Princeps eligi, requiri vt præcedat declaratio. Nūc sicut graue foret Prouincijs, si declaratio ista per Regem fieret; ita absurdum & iniquum Regi visum iri, eandem declarationem per Prouincias in propria sua causa fieri.

I T E M quod decimotertio articulo dicitur, vt illi Gubernatores, quos Rex in posterum ordinare posset, obstringantur ad eosdem articulos & condiciones iuranda, super quibus Archidux Mathias receptus fuit, cū eorum quoque notitiam nullam habeant, petunt similiter illorum visionem & exhibitionem.

Q V O D articulo decimoquarto petitur, vt nulli admittātur ad gubernacula prouinciarum, ciuitatum quàm solum indigenæ, vel naturales, qui partes Ordinum secuti sunt, nimis sibi durum videri, sine discrimine omnes illos excludere velle, qui à partibus Regis steterint. Quare præstare vt in hac parte aliqua fiat mitigatio.

D E I N D E articulo decimo septimo titulū defensoris libertatis Belgij attribui Duci Andegauensi, nihil aiebant ad hoc negotium pacificationis conferre: sed magis ad irritandam & exulcerandam aduersam partem seruire. Quare melius sibi videri ab eo titulo abstinere.

V L T I .

VLTIMO inquebāt plures se adhuc difficultates in ijsdem articulis inuenire, sed quas vellent iudicio legatorum Ordinum considerandas relinquere: darent operam vt lenirent & mitigarent suos articulos, quo occasionem haberent vltius progrediendi.

ORDINVM legati deliberationem ad ea petierunt in diem crastinum.

XXIIII. MAII Ordinum legati consilium inierunt, an prestaret solum ad difficultates, quę præterito die propositę erant, Dominis Commissarijs respondere, an verò ne tempus perderent, respondendo & replicando, exhibitionem articulo- rum, iuxta secundam suam Instructionem facere. Hęc opinio inter eos præualuit. Quare altero die, nempe xxv. præmissa breui præfatione, quę vnà in scriptis data fuit, articulos sequentes exhibuerunt, ijsque exhibitis, quędam ore addiderunt, prout sequitur.

P R Æ F A T I O.

*Reuerendissimi, Illustrissimi, Generose, Nobilis
S. Cæs. Maiest. Commissarij.*

AD ea, quę heri & antè, ratione obscuritatum & difficultatum, quę se in articulis, ab Illustrissimo Duce Arschorano, & nobis Sereniss. Archiducis Austriae Gubernatoris & Ordinum legatis, exhibitis offerre & moueri posse videntur, proposita sunt, ne vllum impedimentum aut mora tractationi inceptę per nos inducatur, & vt amicę, gratiosissimę, gratiosę & beneuolę exhortationi & petitioni vestrę acquiescamus, conati sumus priores articulos, quantum à nobis fieri potest, iuxta Mandatum, quod accepimus, lenire & mitigare, quibus obscuritates & difficultates, quę heri obiectę sunt, & quę adhuc obijci fortè possent, Cels. & Dign. V. magna ex parte remotas & sublatas esse inuenient. Eos articulos ijsdem Cels. & Dign. V. exhibemus, cum hac necessaria declaratione, nos nihil amplius, quàm quod his continetur, prestare posse; vti

*Instructione
enim legato-
rum Ordinum ad istos articulos restricta fuit.*

nec

49

nec præsens status rerum nostrarum, & necessitas, in quibus
versamur, amplius aliquid ferunt aut permittunt.

ARTICVLI.

I.

CONCEDATUR utrimq. perpetua obliuio siue ἀμνησία
omnium eorum quæ facta sunt à tempore primorum mo-
tuum, & causa illorum, quocunq. modo aut loco, tam gene-
raliter quàm particulariter, ita vt eorum nulla fiat amplius
mentio, exprobratio aut inquisitio, quasi ea nunquam acci-
dissent.

*Concordat
cum pacifi-
catione Gau-
daensi &
Edicto perpe-
tuo art. 1.*

II.

REX Catholicus habeat ratum & gratum, quicquid fa-
ctum, contractum, decretum, conclusum, definitum. proui-
sum, collatum, aut quoquomodo actum est per Sereniss. Do-
minum Archiducem Austriæ Mathiam, Consilium Status
atque Ordines, tam id quod concernit negotium bellicum,
quàm politicum.

ANNOTATIO.

*Si iusta Ordinum defensio fuit, vt alibi ostenditur, iusta etiam hac petitio
est. quinetiam necessario peti debuit, ne vlla materia vel occasio simultati-
bus, discordiis & diffidentiis relinquatur. Huc igitur referri potest, quod
Marius Salomonius post longam super ea re disputationem concludit: Ius
principatus nihil aliud esse quam ius quoddam populi, & per hoc iure populi
& auctoritate quemque principatum agere ac leges constituere, nec plus
posse & valere quàm eius potest populus. lib. 1. De principatu, pag. 27.*

*Eòdem pertinet quod scribit Iunius Brutus in d. tract. De vindiciis Q. 3.
pag. 198. Rex in administranda Republica primas partes tenet quidem, at
ipsi optimates secundas, tertias, suas quoque suo loco. Non ergo si ille suas ma-
le agi sinat, hi sequentur; non si Rempublicam perdi permittat, conuinebunt.
Respublica enim iis non secus quàm illi concredita est, & ita quidem vt non
modò ipsi per se suo officio bene fungantur, sed Principem in officio suo conti-
neant. Denique vt Rex utilitatem Reipublica curaturum se promittit,
ita & illi.*

III.

REX etiam promittet rata habere, & tenore præsentium
rata habebit omnia priuilegia, iura, vsus, antiquasque consue-
tudi-

Iuris est.

G

tudi-

IIII.

OMNES milites Hispani, Itali, Burgundiones, Germani, Franci, Angli, Scoti, omnesq; alij extranei indifferenter vtriusque partis, egrediantur ex ditionibus Belgicis intra terminum sex hebdomadarum: Interea tamen Princeps Parmensis deseret ilicò oppida & loca quæ occupat vel detinet post inuasum Namurcum; qualia sunt, arx & ciuitas Namurcensis, Carolomontium, Bouinæ, Philippo-villa, Louanium, Leewa, Diestum & alia. eaque reddet Ordinibus vnà cum tormentis bellicis, munitionibus & comineatu: Et eorundem extrancorum loco, collocabuntur in oppidis & arcibus vbi expedire videbitur, milites naturales Belgij, idque consensu & approbatione Ordinum generalium, ac notanter eius prouinciæ vbi collocabuntur.

Concordat cū
principali in-
tentione præ-
dictæ Pacifi-
cationis &
Vnionis notā-
ter art. 3. 4.
5. 6. & alijs
Edicti perpe-
tui: item art.
13. ibidem.

V.

POSTQVAM autem Hispani & exteri Belgio exierint, oppidaque, fortalicia, & loca restituta fuerint in manus naturalium, sicut dictum est, exauctorentur etiam atque exeant omnes exteri qui Ordinibus militant. Supradicti quoque milites naturales, antequam ingredientur ciuitates aut loca munita, præter fidelitatem quam iurabunt Regi Catholico, vt prouinciarum Principi & legitimo Domino, iurabunt etiam fidelitatem Patriæ, Ordinibusq; generalibus & particularibus prouinciarum, quas ingredientur, ac notanter obseruare articulos in hac pace conclusos.

ANNO T A T.

In duobus istis articulis, item in art. 14. seq. vltra ea qua iam antè per præcedentes tractatus concordata reperiuntur, petunt Ordines vt milites isti prædijarij suo consensu & approbatione constituentur. Secundo, vt & illi & subditi in patriam redeuntes, non minùs patriæ, & sibi, quàm Regi fidelitatem iurent. Tertio, vt qui ad gubernacula in posterum admittentur, non solum sibi grati sint, sed etiam a parte sua steterint. Horum causa & ratio infra redditur.

Concordat cū
art. 9 Pacifi-
cationis & 8.
Edicti.

VI.

OMNES captiui vtriusque partis liberabuntur sine aliquo pretio redèptionis, si modò ante huius pacis cōmunicationem non

non fuerint aliter obstricti: ita tamen vt teneantur respectiue expensas soluere. Si qui etiam ante hanc communicationem promiserint redemptionis pretium soluere, tenebuntur etiam satisfacere suæ promissioni.

VII.

ET quia Comes Buranus extra oppidum & Academiam Louanensem sine causa extractus est, vinctusq; ex Belgio contra priuilegia tum dictæ Academiæ, tum Ducatus Brabantiæ: idem Comes statim restituatur in libertatem, & remittetur in oppidum Antuerpiense intra terminum trium mensium.

Hæc priuilegia in Belgia notoria sunt.

VIII.

QUILIBET vtriusque partis restituatur, & regredietur in sua bona immobilia, non obstante quacunque alienatione facta à tempore pacificationis Gandauensis: atque etiam in bona mobilia non distracta aut alienata.

Conuenit cū articulo 10. & 17. pacificationis Gād.

IX.

FIET etiam restitutio bonorum in Burgundia, Luxemburgo, Hollandia, Zelandia, alijsq; locis, vbi Pacificatio Gandauensis non fuerit adimpleta, tam Ecclesiasticis, Principi Aurangix, quàm omnibus alijs, iuxta dictam pacificationem.

Ita & hic articulus.

X.

OMNES naturales Belgij vtriusque partis poterunt libere in Belgium reuerti, ibique habitare; ea lege vt præstent iuramentum fidelitatis, tam Regi quàm patriæ, ac Ordinibus generalibus & particularibus eius prouinciæ in quam reuertentur, atque adeò sese obseruaturos omnes articulos huius pacis.

Concordat cū mente & intentione 4. articuli in dicta pacificatione.

XI.

PACIFICATIO quoque Gandauensis, Edictum perpetuum 17. Febr. Anno 1577. Bruxellæ publicatum; Vnio siue confœderatio Ordinum, ac aliæ securitates subsequutæ, in omnibus alijs punctis & articulis obseruabuntur.

Conformis est secūdo articulo Edicti.

XII.

EXCEPTO quòd in ijs prouincijs & locis, vbi religio quæ dicitur Reformata, Confessio Augustana vel pax religionis, dicta Religionis friedt recepta est, omnia permanebunt in suo statu, secundum eandem pacem religionis, neque religio-

Ratio in dictis post exhibitos artic. & similiter exponitur.

nis causa vlla fiat inquisitio, idquē donec per conuentum Ordinum generalium aliter prouisum fuerit, quemadmodum pro maximo bono & quiete prouinciarum respectiue expedire videbitur.

A N N O T A T.

Conuenit hic articulus cum omni iure, & diuino & humano, ac præcipue cum pacificatione, quam Passauj inter Imperij principes & subditos, commemorat Slerdanus initam fuisse his verbis: Intra sextum mensem Caesaraget Imperij conuentus, ac tum qua potissimum ratione dissidium religionis componi debeat, deliberabitur. Pacem interea colent omnes, & propter religionem nulla cuiquam exhibebitur molestia. Quod autem de pacanda religionis modo, communi Ordinum consilio & interueniente Caesaris auctoritate decretum fuerit, nimirum ut placidis & pijs & æquis rationibus componatur dissidium, id erit firmum atque ratum. Comment. lib. 24.

XIII.

Seruit hic articulus nō minus ad securitatem & utilitatē Regis, quā ipsorum Ordinum vel prouinciarū.

G V B E R N A T I O generalis Belgij manebit penes Sereniss. Dominum Archiducem Mathiam, ijs condicionibus, quas iurauit: quem si contingat mori, vel si forrē sese vellet aliō conferre, Regia Maiest. non poterit committere alium Gubernatorem, nisi gratum Ordinibus, ex suis liberis aut sanguine legitimo, qui tenebuntur iurare eosdem articulos ac condiciones, super quibus receptus fuit dictus Dominus Archidux.

XIIII.

Concordat ex parte cū art. 10. & ex parte cum 17. dicti Edicti, sed non ex toto cum 9. artic. eiusdē Edicti.

N V L E I in posterum admittantur ad gubernacula prouinciarum, ciuitatum, castrorum & fortalitiū, Capitaneatus aut præfecturas militum, neque ad consilia Status Secretum aut financiarum, aut alia officia magni momēti, nisi t naturales Belgij, bene idonei, & bona illic habentes, quiq̃ steterunt à partibus Ordinum, gratiq̃ sint tam Ordinibus generalibus, quā prouincijs particularibus, ad quas mittentur, ac aliās iuxta priuilegia earum. Qui primū & antequam admittentur, tenebuntur solemniter iurare hanc pacem, & particulariter etiam manu tenere & obseruare priuilegia, consuetudines, iura & vsus generales & particulares Belgij; ac iureiurando promittere, si resciscant aliquid tractari in eius præiudiciū, quōd ea de re certiores facient Ordines generales & particulares prouinciarum, sub pœna quōd habendi sint pro periuris.

A N N O

A N N O T A T.

† *Ad verb. naturales Belgij.] Auctor Commentariorum De principatu rectè & tranquille instituendo: Princeps haud alia ratione rerum incolu-
mitati melius consulere poterit, quàm si prouinciarum suæ ditioris munia
earundem ciuibus atque indigenis naturalibus fungenda permiserit. Subdi-
torum enim mores atque ingenia multò facilius à notis & sui corporis viris,
quàm ab inquilinis tractantur. Deinde nihil odiosius populo, quàm si sum-
ma quæque officia, sacerdotia, dignitates ab externis occupari videat, ut ait
Comineus. Romani veteres (quorum sapientia documento esse debet) non
modò peregrinos, sed ne socios quidem ipsos ac propè consanguineos Latini no-
minis in Senatum admittebant: imò illis petentibus ut Senatus æqua pars ex
utraque gente esset, & consociato Imperio alter Consul Roma, alter ex Latio
crearetur, bellum quàm eam pacem maluerit, in qua peregrinum Senatum,
peregrinos Consules Romæ essent visuri. Venetiis, Genua, & in aliis Italia li-
beris urbibus, Argentorati, Norimberga, Augusta, Francofordia, Magde-
burgi, ac aliis Germania ciuitatibus, & tredecim Heluetiorum pagis mos
hic religiosissime obseruatur, ne ad munia Reipublicæ peregrini admittan-
tur, &c.*

XV.

ET quia Ordines sunt obligati Seren. Reginae Angliæ, pro-
pter sinceram amicitiam, vicinitatem & auxilium quod illis
præstitit, ad vtilitatem publicam: ipsa comprehendetur reci-
procè in hoc tractatu, in confirmationem antiquorum fœde-
rum, perpetuò conseruatorum inter principes tam eius regni,
quàm Belgij.

XVI.

SIMILITER comprehendetur in eodem hoc tractatu Il-
lustrissimus Dux Andegauensis Regis Christianissimi frater,
tanquam defensor libertatis Belgij, cum recognitione, quam
Ordines ipsi promiserunt proponere & resolueret; quoniam
tam liberaliter atque heroicè operam nauauit eorum defen-
sioni ac cōseruationi: uti etiam comprehendentur omnes alij
confœderati dictorum Ordinum.

A N N O T A T.

*Ambo & Regina & Dux Andegauensis, oppressis per Hispanos Bel-
gis, nihil aliud fecerunt, quàm quod iure naturali facere illis & reliquis
mundi Principibus ab omnibus politicis putatur incumbere: nempe quòd
populo vicino iniurias patienti opem & auxilium tulerint. Vasquius Hi-
spanus illust. contr. lib. 1. cap. 22. num. 6. Iure naturali omnibus Principi-
bus incumbit, ciuibus vel populo alicui oppressionem patienti, opem & au-*

*De hac prote-
ctione vide Io-
annē Bodinū
de Repub. li. 7
cap. 2. pa. 176.*

xilium ferre. & hac est, inquit, heroum, egregiorumque virorum vera laus, gloria, decus & honor. Item cap. 21. num. 29. & in fine. Cum cognationem quandam inter nos natura constituerit, hominem homini periclitanti iniuriæne patienti, non subuenire, indecorum, inhumanum & impium est, arg. l. v. vim. ff. de iust. & iure. &c.

XVII.

SUPPLICABITUR S. Sanct. S. Cæs. Maiest. Regi Christianissimo, Reginae Angliæ, Duci Andegauensi defensori libertatis Belgicæ, omnibus principibus Electoribus Germaniæ, Duci Iuliacenfi, tanquam studiosis utilitatis & tranquillitatis Reipub. Christianæ, ut ijs placeat efficere ut hic tractatus in omnibus suis partibus compleatur & inuiolabiliter obseruetur.

XVIII.

Hic tractatus reciproce iureiurando solenni super sancta Euangelia præstito confirmabitur & à Rege approbabitur intra terminum trium mensium post conclusam hanc pacem, aut citius si fieri potest. Actû Coloniae xxiii Maij Anno 1579.

DICTA POST EXHIBITOS

ARTICVLOS.

AD articulos iam exhibitos cum secundus ex ijs in genere necessariò ita relictus sit, pro declaratione eius Cels. & Dig. V. scire cupimus, nos per Acta, quorum ibi mentio fit, intelligere conuocationem Ordinum generalium & particularium, pacta & fœdera, quæ inter Ordines & quosdam principes inita sunt, arcium demolitiones, vectigalia, exacta, collectas pecuniarum indictas, Edicta nomine Regis promulgata, oppignorationes & obligationes, collationes dignitatum, beneficiorum & officiorum, atque id genus alia, quæ concernunt publicum regimen & administrationem Reipub.

IN tertio articulo etsi scrupulus ille, qui ratione sententiæ declaratoriæ, à quo illa fieri debeat, si res in eum casum veniret, motus est, † per verba & sententiam priuilegij, de quo art. iste loquitur, decidatur: tamen ne ob hanc rem disputatio aliqua oriatur quæ negotium pacis remorari possit, hunc articu-

55

articulum ita temperatum Cels. & Dign. V. inuenient, vt intelligere queant, nihil prater obseruationem antiquorum priuilegiorum, quæ prouincijs respectiue concessa sunt, Ordines à Reg. Maieft. postulare. Id quod Cels. & Dign. V. ipsæmet æquum & iustum iudicarunt.

A N N O T A T.

† *Ad verb. Per verba.* Quod contrariè huic priuilegio committitur, id tale est, quod in omnium sensus ipso facto incurrit. Deinde nihil in eo inuenitur, quod non suam formam & modum certum & expressum habet. Ter-
 riò, vice pacti est, quod inter Regem & populum intercessit, qui superiorem
 non agnoscunt. Ex quibus sequitur, aut nulla declaratoria opus esse, aut si
 aliqua opus est, non aliam fieri posse, quàm quæ populi communi monitio-
 ne, vel attestatone & probatione ex factis ipsis tum Regi tum vniuersis &
 singulis demonstratur.

Videatur Ti-
 rag. ad l. Si
 unquam. C.
 de reuoc. don.
 in verb. Re-
 uertatur nu.
 400. 401.

SIMILITER quod ad punctum religionis attinet, eadem moderatio, quæ in prioribus Pacificationibus inuenitur, adhi-
 bita est, vt saltem si id quod prius petijmus, obtineri nō possit,
 Sereniss. Rex, Princeps & Dominus noster naturalis, ex causis
 & necessitatibus, quas priori scripto nostro exposuimus, hanc
 gratiam & beneuolentiam prouincijs nostris præstare velit,
 quod Maieft. ipsius circa ea facta quæ præcesserunt prædictas
 pacificationes, iam antè Theologorum Louaniensium appro-
 batione clementissimè concessit & indulxit: idem nunc quoq.
 circa ea quæ secuta sunt facta, ratum & firmum habeat;
 nempe vt ambo facta Ordinum arbitrio relinquantur & com-
 mittantur.

Egidius
 Bosius in
 tract. caus.
 crimin. de
 Princ. nu. 55.

A N N O T A T.

Videntur Ordines hoc medio præcauere voluisse, ne Regis conscientia
 circa admissionem alterius religionis, quàm quæ sua est, grauetur, aut la-
 datur. sed vt rectè hoc factum esse existimo, ita optarem Reges & Princi-
 pes paulò diligentius perpendere quod proprium sit munus ipsorum, quàm
 longè regna & Principatus huius mundi & eorum regimen à regno &
 principatu Christi eiusque regimine distet. Deinde quisque pro se omnes
 partes Reipublice suæ perspiceret, quomodo illas administret, an secundum
 externam legem Dei, quæ lex quoque natura est, & iustitiam, quæ ab ea
 præscribitur, cui Deus ipsum praposuit, subditos suos regat; item, an ad sub-
 ditorum vtilitatem, ob quos ordinatus est, omnia referat & agat. Arbitror
 si ad instam trutinam, & vna cum eo Officiales & Consiliarij eius singula
 ponder-

Boni Magi-
 stratus vel
 maxima mer-
 ces est publica
 vtilitas, sub-
 iectorumque
 conseruatio,

non verò pri- ponderarent, exhorrescerent ad magni- tatem sui muneris, & plus satis pro- uatum quod- sua conscientia, si ei satisfacere valent, acciperent, ne præterea sibi conscien- dam emolu- tiam faciant, vel aliorum persuasione accipiant, in iis qua cura eorum illo- mentum: ac- respectu quo humana potestates & constitutiones sunt, in nouo Testamento- ria difficulta- non commissa sunt, in quibus etiam sua potestate nec consilio quicquam effi- tes manet re- cere nec impedire possunt. Sed de hac re infra latius.
Et imperan- tem & uti decet officio fungentem suo. Ita sit ut bonus vir ab omni quidam sit alienus: & quidem se- ex bonis viris constaret ciuitas, in ea ciues ita certatim incumberent, ne imperarent, veluti hodie pu- gnant ut imperent. Plato lib. 1. de Republica.

ULTIMO exhibemus articulos, in quibus condiciones continentur, quas Sereniss. Archidux Austriæ Mathias, cum in Gubernatorem & Capitaneum generalem Belgij receptus est, se fideliter seruaturum Ordinibus solenni iuramento ad- dixit & promisit.

ARTICVLI ET CONDICIONES

SUB QUIBUS ARCHIDVX

Mathias receptus est.

Ex lingua
Gallica in La-
tinā transla-
ti de verbo
ad verbum.

PROOEMIUM quia ad præsens negotium nihil pertinet, breuitatis causa ab Interprete hic omissum est.

I.

PROINDE dictus Dominus Archidux uti Locumtenens, Gubernator & Capitaneus generalis, præstabit iuramentum Regi, uti supremo Domino & Principi naturali harum ditio- num, ac Ordinibus generalibus coniunctim, ad conseruationem, quietem & tranquillitatem earundem ditionum infe- riorum.

II.

SIMILI modo omnes alij Gubernatores tam prouincia- rum, quàm ciuitatum, ubi Gubernatores esse possunt, vel solent, secundum priuilegia; Omnes item Colonelli, Ca- pitanei, milites & Officiales, iuramentum præstabunt Regi suo supremo Domino & Principi naturali sub Gubernatore nomine Regis & Ordinum coniunctim, ad conseruationem dictarum ditionum.

III. QUI

YII.

QVI non secus ac dictus Gubernator generalis obligabunt sese ad articulos inferius declaratos, & singulatim ad obseruationem omnium & quorumlibet priuilegiorum, iurium, vsuum & consuetudinum loci: eaque restituere, in vsum reuocare, tenere & inuiolabiliter obseruare tam generaliter quàm particulariter.

IIII.

ITEM quòd has ditiones reget cum tali Concilio rerum Status quale ipsi per Ordines generales declarabitur ac nominabitur, ex naturalibus harum ditionum idoneis & qualificatis.

V.

OMNIA quæ venient in deliberationem Concilij, resoluentur & decernentur per maiorem numerum suffragiorum eiusdem Concilij, neque poterit idem Gubernator vti aliquo priuato aut Secreto consilio.

VI.

SI aliqui Consiliarij, aut alijs muneribus ad Regis dispositionem spectantibus fungentes, comperiantur aliter sese gerere quàm decet, ad requisitionem Ordinum generalium legitimum remedium adhibebitur cum causæ cognitione.

VII.

PROVISIO eorum munerum quæ semper Regi reseruata fuerunt, penes Regem manebit: qui rogabitur vt dignetur illa conferre personis gratis & qualificatis, iuxta quartum articulum præcedentem. Ac reiicietur quæcumque alia Ostensio & supplicatio, quæ munera & officia concernit, ad futuram congregationem Ordinum generalium secundum Pacificationem Gandauensem.

VIII.

GVBERNATOR & Concilium non decernent rem aliquam magni momenti, & quæ ad generalitatem spectat, quales sunt, subuentiones, contributiones pecuniarum, belli vel pacis infractiones, amicitix aut fœdera cum Principibus aut populis exteris, aut similia, sine consensu Ordinum generalium.

H

lium.

lium. Atque adeò non statuent vlla Edicta, constitutiones magni ponderis, nouas consuetudines aut vsum generalem, nisi super ijs habito consilio & consensu Ordinum, ad id legitime congregandorum in vnaquaque prouincia, iuxta formam & morem eiusdem, atque adeò Ordinum generalium, si opus sit.

IX.

Q V A S C V M Q V E literas accipiet, aliquo modo spectantes ad statum harum ditionum, tenebitur communicare cum Concilio, vt per suffragia super ijs possit deliberari & concludi.

X.

I N Concilio nullæ res tractabuntur, nisi ad minimum maxima pars Consiliariorum sit præsens.

XI.

O M N I A acta & expedita in dicto Concilio complebuntur & verificabuntur per vnum ex Consiliarijs.

XII.

D I C T V S Gubernator iuxta Pacificationem Gandauensem restituet & restaurabit omnia & quæcunque priuilegia, vsus & consuetudines, quæ poterunt probari infracta & violata, vel vi adempta esse & abolita.

XIII.

O R D I N E S generales manebunt congregati, quandiu expedire videbitur, pro directione negotiorum; iidemque poterunt conuenire toties & quoties ipsis placebit.

XIII.

A D monitionem vnius prouinciæ, vbi casus aliquis magni momenti inciderit, cuius nomine conuentum haberi necesse est, aliæ prouinciæ poterunt, imò debebunt conuenire; neque super eo expectanda eis erit vltior iussio aut consensus Gubernatoris.

XV.

E O D E M modo Ordines cuiuscunque prouinciæ poterunt conuenire toties quoties ipsis visum fuerit.

XVI.

P A C I F I C A T I O Gandauensis manutenebitur in omnibus.

59

bus suis capitibus & articulis : ita ut nequēat infringi aut violari, quocunque etiam prae-textu.

XVII.

GUBERNATOR generalis habebit pro custodia ordinaria sui corporis eos quos Hallebardarios & arcuarios vocant, naturales harum ditionum, nisi fortassis vellet habere quosdam Hallebardarios Germanos, & numero quo habuerunt alij Principes Regij sanguinis harum ditionum Gubernatores. Quod si eos velit propter occasionem aliquam extraordinariam augere, id fiet consilio Ordinum.

XVIII.

IDEM Gubernator & suum Concilium habito Concilio Ordinum constituent & ordinabunt Ducem generalem exercitus siue militiae, tam mari quàm terra, Thalassiararchum generalem, Praefectum equitum, Marischalcum exercitus, Colonellos, & eiusmodi officia magni momenti.

XIX.

NON conscribet exercitum, siue peditum siue equitum, extraordinariē, nisi approbatione & consensu Ordinum : Sed neque praesidia collocabit in oppidis, non prius auditis ipsis oppidis ubi praesidia erunt collocanda, nisi fortē propter urgentem & manifestam necessitatem.

XX.

NON praeficiet aliquem Gubernatorem provinciae sine consilio & approbatione eiusdem provinciae ; adeoque quantum fieri potest, Gubernator habitabit in eadem illa provincia, vel ibi habebit bona & redditus, aut saltem erit ibi gratus, ut supra dictum est.

XXI.

IN tempore & negotio belli administrabit omnes res magni momenti per dictum Concilium rerum Status, adhibito Concilio militiae : quod quidem Concilium militiae constabit ex ijs qui Ordinibus grati erunt.

XXII.

OMNIS pecunia proueniens ab Ordinibus, administra-

H 2

bitur

bitur auctoritate Ordinum, & eorum quos illi præficient: finientes administrationem domaniorum & financiarum Regis in eo statu, qualis hætenus fuit, ne quid attentetur contra auctoritatem suæ Maiestatis: si tamen aliter expedire comperiatur, poterit in præsentiarum proponi vel in futuro conuentu Ordinum iuxta pacificationem Gandauensem.

XXIII.

ORDINES poterunt acceptare oblationes, sibi factas à regnis & prouincijs vicinis, si opus sit: præsertim si bellum sibi inferatur: ac Gubernator approbabit & manutenebit quicquid Ordines iam antè acceptarunt vel adhuc acceptare poterunt.

XXIII.

PROCEDETVR via iuris contra eos qui arma tulerunt aduersus Ordines & patriam, ac contra eos qui secuti sunt partes Domini Ioannis Austriaci tempore vltimorū motuum, neque poterit progressus aut executio iuris vllō modo à quouam remorari aut impedi: idque ex ea causa, ne quis in posterum audeat perturbare statum aut quietem publicam. Exceptis ijs qui rogarunt sibi reditum concedi, vel probare poterunt sese à Domino Ioanne inuitos abductos esse: quarum excusationum cognitio spectabit ad Ordines generales.

XXV.

ARCES, quæ nondum sunt dirutæ, sed quarum demolitio impetrata est, re ipsa & cum effectu omnibus vallis ac propugnaculis exuentur vel demolientur, sine cuiuspiam contradictione. De alijs arcibus, à quibus seruitus & oppressio harum ditionum metuenda esset, decerneretur cum consilio Ordinum generalium, vti videbitur rationi consonum.

XXVI.

ET generaliter non fiet vlla inquisitio rerum præteritarum, & vltimorum motuum: verum comprehenduntur sub oblivione generali Pacificationis Gandauensis; exceptis ijs qui superiore xxiiij. articulo continentur.

XXVII.

XXVII.

S V A Serenitas gratum habebit , & manutenebit , tanquam rectè factum , quicquid per Ordines generales actum , ordinatum & decretum fuit , postquam Dominus Ioannes se recepit in arcem Namurcensem , nec ei aliquo modo contrahiet : & supplicabitur Regiæ Maieft. vt dignetur idem facere.

XXVIII.

I D E M Archidux omnem operam nauabit erga Cæs. Maieft. Principes Electores & alios proceres S. Imperij , vt procurent tam apud Regem , supremum nostrum Dominum , quàm per quæuis alia media , promptum discessum Domini Ioannis Austriaci , aliorumque qui illum sequuntur , illique adhærent , ad maiorem tranquillitatem harum ditionum , reconciliationem & restitutionem oppidorum , & locorum , per eundem Dominum Ioannem hoc tempore occupatorum : ideoq. magis , quoniam hæ ditiones cum Comitatu Burgundiæ , quæ constituunt circulum Imperij , sunt sub protectione tam suæ Maieft. Imperialis quàm Sacri Imperij.

XXIX.

P R Æ T E R E A sua Ser. nullos admittet in suum seruitium , interea dum gubernationem generalem tenet , nisi naturales Belgij : præter eos quos secum adduxit , vel consensu Ordinum , si desiderat aliquos extraneos ad ministerium suæ personæ ; qui , nec ij quos adduxit , immiscebuntur alicui rei concernenti negotia harum ditionum , prouisiones officiorum aut alias res , spectantes ad Rempub. vel administrationem suæ gubernationis.

XXX.

Q U O D si dictus dominus Archidux , postquâ gubernationem sub condicionibus præfatis apprehenderit , earum aliquas fortè violauerit : Ordines protestantur ex nunc , prout ex tunc , quodd ipsi liberum erit , post monitionem vel interpellationem factam , si nolit instaurare infractionem , arma capere ad sui legitimam tuitionem & defensionem , tam contra dictum
Do-

Dominum Archiducem, quàm alium. Factum & conclusum per dictos Ordines generales Bruxellæ, octaua die Decembris, Anno M. D. LXXVII. Sic subscriptum & signatum, Me præsentem, & per expressum mandatum dictorum Ordinum, *Cornelius Weellemans*.

ANNOTAT.

Verba proœmij.] Inducti & permoti abusus Gubernatorum generalium qui ab Hispania missi sunt, ut quilibet possit aduersus omnia dubia & scrupulos quos habet securus reddi.

Causa horum articulorum in proœmio circa finem explicatur, & iam antè quoque à legatis Ordinum in tertio scripto ab ipsis exhibitò explicata fuit. Quædam iam antè annotaui, multa etiam hic sunt, quæ imperium Regis Ordinibus vel populo obnoxium faciunt, sed consideratis pactis omnium prouinciarum, & præcipuè Brabantia, non potest Rex dici se summum ab iis accepisse imperium, cum illud in publicis ferè omnibus sine populi consensu & approbatione exercere nequeat. Quod si obijcias nonnulla hic esse posita, quæ in pactis istis non exprimuntur: respondent Ordines unam & eandem tam horum quàm illorum rationem esse, nempe ut vitæ, honori & bonis populi prouideatur & consulatur. Quam rationem multo magis nunc vigere existimant, postquam res in eum statum venit, in quo omnia ista in dubium vocentur, & per Hispanos nomine Regis oppugnentur, nec populo ullum aliud humanum remedium, quàm arma ad se & sua defendenda suppetant.

Quin etiam sola illa communi sententia obtinente, quæ postea allegatur & probatur: Principes propter subditorum utilitatem esse, non subditos propter utilitatem Principum postquam utilitas ista, sicut econtrà inutilitas vel pericula, quæ ex metu subditorum oriri possint: Deinde persona ipsa, vtrum ad retinendam pacem, vel ad novos motus excitandos, propensa sint, & per se ad regendum & ius dicendum dignæ & idoneæ sint, vel non sint, quæ dignitatibus & officiis præficientur, Ordinibus magis quàm Regi notæ sint, non putatur cuiquam prudenti iniustum aut alienum posse videri, si Ordines saltè consueverint donec omnia in pristinum statum & securitatem venerint, tales personas requirant, quæ non minus sibi quàm Regi grata & obstrictæ sint.

Nec quis etiam existimet, ipsummet Archiducem Mathiam ab Ordinibus non iusta ex causâ, nec legitimo modo electum & ordinatum esse, haud grauior hic ea adscribere quæ Philippus de Marnix Dominus de S. Aldigonda, in Oratione quam pro eodem Archiduce, & Ordinibus Belgij, ad delegatos Statuum Imperij in conuentu Wormaciensi habuit, verissimè dixit & exposuit. Quam cernerent, inquit, Ordines Belgij, Iohanne Austriaco

Ariaco nihil nisi patria perniciem moliente, alio sibi Duce opus esse, cuius
 auctoritate dignitatēque provinciarum animi ac voluntates vnanimes in
 tam graui periculo, & tam difficili Reipublica tempore retinerentur: & vi-
 cinarum gentium studia & factiones ad eas provincias occupandas, & à fi-
 de Hispaniarum Regis familiāq; Austriacae penitus auertendas, inter-
 rumperentur: omnino sibi putarunt, partim ad fulciendam tantam patriae
 ruinam, partim ad conseruandam tuendamque Illustrissima familiae Au-
 striacae in inferiori Germania dignitatem ac ius; partim denique ad socie-
 tatem & necessitudinem, quae illis cum Germania multis nominibus inter-
 cedit, retinendam; Serenissimum Principem Mathiam Austria Archi-
 ducem, ad rerum propè desperatarum gubernacula esse admonendum: qui
 pro ea qua sibi cum Rege Hispaniarum intercedit gemina & triplicata ne-
 cessitudine, proque natura optima atque innocentissima indole, cui accessit
 accurata quaedam & perfecta, atque a moribus Hispanicis seiuncta in omni
 virtutum genere educatio; pro denique eo, quod semper in Belgas & verbis
 & re ipsa testatus est, studio ac voluntate, vnus omnium merito censeri po-
 terat qui sanus illis tempestates posset sedare, & tum à Rege suo auunculo
 pristinam erga populos subiectos beneuolentiam, tum ab ipsis Belgis vete-
 rem erga Regem fidem atque obseruantiam facile impetraret; & denique,
 quod quidem in hoc negotio ad instaurandam rerum beatam ac florentem
 constitutionem in primis valet, Germanicos mores atque instituta, & pa-
 trias leges ac priuilegia populo retineret. Neque sanè defuit iustissimis
 eorum postulatis, atque expectationi Serenissima eius pietas, sed magnis iti-
 neribus eò profectus, vnanimi omnium Ordinum consensu, ac publica populi
 letitia & congratulatione ad Reipublica clauum in hisce fluctibus tenen-
 dum tantisper admotus fuit, donec de Regis voluntate atque Ordinum ad-
 sensione aliter constitueretur. In quo certè nemo est qui (modò rem ex veri-
 tate velit aestimare) eos meritò culpari posse censeat. Primum enim suo iure
 facere potuisse declarant eorum leges, priuilegia & maiorum instituta at-
 que exempla. Brabantinis enim priuilegiis disertè cauetur, ut si, non dicam
 legatus Principis, sed Princeps ipse, leges ac iura patriae violarit, integrum
 sit non modo Ordinibus generatim, sed etiam sigillatim iis quorum interest,
 cuiuscumque tandem sint Ordinis, omnem ei fidem atque obseruantiam tan-
 tisper abnuere, donec omni ex parte legum ac priuilegiorum praescripto sa-
 tisfecerit. Si verò quisquam nomine Principis administrationi admotus,
 contra illa inierit: eo ipso facto iam omni functionis munere ac dignitate ex-
 cidisse declaratur, atque ab omnibus debere haberi pro exactorato: ita ut
 nemo illi possit adharefcere; quippè qui ipso facto sine ulla alia iuris formula
 aut legum sollemnitate, non modo ad obeundum vllum in Republica munus
 inidoneus censeri debeat, sed instabilis etiam atque infamis sit habendus.
 Quin rei praclarum in historia non ita veteri extat exemplum, ab eorum
 maiori-

maioribus perpetratum. Johannem enim Ducem Brabantia, Antonij filium, Philippi Audacis Burgundia Ducis & Regis Galliarum fratris nepotem, quum priuatorum suorum quorundam rebus impense fauens, eosque ad Reipublica administrationem certatim euehens, contra ius patrium & leges iuratas multa commisisset, ex Ordinum decreto administratione omni atque imperio destituerunt, in eiusque locum fratrem Philippum tantisper suffecerunt, donec culpam agnitam lisset, & remotis ab omni administratione iis qui priuilegia & iura patria violarent, legibus atque institutis Provincialibus ex Ordinum voto omni ex parte satisfecisset, dedissetque pro se & suis posteris diploma perpetuum, sigillo suo atque subscriptione confirmatum, quo eos ritè atque legitime, & ex usu Reipub. fecisse declarabat, & quidem optimo id iure secundum leges atque instituta patrie facere potuisse, ac proinde omnibus eorum posteris, vt idem exemplum sequantur, quotiescumque usus postulabit, fore integrum. Quae certe lex Brabantie peculiaris etate Sereniss. Mariae coniugis Maximiliani primi Romanorum Imperatoris, felicissima memoriae Augusti, per vniuersam inferioris Germaniae ditionem publico pacto communis atque vniuersalis facta est, quemadmodum in publica Annalium monumenta relatum est. Idem olim ab Hollandis, Zelandisque factitatum esse, & crebrò etiam a Flandris, historiarum fides testatur: Ita vt nemo iure possit hoc tempore Belgij Ordines eo nomine reprehendere, quòd & iure suo vtantur, vt est & omnibus omnino nationibus & ipsis etiam Germanis solenne, vt laudatissimis maiorum vestigiis insistant, non dicam in ipso Principe, sed in eo qui procul ex Hispania missus, ac Regis atque externo & Hispanico consilio vtentis, Vicem gerens, non modo priuilegia ac leges patriae apertè violarit, sed publicam pacem & sanctissimam pactiōem Gandauensem ab omnibus omnino Ordinibus, & ab ipso Rege ac Principe probatam sanctamque nefariè resciderit, &c.

XXVI. Maij, Dominorum Commissariorum Consiliarij, in loco consueto congregati, per Cancellarium Treuerensem à legatis Ordinum eodem vocatis quæsierunt, antequam articulos ipsorum Duci de Terranoua exhiberent, scire se cupere an acta, contracta, statuta quorum mentio in secundo articulo fit, non tendant ad imminutionem Regiae auctoritatis?

Ad quod legati Ordinum primùm protestati sunt, quæ vel aliàs ore dicta essent vel in posterum dicerentur, ea familiaris communicationis gratia, non autem sic accepta velle, quasi ab Ordinibus mandata & profecta essent: sic etiam cupere se illam declarationem intelligi, quam super secundo articulo præ-

65
præcedenti die fecissent: solùm ea quæ in scriptis exhiberent,
pro veris & firmis agnoscere. Protestatione ista præmissa, ad
quæstionem propositam sperare se dicebant, nihil in ijs actis
esse quæ Regis auctoritatem imminuant; vltiorem tamen
declarationẽ se nullo modo facere posse, qui super ea re man-
datum non habeant. Sed vbi ad tractationem istius articuli
ventum esset, referre se velle ad Ordines: quicquid tum re-
sponsi acceperint, libẽter indicaturos: rogare ne vltra id quod
exhibitum esset, grauare ipsos vellent, sed ea cum Duce de
Terranoua communicarent. Qua responsione prædicti Con-
siliarij contentos se præbuerunt.

QVICQVID verò instarent & vrgerent legati Ordinum,
non potuerunt tamen per multos dies responsum ad articulos
suos obtinere: quæ res non paruas suspiciones in animis eo-
rum peperit, ne spe expugnandi Traiecti superioris negotium
extraheretur. Tandem 1 x Iunij Consiliarij Commissario-
rum ad ædes Ducis Arschotani venerunt, & nomine Ducis de
Terranoua sequentes articulos illis exhibuerunt, eosque vt
æquos & moderatos commendarunt. Deinde cum dicerent
se statuisse cum Principe Auraico seorsum & priuatim ali-
quid agere, quærebant à Legatis, an non aliquod particulare
Mandatum ab Excell. ipsius haberent. Tertiò iterum illos ad-
monent vt de integro Mandato sibi prouideant. Quartò opus
esse vt termini, qui ab Ordinibus ipsiis præscriptus esset, pro-
rogationem ab iisdem impetrent.

AD quæ legati Ordinum deliberationem petierunt: ea al-
tero die habita; omnibus quæ hîc necessaria erant considera-
tis, & inter se collatis, responsum conceperunt, quod Domi-
nis Commissarijs 11. Iunij ore exposuerunt, & vnà cum illo
Responso ANNOTATIONES DIFFICVLTATVM ex-
hibuerunt. Item 12, CONCORDIAM ARTICVLORVM,
ad Cancellarium Treuirensẽ transmiserunt. Iam antè, 11 Iu-
nij, iisdem legati literas ab Archiduce Mathia acceperant, qui-
bus adiunctæ erant interceptæ principis Parmensis literæ, quas
sequentibus scriptis subiunximus.

I ARTI-

ARTICVLI DVCIS
DE TERRANOVA.

*Reuerendissimi, Illustrissimique Principes,
Generose, Nobilesque Domini Sacrae
Cæs. Maiest. Commissarij.*

DVx de Terranova & Princeps de Castel-vetrano, regius Mandatarius, viso scripto Ordinū Belgij legatorum, sibi iampridem ad effectū manifestandę voluntatis seu determinationis suę Maiest. Catholicę vestro omnium iussu communicato, nihilque minus pensi habens, quàm occasione articulorum, dicto scripto comprehensorum, in disceptationis arenam cum prædictis legatis descendere, seu contenta illorum per viam obiectus seu reprehensionis quomodolibet eneruare ac confutare: Quinimò econtrà omninò nihil sibi potius faciundum censens, quàm disputationum sinuosis ambagibus vitatis, planè ac simpliciter ob oculos ponere immensum amorem, ac verè paternum affectum, quo sua Maiestas, tanquam Princeps naturalis, suapte indole clementissimus, rapitur erga suos subditos Belgicos: quos quidem ipsos sicut vehementer cūprimis desiderat, suis sub legibus, vsibus, moribusq; ac priuilegijs antiquis, tam circa ea quę concernunt sacrosanctam religionem, ipsamq; obedientiam sibi debitam, quàm etiam iustitiam, aliąue politica, ac denique & commerciorum prosperitatem, splendori pristino restitutas videre: ita supradictus Dux nequaquam cunctandum ratus, quin ex parte suę Maiest. ac nomine quo suprà, prorsus voluntariè & liberaliter, populo & Ordinibus offerat, concedat & largiatur articulos ex ordine sequentes; in quibus complexum iri arbitrat̃ur vniuersum illud quod à subditis bona mente præditis, ac propriam salutem sitientibus, honestè requiri, postulari vel prætendi posset: planè sibi persuasum habens, populo dictisq; Ordinibus curę futurū, quo videantur dictos articulos nedum hilariter, verum etiam obedienter à dicta sua Maiestate, tanquam

67
quam naturali ac supremo ipsorum Principe suscepisse; Gal-
lico nihilominus scripto pro huius præsentis negotij autogra-
pho habendo.

I.

PRINCIPIO nequa ad nutriendam animorum diffiden-
tiam occasio, seu fomes quoquo modo superstes relictæ vide-
ri queat, atque eatenus ad vniuersum metum scrupulosque
omnes; tam natos quàm nascituros, ex animis subditorum
planè radicitus euellendos: placet suæ Maiest. quòd generalis
vtriusque obliuio omnium eorum quæ ab exordio primo-
rum motuum accidere, instituat; ita vt eorum memoria
proinde euanescens sepultaque intereat, ac si omninò non ac-
cidissent.

II.

DISTRICTE interdicens omnibus, non solùm procura-
toribus fisci, alijsque Officiatis, verùm etiam quibusvis per-
sonis, tum publicis, tum priuatis, cuiuscunque ordinis, con-
dicionis ac qualitatis fuerint, ne deinceps rerum quarumlibet præ-
teritarum occasione, vlli negotium faceßere præsumant, siue in
iudicio siue extra iudicium, neue etiam minas spirantes, sese
mutuò prouocent ad iracundiam: verùm econtrà pacem &
concordiam sibi vnicè, sinceriter & fraternè posthac colen-
dam & obseruandam esse nouerint: & quidem sub pœna cor-
rectionis exemplaris, tanquam in perturbatores quietis ac bo-
ni publici distringendæ.

III.

QVIBVS proximum est, quòd Rex vasallis subditisque
suis seriò promittat ac polliceatur in posterum seruare ac ma-
nu tenere, imò (si opus videbitur) etiam de nouo firmare
omnia & singula iura, vsus, consuetudines, immunitates, ex-
emptiones & priuilegia quatuorlibet prouinciarum, ciuita-
tum, oppidorum, Communitatum, aliorumque priuatorum
omnium, tum in genere, tum in specie, prout ijsdem vsi fuê-
re ac fruebantur eo tempore quo sua Maiest. dictis prouin-
cijs olim solenniter inauguratus, eadem promisit iurauit-
que: & sicubi forsàn ea ipsa priuilegia interea temporis vl-

lam infractionem seu violationem passa, nihil promptius fuerit, quàm ubi tale quid apparuerit, eadem rursus instaurare ac pristino vigori restituere.

I I I I.

Et quantumvis Rex olim (licet inuitus) motuum tunc temporis exorientium occasione planè coactus fuit, varium militem peregrinum, ad tuendum suam auctoritatem, in Belgium inducere: tamen paternè respiciens ad onera & grauamina subditorum, inde resultantia, omninò nihil alacrius præstiterit, quàm vt statim, à pace promulgata, mandet omnibus ad vnum vsque militibus extraneis, vtpote Hispanis, Italis, Germanis, Burgundis, Gallis, Anglis, Scotis, ac cæteris omnibus peregrinis, qui propter hosce motus vtrinque accersiti comperientur, quatenus citra moram prouincijs Belgicis excedant: & quòd illorum loco in vrbes, arcesq̃ue & fortalitia, quæ ab omni memoria præsidium habuere, substituantur milites naturales; cæterum astringendi iureiurando peculiari, prout infrà latius dicitur.

V.

Q V O D verò attinet ad alios milites nequaquam extraneos, etiam ad pleniorē exonerationem afflictorum subditorum, mandabit S. Maieft. vniuersum militem, tam terra quàm mari, ilicò post dictam promulgationem exauctorari, & dimitti: vt nimirum deinceps sibi priuatim viuant in tranquillitate, ordinarijs tantum præfidiis (vt dictum est) retentis ac suffecturis.

V. I.

P O R R O quia pace hac stabilita, per discessum extraneorum, tanquam eatenus armorum occasione quodammodo sublata, omnia sperentur quasi postliminiò ad quietem reditura, vtq̃; eo magis fructu pacis omnes gaudeant, nihil tam ex vsu publico futurum iudicatur, quàm vt plebs citra omnem cunctationem redeat ad opificia, mercatus & negotia pacis, quibus se, vxores, liberosq̃ue citra iniuriam proximi honestè sustentare valeat. & proinde Sua Maieftas tū ob causam prædictam, tū etiam ad in posterum euitanda vitia & incommoda quæ

quæ plerunque otium & armorum luxuriam comitari solent, mandabit vbiuis locorum arma poni, non minùs ruri quàm in oppidis, quibus ea tempore pacis nec foueri nec tractari consueuere, idque omnino ad instar, prout olim factitatum, tam ante priores quàm posteriores hæc turbas.

VII.

CONSEQUENTER vt tanto nimirum pinguiùs ac luculentius se orbi terrarum manifestet verè paternus suæ Maiestatis amor, & affectus erga suum populum, occasione præsentis belli intestini, ac signanter ob varietatem vectigalium, impositionum, subsidiorum, aliarumque exactionum & concussionum vehementer exorbitantium, aded exhaustum, vt quod aggrauet vix videatur deinceps ferre posse: placebit suæ Maiest. quod ad congruam respirationem eorundem subditorum, vniuersæ exactiones, impositiones cæteraque inuitata vectigalia & onera præsentium barbarum occasione quomodolibet indicta penitus cessent & tollantur: ita tamen, vt si quæ certorum onerum continuatio adhuc fore ex vñ publico iudicabitur, simulatque per Ordines Statuum eiuscemodi quid demonstratum fuerit, sua Maiestas haud grauati se Ordinum consilijs iuxta ac desiderio accommodabit.

VIII.

PRÆTEREA restaurabitur libertas commerciorum & transitus vbiuis locorū per vrbes, pagos, pontes, portus earundē prouinciarum, non minùs terra quàm mari, perque fluuios & flumina, prout factitatum ante præsentis hosce tumultus: nouis autem vectigalibus & impositionibus, absq; suæ Maiest. auctoritate, eatenus per hos motus de facto institutis, incontinenti cessaturis.

IX.

QVONIAM verò hoc potissimùm agitur nunc pax vt coeat bona, firma ac prorsus stabilis, quæ haberi nequit, nisi iusta atque æqua sit, & par vtriusque partis ratio habeatur; & ob id ne qua semina alterationum aut querelarum inter eiusdem Principis consubditos relinquantur: sua Maiest. cupiens æquali fauore ac benignitate omnes & singulos subditos à cuiuscum-

iuscunque partibus hæcenus steterint, deinceps prosequi & promiscuè vt bonos fidelesq, subditos omnes tractare. vtq; etiã primus articulus obliuionis generalis mutuarũ iniuriarũ præteritarum (in quo vera basis ac fundamentũ solidæ pacis consistit) plenum effectum sortiatur: eadem declarat & vult omnes tam Ecclesiasticas personas quàm seculares recuperare pacificè bona sua mobilia & immobilia, titulos, debita & actiones, ijsq; statim vt ac frui posse, in eo nimirum statu & qualitate, quibus in præsentiarum illa ipsa reperientur, idq; omnino dolo & fraude semotis, non obstante quauis alienatione facta in contrarium. Et hoc tum in Burgundia, Luxemburgo, Hollandia Zelandiaq; , tum etiam in alijs quibuscumque prouincijs ac locis, non minus ad vtilitatem Ecclesiasticorum quàm Principis Auraici, & aliorum denique omnium: non obstante quòd dictarum prouinciarum binæ, vt pote Burgundia & Luxemburgum, notoriè sint exemptæ à dispositione tractatum superiorum.

X.

SIMILITER ob causas rationesq; prædictas, & vt ne quispiam debita consolatione carens, vllò damno iniuriæ affectum se iure conqueri possit: ipsa ratio dicat, & sua Maiest. omnino intendit, quòd quilibet subditorum hinc inde etiam redintegretur in suis honoribus, dignitatibus, beneficijs, gubernaculis, muneribus, functionibus, & officijs, planè ad instar, prout olim ante dictos tumultus extiterit: exceptis tantum ijs, quibus contra libertatem iuraq; ac priuilegia patriæ de vlla functione prospectum fuisse demonstrabitur. Prouiso tamen quòd eiusmodi spoliati denuò redintegrandi tenebuntur præstare iusiurandum, cuius infra fit mentio, prout facturi quoque ceteri ad nouas functiones & officia in posterum cooprandi: reuocando, cassando, annullando quicquid hinc inde factum, decretum & pronunciatum fuerit in contrarium.

XI.

Et quia sua Maiest. in hac rerum facie iudicat ad securitatem subditorum haud vulgariter pertinere, quòd omnes deinceps functiones & officia publica per solos naturales obeantur,

71

tur, etiam studiosè prouidebitur, ne quis in posterum admittatur ad vlla gubernacula prouinciarum, vrbium, castrorum & fortalitorum, nec vt sit Capitaneus aut Dux militum, nec ad Concilia rerum Status, priuatum, financiarum, aliaque officia maioris momenti, præter naturales patriæ, qui etiam ante receptionem solenniter iurabunt in hos articulos; eosque promittent fideliter sincereque seruare, sub pœna periurij, & tanquam tales puniendi. in qua re sola videtur consistere potissima securitas præsentis Pacificationis adimplendæ; nec id solum, quinimò & ipsa vera quies & tranquillitas publica: vt nec ab Ordinibus Statuum quicquam vltius requiri aut desiderari posse videatur.

XII.

INSUPER captiui vtriusque partis omnes, qui ob dictos tumultus adhucdum detinentur, statim & absque vlllo pretio relaxabuntur, nisi iam antea aliud conuentum & solenniter stipulatum fuisse constiterit.

XIII.

QVOD verò attinet ad Comitem Buranum, sicut sua Maiestas planè constituit de omnibus suis subditis in vniuersum paternè promereri: ita quoque contentus est eundem Comitem, licet per tractatus præcedentes specialiter exceptum & reseruatum, nihilominus quanto citius fieri poterit, suæ libertati ac patriæ restituere; quinimò & illi gubernationem Hollandiæ, Zelandiæ ac Traiectensis prouinciæ dabit.

XIIII.

DECRETA verò iuxta ac dispositiones & ordinationes, per Dominum Archiducem Mathiam, suosque collaterales, & Ordines Statuum, à tempore vltimarum barbarum, sub auspiciis S. Maiest. emanatæ, tametsi notoriè constet, legitimæ facultatis defectu, viribus nequaquam subsistere: tamen studio promouendæ huius reconciliationis sua Maiestas consentit, quòd pro legitimis ac validis habeantur, suosque debitos fortiantur effectus, quòd beneficia, dignitates, officia, aut alias quaspiam res, quæ solent esse potestatis ac dispositionis

tionis ordinariæ illorum qui tenent locum Gubernatoris dictarum prouinciarum, non autem in iis quæ propriæ personæ suæ Maiestatis reseruantur, aut si quæ factæ sint contra iura, priuilegia & immunitates patriæ, tam in generali quàm in particulari, vel alioqui in vllius iniuriam seu detrimentum redundarint.

XV.

P A R I T E R etiâ omnes quarumlibet vrbium & aliorum locorum Magistratus seu Officiati suis functionibus destituti, alia via & ratione quàm ordine iuris legitimè seruato, aut aliâs contra priuilegia dictarum vrbium, aut præter ordinarios consuetosque modos, cum primis restituentur, & reintegrabuntur in dignitates officiaque sua; necnon ad eorum creationem futuris temporibus procedetur, prout olim & sicut ex iuribus, moribus & priuilegiis cuiusque patriæ, vrbis & loci decet, ne cui facta toleretur iniuria.

XVI.

Q V O D verò cõcernit religionem, quæ omnibus Principibus verè Christianis iure debet esse cõmendatissima, haud potest sua Maiestas vllatenus præterire, quin vestigijs Regû Catholicorum suorum maiorem inhærendo, percipiat ac mandet in prouincijs suis patrimonialibus retineri seruarique religionem Catholicam Apostolicam Romanam, ab omni æu non solum ibidem receptam, verum etiam sub qua earundem prouinciarum subditi olim tantopere floruerunt, & in qua tam dictam suam Maiestatem, quàm ceteros suos prædecessores olim prouincijs inauguratos, & mediante solenni iureiurando in Principes supremos ac naturales receptos fuisse notoriè constat. Quæ quidem supradicta religio, exclusa quauis alia, liberè, pacificè & absque vlllo impedimento vbiuis locorum, per vniuersas ditiones Belgicas posthac tradetur & exercebitur, prout etiam Ordines Statuum suæ Maiestati non minùs post, quàm ante turbas præsentis, frequentibus literis se passuros & procuraturos addixerunt, & sicut etiam iam pridem scripsere ad suam Maiest. Imperialem; atque aded quòd absque graui nota, vt ne dicatur confusione vniuersi status politici, haud possint in re tanti momenti proprijs scriptis vlla ex parte contrauenire.

XVII.

XVII.

ENIMVERO tamen si qui subditorum vel incolarum, occasione diuersitatis seu contentionis (proh dolor) suscitatae circa vniformitatem religionis, vel alia quapiam tum simili, tum dissimili de causa dictis prouinciis quandoque excedere cupient: sua Maiestas permittet hoc cuilibet liberum fore integro quadriennio subsequuturo: dummodo interea temporis à scandalis ac rerum perturbatione studiosè abstineant. Quo casu etiam liberrimè fruuntur omnibus suis bonis, tam mobilibus quàm immobilibus, iuribus actionibusque; & poterunt ea ipsa qualiacumque fuerint etiam aliò transferre, seu vendere aut alienare, prout eis videbitur. Imò & hoc amplius; si modò bona sua retinere malint; etiam poterunt absentes ad eorundem bonorum regimen, administrationem & receptionem in prouinciis sibi eligere. Quæstores catholicos, qualescunque volent, ac præterea toties quoties voluerint, ad prouincias iteratò redire, victuri tamen ritibus ac moribus pristinis, & vt personas catholicas decet: eritque huiusmodi redditus ac facultas bona administrandi per se cuilibet bona fide permissus, statim atque Pastoribus, Officiariis ac Magistratibus locorum, ad quæ redire cupient, talis intentio & voluntas insinuata fuerit. Ex qua quidem regali indulgentia nulli non perquam manifestum redditur, quòd S. Maiest. nihil minus quàm bonorum confiscationes, ruinam & perniciem suorum subditorum appetat, multò autem minus quòd vigore superiorum placitorum ipsos perstringere constituerit, cum vel etiam paratissimus sit, ea ipsa Placita ex consilio Ordinum Status competenter temperare ac moderari.

XVIII.

QVOD spectat ad authoritatem & obedientiam suæ Maiest. à suis subditis omni iure diuino & humano, vt Principi naturali, legitimo & supremo debitam, illa cum primis restituetur & seruabitur, qualis meritò esse debet, qualisque olim seruata est, vt rectè nimirum administretur iustitia, subditi regantur in omni ratione, æquitate, quiete & obedientia, idque ad eam formam modumque, quo factum est ab omni memoria, tam

K

ria, tam

ria, tam defuncti Imperatoris Caroli Quinti eiusque predecessorum, quàm etiam suæ Maiestatis usque ad harum turbarum initium, sine cuius authoritatis instauratione ac subditorum obedientia, nequaquam possibile est populum in vnione, concordia rectaque iustitia, quiete ac tranquillitate manutenere.

XIX.

SUPEREST de gubernaculis generalibus dictarum prouinciarum, quarum occasione sua Maiestas eliget Principem de sanguine, qui, quæue rerum experientia pollens, habeat dotes & qualitates, ad eius generis arduum munus cumprimis necessarias, & de quo, seu qua, subditi iustam causam satisfactionis sint habituri. Gubernabunt autem cum omni iustitia & æquitate, præsertim verò secundum vsus, iura, consuetudines & priuilegia dictarum prouinciarum; etiam comprehenso hoc præsentis reconciliationis edicto, quod pariter tenebuntur promittere ac iurare.

XX.

AD cuius quidem Gubernatoris generalis manus, citra vltiorem hæsitacionem, plenè & integrè tradentur omnes & singulæ ciuitates, vrbes, fortalitia, & alia loca, quæ ab vna alteraque parte quocunque titulo aut prætextu modò tenentur, vnà cum patrimonio ad suam Maiest. pertinente, tormentisque bellicis, munitionibus, com meatibus, armis & nauibus: vt nimirum de iis disponat, sicuti seruitio suæ Maiestatis simul & commodis, ac securitati prouinciarum magis expedire arbitrabitur, & aliàs prout fieri debet, factumque fuit ante motus præsentis.

XXI.

PERMITTENTE nihilominus sua Maiest. & quidem merè in huius reconciliationis gratiam, vt quod hætenus ex eius patrimonio seu populi subsidiis desumptum & collectum fuit, id ita collectum receptumque maneat, absque vltiore persecutione seu vexatione cuiuspiam mortalium eatenus inferenda; ita tamen vt in posterum ab eiusmodi detentionibus, occupationibus & collectis desistatur.

CIR-

XXII.

CIRCA tractatum Gandauensem, & insecutam Vnionem generalem Statuum, ipsumque Edictum perpetuum omnes & singuli articuli ad amissim seruabuntur, qui huic presentii tractatui nequaquam repugnare comperientur.

XXIII.

PROVISO tamen, quod illico per Ordines Statuum renuntiabitur aliis omnibus foederibus, pactis mutuisque spon- sionibus, contractis occasione dictorum tumultuum, tam in- tra quam extra prouincias.

XXIII.

COMPREHENDENTVR hoc tractatu Regina Angliæ, & Dux Andegauensis.

XXV.

ET quia sua Maiestas omnibus modis optat hunc ipsum tractatum perpetuò firmum & stabilem esse, haud dubie fue- rit sibi acceptissimum, quod S. Sanctitas, tanquam caput uni- uersalis ecclesiæ, & sua Maiest. tanquam Mediator vnà cum Principibus & ad presentis pacificationis negotium delega- tis, serid requirantur, quò interueniant tanquam spòsores par- tium hinc inde, eo potissimum fine, quòd omnia & singula in hoc tractatu comprehensa, sinceriter, bona fide & absque vlla contrauentione ad amissim posthac complebuntur, nec non realiter prastabuntur.

XXVI.

POSTREMÒ vt ne ad summæ firmitatis ac dictorum omnium reuera solidum stabilimentum quicquam defuisse videatur: haud grauabitur sua Maiest. omnia & singula su- pradicta non solum confirmare verbo regio, quinimò & iura- mento solenni, cuius rei literæ suæ patentes (tam nominis sub- scriptione quam sigilli impressione muniendæ, nec non in for- ma Edicti perpetui & irreuocabilis, desuper in vtroque idio- mate tam Gallico quam Flandrico expediendæ,) haud dubiè fidem facturæ erunt: quæ quidem literæ ad eum modum ex- peditæ, consequenter mandato suæ Maiest. publicabuntur, & in actis publicis consiliorum tam supremorum quam pro- uincia-

uincialium, ut moris est, describendæ, posteris seruiant in monumentum legis perpetuæ.

XXVII.

TANTVNDem promittere & iurare tenebuntur Ordines Statuum, aut coniunctim simul, aut seorsum singuli in suis prouinciis, pariter & ipsi magistratus oppidorum, & Communitatum totius Belgij, nimirum quod facta testaque ac prorsus inuiolata seruabuntur omnia & singula supradicta, etiam cum solenni reiteratione iuramenti fidelitatis & obedientiæ suæ Maieft. debitæ.

QVOCIRCA cum omnes & singuli supradicti articuli tantoperè abundant iustitia & æquitate, omninò persuasum est S. Maieft. non solum à vobis Illustrissimis Principibus ac Dominis Cæs. delegatis, ceterum ab orbe terrarum vniuerso haud dubiè probandos fore, ac denique etiam Ordines Statuum ipsosque subditos, tam in genere quàm in specie, nequaquam passuros, eiusmodi perpungues ac verè regales tantorum commodorum oblationes sibi & posteris suis excidere, potissimum quod manarint ex pectore non minùs candido, quàm amore paterno, quo sua Maieft. prosequitur Belgicos suos subditos, à quibustum ipsius prædecessores, tum etiam ipsimet, mirum dictu, quàm rara ac verè ingenua obsequia olim perceperint: ut nec dubitet tempora propediem recursum, quibus tantundem sibi ac successoribus deinceps præstandum fore iure sperare poterit. Actum Coloniae Calend. Iunij, Anno LXXIX.

RESPONSVM LEGATORVM
ORDINVM AD ARTICVLOS
DVVIS DE TERRANOVA.

*Reuerendissimi, Illustrissimi, Generose, Nobilis
S. Cæs. Maieft. Commissarij.*

ILLVSTRISSIMVS Dux Arschotanus, & nos reliqui
Ordinum legati, articulos quos heri nobis Consiliarij vestri ex

fri ex parte Illustriss. Ducis de Terranova exhibuerunt, omni diligentia perlegimus & examinauimus; sed, vt verum fateamur, vehemēter admirati fuimus, post tam bonam spem, non semel nobis de pace datam, item post tam longam dilationem & deliberationem, quæ spem illam quibque auxerat, inuenisse nos eosdem illos articulos ad eò diuersos, & discrepantes existere ab Ordinum æquabili & necessaria petitione, & intentione.

EAM nos planè & sincerè, quantum à nobis fieri potuit, vltimis nostris articulis exposuimus, ita vt nihil habeamus quod iis sine nouo mandato addere vel demere poterimus. Sed magnoperè timemus, si articulos istos in eum modum quo concepti sunt, ad Ordines transmittamus; futurum, vt magis per eos ad desperationem, & consequenter ad impatientiam, quàm ad spem pacis, & ad tranquillitatem inducantur & commoucantur.

Ad hos articulos Mandatum Legatorum Ordinum limitatum erat.

PLVRIMA enim, quæ Pacificatione Gandauensi, multa etiam quæ Edicto Bruxellensi continentur, articulis illis Ducis de Terranova abolentur, atque irrita fiunt, longè etiam minora sunt, minusque ad pacem incundam idonea, quæ iisdem articulis comprehenduntur, quàm erant illa quæ cum olim Bredæ à Regiis Commissariis Principi Aurico, Hollandiæ atque Zelandiæ Ordinibus, longo iam bello fatigatis, offerrentur; ab iis tamen, cum totius belli impetum atque molem soli sustinerent, tanquam duriora atque minus æqua recusata fuerunt.

QVAMOBREM Cellss. & Dig. V^{ra} amicè, humillimè, humiliter, & officiosè rogatas volumus, vt auctoritate vestra Ducem de Terranova inducatis, quemadmodum antè nobiscum factum fuit, quò articulos suos propiùs ad petitionē nostram accommodare non grauetur; id nisi fiat, non solum omnem spem pacis abiicimus; sed & id, quod suprà diximus, euenturum apud Ordines timemus. Atque istud eò magis, quòd non ita pridem iidem Ordines negotium nobis, qua fieri posset breuitate, conficiendum literis suis seriò iniunxerint, spem prorogando tractationis termino præcidentes.

K 3

Si ergo

Si ergo Cellf. & Dign. V^o vt certò nobis persuademus, pacis confectio cordi & curæ est, talem mutationem in illis articulis fieri oportet, quæ non nimis dura & aliena ab Ordinum studiis iudicetur.

Ad quam rem Cellf. & Dig. V. breuem & modestam annotationem earum difficultatum quæ in prædictis articulis sese offerunt, exhibemus; ea tamen lege & condicione, ne tanquam ab Ordinibus mandata, firma & rata habeatur, sed tanquam à pacis studiosis consilij ergò, sine vlllo partium præiudicio, prolata & proposita.

Quod ad reliqua, quæ nobis proposita sunt, attinet; in primis verò super quo rogati sumus, an vllum Mandatum particulare ab Illustriſſ. Principe Auraco habeamus, respondemus nullum nos habere, nec scimus etiam in quem finem nobis huiusmodi Mandatum seruiſſet, posteaquam causam suam cum Ordinum causâ communem fecerit. De mediis etiam, ipsius nomine proponendis, prorsus ignari sumus: qui nec iussum ab eo personæ suæ respectu habeamus, nec scimus quid ab Excell. ipsius per Cellf. & Dign. V. requiratur.

Quantum Mandatum concernit, vbi animaduverterimus negotium ad pacem tendere, daturi operam sumus, ne per illud vllum impedimentum concludendæ & conficiendæ ei obiiciatur.

De prorogatione huius tractatus quæ spes sit, ex literis quas hîc exhibemus, cognoscetis. Quare etiam petimus incontinenti hoc scriptum cum Duce de Terranova communicari, eiusque Excell. ad extremam Regiæ voluntatis declarationem patefaciendam induci & vrgeri, vt Ordines ea cognita, si spem pacis præbeat, tanto facilius ad prorogandum commoucantur. Actum Colonia x^a Iunij Anno 1579.

ANNO

79 ANNO TATIO DIFFICULTATVM

QVÆ SE IN ARTICVLIS, AB ILLVSRIS S^o

DVCE DE TERRANOVA PROPOSI-

TIS, OFFERVNT.

PRÆTERMISSO primo, propterea quòd iste articulus cum primo nostro prorsus conueniat, & iam antè approbatus & conclusus fuerit in Pacificatione Gandauensi & Edicto perpetuo art. 1. Quoad secundum, censemus præstare, vt is tanquam superfluous omittatur, cum sub primo contineatur.

TERTIVS articulus in effectu à tertio nostro non discordat, sed additur restrictio in verbis, *Prout iisdem vfi fuere*, de qua metumus, ne eam Ordines suspectam habituri sint, quasi postea Sereniss. Rex nobiscum de vsu vel non vsu priuilegij disputare velit. Quare melius esse putamus ita hunc articulum poni, prout iam antè in Edicto perpetuo confessus fuit art. 10.

*Ad ad l. fin.
ff. de constit.
princip. & ad
l. voluntariè.
ff. de excus.
tut. cano. in c.
cum accessi-
sent. ext. de
constit.*

QUOD ad quartum articulum attinet, † initium eius alio loco considerandum relinquimus. sed quod sub finem de iureiurando additur, expedire videtur verbis clavis illud exprimere, vt cum Domino Ioanne Austriaco Namurci pactum fuit, ea scilicet forma quæ ab Ordinibus articulo x i. exigitur. Deinde ad hominum animos sedandos, metuq. liberandos, omninò necessarium erit oppida, arces, & munitiones Ordinum fidei permitti, eorumque arbitratu naturalibus & sibi gratis hominibus, eamque ad rem idoneis concedi & tradi. Hoc modo in quinto quoque articulo omnis difficultas auferetur.

ANNO TATIO.

† Initium eius.] *Nulla causa erat tum temporis vllum militem peregrinũ in Belgium inducere. Nam que peccata videbantur, ea solũmodo priuatorum quorundam erant, non Ordinum in communi. Ex his quædam salutari remedio per Concilium status incontinenti sapita fuerunt, quedam & paulo post in pristinum locum eiusdem auctoritate reducta sunt. Quinctiam remedium Concilij tale erat, quod Rex pendẽte bello aliquoties Ordinibus obtulit, & nunc in articulis suis cum additamento quodã iterum offert. Sed peregrinus miles vnũ cum Duce suo, vt omnibus notissimum est, & Regem & subditos suos Belgas in hunc labyrinthum, in quo nunc impediti & intricati sunt, adduxerunt.*

QVOD

Q V O D in sexto articulo vrgetur, sua sponte eueniet, ideóq. ne noua hinc suspicio & metus oriatur, qui studium retinendi arma magis, quàm deponendi excitaret, longè vtilius esse censemus, hunc articulum prorsus omitti.

SEPTIMVS articulus nihil gratiæ continet quæ orbi terrarum manifestetur, nisi Sereniss. Rex simul offerat, se velle omnia debita, quæ Ordines pro defensione sua contraxerunt, exoluere. Nā quod ad inusitatas exactiones & onera attinet, si nulla Reipub. necessitas adsit, nec Rex, nec Ordines subditis quicquam eorum imponere possunt. Habent enim ista per pacta & priuilegia nostra in singulis prouinciis suum modum. Quare rogamus & hunc articulum omitti, cū alioquin impossibile etiam sit in tanto are alieno, quo Ordines obstricti sunt, onera, quæ non extorta, sed in vsum publicum concessa sunt, remittere. Idem censemus de octauo articulo.

ANNO TAT.

I Ad vers. Nam quod.] Comineus lib. histor. 5. cap. 18. Ecquis est in orbe terrarum Rex aut Princeps, cui ius sit tributum vniuersum suum, sine ipsorum consensu & voluntate, imponere? nisi violentia & tyrānide uti velit. At enim (dixerit aliquis) potest tempus incidere, cū populi Concilium expectandum non est: neque tantam moram res patitur. Verū in bello suscipiendo, nihil tanta celeritate est opus, satis ad eam rem temporis suppeditat. Addo etiam illud, cū Reges & Principes bellum cinium suorum consensu suscipiunt, multo & potentiores sunt, & hostibus suis formidabiliores. Et rursus aliquanto post: Regem minime omnium decet his uti verbis, Habeo potestatem exigendi à meis ciuibus, quantum mihi libet. Nam neque ipse neque quisquam alius eam potestatem habet. Qui verò his vtuntur verbis, nullum ei honorem tribuunt, neque illius auctoritatem & existimationem apud exteras nationes augent: verū ex contrario terrorem finitimis iniiciunt; qui nulla condicione dominatum illius subire vellent. At si Rex, aut ij qui potentiam eius pradicant, ita loquerentur, Habeo subiectos ita mansuetos & obsequentes, ut nihil eorum quæ impero, facere detreçant, neque quisquam princeps subiectos habet æquè obsequentes, quique calamitatum & incommodorum suorum facilius obliuiscantur: Hac oratio magna illi laudi atque ornamento esset. Verū illa Regem non decet: Exigo quantum volo, cuiusque rei potestatem habeo, quam mihi conseruare volo. Carolus Quintus Gallie Rex hac oratione non vtatur, neque sanè Regem vllum nostrum illis vtentem verbis audiri, sed quosdam ipsorum Comites & ministros, qui sibi bonam Regibus nauare operam videbantur: verū meo iudicio aduersus illos peccabatur, &

batur, & tantum assentandi causa ita loquebantur, neque satis quid dicerent, considerabant. Hæc ille. Adde Io. Bodinum de Reipb. lib. 1. c. 9. pag. 207.

AD NONVM & decimum articulos, ne inuoluatur negotium multis & difficilibus altercationibus, putamus præstare, ut quæ in nono continentur, ad decreta Pacificationis Gandauensis referantur, sub qua etiam Luxemburgum & Burgurdiam comprehendi intelligimus. Decimus verò ita temperetur, ne rescindantur ferè omnia, quæ ab Archiduce, Concilio & Ordinibus collata & decreta sunt, cum multorum iniuria & offensione. Ex qua parte † maior ratio militet, cuius & hîc fit mentio, dependet ex iusta vel iniusta defensione, quam Ordines hætenus fecerunt, & adhuc hodie necessariò faciunt; quod ubi opus erit, latius explicabitur.

ANNOTAT.

† Maior ratio.] In seditione duas omnino partes esse necesse est, quæ cum de contradictoriis plerumque certent, unius iustam, alterius iniustam causam esse consequitur. Iusta sanè est, quæ leges defendit, quæ communem utilitatem tuetur, quæ patriam iis præsertim authoribus conseruat: Iniusta contra, quæ leges violat, legum violatores defendit, patriæ euersores tuetur. Iusta, inquit Bartholus, quæ iniustum regimen deponere vult; iniusta, quæ iustum; licita, quæ ad bonum publicum; illicita, quæ ad priuatum tendit, &c. Ecce ratio: per quam de articulo isto iudica. & ponitur à Iunio Bruto in tract. de Vindiciis, quæst. 111.

In tract. de
Guelph. &
Gibel. arg. 1.
3. §. cum igitur.
ff. de rei
& vi arm.

VNDECIMVS & duodecimus articuli non videntur habere scrupulum, modò illi qui ad munera publica adhibebuntur, eam habeant qualitatem & condicionem quæ ab Ordinibus xv. articulo declaratur.

IN decimo tertio articulo, qui agit de Comite Burano, referimus nos ad Gandauensem pacificationem, & septimum nostrum articulum, iisque insistimus. Quòd adiicitur de gubernatione Hollandiæ, ad nihil aliud seruit, quàm quos per honesta & liberalia media lenire oporteret, eos suspitione extrusionis vel ablegationis magis irritare studeamus.

QVOD ad decimum quartum articulum attinet, nolumus nunc temporis in eam disputationem ingredi, an dispositio-

L nes &

nes & ordinationes, quæ per Sereniss. Archiducem Mathiam Concilium & Ordines factæ & decretæ sunt, legitimæ facultatis defectu careant^a. Est hæc quæstio alterius loci: sed hoc solum nunc admonitum volumus, hunc articulum paci prorsus esse contrarium, ex quo nimirum infinitæ contentiones & lites inter subditos exorirentur; quarum evitandarum causa nihil arbitramur conducibilius, & Regiæ Maiest. & nobis esse, quàm ut secundus Ordinum articulus obseruetur.

ANNO TAT.

^a Iunius Brutus Qu. 11. Cum de uniuerso populo loquimur, intelligimus eos qui à populo auctoritatem acceperunt, Magistratus, nempe Rege inferiores, à populo delectos, aut alia ratione constitutos, quasi imperij Consortes & Regum Ephoros, qui uniuersum populi cætum repræsentant. Intelligimus etiam Comitias, quæ nil aliud sunt, quàm regni cuiusque epitome, ad quæ omnia publica negotia referuntur.

Eius generis sunt in omni regno bene constituto, Officiarij regni, Principes, Pares, Patricij, Optimates, & ceteri ab Ordinibus delegati, è quibus constitatur aut Concilium ordinarium, aut Concilium extra ordinem, Parlamentum, Dieta, ceterique conuentus, in diuersis regionibus diuersa nomina sortiti, in quibus ne quid Respub. detrimenti capiat prouidendum est. Illi uerò ut singuli Rege inferiores sunt, ita uniuersi superiores. Ut enim rectè Basilienfis & Constantiensis synodi, synodum Occumenicam Pontifice superiorem esse statuerunt, ut Capitulum Episcopo, Vniuersitatem Auctore, Curiam Decurione, eum denique qui ab aliquo cætu auctoritatem accepit, eo cætu inferioriorem esse, et si singulis superiorè: ita dubium esse non potest, quin populus, qui Regem constituit quasi Auctorem publicum, Rege superior sit. Et inferius:

Porro Reges populi causa institutos esse constat. Neq. enim propter centum plus minus homines, ceteris plerumque haud meliores, uniuersos creatos potius, quàm illos horum causa dixeris. Ratio uerò postulat, ut is cuius ratione alius extitit, eodem potior censeatur. Sic nauis causa gubernator à domino nauis instituitur, qui, ne ipsa ad cautes frangatur, aut malè cursum tenuit, ac dominus ipse paret. Et ei quidem in eam rem incumbenti ceteri inferi genere sed specie differt. In republica qua navi comparari solet, Rex gubernatoris, populus domini loco est: illi itaque publicam salutem curanti populus ipse paret & obtemperat, cum tamen non minus sit & censeri debeat ipse Reip. minister ac iudex aut tribunus quilibet; nec ab his alia re differat, quàm quòd maiora onera ferre, & plura pericula obire teneatur. Præterea uident innumeri populi absq. Rege, Regem absq. populo ne mentè quidè concipere posses. Cum itaq. Rex per populum & propter populum existat, nec absq. populo consistere possit; cui mirum videatur, si populum Rege potiorē esse cōcludamus? Subdit deinde:

De hac materia vide Marium Salomoniū de principatu li. i. pag. 20. cum seqq. Franc. Hotmannum de Francogallia c. 15. Ioh. Baptist. Ficklerū in lib. de iure magistratuum in subditos, fol. 6.

83
deinde: Quod de vniuerso populo dicimus, de iis etiā dictū volumus qui populū
vniuersum in omni regno urbēne legitime representant. Cetera apud eū vide.

Ad has rationes coniūctis iis quas suprà in eadē ferē materia adduxi, si quis
veritatem facti applicet, nempe Archiducē Mathiam, & vnā etiā Conciliū
eius eo tēpore quo iam bellū vtrinq. motum erat, per generales Ordines, deinde
ipsos hos Ordines per populū in singulis prouincijs approbatos, electos & ordi-
natos fuisse: is facile intelliget, nihil à veritate & iustitia magis alienum esse,
quàm quod à legato Regio in hoc articulo asseritur, dispositiones & ordinatio-
nes quæ per Ordines, Archiducem & Concilium eius factæ & decreta sunt,
legitima facultatis defectu carere.

DECIMVS quintus articulus Pacificationi Gandauensi,
quoad Hollandos & Zelandos aduersatur. In alijs verò prouin-
cijs, quia munera magistratuum annalia sunt, in toleratione &
confirmatione eorū qui ad ea iā promoti sunt, minus periculi
est; & sufficet prouideri, vt in posterum legitimo modo nomi-
nentur & creentur, nisi velimus omnia sursum deorsum volui.

DECIMVS sextus & decimus septimus præcipuū habēt in
hac tractatione momentū: circa quos in primis considerādum
esse putamus, Hollandis, Zelandis & socijs pacificatione Gan-
dauensi exercitiū religionis suæ concessum esse. Quod ad alias
prouincias attinet, planè necessariū videri, si pacem ratam ve-
limus, vt non solum non sequiatur in alterius, quàm Catholicæ
religionis homines, vt in Pacificatione dicta cautum est: sed iis
quoq. exercitiū suæ religionis concedatur, saltem tantisper
dum communi Ordinum libero voto aliter statuatur. quod si
aliter fiat, timendum est ne immaturum remedium malum
exasperet, & recrudescente tumultu, id quod conseruatū volu-
mus, amittatur, atq. condicione impossibili pacem quam qua-
rimus, perdamus.

ANNOT.

† Ad verba, Non solum non fauiatur.] Tot calamitatum, dissidiorum,
belloꝝ (quibus hodie totus orbis, & maxime Germania inferior concutitur)
quin causa sint peccata nostra, nemo sanus dubitabit. Sed quanam potissimum
peccata causa sint, pauci querunt. Ego puto crudelitatem & fauoriam esse, &
cur ita putē, in causa sunt hæc: Dixit Deus: Quicunq. fuderit humanum
sanguinem, fundetur sanguis illius: ad imaginem quippe Dei factus est
homo. dixit Christus: Qui gladio percutit, gladio peribit. dixit Iacobus:
Iudicium absq. misericordia erit ei qui non præstiterit misericordiam.
Multæ sunt tales sententiæ, quæ demonstrant sanguinem sanguine puniri.
Exempla idem ostendunt.

L 2

Abi-

Abimelech adiutus à Sichemitis interfecit fratres suos. Eam crudelitatem Deus utrorumque sanguine expiauit. Saulus studio Israëlitarum sauiis in Gabaonitis, & eam ob causam fame laboratum est triennium, nec ea sedari potuit, nisi Sauli genere perempto. Israëlita sauiuerunt in Prophetas, & eam ob causam hostibus additi sunt. Innumera sunt huiusmodi exempla, quibus ostenditur, puniri à Deo non solum eos qui sauiunt, sed etiam eos qui de sauitia vel gaudent vel non dolent. Docet hoc Tobias, qui ostendit tribus Israëlitarum in calamitatem incidisse: quia cum propter fratrum suorum calamitatem lugere, & se Deo submittere deberent, epulabantur & voluptati indulgebant. Docet idem & Psalm. 137 qui Idumæis mala minatur, quia insultauerint pereuntibus Israëlitis. Ut interim taceam multos locos Prophetarum, in quibus eadem traduntur. Sunt autem omnia illa scripta ad nostram doctrinam, ut cum iisdem poenis afficimur, easdē subesse causas intelligamus. Isdem poenis affici nos notius est quam ut sit ostendendum.

Quod si nullum sanguinem effudissemus, credi posset aliam esse causam. Nunc cum nostro tempore tantum sanguinis effusum sit, quantum haud scio an alio vnquam: dubitari non debet quin ob eam rem puniamur. Neque verò de eo sanguine duntaxat loquor, qui bellis effusus est, cuius etiam (si quid iniuste factum est) erit reddenda ratio: sed de eo potissimum, qui effusus est propter religionem, quæ cum suapte natura talis sit, ut sanguinem sistat (cudent enim, inquit, ex ensibus, lanceis que suis falces & vomeres) tamen nescio qua hominum sinistra mente sit, ut nulli ferè plus sanguinis hauriant, quam qui sibi veram religionem vendicant. Alias gentes præteribo, ad Germaniam inferiorem veniam, in qua propter religionem facta sunt paucis annis maximæ mutationes: & propter eandem tantum humani sanguinis effusum est, quantum si bestiarum effusum esset, deberent homines ingemiscere.

Non ego hic homicidas, aut adulteros, ceterosque eius generis maleficos defendo: scio magistratui contra tales datum esse diuinitus gladium. Sed propter intelligentiam locorū Scripturæ, de quibus nondum certò constat (si enim constaret, disputari de hisset; nec vllus tam insanus esset qui mori sustineret, quò rem certam negaret) propter errores inquam (nam si quid hic peccatur, errore peccatur, cum nulla inde sequatur utilitas aut voluptas aut honos, sed contrà) propter hæc, inquam, tam multos & in præsentia ferro in nostris diuionibus, & in posterum libris toto orbe in perpetuum interfici; hoc verò eiusmodi est, ut qui id non deploret, eum hominis pectus habere non existimem.

O Principes & Magistratus omnes, aperite oculos, aperite aures, timete Deum, & cogitate tandem de reddenda Deo ratione villicationis vestræ. Multi graues poenas dederunt propter crudelitatem: nemo propter clementiam. multi in extremo iudicio damnabuntur quia occiderint infontes: nemo damnabitur quia non occiderit. Inclinate potius in partem clementiæ, & ne obtemperate eis qui vos ad occidendum impellunt: nec enim vobis erunt præsidio cum erit dicenda causa coram Deo: ipsis satis erit in sua causa negotij.
Credite.

Credite mihi, si Christus adesset, certè certè non consuleret vobis, ut eos qui ipsius nomen confitentur, occideretis: etiam si in quibusdam aberrarent, ne dicam errare viderentur. Obtemperate potius clementioribus, qui vobis consulunt, ut zizania relinquantis usque ad messem. nam qui ea antè extirpare volunt, extirpant Christi præceptum, qui ea iubet relinqui.

Quare o Principes nolite credere iis qui vobis consulunt ut sanguinem effundatis propter religionem, nolite eorum esse carnifices. Nam mihi credite, si affligerentur ipsi, aliter consulerent: quemadmodum aliter & eorum quidam iam consulerunt, cum persecutionem paterentur: & omnes verè Christiani semper consulunt, quoniam (quemadmodum dicit Paulus,) Omnes qui volunt pie vivere in Christo, persecutionem patientur; quod si patientur, nunquam consulent aliis ut inferant, non magis quam Christus & Apostoli. Estote contenti eo gladio, quem vobis tradidit Deus. punite latrones, punite proditores, falsos testes, & huius generis ceteros. Quod ad religionem attinet, defendite pios aduersus aliorum iniurias. hoc vestrum est officium, doctrina Theologia vestro gladio tractanda non est: Alioquin si hoc a vobis obtinebunt Theologi ut doctrinam suam armis tractetis, idem deinde postulare audebit Medicus ut se armis defendatis aduersus aliorum Medicorum opiniones: idem Dialecticus, idem Orator, & cetera artes. Quod si has artes tractare ferro non potestis, multo minus Theologiam, quippe quæ in Spiritu & interna mentis perceptione sita sit. Quod si bonus Medicus doctrinam suam scientia satis potest tueri sine præsidio Magistratus, cur non magis idem possit Theologus? potuit Christus, potuerunt Apostoli, potuerunt etiam eorum imitatores.

Vos corpora piorum corporali gladio defendite, animos gladius iste attingere non potest. Sapite & Christi consilium sequimini, non Antichristi: alioquin scitote futurum ut nullus sit seditionum bellorumq. finis, donec miserè pereant omnes qui sanguinem temerè fuderint. Nolite putare tolli seditiones saniendo; si sanitia eò ventum esset, ut duo tantum homines superessent in toto mundo, tamen illi duo inter se dissentirent, & mutuis vulneribus caderent, sicut accidit olim Madianitis, & hodie periculum est ne nobis accidat, nisi grassari desinimus. si quod esset aduersum mala remedium in sanitia, iam pridem sublata forent omnia mala, cum iam per quinque amplius annorum millia saniat. Sed certa res est, malum malo nunquam vincetur, nec vllum est aduersum cades remedium, nisi ut cades fieri desinant.

Q U O D spectat ad Regiam auctoritatem, cuius decimus octauus articulus mentionem facit, modò ea auctoritas intra terminos legum, pactorum & priuilegiorum, item pacificationis Gandauensis, & articulorum, qui ab Ordinibus exhibiti sunt, restringatur, Ordines & omnes subditi parati erunt, se legibus, iustitiæ & regiae potestati humillimè subiicere.

L 3

A N N O -

† *Ad verb. Intra terminos legum*] *Marius Salomonius in tractat. De principatu lib. 1. circa fin. I V R. Experimur quidem principes legibus parere, benignitate natura, non legis necessitate. PHI. Tamen si tēperatis viris lex Deus sit, ut ad amicos Dionis scribit Plato, nihilominus principes legibus & obedire, & ligari quotidie legimus & videmus. quod breuiter explicabo, modo ad interrogata respondeas & ingenuè veritatem agnoueris. I V R. Respondebo ut petis, audissimèq. auscultabo. PHI. Satis cōstitut inter nos secundum leges Reges viuere, tyrannos secus. I V R. Profectò. diuus enim Alexander ad Antigoniū rescripsit: Nihil tam proprium imperij esse, quàm legibus viuere. THE. Confirmatus est Aquinatis auctoritate, nisi vobis excidit memoria, dicētis oportere in ciuitate principem habere regulam, per quā dirigatur in operationibus, & dirigat alios, & per quam iudicet, hoc autem sit per legem. PHI. Secundum quas ergo viuunt leges? I V R. Ciuitatis, & diuinas & humanas. PHI. De diuinis & humanis nulla contentio. Dic igitur secundum leges suas ipsius principis, an populi? I V R. Nihil refert suæ vel populi, modò sint iustæ. PHI. Si secundum suas viuunt leges, nonne suis obedit legibus? si populi, popularitèr similiter obedit legibus. I V R. Viuit secundum eas non ut obediens, sed custos & cogens alios obedire; ipse verò supra leges est, nutu suo omnia gubernans. PHI. Dic amice, iustus & iniustus nonne sic definitur aliquis, quod qui secundum leges viuunt, sit iustus; qui contrà, sit iniustus? I V R. Procul dubio. PHI. Princeps contra leges faciens, sic erit iniustus. I V R. Minimè: quoniam non sibi sed aliis dicta est lex. PHI. Iustus nonne dicitur ab eo, quod iusta facit? ex diuerso iniustus, faciens iniusta? I V R. Quis ambigit? PHI. Finge principem fortiter facienti, vel quid aliud lege premium proposuisse, & ex contrario certam pœnam facienti vel non facienti quippiam, poteritne princeps merenti iure negare premium? & similiter contra legem facienti alias quàm scriptas iure irrogare pœnas? I V R. Non utique. PHI. Ut quid istud? I V R. Quoniam secundum legem à se dictam indicare debet. PHI. Et si aliter facit, an iniuste facit? I V R. Vtique non iuste facit. PHI. Nonne propterea Princeps est iniustus? I V R. Videtur. PHI. Et non ob aliud, nisi quod suis non obediunt legibus. I V R. Sic arbitror. PHI. Lege igitur sua ligatur Princeps. I V R. Fateri conuenit, nam ex imperfecto testamento etiam Imperatorem capere inhibuitur est. si capit, iniuste capit; si non capit, legi obsequitur. nec quisquam Princeps proditur huic legi & aliis huiusce generis non obtemperasse, &c.*

Ferd. Vasq. illustr. controuerf. lib. 1. c. 8. num. 19. Ius diuinum, naturale, vel gentium princeps transgredi nullo modo potest; sed si de transgressione iuris positini agatur, tunc legum & principum par potestas non est, quia leges indistinctè possunt immutare quod anterioribus legibus cautum fuerat. Sed an princeps id possit, pendet à commissione & concessione sibi à populo facta. Regulariter tamen Regibus etiam positina sua regionis subesse non videntur: sic quæ eas mutare non poterit sine populi consensu: quia ipse non legum Imperator, sed

rator, sed iustus minister & executor esse debet, esseque intelligitur. Et inferius circa finem.

Ergo dum non solum plures, sed innumeri ferè eorum, de quibus supra mentionem habuimus, tenuerunt principes sua natura, hoc est re ipsa, quod à populo creantur, posse novas facere leges, & veteres innouare; cauendum est, cum regulariter verius sit, neutrum facere eos posse, nisi expressim vel tacite vel verisimiliter eis concessum esset. ut fuit in principe Romano.

Idem c. 15. nu. 3. Cum princeps merus non sit legibus superior, sed inferior, & quasi earum minister, custos & executor; consequens est, ut cum eis sine causa dispensare nequeat, & cum ad meram ciuium utilitatem merus princeps creatus intelligatur, & legum obseruantia Reipubl. non possit non esse utilis; quandoquidem ipsæ leges Reipubl. utiles sunt: superest, ut qui princeps leges violauerit, Reipubl. nocuisse intelligatur: quod ipse facere non potest, quia est contra suam commissionem suumque officium, &c.

DECIMUM nonum articulum secundum nostrum decimum quartum intelligimus. Quare cum nunc Serenissimus Archidux Mathias ex legitimo sanguine Regis natus, indole & ingenio quoque tali præditus, quæ Regio sanguine digna sunt, in Gubernatorem generalem ab Ordinibus assumptus sit, ne noua aliqua electio seu designatio nouas excitet turbas: & Generosissimo Principi, cuius medio multa mala à Belgio auersa fuerunt, cum iniuria Cæs. domus aliqua molestia & nota inferatur, maiorem in modum rogamus, Serenissimo Regi Catholico per Cæs. Maiest. & Celss. & Dig. V. persuaderi, ut Ordinum electionem confirmare, & articulos, quibus receptus est, clementissimè admittere non grauetur.

QVÆ in vicesimo articulo de traditione ciuitatum, fortaliorum, tormentorum tractantur, non putamus æquum esse quartum & quintum articulum Ordinum repudiari, præsertim cum antea beneficio sexti articuli in Edicto perpetuo idem admissum & concessum sit.

ARTICVLVS vicesimus primus nullam videtur habere difficultatem.

QVANTVM ad ratificationem attinet Pacificationis Gandauensis, & Edicti perpetui, cuius in 22º articulo mentio fit, consultius esse censemus, ut ea purè ac simpliciter approbetur,
vti ab

vti ab Ordinibus factum est: ne illa videatur vlllo modo in dubium vocari, & ad contraueniendū viam aperiri. Quinetiam nonnihil miramur, cum Ducem de Terranoua non lateat, quid incommodi intulerit, tam in religione, quā in politia, Domini de Selles declaratio, qua Regis nomine & iussu significabat Maiestatem eius non esse eius animi, vt ea pacificatio rata esset, de nouo ab Excell. eius produci, quæ præcipua dictæ Pacificationis atque etiam Edicti evertunt. Quamobrem etiam Celsi. & Dign. V. rogatas volumus, si quid vel à Rege vel ab Ordinibus vltra illam petatum est, id distincte proponatur, examinetur & concordetur, salua semper ipsa Pacificatione & Edicto: eo modo securior, clarior & breuior fiet tractatio.

Ad vicesimum tertium articulū de fœderibus, nihil aliud respondere possumus, quā quod iam antè ad declarationem secundi articuli nostri à nobis responsum fuit.

VICESIMVS quartus ferè conuenire videtur cum articulis Ordinum, decimo sexto & decimo septimo: quare ad eos nos referimus.

Quod ad reliqua attinet, dubitandum non est, si Ordines à Ser. Rege, Principe & Domino suo naturali, iustas & æquas suas petitiones obtinuerint: quin ea omnia sint præstituri, quæ sua Maiest. à fidelibus subditis desiderare poterit.

CONCORDIA ARTICVLORVM,
PER LEGATOS ORDINVM BELGICORVM
12. Iunij Anno 1579. exhibitorum, cum Pacificatione
Gandauensi, Edicto perpetuo Bruxelle publicato, priuilegiis,
ac ratione ipsa.

PRIMVS articulus consentaneus est primo articulo Pacificationis Gandauensis, atque Edicti perpetui cum Domino Ioanne Austriaco initi.

SECUNDVS quanquam non per omnia consonet Pacificationibus præcedentibus, illis tamen nequaquam aduersatur, & ad euicandam magnam rerum confusionem multaq. controuersias est planè necessarius.

TER-

TERTIVS conuenit cum decimo Edicti.

QUARTVS consentit etiam cum Pacificatione & Edictor: ac propterea non debet mutari, ne qua sinistra suspicio Ordinibus inde præbeatur.

QUIA verò quintus articulus semel Domino Ioanni Austriaco Namurci placuit, non debet iam displicere, præsertim cum non spectet aliò, quàm vt firmiter obseruentur & stabiliantur ea quæ inter Regem Catholicum ac Ordines transigentur ac concludentur.

SEXTVS concordat cum nono Pacificationis, & octauo Edicti. Propterea verò quòd septimus conformis est priuilegiis ibidem memoratis (quæ Regia Maiestas statuit inuiolata conseruare) is non potest vilo modo recusari, sed nec Illustrissimus Dux Terranouanus eum recusat, præsertim cum nulla subsit iusta aut legitima causa, quare Comes Buranus debeat captius detineri.

OCTAVVS & nonus respondent decimo septimo Pacificationis, & ad euitandam maiorem difficultatē in restitutione bonorum alienatorum, expedit iisdem verbis inhærere.

DECIMVS respondet articulo quarto Pacificationis, saltem sententiæ ac menti ipsius. Quare in eo nulla debet fieri difficultas.

VNDECIMVS cum faciat ad maiorem corroborationem Pacificationis Gandauenlis, Edicti ac Vnionis (quæ omnia à Regia Maiestate approbata sunt) iam non potest non etiam gratus esse, præsertim cum ea sint totius huius tractationis fundamentum.

ETSI verò duodecimus Regiæ Maiest. nimium videatur durus, ac non ferendus, tamen quia ad conseruationē ecclesiasticorum ac omnium Catholicorū, atq. ad eò ipsius Religionis Catholicæ Romanæ, est omnino necessarius, ad quem finem Pax religionis, dicta Religions-friedt, etiam admissa & recepta est: Regia Maiest. debet omnino se sinere persuaderi ac induci, vt toleret id, cui iam mederi non potest, tanto magis, quia petitur per modum permissionis, videlicet donec per Ordines generales aliter decretum fuerit.

M

DEC I-

DECIMVS tertius utilis est ad excludendas multas difficultates, quæ super noua denominatione aut electione Gubernatoris moueri possent: quarum, durante hac diffidentia, magna ratio haberi debet.

DECIMVS quartus non videtur admodum discrepare à mente Regiæ Maiest. excepta clausula, quæ distinctionem facit, inter eos qui à partibus Ordinum steterunt, & aliorum.

DECIMVS quintus & decimus sextus cum æquitate ac ratione planè consentiunt, vt scilicet ij qui Ordinibus suppetias tulerunt, in pacis tractatu comprehendantur. Quod ipsum etiam per suos articulos Illustriss. Dux Terranouanus æquum iudicauit.

DECIMVS septimus & decimus octauus faciunt ad plenam securitatem, & ratihabitionem huius pacis, quam Regia Maiestas non minus quàm ipsi Ordines desiderat: itaque nulla est in iis difficultas. Actum Coloniae x i. Iunij, Anno LXXIX.

EPISTOLA PRINCIPIS PARMENSIS
AD DVCEM DE TERRANOVA, VERSA EX
autographo Hispanico, secretis notis conscripto.

EXPEDIVERAM veredarium super eo, quod tua Excell. ad me scribit, ac certiore facit, quanta contentione ab ea postuletur suspensio armorum; sibi quæ significari cupit, quid rerum hîc agatur, vt sese iuxta id meliùs comparet. Ad quod hoc tantummodo habeo dicere, nempe præter id, quod superioribus diebus actum est, nos imminere & incumbere propugnaculo portæ, quæ Bruxellana vocatur, ac iam vicisse eius occultum iter, quod hostes commodè poterant tueri aliquot dies. Ereximus proximè illud propugnaculum editam quandam planitiem, ex qua poterimus impedire ne hostis eo sese iuuet. Hac nocte absoluentur tres cuniculi subterranei, qui per fossas oppidi ducuntur: Crastina verò nocte, si Deo placet, plantabuntur tormenta bellica ad fossam, ad quatiendum veterum propugnaculi, vnà cum turriculis portarum, ac demendum illis

dum illis latera defensionum . Et quātum iudicare possumus, intra xij. aut xiiij. dies potiemur ipso propugnaculo ; poterimusque secretò scalpturam inchoatam absoluerè, donec facultas dabitur cominus manus conferendi in ipsis mœnibus, id quod quærimus . Tempus quod post expugnatum propugnaculum necessarium erit ad intrandum oppidum, non possum explicare: fieri potest vt opinione breuius futurū sit. quoniam plus actum est his paucis diebus , quàm videbatur fieri posse iis qui rem intelligunt, & qui non viderunt, non possent facile credere . Adeò vt hostes nō amplius eam animositatem ostendant,quam hactenus ostenderunt, rarò etiam in nos eiaculentur: neque videntur tantum laborare ad se muniendum & tuendum eo loco , vti fecerunt aliis locis , tum propter loci situm, tum quia ibi raræ sunt defensiones eæque superatu faciles . Verùm tandem Domine, necessum erit dimicare & fortunæ aleam experiri . Illud verò tuæ Excell. cōfirmare possum, quòd ne momentum quidem temporis negligetur nec noctu nec interdiu, vti neque hactenus neglectum est . Neque enim duntaxat fossores cuniculis agendis adhibentur, sed etiam milites, qui ostendunt hoc sibi placere , cū videant omnia tali ordine fieri, vt non possit non bene succedere . Qua occasione quantò magis procrastinabitur armorum suspensio , melius erit huic expeditioni . Et meo iudicio tua Excell. poterit eam iusto fundamento differre . Primò, eo prætextu, quo tua Excell^a vsa est, videlicet petendo à Dominis Commissariis , num Mandatum Ordinum sufficiens & idoneum sit, ad cōcludendum negotium articulosque cōtrouersos . Deinde colore conditionum , quibus fieri possit dicta suspensio . Ceterum mea sententia hoc potissimum hîc considerandum esset , vnde ad suam Maiestatem plus fructus redundare posset , ideoque animaduerti debet quænam sit spes huius tractationis . Quòd si censes pacem iniri posse, etiamsi te extendas ad vltimum & extremum tui Mandati , non est cur differatur armorum suspensio: quia cū relinquendum sit nobis Traiectum, vnà cum aliis oppidis, eo casu parui momenti erit hoc oppidum cepisse, quodque maius est , parceretur multis militibus ac pecuniis in-

M 2 sumendis,

sumendis in expugnationem. At si non fiat tibi verisimile hunc tractatum posse ad effectum perducere, intelligasque ac quid spectet princeps Auracus, nempe ad tempus extrahendum, diuertendum legiones Wallonum à suo proposito, huic oppido succurrendum & suas res stabiliendum, non suaderem, ut simul tempus trahendo vel cum Imperatore, vel cum Commissariis, tua Excell. adducatur ad aliquid faciendum quod possit impedire hanc expeditionem, à qua pendet omne id quod possidemus, & consequi speramus. Quod ad me attinet, non dubito si Auracus potest Traiecto aliqua via suppetias ferre, id faciet: & si illud efficiat, non solum hac expeditio, sed ne vlla quidem alia ad bonum finem perducatur. sed cognito maligno statu rerum nostrarum, redibunt ad suam vnionem, & ei reliqua omnia adiungent, sub spe perueniendi ad scopum suae intentionis. Neque enim certò mihi adhuc persuadeo Hannonienses & Artesienses procedere eo zelo, quo diuulgarunt, sed potius contrarium credendum est, si verum est (vt Comes Berlamontius mihi dixit) se hodie intellexisse, Mathiam hunc nostrum tractatum cum iis diuertisse, suis ad eos missis literis & technis, quibus vsus est medio Comitis à Lalain & aliorum. Bene video quòd sis ea prudentia, & huic ipsi negotio intentus potuisse me excusare à mentione supradictorum: tamen volui tibi ea significare, quia ad id obligatus sum. Collatio Abbatiae S. Bertini suspendetur, quantum fieri potest, prout tua Excell. desiderat. cuius manus osculor, hoc est, cui gratias ago, pro eo quod promoueris expeditionem factam pro Domino Ioanne de Boria. Precor vt eadem tradatur ei, qui expeditionem his adiunctam deferet, quae concernit negotium Vefuntionis, in quo magna diligentia vtendum est, quia adeò festinant & accelerant tractatum suae confederationis. Tanta hinc laboramus penuria, vt fuerim eius animi rogare vt mihi opem ferres quindecim aut viginti millium coronatorum, quum intelligam te facultatem habere eos mihi mutuò dandi, sed malo id reseruare in extremum vsque. Interea mandatum & negotium do Ferdinando Lopez vt numeret duos menses somatophy.

matophylacibus tuæ Excell. quam non possum non monere, quamvis superuacaneum sit, quòd medio pecuniario multæ difficultates possunt explanari, si tua Excell. pecuniam largiatur nonnullis familiaribus ministris Commissariorum, eosque hac via expugnet, atque alios quos conuenire arbitrabitur. Hoc compendio multa poterunt rescari. Dominus Deus tuam Illustrissimam & Excellentissimam personam conseruet uti ea desiderat. Ex castris ad Traiectum Mosæ, xxi. Maij M. D. LXXIX.

Tua Excell. Seruator

Alexander Farnesius.

XVII. Iunij, Domini Commissarij ad legatos Ordinum quosdam suos consiliarios mittunt, qui tradunt iis responsum Ducis de Terranoua, simulque verbis ipsorum indicant, se nihil operæ & laboris prætermisisse, quò moderatiora quædam & propiora petitioni Ordinum ab Excellentia eius impetrarent, sed nihil se efficere potuisse: monere ergo ut articulos pridem exhibitos ad Ordines transmittant, si æquabile aliquod responsum dederint, quod parati sint, se quoque ad omnem rationem accomodare.

VITIA Mandati iterum exponunt: deinde significant, cum difficile & molestum sibi sit inter arma de pace inter partes tractare, iterum se sermonem cum Duce Terranouensi de cessatione ab armis contulisse, qui declarauerit se paratum esse ad eam attendere, modò spem aliquam concipere posset pacem conciliatum iri. Quare, cum articulos Ducis pro valdè æquis habeant, darent legati Ordinum operam, quò & ipsi petitiones suas ita temperent, quæ spem illi de pace dare possent; quo facto facilius se inducias ab eo impetraturos.

Ad quod legati Ordinū in primis Dominis Commissariis pro studio & diligetia, quam in hoc negotio præstarent, quàm

M 3 maximas

maximas gratias agunt; deinde ostendunt se non videre vllan speciem pacis, posteaquā Dux de Terranoua articulis à se exhibitis, nullam moderationem adhibuisset; mirari se quoque cur Rex hoc negotium imponi Celsi. & Dign. eorum voluerit cum non aliter se ad necessitates populi sui accommodare in animo habeat; imò cum non cogitet ne Pacificationem quidem Gandauensem & Edictum perpetuum custodire: nihilominus asserabant quamprimùm se articulos istos ad Ordines transmissuros, eorumque iudicium & responsum super iis cognoscere & expectare velle.

Qv o d ad Mandatum attinet, inquiunt frustra ipsos de illo conqueri, cum clausula illa relatiua, in qua præcipuam constituebant difficultatem, sola exhibitione Instructionis suæ iustificari possit, eamq. iam esse iustificatam per articulos suos, præter quos Instructio sua nihil contineret, sed & offerebant visionem eius, vt eam perspicerent.

Qv æ dicta erant de cessatione ab armis, ostendunt ea valde sibi grata esse, & scire etiam Dominos Commissarios, se ab initio huius tractatus paratos fuisse in eam consentire, sicut etiam adhuc hodie parati sint: imò sperasse hactenus, quòd Celsi. & Dign. eorum pro sua auctoritate eam indicere deberet, vel saltem effecturas fuisse, quòd Dux de Terranoua modum aliquem constituendi illam proposuisset.

Sv b i i c i t Cancellarius Treuirensis, se oblitum esse, vt Legatis Ordinum diceret, Dominos Commissarios postulare vt ipsi rationem vel modum aliquem induciarum in medium adferrent; vbi eum illi intellexerint, se suum deinde officium in iis promouendis præstituros. Quod ad oblatam visionem Instructionis eorum attineret, respondebat non conuenire vt eam ipsi perspiciendam acciperent.

P o s t abitum Consiliariorum per Legatos Ordinum responso Terranouensis, iisque quæ suprà relata sunt, diligentius consideratis, visum iis est in scriptis ad ea respondere. Conceptum ergo sequens scriptum x i x. Iunij in Concilio illud proposuerunt & exhibuerunt.

RESPON-

RESPONSVM DVCIS

DE TERRANOVA.

95

*Reuerendissimi, Illustrissimique Electores, Principesque
& Domini S. Cæs. Maieft. delegati.*

DVX de Terranoua Regius Mandatarius, viso scripto Legatorum Belgij Ordinū, ex vestro communi decreto sibi XVI. præsentis mensis communicato : quandoquidem ipsimet Legati apertè confiteantur, se ad exhibendū eiusmodi scriptū omnino nihil Mandati ab Ordinibus Statuum tenere, sed tantū vt seruiat pro consilio, ac aliās citra partium hinc inde præiudiciū, se priuatim motu proprio illud exhibuisse; spe nimirū præconceptra, quòd per illustr^m V. Dign. idem Regius Mandatarius eò adducendus fuerit, editos iam pridem ab se articulos reconciliatorios; aliquanto propius vt accommodaret ad ea quæ ex parte dictorum Ordinum iam antea postulata ac posita fuere:

PROPTEREA Duci haud aliud occurrit, quòd in præsentiarum responsū iri conueniat, quàm illud ipsum quod in exordio præcedentis sui postremi scripti satis superque rotundè declarauit, vtpote hoc rerum statu nihil tam procurandum sibi fuisse, quàm vt disputationum quarumlibet occasionibus amputatis, promptè non minùs quàm purè ac liberaliter in sinum amplissimi huius cōcessus depromeret, vniuersum illud, quod sua Maieftas Catholica deinceps constituerit, suis subditis clementer concedere & elargiri; cuius quidem consilij illa potissimū fuit ratio, quòd ad accelerationem reconciliationis tantoperè prouincialibus necessariæ, eiusmodi via sperabatur omnium compendiosissima futura.

POTISSIMVM quòd Dux sibi probè conscius, articulos ab se propositos, tanta iustitia & æquitate suffultos esse, quòd iure sperari debeat ab Ordinibus Statuum citra omnem cunctationem acceptandos fore, eo magis, quòd quicunque vacuus præsertim ab inordinata passione rem penitiùs expendere volet, haud dubiè iudicauerit, quòd S. Maieftas, tanquam
verus

verus pater patriæ, per eiusmodi paternas oblationes admodum largiter suis subditis satisfecerit. Quamobrem consultè facturi videntur supradicti legati, si modò curent eosdem articulos ad ipsos Ordines citra moram destinari. Proderit enim res illa, ut ne temporis ulterius subeunda sit iactura cum tanto salutis publicæ præiudicio, prout ipsimet suo scripto satis superque innuere videntur.

PORRÒ ubi tandem apparuerit de Ordinum vel acceptatione vel congruo aliquo responso, tunc si Illustriss. V. Dig. videbitur articulos quosdam superesse, ad subditorum iusta solatia plenius nonnihil accommodandos, aut benignioris cuiuspiam declarationis temperamento egentes, haud recusât dictus Dux similium articulorum gratia, in amicabilem communicationem descendere, prout Illust. V. Dign. convenire arbitrabuntur.

CETERA autem dicto scripto comprehensa, postquam eius generis esse videantur, quæ inter Illustriss. V. Dign. tanquam Cæs. Maieft. delegatos ac ipsos denique Ordinum Belgij legatos seorsum tractata fuere, non potest non idem Dux ad ea se referre, quæ ab Illustriss. V. Dign. eatenus ulterius discernenda forent. Actum Coloniae XVII. Iunij, Anno LXXIX.

SCRIPTVM LEGATORVM ORDINVM.

*Reuerendissimi, Illustrissimi, Generose, Nobilis
S. Cæs. Maieft. Commissarij.*

*Qua scilicet
in mandatis
expressè habebant.*

VT CUNQUE ea, quæ proxima annotatione nostra exhibuimus, magis cōsiliij loco, quàm Ordinum Mandato singulari. (Illa enim iam antea binis articulis proposuimus) deducta & explicata volumus: nihilominus Celsi. & Dign. V. facile intelligunt, nihil in ea annotatione reperiri, quod prædictis articulis in ullo puncto contrarium & aduersum haberi possit,

QVARE

QVARE consideratis difficultatibus, quas in ea recensuimus, non frustra sperauimus Ducem de Terranova Regium legatum per Celss. & Dign. V. inductum iri, vt propius se ad intentionem & petitionem Ordinum accommodaret; vel saltem sperauimus satis materiae hinc inde Celss. & Dign. V. datum esse, ad media aliqua ineunda & proponenda, quibus Rex & Ordines conciliari inter se possint & debeant.

VT Regius legatus† voluit disputationum quarumlibet occasiones amputare: ita etiam nos studiosè cauimus, ne iustificationem causæ nostræ ingrederemur, quæ fortassis offensionem aliquam adferre potuisset.

ANNOTAT.

† *Ad verb. Voluit disputationum.] Cùm quiuis Politicus facile intelligat, quorsum verba ista tendant, visum mihi est ad questionem illam; An subditi cum Principibus pacisci possint; solutionem Ioh. Baptista Fickleri Consiliarij Salisburgensis, ex tractatu eius de iure Magistratum in subditos, hîc referre: Respondendum, inquit, nunc est illis, qui existimant non decere subditos cum superioribus pacisci. Quæro igitur primùm quibus nitantur fundamentis? Si enim rationibus agendum est, quales quæso illas satis firmas prætexent? Subditorum est, inquit, à Principum suorum auctoritate & mandatis pendere, non contrà: Vnde consequens est, posse quidem subditos modeste ac reuerenter Principibus suas exponere querimonias, atq. illis liberè suum consiliū impertiri, si rogentur: at minimè vltèrius progredi. Respondetur, nō licere omnino subditis magistratibus suis sine inferiores sine supremos, nisi cum summa reuerentia accedere: idque non solum propter metum indignationis eorum, sed etiam propter conscientiam, vt docet Apostolus, cùm hæc potestas à Deo sit constituta. At nego ex hoc fundamento talem posse necesse consecutionem: Oportere ergo subditos, quoties de rebus politicis, & ad statum, vt dicitur, regni pertinentibus, agitur, vbi quod iustum & æquum, legibusque (sub quibus Princeps ille electus & constitutus fuit) consentaneum ipsis videtur, modeste ac reuerenter illi exposuerint, deinceps necessariò sese illius arbitrio totos subiicere: idq. omnino absque vlla exceptione sequi, quod illi fuerit collibitum.*

Nota qua scribit I. Bodinus de Re-pub. lib. 1. c. 8. pag. 175.

Quinimo contrà liberè assero nullam ipsi iniuriam fieri, si ad officium compellatur, & vbi nullus amplius rationi locus superest, vltèrius etiam aduersus eum fiat progressus. Siquidem cùm non nisi certis condicionibus administratio sit illi commissæ, minimè censendum est novas pactiones cum ipso iniri, quoties interpellatur, vt vel priores condiciones ratas habeat, easque deinceps obseruet: vel alteri locum cedat, qui de illarum obseruatione magis sit futurus sollicitus.

N

Quod

Quod si exemplis probandum est, arbitror satis multa supra à me allata esse, quibus constet aperte nulla ratione, nulloque usu aut bene constituta Monarchia vlla experientia niti, aut defendi eorum propositionem posse, qui audent affirmare; sufficere cunctis debere subditis nudam Regis sui voluntatem, &c.

QUAMOBREM hætenus non aliis argumentis, quàm ab iis quæ iam antè conuenta & conclusa fuerunt, item à necessario & impossibili usu fuimus.

SED cum videamur vrgeri à Regio Legato multo grauioribus argumentis, à liberalitate, ab indulgentia & paterna affectione Regis erga nos, item à iustitia & equitate eorum quæ offeruntur, metuemus ne iis argumentis Celsi. & Dign. V. commoueantur, quominus ad alia media quæ conciliationi mutux seruire possunt, progrediantur.

ITA inuiti cogimur contra scriptum illud Regij Legati tantum replicare, amplecti nos gratissimis animis liberalitatem Regis, indulgentiam & paternum eius affectum erga nos: sed vicissim rotundè dicimus, ea quæ per Regium Legatum offeruntur, in substantia parum cum affectu isto conuenire.

NAM quòd ad leges, consuetudines, pacta, & priuilegia attinet, ea nostra sunt, nec vnquam nostra esse desierunt, quippe quæ per Regem aboleri, inuerti aut tolli, nec olim potuerunt, nec adhuc hodie iure possunt.

SI C etiam tributa & vectigalia apud nos certum suum habent modum, quem Rex nec augere nec minuire sine consensu Ordinum potest. † Dignitates quoque & officia non nisi certis condicionibus conferri queunt: multo minus possunt aut debent subditi per Gubernatores & Consiliarios Regis, per Duces & milites eius iniuste premi, spoliari & violari.

ANNO T.

Nihil istis duobus §§. dicitur, quod non subditis per pactum debeatur, quæ partim ab initio, quo Maiores Regis, nunc huius nunc illius provincia domini facti sunt, conuenta vtrunque & ordinata fuerunt; partim medio tempore vel pretio, vel singulari aliquo beneficio à subditis impetrata & acquisita sunt. Multa etiam provincia priuilegia sua non à Maioribus Regis, sed ab Imperatoribus, quo tempore Romano Imperio subiecta erant, obtinuerunt, quibus

quibus saluis & illafis, promiffis, iureiurandoque addictis, in potestatem illorum se commiferunt. Quare cessant hic omnes illa disputationes, An Princeps possit saltem leges positivas in suis ditionibus abolere vel immutare: ^a item an privilegia a se data renocare ^b, noua tributa & vectigalia constituere & indicere possit. Nihil enim verius est, qualiscunque conuentio circa ista inita est, eam per Principem seruari & custodiri debere.^c

^a Ferd. Vafq. Illust. controu. lib. 1. cap. 2.
^b Bald. ad l. qui se patris. C. unde liberi. num. 13.
 Dec. conf. per tot. Aug. Beronius conf. 146. vol. 3. per tot. Socin. conf. 87. vol. 3. num. 12.
^c Communis dd. sententia est quæ refert & explicat Laur. Kirchhousius Comm. opin. Cent. 3. Concluf. 88.
 * Idem I. Bodinus de Republ. lib. 1. cap. 9. pag. 221.

Ferd. Vafq. illust. contr. lib. 1. cap. 3. In questione illa, An ex contractu cum subditis inito Princeps obligetur, naturaliter obligari cum omnes admittunt, ciuilitate autem non vtique. * Ea tamen obligatio naturalis obligat eum efficaciter, vel utilis & efficax est etiam ad agendum, manetque Princeps tam efficaciter obligatus, vt nec de potestate absoluta possit à tali contractu recedere, aut illum vlla ex parte violare, vt est vera & communis Dd. sententia. Sed si verum amamus, quod nostrates aiunt principem naturaliter subditis ex contractu obligari, verum est. Deinde quod aiunt eum contractum non posse violare, etiam de plenitudine potestatis, verissimum quoque est: Quod verò tertio loco affirmant, ciuilitate non obligari sed naturaliter tantum, id suspectum esse vel ex eo apparet, quod (vt supra plenè edocemur) princeps legibus positivis sue regionis aut populi subest, nec per ipsum principatus interuentum aut obtentum desit esse vnus ex ciuibus, sicq; in contrahendo iure priuati vtitur, nec est legum Imperator, sed custos, minister & executor, quod munus non quo minus, sed quo magis legibus alligetur, efficit.

† Dignitates & officia.] In quibusdam prouinciis nominatio & electio est apud Status & magistratus ipsos, in aliis apud Regem tantum. Rursus in quibusdam nominatio apud Status est, sed electio ex duobus vel tribus nominatis apud Regem: item in his non nisi indigena vel naturales admittuntur; in illis exteri quoque, sed tamen eiusdem Principis imperio subiecti. Communiter in omnibus prouinciis certæ qualitates, quo ad genus & bona eorum, qui præficiendi dignitatibus & officiis sunt, requiruntur.

Si quis nunc porrò perpendat, quid in his omnibus per Regios Gubernatores & Duces in Belgio notoriè actum sit, is simul inueniet, cum ad varias Ordinum supplicationes Rex nullum remedium iis malis adhiberet, eos iustè & legitimè, iuxta communem Theologorum & Iurisperitorum sententiam, arma contra Gubernatores & Duces istos, ad corpora, bona & iura, tum sua tum suorum, defendenda, suscepisse.

Scholasticorum
 Theologorum &
 Iurisperitorum
 sententia.

ANNOTAT.

Hac materia tractatur à Dominico de Soto de iust. & iure lib. 5. q. 1. art. 3. & à Ferd. Vasquio d. lib. 1. cap. 3. nu. 33. Inter cetera prior ita scribit, quæ & alter sequitur & approbat: Si Respublica, quæ opprimitur à Principe suo, [vel ab eius vicariis, ut hic] superiorem habet, ille ad eundem est, ut remedio succurrat: sin verò non habet, illa potest in ipsum coarmari. Dum autem potens non est, tunc Deus est orandus, in cuius manu cor Principis existit, quique & propter peccata populi finit nonnunquam hypocritam regnare. Quo ad hoc ultimum Vasquius existimat, non id solum remedium subditis superesse, ut Deum orent pro Principis sui emendatione, sed iure naturali omnibus magistratuum de Principibus incumbere illi populo oppressionem patienti, opem & auxilium ferre. c. 22. num. 6.

De hac re videatur ad longum prædictus tractatus Ioh. Baptif. Fickleri de iure magistratuum non ita nuper Ingolstadtj impressus.

DEINDE hac defensione iusta constituta, prout est iustissima, nec vnquam apud vllam gentem in dubium reuocata, nemō etiam non intelligit, quæ interea temporis ex necessitate Reip per Ordines acta, decreta & ordinata sunt, ea legitima potestate acta, ordinata & decreta esse.

ANNOTAT.

† *Ad verb. Iustissima* Ferd. Vasq illust. contr. lib. 1. cap. 41. num. 19. Quia iuris præcepta sunt, honestè vivere, alterum non ledere, ius suum cuique tribuere: quod attinet ab illud præceptum, ne alter ledatur, hominum hanc ad rem tuitio & defensio fieri potest altero de duobus modis; aut per vim iurisdictionis, aut per vim naturalis defensionis. iurisdictionis est in magistratibus: naturalis defensio est tam in ipsis, quam in reliquis omnibus hominibus. In ipsismet magistratibus est de iure diuino & naturali & positivo. De diuino iure patet ex epistola D. Pauli dicentis sic: Qui suorum maxime domesticorum curam non habet, infidelis est, & infideli deterior. Secundo intellige idem de iure naturali. Nam sub hac lege & conuentione magistratus datus & acceptus intelligitur, ut talem curam gerant, talèque ministerium præsent. Tertiò idem de iure positivo. Quarto intellige etiam si talibus magistratibus imminet periculum vite, ut ex communi opinione resoluit Hieronymus Cagnolus; & docet Cicero in oratione pro Caio Rabir. Est, inquit, boni magistratus cum auxiliare republ. labefactari conuelliq. videt, ferre opem patriæ, succurrere salutis, fortunisque communibus; suam salutem posteriorem salutis communi ducere. Et rursus in Oratione pro Sextio ait: Sudandum est iis qui magistratum gerunt, pro communibus commodis, ad eundem inimicitie, subeunda sepe pro Republica tempestates, cum multis audacibus improbis nonnunquam etiam potentibus dimicandum.

Quid autem etiam priuatis hominibus talis tuitio competat in vim naturalis defensionis, procedit primum de iure diuino, iuxta diuum Iohannem Evangelistam Epist. 4. dum ait: Qui non diligit fratrem suum quem videt, quomodo

a l. iustit. ff. de iust. & iur.

b l. i. § huius ff. de iust. & iur.

c l. nullum crimen! culpa caret, & ibi Dec. & Cagnolus ff. de reg. iur.

d d. l. culpa caret à contrario sensu. ad. ad d. §. huius.

e in d. l. culpa.

quomodo diligit Deum quem non videt? Et quia per secundum praeceptum decalogi iubemur proximum amare ut nosmetipsos, sicque ut nos naturaliter tueremur: ita proximum tueri debemus, iuxta illud divinum praeceptum: *Ut quod tibi non vis, alteri non facias; & quod tibi vis, alteri facias: sicque ut tibi periclitanti aut iniuriam patienti subuentum ab alio velis; ita & alius subuenire iubeas.* & sub illa verba, Quod tibi non vis, alteri non facias, etiam facere continetur bonum.² Secundo intellige quod ad talem defensionem tenemur etiam de iure naturali.³ Vnde Onidius sic cecinit:

Et caret auxilio, qui non tulit; utque relinquit,
Sic linquendus erit, legem sibi dixerat ipse.

Et Cicero Off. lib. 1. Homines, inquit, hominum causa sunt generati, ut ipsi inter se alij alius prodesse possent. Et rursus 3. lib. Off. Hoc, inquit, natura praescribit, ut homo homini ob eam tantum causam, quod is homo sit, consul- tum velit. dixi plenius infra lib. seq. in materia praescript. par. 1. q. 4. cum praeced. & seq. ubi edocebimur inofficiosum hominem, eoque nomine indignum esse, & videri, qui talem defensionem non praestat. Tertiò intellige idem esse de iure positivo Canonico secundum Cagnolum, ubi supra, hanc esse communem opinionem affirmantem. Quartò intellige idem esse etiam de iure civili secundum eundem ibi. Quintò intellige eam, si imminet quale quale periculum secundum eundem. Sextò intellige, quod id licitum est, ut dictis legibus & locis supra allegatis. Septimò intellige quod non solum licitum, sed etiam debitum & necessarium est, ut dd. iuribus, & plenè per d. Cagnol. Octavò intellige quando fuimus requisiti per illum qui iniuriam patiebatur; ut dictis locis habetur. Non idem, & si requisiti non sumus. nam ultro id facere possumus. Vltimò intellige ut procedat etiam inuito & renitente eo qui patiebatur.¹ Secundum quae si patior iniuriam à concine meo, magistratibus competit defensio, quibus absentibus vel impeditis, vel non valentibus, vel si sit periculum in mora, cuilibet de populo competit defensio, & multò iustius, si ab ipso magistratu iniuria fiat, & ius adferatur. Vnde si notorium est eum damnaſſe ad mortem, vel ad membri mutilationem, vel ad similem poenam non reparabilem, eum qui innocens erat, & noluit recipere appellationem, vel ab eo non poterat appellari, reliquis concinibus competit defensio illius hominis iusti, intellige si ab eo fuerint requisiti. Secundo, etiam si is taceret. Tertiò, etiam si expressim prohiberet & mori mallet. Quartò, quod extraneis idem ius esset, arg. supradictorum, & c.

Ostendit porro in eodem cap. nu. 36. naturalem illam defensionem tam res quam personas intueri, sicque siue in rebus, siue in persona quis vim aut iniuriam patiatur, ex vi illius naturalis obligationis, qua reliqui homines ad iniuriam aut vim patienti subueniendum tenentur, ei subueniri debere: id quod hodie, inquit, ex defensione artificiali, quae per modum principatus & iurisdictionis fit, post tam laboriosas, molestas, immortales, sumptuosas moras & lites contingit, ut satius, consultius, utilius plerumque fuisset, vim aut iniuriam pa-

riam patienti, tale auxilium defensionemque artificialem non implorasse, quam retulisse aut impetrasse, tam enim plus nimio pretio emere videtur.

Hanc etiam artificialem defensionem, quæ per modum principatus aut iurisdictionis contingit, dicit non solum non esse de iure naturali & gentium primo, sed potius naturali & gentium iuri primo adversari, vel illinc intrinsece licet, quod illos iuribus inspectis, omnes homines plenissima libertate utebantur, poterantur, gaudebant, fruebantur; nec dubium est, inquit, quin principatus & iurisdictioni huic omnimoda libertati aliquantum adversetur, non secus quam quedam servitus quam iuri naturæ adversari in cõperto est: cum qua servitute non parum similitudinis habet subiectio hæc, quæ principatus & iurisdictionis causa aut occasione contingit, præsertim si non iam ius, quam usum noxium principum & magistratuum &c. Reliqua apud eum vide.

ALIOQV IN quod ad debitam obedientiam attinet, quam Ser. Regi, Principi & Domino nostro naturali, præstare obstricti sumus, nunquam recusavimus, nec adhuc præstare cam, iuxta leges, pacta, privilegia & pacificationes, iam antè initas, recusamus.

ANNOTAT.

Ad verb. [Iuxta leges, &c.] Querit Aristoteles 5. Ethic. c. 11. An respublica melius ab optimo homine quam optima lege gubernetur. Definit autem melius legem quam hominem dominari, id quod & 5. Eth. c. 6. commemorauerat: nempe quia facilius est, vnum aut paucos prudentes invenire legum conditores, quam iudicum multitudinem. Etenim qui leges ferant, pauci in vno seculo satis sunt: qui verò ius dicant, impendio quamplurimi sunt necessarij. Deinde, quoniam leges longi temporis consideratione feruntur; iudicia verò brevissime cogitantur, & ideo facilius hic quam illic error contingit: Præterea maxime, quod cum leges de vniuersalibus & futuris constituantur, neque personas singulariter tangant, non conduntur personarum respectu: Senator verò & index quia cum singularibus personis agit, odio percelli potest, & amore, ac potissimum avaritia corrumpi. Quare melius est, ut quam maxime fieri possit, cuncta legibus explicentur: iudicibus autem non nisi minima quæ lege determinari nequeunt, relinquuntur. Vnde ait, quod qui legem præesse iubent, Deum præesse iubent & leges (vipote à quo ipse promanant:) qui autem hominem iubent præesse, adiungit bestiam sanam, quia libido atque ira obliquos agit etiam viros optimos dum sunt in potestate. Iudices ergo, non leges ipsi, sed (ut 5. Eth. ait Aristot.) legum debent esse fidei custodes. Dominicus à Soto de iust. & iur. lib. 1. q. 5. art. 1.

Nota quæ pro hac q scribat Ferd. Vassiquius illust. cont. lib. 1 c. 1. à num 13. vsque ad fin.

OMNES ergo articuli Ducis de Terranova, qui de prædictis rebus loquuntur, propterea iusti & æqui sunt, quia profiscuntur ex iure, quod subditis competit: gratiam autem & liberali-

liberalitatem non habent aliam, quàm quod in iis Regis nomine promittitur, Maiestatem eius velle posthac subditos suos, quo ad personas & iura ipsorum, saluos & incolumes conseruare.

VNICVM punctum est religionis, in quo Ordines concorder, propter præsentes necessitates & communem quietem, quidam etiam propter cōscientias suas, quæ Dei moderationi & regimini subiectæ sunt, aliquid sibi cum gratia Regis permitti & concedi cupierunt: sed nihil amplius hîc Ordinibus per Regium legatum offertur, quàm vt illi, qui sunt alterius quàm Rom. Ecclesiæ religionis, mitioribus posthac pœnis, quàm antea propter professionem suæ fidei obnoxij sint & coërceantur; vel si pœnas istas euitare volunt, bona, sedes auitas & cognationem suam deserant. Quæ oblatio an tanto opere à iustitia & æquitate commendari debeat, per ea quæ ab initio exposuimus, manifestum est.

ANNOTAT.

Vtinam hic Rex Catholicus, iuxta omnium bonorum votum, induat Constantini Magni clementiam pariter & prudentiam, qui pacem dabat tam errantibus, quàm non errantibus communem. Verba Imperatoris hæc sunt: Pacem cum fidelibus ij qui errant, pacis & quietis fruitionem gaudentes accipiant. Ipsa siquidem communicationis & societatis restitutio, ad rectam etiam veritatis viam perducere potest. Nemo cuiquam molestus sit, quisque quod animo destinat, hoc etiam faciat.

Idem ad Anastasium papam disertè scribit: nemini se velle vim facere, aut ad fidem cogere, sed tantum adhortari, iudicium autem Deo relinquere.

Similiter Constantinus Imperator, vnumquemque credere ac Deum colere sicut vellet, permisit, existimans plus se hac sua lenitate & mansuetudine effecturum, quàm acerbioribus Edictis: quod factum eius ab omnibus laudatum fuit, nec se fellit eum sua opinio. Hæc refert Eccles. historia quam Tripartitam vocant; cap. 4 lib. 7.

Valens in Antiochia Syria degens Consubstantialitatis cultores vehementius fuisset persecutus, nisi eum liber Themistius philosophi renocasset, in quo perorauerat, eum non oportere ob id crudelem esse, quod discordia aliqua in Ecclesiasticis dogmatibus nata esset, cum & apud Paganos plus quàm trecentæ sectæ inter se differentes inuenirentur, & unusquisque pro dogmate proprio in diuersa sententia consisteret. Fortè & hoc Deo gratum magis esse, dum non facile cognoscitur, & diuerso modo glorificetur. Unusquisque enim amplius timet dum integritatem eius scientia, vel quomodo aut qualis, quantusque sit, magis ignorat. Eadem historia c. 12. lib. 8.

Proclus

Proclus vir moribus erat optimis, & ab Attico eruditus, vitam eius imitabatur, sed in Proclo patientia maior apparebat. Ille haeticis terribilis; hic omnibus mitis erat, existimans mansuetudine eos flecti magis quam violentia; nullam haesim vexabat in hac parte Theodosium imitatus Imperatorem. Ille namque indicabat contra noxios in hac parte Imperiali non uti potestate. hic & parvipendebat, si quis de Deo non ita superet sicut ipse. In his igitur Imper. etiam eum laudabat, cum & veros sacerdotes imitaretur, & nequaquam persequi volentes admitteret. cap. 11. lib. 12.

Hæc paucis tantum attingere & proferre voluimus, suo tempore, si opus est, latius exponenda & deducenda, in eum finem, ut Celsi. & Dig. V. perspiciant, etiamsi libentissimè omni animi demissione præsentem tractationem cum Regio legato inire cupiamus; tamen nec diuino nec humano iure nos destitui, quo^a causam nostram coram Deo & coram toto mundo defendamus. Agnoscimus quidè Regis nos esse subditos, sed ita subditos, ut inter nos respectuè illud ius^a hic locum habere debeat, quod inter Dominum & Vassallos obseruatur, & in quibusdam rebus strictius, quod suo loco ostensuri sumus.

ANNOTATIO.

* Causam nostram.] Causa Ordinum in his duobus versatur. Primum, quod in communi libertatem, iura & privilegia sua, personas, bonaque, tum sua, tum suorum salua, incolumia ac illa seruare & custodire cupiunt. Alterum, quod pro iis quibus persuasum est multos errores & abusus in Rom. Ecclesia existere, libertatem conscientiarum, & eam in religione reformationem, quam vicina regna, Germania superior, Dania, Anglia, Gallia, Scotia, Polonia, partim principes illorum ipsimet, partim subditi consensu eorum receperunt & approbarunt, sibi concedi & permitti postulant.

Quod ad primum attinet, causam Ordinum iustam esse, et si à nullo scholastico Theologo & Jurisconsulto in dubium vocetur: tamen nulla firmior probatio adferri posset, quam quod Rex ipse & Domini Commissarii iustam eam esse suis articulis pronuntiant. Itaque in substantia de iustitia & iniustitia istius petitionis, nulla amplius inter Regem & subditos controuersia est; sed queritur an per oblationem, qua hic Ordinibus facta est, eorundem petitioni plenè satisfactum & cautum sit: id quod suo loco exponemus.

In altero, licet una pars Ordinum vel subditorum eam mutationem seu reformationem in religione non prober, nec pro se suscipere velit; tamen ex quatuor gravissimis causis illam concinibus & popularibus suis concedi & permitti debere existimant. Prima est necessitatis, quod aliter inter se mutuo pacem habere nequeant, & dum bellum ab Hispanis sub prætextu conseruanda religionis Catholica geritur, libertati, iuribus & privilegiis suis insidias &

dius & imminutionem poni ac fieri vident. Altera est legis natura: Quod tibi non vis fieri, alteri ne feceris. Incipiunt enim propria experientia addiscere, quam graue sit conscientis vim aliquam adhibere. Tertia ex euentis est, quod animaduertant alterius partis religionem nullis armis opprimi posse, suam verò oppugnatione illius, magis ac magis in periculum venire. Quartà & vltima ex timore ira Dei nascitur, dum secum reputant, quot millia hominum maiores sui crudelissime interfecerint, ob nullam aliam causam, quam quia illi in religione animis suis coram Deo satisfacere voluerint, ne si ipsi non desistant à sanguinis effusione, in re qua gladio corporali tamen regi nequit, ipsorum sanguis similiter effundatur, & innocenter effusus sanguis in ipsorum capita vindicetur.

Porro ea pars Ordinum vel subditorum, quæ serò errores, superstitiones & abusus Romane ecclesie agnoscit, eiusque reformationem in timore Dei desiderat, longè adhuc firmioribus & verioribus argumentis vtitur, quæ sparsim in scriptis Legatorum Ordinum, & in Annot. illis subiectis inueniuntur; ita ut ea referre hic superuacaneum sit. Sed vtraque & huius & illius partis argumenta secundum ius diuinum & humanum cordatis plerisque tanta vi & efficacia fundata videntur, ut causam Ordinum in hac secunda petitione longè adhuc iustioresse existiment, quam quæ in prima refertur. & quo ad Regem promptius & facilius ratione vocationis & officij sui concedendam.

† Illud ius, &c.] Propter fidem mutuam quam sibi inuicem Rex & subditi apud nos ex conuentione prestare debent, Legati Ordinum istius iuris meminisse videntur: Quod addunt in quibusdam rebus strictius, eo pertinere existimo, quod Vasallagium species quasi seruitutis sit, subditi verò liberi sint vel vasalli: Homines domini sui censeantur, subditi fratres & amici principis sui. Item vasalli fidelitatem iurant domino suo, sed non econtra dominus vasallis. At apud nos Princeps primùm subditis iurat, deinde subditi Principi. Dominus proprietarius est eorum bonorum quæ vasalli possident. Princeps nullum ius habet in bonis suorum subditorum.

a Jacob. Cuiusdam de feudis, in pro- amio pag. 5.

b Horom. de feudis. c. 24.

c Car. Molinæ in conf. Paris. lib.

a. tit. 2. gl. 1. in verb. Arrest.

num. 55.

d Communis est lul. Clarus sens.

comm. lib. 4. §. feudum. q. 70.

e De hoc iuramento vide de Hotomannum

c. 32.

f Ferd. Vasquius Illust. contro. lib.

1. c. 5. num. 28.

Jan. Brutus in lib. de vindictis.

q. 111. pag. 133.

ILLORVM ergo respectu Illustrissimus Dux Arschotanus, & nos reliqui Ordinum Legati Cellf. & Dign. V. amicè, humillimè, humiliter, & officiosè seorsum rogatas volumus, ut iis sic placeat in hac causa agere, tanquam inter partes quæ ambæ se iure & iustitia suffultas esse arbitrantur, quibus vtrinque varia media, ad mutuam earum conciliationem, proponi æquū sit. Nos nihilominus articulos, à Regio Legato exhibitos, ad Ordines trāsmitemus, super iis iudiciū eorū requisituri:

O valde

valde tamen timemus, nisi Regius legatus propius se, & præcipue in puncto religionis, ad petitionem Ordinum accommodare velit, omnem laborem per Celss. & Dign. V. frustra sumi. Sed hæc hætenus.

QUOD ad mandatum attinet, exhibemus adhuc vnum mandatum, in quo prouinciæ, quarum nomine huc comparuimus, exprimuntur: condicio eidem inserta difficultate caret, cum nihil prorsus agere statuamus, quod non Instructioni nostræ per omnia respondeat. Et si opus fuerit, dabimus operam, ut Ordines, tam generales quàm particulares, rata & grata sint habituri quæcunque hîc concludentur.

VLTIMO, de induciis quas Celss. & Dign. V^o iterum proponere placuit, sub eadem spe pacis, qua illas Regius legatus concedere paratus est, nos quoque easdem arbitrio & pietati vestræ committimus. Quod ad formulam earum attinet, Ordines tales inducias inire parati sunt, quæ non sint communicabiles, hoc est, ut neutra pars iis durantibus possit tractare, negotiari, aut communicare in iis locis aut ciuitatibus, quæ à parte aduersa detinentur; sed tantum liberum & tutum sit, utriusque parti ad eos locos & ciuitates commeari & remeari, inuehere & euehere, item in iis versari, agere & negotiari, quæ earum quælibet tenet & occupat. Actum xix. Iunij, An. LXXIX.

M A N D A T U M L E G A T O R U M
O R D I N U M A L T E R U M.

NOS Mathias gratia Dei Archidux Austriæ, Dux Burgundiæ, Stiriæ, Carinthiæ, Wirtembergæ, Comes Hassburgi, Tirolis, Gubernator & Capitaneus generalis Belgij seu Germaniæ inferioris: & Prælati, Nobiles ac Deputati ciuitatum, representantes Ordines prouinciarum & ciuitatum in easitarum, nempe Brabantia, Geldria & Zutphania, Flandria, Hollandia, Zelandia, Tornaci, Tornacesij, Ultraiecti, Mechlinia, Frisia & Transisulania, ad hoc specialiter & solenniter conuocati cōpetenti numero in ciuitate Antwerpiensi; omnibus, qui has præsentis literas visuri sunt, salutē. Quandoquidē
com-

communicatio per nostros Deputatos in ciuitate Louaniensi habita. [Quæ sequuntur de verbo ad verbum eadem sunt Mandato in initio exhibito. Vtriusque etiam idem Datum, eadem sigilla, & eadem subscriptiones sunt.]

XXIIII Iunij, Domini Commissarij Legatis Ordinum exponunt, in quibus periculis ipsi existiment Traiectum superius positum esse: quare ægrè se visuros, nec conuenire pacis tractationi, nec etiam personis suis, vt per vim illud occupetur, propter sanguinis effusionem, aliâque scelera, quæ expugnationem eius certissimò secutura sunt. Si ergo ad hoc adduci possent, vt sese dedere vellent, daturos se operam, vt ea deditio saluis vita, bonis, & honore fiat. Hæc summa fuit eorum quæ tum legatis Ordinum dicta fuerunt, sed cum pluribus verbis & argumentis, quorum magnam partem multi ex iis non intelligerent, absentibus etiam nonnullis linguæ Germanicæ magis peritis: deinde quòd res magni momenti esset, dedere ciuitatem in manus Hispanorum, rogarunt ea sibi in scriptis exhiberi, vt fideliter omnia ad Ordines perscribere queant, ne quid plus aut minus scriberent, quàm quod à Cancellario dictum erat.

Ad hoc responderi illis Celsis & Dignis eorum fecerunt, suum moris non esse, vt in scriptis ea tradant quæ ore tantum proposita & explicata velint: sed si minus rectè, quod dictum esset, percepissent, Cancellarium priuatim de singulis libenter illos instructurum.

ORDINATI ergo quatuor ex illis, à prandio Cancellarium accedunt, quibus Latinis verbis exponit, quæ ipsi excipiunt. Aliquoties iam cessationem ab armis propositam fuisse, sed semper eam Ducem de Terranoua recusasse, ex ea causa quòd articuli Ordinum nimis sibi viderentur duri, & tales, super quibus pax coiri non possit. Non solere cessationem ab armis cõcedi, vbi nõ certa spes pacis offeratur. Deinde quòd non vidisset Mandatum ipsorum, vt scire possit an integrum sit, Excell. eius magis id pro vitioso, quàm pro integro habere, propterea quòd exhibitio eius sibi denegetur. Quod cur factum fuerit,

Hi quatuor fuerunt, Dominus de Grobendonck, Meeskerke, Van der Milen, & Albeda.

iam antè declaratum fuisse. Addebat: Cùm quodam tempore Terranouensis ad inducias à Treuirensi suo Principe vrgeretur, eum respondisse contentum esse in eas consentire, modò Principes Electores Regi securitatem præstarent, si pax non conciliaretur, vt ciuitas Traiectensis in manus ipsius restitueretur. Ad quod cùm Treuirensis replicasset, quomodo restituenta sit, quæ nondum capta foret; Terranouensem subiecisse, quòd haberet eam tali loco, quasi iam in manu Regis constituta esset.

POSTEA QVAM ergo Domini Commissarij cum ex Duce de Terranoua, tum etiam ex relatione aliorum intellexerint, Traiectenses in extremo discrimine positos esse, & destitui omnibus medijs, quibus se diutius tueri possint, occupata iam ab Hispanis vna parte ciuitatis, cum parte aliqua murorum & portarum, ita vt aliud colligi non possit, etiam si vallum & meniscum econtrà obduxerint & opposuerint, eos tamen in manus hostium peruenturos: Cellf. & Dig. eorum commiseratione erga eos motos, & ad euitandam effusionem sanguinis, cùm non ignorarent Hispanos propter amissionem in ea obsidione multorum insignium præfectorum & militum irritatos, omni crudelitate in ipsos vsuros esse; consultum iis visum fuisse, media aliqua proponere, quibus liberari possint, & vt vnà cessatio ab armis ad tempus quoque concedatur.

ITA egisse Cellf. & Dign. eorum cum Duce de Terranoua, vt permetteret ipsis cum obsessis agere, quòd ciuitatem Regi tradant, saluis vita, bonis & honore: & si pax constituatur, iisdem ea condicionibus & beneficiis fruatur, quibus reliquæ prouinciæ; & vt postea induciæ incantur, ne ab vna aut altera parte vltèriùs procedatur.

VERVM Ducem de Terranoua, ad hæc ipsis respondisse, quòd ad tractationem illam de dedendo vrbe attineret, id non ex arbitrio & voluntate sua, sed Principis Parmensis pendere: illi enim bellum, sibi negotium pacis commissum esse; nihilominus velle se ad Parmensem de eo, quod sibi per Dominos Commissarios propositum esset, scribere, spe obtinèdi quod

*Nota temporis
breuitatē. hoc die,
qui est xxij. pro-
positio ista facta
est. responsio ab
Ordinibus xxv.
deliberatio super
ea xxvi. Intra
tres deinde dies
(xxx. enim se-
quenti summo
mane occupata
fuit ciuitas) &
scribi ad Parmen-
sem eiusq. consen-
sus (simulatè vt
ex hoc sermone
Ducis facile per-
cipitur) requiri:
deinde legatis à
Dominis Com-
missarijs decerni
& trahi debuit.*

quod peterent, nihil tamen certi affirmare se & polliceri posse, propterea quod de circumstantiis circa statum ciuitatis non instructus sit, super induciis verò & earum condicionibus deinde se deliberare velle.

Hæc Dominis Commissariis idè Legatis Ordinum indicare visum fuisse, ne suspicarentur Celsi. & Dign. eorum quicquam secretò agere velle: si haberet rationes, quibus consilium istud iis displiceret, eas ipsos libenter audituros, cum sint personæ Ecclesiasticæ; neque opprobrio carere possit, si patiantur quasi in sua præsentia tot viros fortes trucidari, proponere ista voluisse.

Ad ea ordinati illi quatuor tum temporis nihil aliud responderunt, quàm se fideliter ista ad Ordines relatueros, sine quorum scitu & consensu nihil in re tanti momenti agere auderent; sed tamen tolerabilius & sibi & sine dubio Ordinibus visum iri, si in manus Imperij ciuitas illa, quæ alioquin pro dimidia parte ad Imperiũ pertineat, traderetur. Ad quod Cancellarius respondebat, propositum quidem id esse Duci de Terranoua, sed prorsus illum ad id attendere noluisse. Idem responsum quidam ex nostris Electori Colonienfi & Comiti à Schwartzenberg manè dederant, à quo illi non ita alieni videbantur.

XXV. Iunij, vbi omnes ad ædes Ducis Arschotani conuenissent, & quatuor illi, quæ exceperant ex ore Cancellarij, Duci & reliquis legatis prælegissent, in primis animaduertunt ex altera parte nihil adhuc conclusum & cõcessum esse. Secundò intellexerunt eo die & sequentibus ciuitatem oppugnatam iri; id si verum esset, hoc quod propositum fuerat, non posse perfici. Cogitabant porrò, aut Hispanos in spe futuros expugnandi eam, & sic pro cupiditate vindictæ, superbia & auaritia sua, armis non depositis, non eò minus, quod de deditioe ageretur, extrema tentatueros, nec ab oppugnatione destitueros: sin verò eam spem non habeant, non aliò consilium istud seruire posse, quàm ad infirmandos & labefactandos ciuium animos, atque idcirco Ordinum consensum sine periculo expectari posse. Tertiò cum hætenus

O 3

fama &

fama & suspicio fuisset, negotium pacis in euentum expugnata istius ciuitatis retardari, magis adhuc solliciti & perplexi reddebantur. Deniq. vt omnia ista cessarent, nemo erat ex iis, qui vlla ratione putabat sibi licere sine Ordinū scitu & cōsensu in eam rem cōsentire, sed potius hoc diferetioni & auctori-
tati Commissariorum relinquēdum esse. Itaque missis aliquot ad Concilium, vbi quidam ex Cōsiliariis Dominorum Commissariorum congregati erāt, adductis quibusdam ex memoratis rationibus ostenderunt, quod ad se attineret, aliud nunc se responsum dare non posse, quā iam antē dedissent; quod vellent omnia ad Ordines referre, sed vt in commune omnibus consuleretur, nihil melius sibi videri, quā vt induciæ indicerentur: sine iis traditione ciuitatis facta, irruptionē Hispanos facturos in loca minus fortē munita, quorum commiseratione sperarent aequē Celsi. & Dig. eorum affici. Deinde tutius fore, si hæc res publicē cum Ordinibus, vel saltem non sine consensu eorum, quā si priuatim cum ciuitate ageretur. Ad quod Consiliarij isti responderunt, se velle ista ad Principes suos referre.

Non potuit quisquam in Concilio dubitare, legatos non ausos futuros in eam rem consentire, nisi Ordinum voluntate prius cognita. Ergo non debebat tā angusto temporis spatio propositio ista constringi, vel cum scirent eam necessitatem existere, quæ legatis incognita erat, nec ab Ordinibus unquam de ea admoniti erant, potuissent ipsi propria auctoritate cum ciuibus, quorum res agebatur, omisso legatis agere.

*Hi fuerunt Io-
hānes VVimphe-
lingus D. Can-
cellarius Treui-
rensis, Gerardus
Kleinsorg L.
Consiliarius Colo-
niensis, Iohannes
Gelsamer D.
Consiliarius Her-
bipolensis, Ioan-
nes Laurman, L.
Consiliarius Cli-
mensis.*

XXX Iunij, Cancellarius Treuirensis vnā cum tribus aliis Doctoribus, quibus examinatio & dispositio totius negotij commissa fuerat, ad legatos Ordinum venerunt, iisque indicabant, se inuenisse in articulis tam ab vna quā ab altera parte editis, aliquot ambiguitates & obscuritates; priusquam ergo ea perficere possint, quæ proponere vtrique parti decreuerint, in quibus nunc occupati & impediti sint, cupere se ab illis earum ambiguitatum & obscuritatum explanationem & declarationem audire. Ex altera parte iam heri id factū fuisse.

PRIMAM aiebant esse, quod in scripto, cui titulus ANNOTATIO DIFFICULTATVM: quod ad quartum expedire censerent, vt iusurandum, cuius in quarto articulo Ducis de Terranoua mētio fieret, exprimeretur claris verbis, vt cum Domino Ioanne Austriaco Namurci pactum fuisset ea scilicet forma, quæ ab Ordinibus articulo 11° exigeretur: sed cū non inuenirent in præcedentibus tractatibus, nec etiam in Actis præsentibus, vllam iurisiurandi formam, idcirco se

circo se p̄tere istius formæ, de qua cum Austriaco conuen-
tum sit, exhibitionem.

SECUNDA M inquebant consistere in reiectione articuli
sexti, à Duce de Terranoua positi, quo velit vt subditi ab ar-
morum vsu abstinerent: h̄c rationem à legatis Ordinum fa-
ctam videri sibi obscuram, ideò rogare se vt maior eius fiat de-
claratio.

TERTIA M esse dicebant, quòd in 13^o articulo Ducis Ter-
ranouensis, qui loquitur de liberatione Comitis Burani, legati
Ordinum indicassent, plus sibi olim per tractatum, qui Bredæ
habitus sit, oblatum fuisse, quàm nunc idem Dux Ordinibus
codem articulo offerret; petere ergo exhibitionem istius tra-
ctatus, vt cum cum articulis Ducis conferre possint.

VLTI M ò indicabat iis Cancellarius, Dominos Commis-
sarios requirere, vt vnà adhuc manerent, & expectarent reso-
lutionem Ordinum, super prorogatione termini: Celsi, &
Dign. ipsorum, ad eam obtinendam, simul etiam vt Manda-
tum perfectius mitteretur, ad Ordines per peculiare nuntium
scripsisse.

AD ea Legati Ordinum responderunt, pro quæstionibus,
quas non ita magni momēti mouissent, expectasse se oblatio-
nem articulorum, quos Domini Commissarij statuerint vtriq.
parti exhibere; postulare vt vel adhuc hodie exhibitio eorū fie-
ret. hunc enim vltimum esse diem, quo agere possint: Ordines
etiam magnoperè admiraturos dicebant, quòd contra spem,
quam proximis suis literis ipsis dedissent, nondum articuli illi
exhibiti essent: atq. ideò etiam metuere se, cū viderint Or-
dines negotium ita differri & extrahi, & interea inducias non
solum à Duce de Terranoua recusari, sed nec propria auctori-
tate à Dominis Commissariis indici, vt nullo modo in proro-
gationem termini, qui in Mandato suo circumscriptus sit,
consensuri sint.

NIHILO MINVS quod ad primam difficultatem atti-
neret, cuius in Annotatione sua ad articulum quartum Terra-
nouensis ratione iuramenti mentio fieret; declarabant se pro-
pterea conuentus istius cum Domino Ioanne Austriaco Na-
murci

murci habiti memoriam inieciſſe, ne viderentur quid noui & alieni, quod non antè æquum iudicatum fuiſſet, petere. Sed cùm ille tractatus ad finem non perductus ſit, non poſſe ſe exhibitionem eius facere, formam verò iuramenti ſatis expreſſè art. ſuo ij°. declarari, eamque eſſe neceſſariam, vt & Ordines & populus quieti & ſecuri conſtituerentur.

Ad id quod ſecundo loco motum ſit, reſpondebant ex ratione ibidem addita, facile intelligi, cui præſtaret omiſſionem iſtius articuli fieri; nimirum ne ex aperta armorum prohibitione ſubditi ſuſpicionem caperent, quaſi de poſitis armis imparati opprimendi ſint, præſertim vbi illi, quos antea inſenſos habuerint, dignitatibus & officiis ſuis reſtituantur.

TERTIAM difficultatem aiebant in allegato articulo non reperiri. Sed obiter tantùm eius in præſatione Annotationi difficultatum præmiſſa, mentionem iniectam fuiſſe; ſed quia tractatus ille plenum effectum ſortitus non ſit, haud poſſe ſe eius quoque editionem facere.

VLTIMÒ mirari ſe dicebant cur Mandati toties fieret mentio, cùm prorsus nulla difficultas ratione Mandati exoriri poſſit. Si enim pax conſtitueretur, omnes prouincias libentiſſimè ea quæ hîc acta ſint, grata & rata habituras.

COLLATIS deinde inter ipſos Conſiliarios & Legatos variis ſermonibus, & cùm hi magnopere ceſſationem ab armis vrgerent, ſine qua non putabant ſe poſſe prorogationem impetrare, reſpondebat Cancellarius, Terranouenſem ex tribus cauſis ceſſationem ab armis denegare. Primam eſſe, quòd foret incertus, an Mandatum illorum integrum ſit. Secundam, quòd articuli ab ipſis exhibiti, tales eſſent, ſuper quibus pax iniri non poſſit. Tertiam, quòd Regis interſit, ne prius illa concedatur, quàm ciuitas Traiectenſis in poteſtatem ipſius veniſſet.

III Iulij, cùm legati Ordinum 2^{da} Iulij à generalibus Ordinibus literas recepiſſent, quibus declarabant ſe ſcripta illa, quibus tituli ſunt, ANNOTATIO DIFFICULTATVM, & CONCORDIA ARTICVLORVM, approbare, eaque reſponſi loco ad ſcriptum Ducis de Terranoua repetita velle;
item

item quibus indicabant, se priori termino, quem ipsis præfixissent, insistere, nisi maiorem spem de æquioribus articulis acciperent. Legati audientia impetrata, ea ipsa Dominis Commissariis primùm ore expōnunt: deinde literas ipsas Celsi. & Dign. eorum legendas exhibent, & vt Duci de Terranoua cōmunicentur, orant, addentes quòd indies expectarent ea media quæ vtrique parti proponenda statuissent; sciam aliquoties Ordinibus spem de illis dedisse, sed & Ordines & ipsosmet mirari, cur tamdiu exhibitio eorum differretur, nec abesse, quin in sinistras quasdam suspiciones inciderent, quarum occasione maiores mutationes in Belgio oriri queant. Rogare ergo vt tandem aliquando media ista exhibeantur.

Ut primū Transactum superius occuparetur, & transactio cum Hannonensibus & Arthesiis perficeretur, reliquos postea deterritis iri, & facilius articulos proponendos suscepturos.

L I T E R Æ O R D I N V M.

Dominis nostris, D. Duci Arschotano, Principi Chimaici & Porciani, Comiti Bellomontij, Equiti Ordinis aurei velleris: Reuerendis in Christo patribus Abbatibus S. Gertrudis & Maricollensi, aliisque Deputatis Ordinum generalium Belgij, Colonia.

Ex Gallica lingua in Latinam versa de verbo ad verbum.

DOMINI nostri. Epistola nostra, xviii. huius mensis scripta, fecit iam vos certiores, vestras literas xi. eiusdem mensis scriptas, nobis fuisse redditas, cum articulis propositis per Ducem Terranouanū, Regis Catholici Commissarium, vnā cum iis quæ à vobis contrā sunt exposita, ad iustificationem articulorum, nostro nomine exhibitorū, eorumque concordia cum Pacificatione Gandauensi, Edicto perpetuo, & harum ditionum priuilegiis: ac post debitam omnium examinationem comperimus omnia per vos bene & congruè acta esse. Ceterum quoniam ea omnia præfato Duci Terranouano sunt exhibita, sine nostro expresso mandato (quemadmodum etiam ipse suo Latino scripto Dominis Cæsareis Commissariis tradito repetit) hac epistola vobis indicatum volumus, nos habere ea quæ nostro nomine exposuistis, vnā cum iustificatione & concordia suprā dictis, pro nostro

P arresto

aresto & resolutione, vtpote quæ planè conueniant cum Instructione quam vobis hinc abeuntibus dedimus: eaque propterea in omnibus & singulis articulis rata & grata habemus. Id quod studiosè contēdimus, vt velitis declarare & apertè indicare tum Duci Terranouano, tū omnibus aliis quibus opus erit; ne si fortè hanc tractationem rumpi siue dissolui contigerit (quod Deus auertat) idem Dux Terianouanus, vel alij dicant, ex nostra parte responsum non fuisse capitibus & articulis à se propositis, vt etiam omnes incolæ harum ditionum possint cognoscere, & liquidò perspicere, omnes nostras actiones non spectasse alium scopū, quàm bonā & securam pacem, cum quiete & tranquillitate patriæ coniunctam, quæ vnica & præcipua causa est cur arma ceperimus. Quocirca quandoquidem idem Dux Terranouanus recusat sese paci accommodare, vt constat per eosdem articulos, adeò ab omni ratione alienos, omnibusque præcedentibus tractatibus, à sua Maieft. approbatis & ratihabitis, repugnantes, ei non debet mirum videri, nec extra propositum, si hætenus institimus, vt adhuc in præsentiarum insistimus termino temporis nostræ tractationi præfixo, nisi ex parte ipsius prabeatur maior spes conciliationis, præsertim in negotio religionis. Super quo expectantes vestrum responsum, precabimur Deum, vt vobis, Domini, bene firmet longam & salutarem vitam, intimoque cordis affectu nos vestris DD. commendamus. Antwerpiae
X X V I I I I Iunij, M. D. L X X I X.

*V. Excell. RR. & DD. officiosè
addicti Ord. generales Belgij siue
inferioris Germania.*

Mandato dictorum Ordinum,

I. Houfflin.

Ad

Ad quæ responsum nullum aliud Legatis Ordinum à Dominis Commissariis datum fuit, quàm velle se literas istas Terranouensi communicare, & quòd non cessarent in mediis illis concipiendis, quæ vtrique parti primo quoque tempore se exhibituros esse promittebant.

IIII Iulij, Legati Ordinum, moti literis quas ab iisdem Ordinibus acceperant, quibus adiunctæ erant literæ Ducis Andegauensis, & Instructio, ad singulas prouincias destinata, iis inquam moti, ea quæ sequenti scripto continentur, Dominis Commissariis ore retulerunt, & literas, tum Ordinum, tum etiam Ducis Andegauensis, iisdem prælegerunt; deinde ad petitionem eorum, dicta in scriptis, exhibuerunt.

SCRIPTVM.

*Reuerendissimi, Illustrissimi, Generose, Nobilis,
Sacrae Cæs. Maestatis Commissarij.*

ILLVSTRISSIMVS Dux Arschotanus, & nos reliqui Ordinum Legati, aliquoties publicè & priuatim indicauimus, nisi Cels. & Dign. V. sua intercessione pacem inter Serenissimum Regem & Ordines constituent, metuerent nos, ne Ordines necessitate coacti, de alia forma Reip. cogitare incipiant, qua se & sua, contra conatus & iniurias Hispanorum, securius & melius tueri & conseruare possint. Nunc verò literis ea de re acceptis, intelligimus non solum super eo quod antè declarauimus, deliberari, sed & Ordines ad oblationem quæ de nouo à Duce Andegauensi, tam per literas quàm per Legatum eius facta est (quæ propterea etiam promptius & gratius accipitur, quòd existimetur matrimonium cum Regina Angliæ contracturus) iam Instructionem concepisse, cuius exemplar ad nos quoque transmissum est; super qua consilium & voluntatem singularum prouinciarum requirere proposuerunt.

P 2

QVARE

QUARE cū pro certo habeamus, nisi pax hīc per Celsi & Dign. V. concilietur, Rege se per suum legatum ad necessitates nostras nullo modo accommodare volente, nec finem iniuriis & vastationibus exercitus sui imponente, Ordines ad actum priuationis processuros, quo declaraturi sint, Regem imperio, auctoritate & dominio, quod habet vel habere potest in Belgio, excidisse, subditos à iuramento, quod Maiest. eius præstiterunt, esse & fore in perpetuum solutos & liberos: deinde extremè coactos, Ducem Andegauensem iuxta pacta & conuentiones, iam antè cum Celsitudine eius initas, recepturos.

ANNOTAT.

Joh. Baptist. Ficklerus Consiliarius Salisburgensis, in libello *De iure magistratuum in subditos*, Ingolstadtj impresso, ad quæstionem quam facit: *Quid subditis, qui à Principe suo, vel à Vicariis eius opprimuntur, liceat: subditorum distinctione in hunc modum facta, Quod alij priuati sint homines, nulla publica administratione fungentes: alij magistratum quidem gerant, sed hi supremis magistratibus subiiciantur. (quos subalternos delegatos & inferiores magistratus appellat:)* Tertij et si summum magistratum non habeant, nec suprema & ordinaria potestate fungantur, constituti tamen sint in eo ordine, ut sint quasi frena & habena, ad summum magistratum in officio continendum. De medio subditorum genere post explicationem eorum absolutam ita concludit: Hinc apparet mutuam esse obligationem inter Regem, principem & regni principatū sue officarios, neque totam regni vel principatus administrationem Regi soli vel principi esse commissam, sed supremum dumtaxat eius gradum, & singulos officarios inferiores eius partem obtinere, pro suo quemque gradu, idque certis utrinque condicionibus. Quæ condiciones si ab inferioribus magistratibus non seruentur, supremi est magistratus, illos vel officio abdicare, vel coercere, causa tamen cognita, & non nisi eo ordine quem regni vel provincia leges præscribunt: nisi & ipse à inireiurando, quo se ex legibus regnaturum promisit, discedere velit. E diuerso verò si is qui regiam dignitatem seu principatum, vel electione vel iure hereditario adeptus est, manifestè ab iis condicionibus defleat, sub quibus nominatim Rex vel Princeps est & agnitus & approbatus, quis dubitet inferiores regni seu principatus Magistratus, ipsasque adeo provincias ac ciuitates, quarum administratio illis commissæ est, à suo inireiurando hactenus saltem esse ipso iure liberatos, ut ipsis liceat sese manifestè eius regni vel provincie oppressioni opponere, cuius tutelam & protectionem pro suo quisque munere cum inireiurando susceperunt? De tertio porro subditorum genere ita scribis:

ita scribit : Hi etsi reuera & certo quodam respectu supremorum magistratum obedientia subsint, alio tamen respectu, maximè rebus angustis extremisque constituti sunt defensores ac protectores iurium ipsius supreme potestatis, ut summos magistratus in officio retineant, eosque si opus erit & coerceant & mulcent. Deinde pergit :

Hic meminisse oportet eorum quæ supra dicta sunt : nempe populum extitisse prius quàm magistratus ullus esset, & propter populum magistratus creatos, non contrà populum propter magistratum. Inde sequitur magistratum omnium quantumvis supremorum ac potentium auctoritatem a publica eorum auctoritate pendere, qui ipsos ad hunc dignitatis gradum exereant, non contrà. Ac ne quis obiiciat hanc quidem primam fuisse magistratum originem, sed postea populos sese prorsus eorum potetia & arbitrio subiecisse, quos pro summis magistratibus accepissent, & omnem suam libertatem sine exceptione illis omnino resignasse. Nego primum certò de hac omni-modà abdicatione constare. Quin contrà affirmo nullam gentem (quamdium ius & equitas vixerunt,) Reges suos aut creasse aut approbasse, nisi certis appositis condicionibus, quas si illi manifestè violant, efficitur, ut qui hanc in illos auctoritatem conferre potuerunt, non minus potestatis in ea illis rursus adimenda retinuerint. Quod ut clarius appareat, dispiciamus an non per omnes ætates inter famosissimas quasque nationes & magis notas, perpetuo vsu hoc comprobari possit, &c. Reliqua apud eum vide: totus enim libellus cò dirigitur.

Balaus Carfenna in Oratione de pacanda & componenda Republ. ad Belgas : Adhæc, inquit, tenendum & illud : Imperia primum Dei esse, per quem Reges regnant, & superbi de sede deturbantur : deinde & populi, qui publicos fasces & Maiestatem suam principi & in principem contulit : idque non solum in maximo illo Romanorum Imperio, sed & in aliis bene constitutis rebus publicis verum est. Nam immoderatas & legibus solutas dominationes, ubi principatus rapti captique potius, quàm dati & accepti fuerunt, tandemque in tyrannides apertas euaserunt, non moror. Cùm enim, ut iam dictum est, imperium suum in eos populus contulerit, & ipsi legibus viuant, non propriam, sed publicam potestatem gerere ipsos, neque tam dominos populi, quàm Dei & Reipub. ministros esse manifestum est. Qua de causa & additi summis imperiis semper fuisse minores magistratus & senatus principum, non solum iuvande, sed & frenande potestatis (si fortè ad tyrannidem aspiraret) causa, tradita que non minus imperandi quàm parendi leges.

Certè extra controuersiam est, & in Imperio Romano, cuius hodie dignitas apud Germanos est, Casarem, & in nostra Belgica principem, non nisi certis condicionibus, legibus, privilegiis, ac principum Ordinumque senatu circumscriptam potestatem tenere, ut multis testimoniis pactorum & exèplis rerum ostendi potest. Adeoque hic mutua est obligatio inter principem & subditos;

mutuūque non seruata fidei crimen: vt non tantū Imperator Imperij, & Rex regni primus sit cliens, verumetiam propter delicta sua tum Imperatores, tum Reges, loco motos, & in ordinem redactos, testentur Annales. Et/ autem in principes suos exorbitantes mitius consuluerint maiores nostri, in tamen suum aduersus eos, non vno sanè exemplo, persecuti sunt, &c.

ILLVSTRISSIMVS Dux & nos reliqui Ordinum legati pratermittere non potuimus, quin Celsi. & Dign. V. huius in continenti certiores faceremus, cum hac amica, humilima, humili, & officiosa petitione, vt de huiusmodi mediis cogitare velint, quibus & Seren. Rex nobis, & nos Regi, Principi & Domino nostro naturali, æquis condicionibus, quas à nobis, præfertim in causa religionis, iam antè ex articulis nostris Celsi. & Dign. V. cognouerunt, conseruemur. Actum Colonia
IIII. Iulij M. D. LXXIX.

VIII. Iulij, tres Cōsiliarij dominorum Commissariorum ad legatos Ordinum venerunt, indicantes eorum verbis se Duci de Terranoua exemplum Mandati ipsorum exhibuisse; æquum ergo sibi videri, vt & illis Mandatum Ducis de Terranoua communicent.

M A N D A T V M D V C I S D E T E R R A N O V A.

PHILIPPVS secundus Dei gratia Rex Castellæ, Legionis, Aragonum, Nauarræ, Neapolis, Sicilia, Maioricarum, Sardinia insularum, Indiarum & Terræ firmæ, maris Oceani, Archidux Austria: Dux Burgundia, Lotharingia, Brabantia; Limburgi, Geldria & Mediolani: Comes Habsburgi, Flandria, Arthesia, Burgundia: & Hannonia, Hollandia, Zelandia, Namurci & Zutphania; Princeps Sueuia, Marchio sacri Romani Imperij: Dominus Fritia, Salinarum, Mechlinia, territorij Traiectensis citra & ultra Isulam, & Groninga; necnon Dominator in Asia & Africa. Recognoscimus & notum facimus tenore presentium vniuersis: Quod cum ex parte Sereniss. & potentissimi Principis Domini Rudolphi Romano-

Romanorum Imperatoris Augusti, consanguinei, affinis, & fratris nostri charissimi, propositum nobis fuerit, ut ad sedandos nostrarum inferioris Germaniae ditionum tumultus, de aliquibus concordiae condicionibus agi permitteremus: Nos qui amore paterno eos Status vnicè prosequimur, nihil què haecenus studiosius curauimus in iis omnibus quæ ibi gesta sunt, quam ut illos ad quietem illis vtilissimam reduceremus, nunc quidem etiam libenter in eandem ipsam cogitationem, & voluntatem venimus. Itaque cum prædictus Serenissimus Imperator Commissarios, qui de ipsis condicionibus agant, sit nominaturus; Nos idem elegimus, nominauimus & deputauimus, sicut tenore præsentium eligimus, nominamus & deputamus, Illustræ, fidelem nostrum dilectum Don Carolum ab Arragonia, Principem Castri-vertani, Ducem Terrænouæ, Marchionem Auolæ, Comitem Bergedij, consanguineum nostrum, magnum Constabilem & Admiralem Consiliarium què in nostro vltiori Sicilia regno, propter singularem opinionem & fidem, quam de ipso eiusque integritate & prudentia habemus, de què eius optimo zelo, quem erga Dei cultum & communem Christianæ Reipub. vtilitatem, necnon erga priuata nostrarum rerum & statuum commoda studiosissimè gerit: eidem què propterea potestatem, facultatem, auctoritatem, commissionem & speciale Mandatum damus, concedimus & elargimur, ut pro nobis nostro què nomine intersit & assistat, vnà cum prædictis Commissariis ab eodem Serenissimo Imperatore nominandis, & cum aliis quoque ab eisdem nostris Statibus inferioris Germaniæ personis deputandis, sufficientia Mandata ad eandem rem habentibus, in loco ad eam congregationem & conuentum per prædictum Sereniss. Imperatorem designato seu designando, ut ibidem dictus Dux, tanquam Commissarius & Mandatarius noster, proponere, communicare, approbare & concedere possit & valeat, quæcumque media, condiciones & articulos, quos seu quæ ipse viderit expedire, ad bellicos motus in dictis nostris Statibus sedandos, & firmam pacem, concordiam & tranquillitatem ibidem constituendam, ut & pacificè viuant (quod maxime illorum re-

rum refert) & religionem Catholicam Romanam, nostramq
auctoritatem & obedientiam seruent. & generaliter & nostri
nomine, ac pro nobis dicere, tractare, facere, promittere & cō
cedere possit & valeat, quacunque ad prædictum finem & ef
fectum consequendum oportuna & conuenientia esse iudi
cauerit, & quæ nos ipsi, si præsentibus ibi essemus, faceremus,
facereq. possemus. Et si talia essent quæ mandatum exigenter
magis speciale, quàm præsentibus est expressum: Promitten
tes in fide & verbo Regis & Principis nos gratum, ratum, fir
mum & stabile perpetuò habituros quicquid per prædictum
Ducem Terrænouæ, virtute huius nostri Mandati & Com
missionis dictum, pactum, factum vel conuentum fuerit, il
ludque inuolabiliter & absque vlla diminutione obseruatu
ros, impleturos; obseruari & impleri facturos, harum testimo
nio literarum, manu nostra subscriptarum, sigillique nostri
appensione munitarum. Datum in oppido nostro Madrito
die x x x. mensis Augusti, Anno à natiuitate Domini Mille
simo, quingentesimo, septuagesimo octauo. Regnorum autem
nostrorum, videlicet Hispaniarum & vltioris Siciliae vicesi
mo tertio: citerioris verò, Hierusalem & aliorum, vicesimo
quinto. Signatum, *Philippus*. Et inferius,

*Ad mandatum Regie & Cathol.
Maest. proprium,*

Gab. à Cayas.

X Iulij, Legatis Ordinum sub horam quartam pomeridia
nam vocatis, in hunc modum ad illos Domini Commissarij
verba faciunt: Articuli vtriusque exhibiti, quoniam valde ef
sent differētes & discrepantes, plurimorum etiam tractatum
in iis mentio fieret, longiore se tempore ad eos perpendendos
& conciliandos vñs fuisse. Alioquin etiam per se causam esse
grauem, quæ matura deliberatione opus haberet. Nō ergo de
bere ipsos moram illam quæ intercessisset, ægrè ferre. Nunc
verò circa ea quæ politica sint, exhibere se articulos, quos valde
æquos

æquos esse censerent, quales etiam eos Cæs. Maieſt. sine dubio, etiam si non viderit, habitura sit. monere ergo & rogare, ne grauentur eos approbare & recipere, simul etiam Ordines vt idem faciant, exhortari. Secundò exhibere se alios quoque articulos de religione, cum hac additione, se nihil amplius, quàm quod illis expressum sit, à Regio Legato obtinere potuisse. At si ipsi Legati vltà quid, vel ab illo, vel à Rege, impetrare possent, id libenter se laturos & comprobaturos esse.

Ad illa Legati Ordinum primùm Celſi. & Dign. eorum, pro labore & diligentia quam in hoc negotio sumplissent, gratias agunt, deinde indicant se velle articulos illos perspicere, & si quid ex tempore ad eos respondere possent, id se facturos esse, sin minus, ad Ordines transmissuros.

ARTICVLI CIRCA

POLITICA.

PRIMO Pacificatio, anno LXXVI. die VII. Nouembris Gandavi inita & constituta, Vnio quoq. Bruxellis I. X. Ianuarij anno LXXVI. subsecuta, Edictū insuper perpetuum Bruxellis XVII. Februarij anno eodem publicatum, vnà cum approbatione Regia, saluis sequentibus articulis, seruabuntur.

Non per omnia ergo approbantur.

I I.

Et quia præterea quæ à tempore primorum motuum acciderunt, postiam dictos tractatus Pacificationis Gandauēſis, Vnionis & Edicti perpetui vltro citroque varia facta, dicta & admissa fuere, tam in generali quàm in particulari, hac præfenti quoque Pacificatione non minùs posteriorum istorum factorum & dictorum, quàm eorum quæ antea contigerunt, perpetua obliuio constituatur, ita vt eorum nulla fiat amplius mētio, exprobratio aut inquisitio, quasi ea nunquā accidissent, idque sub pœna exemplaris correctionis subditis contrauentibus, tanquam perturbatoribus tranquillitatis publicæ infligenda.

*Ex duobus articulis Ter-
ranouensibus
hic vnus con-
stitutus est.*

II I.

REX Catholicus vasallis subditisq. suis seruabit, manutenebit, & si opus videbitur etiam denuò confirmabit omnia &

Q

singula

*Conuenit cum
3. articulo
Terranouen-
sis.*

singula iura, vsus, consuetudines, immunitates, exemptiones & priuilegia quarumlibet prouinciarum, ciuitatum, oppidorum, Communitatum, aliorumque priuatorum omnium, tum in genere tum in specie, quemadmodum in Edicto perpetuo, articulo 10. & cum prouinciis Belgicis inauguratus extitit, promisit & iurauit.

I I I I.

*Idem cum 4.
Terranouens.
vsq. ad vers.
Et quod il-
lorum.*

OMNES milites extranei, utpote Hispani, Itali, Germani, Burgundi, Angli, Scoti, ac ceteri omnes peregrini, qui propter hunc motus utrinque accersiti sunt, prouinciis Belgicis ab hac pace promulgata, intra N. terminum simul excedent & eodem tempore.

V.

*Respondet ar-
ticulo quinto
Terranouen-
sis.*

QVOD verò attinet ad alios milites non extraneos, etiam ad pleniorē exonerationem afflictorum subditorum, mandabit Rex vniuersum militem, tam terra quam mari, eodem quoque tempore exauctorari & dimitti, ut nimirum deinceps sibi priuatim viuant in tranquillitate, ordinariis tantum praesidiis retentis & suffecturis.

V I.

*Exceptis cau-
sis à Terra-
nouensi addi-
tis concordat
cum articulo
ipsius sexto.*

SUBDITI quoque ciues & incolae omnes, citra cunctationem redeant ad mercaturas, opificia & negotia pacis, quibus se, uxores liberisque, citra iniuriam proximi honestè sustentare valeant, & à publico armorum vsu, antea non consueto, & pacis tempori non conuenienti, desistant & abstineant.

V I I.

*Idem cum art.
vii. Terra-
nouensis.*

VNIVERSAE exactiones, impositiones, ceteraque inusitata vectigalia & onera praesentium turbarum occasione quomodo- libet indicta, penitus cessent & tollantur; ita tamen quod si quæ certorum onerum continuatio adhuc fore ex vsu publico iudicabitur, simulatque per Ordines Statuum eiuscemodi quid demonstratum fuerit, Rex haud grauatim se Ordinum consilii iuxta ac desiderio accommodabit.

V I I I.

*Terranouen-
sis v l.*

PRÆTEREA restaurabitur libertas commerciorum & transitus vbiuis locorum per vias, pagos, pontes, portus earundem prouinciarum, non minus terra quam mari, perque fluuios & flu-

& flumina, prout factitatum ante præsentis hosce tumultus: nouis autē vectigalibus & impositionibus, absq. Regis auctoritate eatenus per hos motus de facto institutis, incōtinenti cessaturis.

IX.

ET ne qua semina altercationum aut querelarū relinquantur, omnes tam ecclesiasticæ personæ, quàm seculares, tam intraneæ quàm extraneæ, recuperabūt pacificè bona sua, mobilia extantia, & omnia immobilia, titulos, debita & actiones, iisque statim vti ac frui posse, in eo nimirū statu ac qualitate, quibus in præsentiarū illa ipsa reperientur, idq. omni dolo ac fraude semotis, non obstante vlla hypothecatione aut quauis alienatione facta in contrariū, & hoc tum in Burgundia, Luxemburgo, Hollandia Zelandiæque, tum etiam in aliis quibuscumque prouinciis ac locis, non minùs ad vtilitatem Ecclesiasticorum, quàm Principis Aulici, & aliorum denique omnium.

*Descriptus
ex artic. 1 x.
Terranouens.
usq. ad vers.
Non obstant
te, &c.*

X.

SIMILITER quoq. subditorū quilibet hinc inde redintegritur in suis honoribus, dignitatibus, beneficiis, gubernaculis, muneribus, functionibus & officiis, planè ad instar, prout ab exordio horum motuū extiterit, exceptis tantū iis, quibus contra libertatem, iurāq. ac priuilegia patriæ de vlla functione prouisum fuisse demonstrabitur: prouiso tamen, quòd eiuscemodī spoliati denuò redintegrandi, tenebuntur præstare iusiurandū, cuius in proximo sequenti articulo fit mentio, prout facturi quoque ceteri ad nouas functiones & officia in posterum cooptandi: reuocando, cassando & annullando quicquid hinc inde factum, decretū, pronuntiātumue fuerit in contrarium.

*Ex Terranouens.
articulo x.*

XI.

NVLLI admittentur ad vlla gubernacula prouinciarum, ciuitatum, castrorum & fortalitorū, Capitaneatus, aut præfecturas militum, nec ad concilia rerum Status, priuatum, finandarum, aliaque officia maioris momenti, præter naturales patriæ; qui etiam ante receptionē, vltra antiqua & consueti iuramenta, Regi tanquam eorū Principi naturali præstari solita, solenniter iurabunt in hos articulos, eosq. promittēt fideliter seruare; seruare; sub pœna periurij, & tanquam tales puniendi.

*Idem qui Terranouens. xi.
excepta commendatitia
clausula qua
in fine illius
adijcitur.*

Q 2

CAPIT.

*Cōuenit cum
XII. Terra-
nouensis.*

CAPTIVI vtriusq. partis omnes qui ob dictos tumultus adhuc dum detinētur, statim & absq. vlllo pretio relaxabūtur, nisi iam antea de eo aliud fuerit conuentum & concordatum.

*Mouetur hic
difficultates
cum Principe
Auraco,
quarū nulla
a Terrano-
uensi mentio
fit, & minus
hic articulus
quā illius
XIII. conti-
net.
Terranouen-
sis XIII. art.*

XIII.

COMES Buranus suā libertati & patriæ quanto ocyus fieri poterit, restituetur. In difficultatibus quoq. Principem Auracum concernentibus, conciliandis, post pleniorē earum informationem omnis diligentia adhibebitur.

XIII.

DECRETA, dispositiones & ordinationes, per dominum Archiducē Mathiam suosq. collaterales & Ordines Statuum à tempore vltimarum turbarum, nomine Regis emanatæ, pro legitimis ac validis habebuntur, suosq. debitos fortientur effectus, quoad beneficia, dignitates, officia, aut alias quaspiam res quæ solent esse potestatis ac dispositionis ordinariæ illorum qui tenent locum Gubernatoris dictarum prouinciarum, non autem in iis quæ propriæ personæ Regis reseruantur, aut si quæ factæ sint contra iura, priuilegia, & immunitates patrias, tam in generali quā in particulari, vel alioquin in vllius iniuriam seu detrimentum redundārint.

XV.

Eiusdem xv.

PARITER etiam quarumlibet vrbium & aliorū locorū magistratus seu officiiati, suis functionibus destituti, alia via ac ratione, quā iuris ordine legitimè seruato, aut aliās cōtra priuilegia dictarū vrbium, aut præter ordinarios consuetosq. modos cum primis restituentur & redintegrabūtur in dignitates, officiaq. sua; necnon ad eorū creationē futuris tēporibus procedetur, prout olim & sicut ex iuribus, moribus & priuilegiis cuiusque patriæ, vrbis & loci decet, ne cui facta toleretur iniuria.

XVI.

*Idem cum Terra-
nouensis XVI. art.
transpositis tamē
duobus aut tribus
verbis, & præter
verba illa, etiam
cum observa-
tione supradi-*

AUCTORITAS & obediētia Regi à subditis cum primis restituetur, & seruabitur, qualis meritò iuxta præscriptum diuini & humani iuris, necnō priuilegia, vsus & cōsuetudines patrias esse debet, qualisq. olim seruata est: vt rectè nimirū administretur iustitia, subditi regātur in omni ratione, æquitate, quiete & obediē

obedientia, idque ad eam formam, modumque, quo factum est ab omni memoria, tam defuncti Imper. Caroli Quinti, eiusque predecessorum, quam etiam Regis tempore, usque ad harum turbarum initia, etiam cum obseruatione supradictorum tractatum, simul & presentis; sine cuius auctoritatis instauratione, ac subditorum obedientia, nequaquam possibile est populum in vnione, concordia, rectaque iustitia, quiete, ac tranquillitate manu tenere.

eorum tractatum & presentis.

XVII.

SUPEREST de gubernaculis generalibus dictarum prouinciarum, quarum occasione Rex eliget Principem de sanguine, qui, quauis, rerum experientia pollens, habeat dotes & qualitates, ad eius generis arduum munus cum primis necessarias, & de quo seu qua subditi iustam causam satisfactionis sint habituri: gubernabit autem cum omni iustitia & æquitate, præsertim verò secundum usus, iura, consuetudines & priuilegia dictarum prouinciarum, etiam comprehenso hoc presentis reconciliationis Edicto, quod tenebitur promittere & iurare.

Terranouensis xix.

XVIII.

AD cuius quidem Gubernatoris generalis manus, citra ulteriorem hæsitacionem, planè ac integrè tradentur omnes & singulæ ciuitates, vrbes, fortalitia & alia loca, quæ ab vna alteraue parte quocunque titulo aut prætextu modò tenentur, vnà cum patrimonio ad Regem pertinente, tormentisq. bellicis, munitionibus, com meatibus, armis & nauibus, vt nimirum ea loca, quæ ab omni memoria præsidium habuerunt, consilio Regij senatus, siue concilij Status naturalibus Belgiis astringendis iureiurando, quod ultra antiqua & consuetæ iuramenta Regi, tanquam eorum Principi naturali, præstari solita, hos articulos fideliter seruabunt, custodienda committat, aliasque de illis disponat, sicuti seruitio Regis simul & commodis ac securitati prouinciarum magis expedire arbitrabitur, & aliàs prout fieri decet, factumque fuit ante motus præsentis.

Descriptus est hic articulus ex Terranouensis articulo xx. nisi per hunc vers. Et quod &c. in quarto præcedenti omissus, insertus sit, ibi vt nimirum &c. & per verba illa, consilio Regij senatus siue concilij Status, ex Edicto. perpetuo artic. vi. addita sint.

XIX.

PERMITTENTE nihilominus Rege (& quidem merè in huius reconciliationis gratiam) vt quod hætenus ex eius patrimonio,

Terranouensis verba art. xxi.

Q 3

trimonio, seu populi subsidiis, collectum & desumptum fuit, id ita collectum receptumque maneat, absque vltiore persecutione, seu vexatione, cuiuspiam mortalium eatenus inferenda; ita tamen vt in posterum ab eiusmodi detentionibus, occupationibus & collectis desistatur.

XX.

Terranouensis xxii. &
xxiii.

PACIFICATIONE Gandauensi, Vnione generali Statuum secuta, & Edicto perpetuo Bruxellensi, supra ab initio positus, saluis, Ordines Statuum renuntiabunt aliis omnibus conditionibus, pactis, mutuisque sponfionibus, contractis occasione dictorum tumultuum, tam intra quam extra prouincias.

XXI.

Eiusdem Terranouensis
xxiii.

COMPREHENDENTVR hoc tractatu Regina Angliæ, & Dux Andegauensis.

DE ceteris concernentibus expeditionem, confirmationem, publicationem, perpetuamque & firmam obseruationem huius Pacificationis postea agendum erit, cum omnia fuerint concordata & conclusa.

ARTICVLI DE RELIGIONE.

I.

Concordat hi duo articuli cum articulo xvi. et xvii. Terranouens. prater duos vers. qui additi sunt. Vnus est in hoc articulo, ibi: prout etiam Ordines. vsque, perpetuo inclusiuè. Alius in ii. articulo, ibi, nisi cum consilio, &c.

QVÆ concernunt Religionem, quæ omnibus Principibus verè Christianis iure debet esse commendatissima, haud potest Rex vllatenus præterire, quin vestigiis Regum Catholicorum suorum maiorum inhæredo, percipiat ac mandet in prouinciis suis patrimonialibus retineri seruarique religionem Catholicam Apostolicam Romanam, ab omni æuo non solum ibidem receptam, verumetiam sub qua earundem prouinciarum subditi olim tantopere floruerunt, & in qua tam dictum Regem, quam ceteros suos predecessores olim prouinciis inauguratos, & mediante solenni iureiurando in Principes suos naturales receptos fuisse notoriè constat. Quæ quidem supradicta religio, exclusa quauis alia, liberè, pacifice & absque vlllo impedimento, vbiuis locorum, per vniuersas ditones Belgicas posthac tradetur & exercebitur, prout etiam Ordines iam antea seipsos in Vnio-

in Vnione generali mutuò ac solenniter obligarunt, & in Edicto quoque perpetuo, ac literis frequentibus Regi, non minùs post quàm ante turbas præsentes, se passuros & procuraturos addixerunt; & sicut etiam iampridem scripsere ad Sac. Maiest. Imp. vsque adeò quòd absque graui nota, vt ne dicatur confusione, vniuersi status politici, haud possint in re tanti momenti propriis scriptis vlla ex parte contrauenire.

II.

SUBDITI verò, qui in prouinciis Belgicis, in hac tractatione comprehensis, à Catholica Romana religione recesserunt, Rex Catholicus ad præsentem Belgij. Statum respiciens, per Regium suum Mandatarium se concessurum offert, vt ij in dictis prouinciis manere, ibique absque aliqua coëctione & molestia, occasione Placitorum religionis sibi inferenda, per quatuor annorum spatium viuere possint & valeant, nisi cum consilio Ordinum, legitimè ac debitè in loco tuto vbi suffragia libera esse possint & valeant, per Regem seu eius Gubernatorem generalem congregandorum, aliter super huiusmodi termini limitatione statutum fuerit: quo termino elapso, nisi ad dictam Catholicam Romanam religionem redierint, omnino è Belgij prouinciis recedere, & aliò domicilium transferre ac viuere teneantur. Prouiso tamen, quòd interea temporis eiusmodi subditi à scandalis, & rerum perturbatione, ac omni vsu & exercitio alterius, quàm Catholicæ Romanæ religionis, prorsus abstineant: & interim etiam liberrimè fruuntur omnibus suis bonis, tam mobilibus quàm immobilibus, iuribus, actionibusque; & poterunt ea ipsa, quacumque fuerint, etià aliò transferre, seu vendere, aut alienare, prout eis videbitur. Et quatenus bona sua retinere malint, poterunt etiam absentes ad eorundem bonorum regimen, administrationem & receptionem, in prouinciis sibi eligere Quæstores Catholicos, qualescunque volent: præterea toties, quoties voluerint, ad prouincias iteratò redire, victuri tamen catholicè, iisque ritibus ac moribus, quos personas catholicas decet: eritque huiusmodi redditus, & facultas bona administrandi, per se cuiuslibet bona

bona fide permissus, statim atque Pastoribus, officiatis & magistratibus locorum, ad quæ redire cupient, talis intentio ac voluntas insinuata fuerit. Ex qua quidem Regali indulgentia nulli non perquam manifestum redditur, quod Rex nihil minus, quam bonorum confiscationes, ruinam ac perniciem suorum subditorum appetat; nec etiam quod rigore superiorum Placitorum ipsos perstringere cõstituerit, cum paratissimus quoque sit ea ipsa Placita, cum consilio Ordinum Statuum, competenter temperare ac moderari, omniaque facere, quæ ad Dei Opt. Max. cultum, prouinciarumque quietem & tranquillitatem pertinent, ac benignum, amantissimum Christianumque Principem decent.

A N N O T A T.

Const. 264. videtur etiam
Fer. d. Vasquius
illust. cont. lib. 1.
c. 24.

† Ad verb. Omnino è Belgij prouinciis recedere] Libet hic referre, quod antiquus Doctor Otradius de Ponte, in ea quæstione, An Iudeos, Saracenos vel alios Paganos pacificos Princeps de terris suis expellere possit; consuluit, ut ab eo Consiliarij principum addiscant, an non longè aquir sit, qua ille infidelibus istis præstari & seruari censet, ea ad minimum etiam iis, qualicumque licet nomine appellentur, hodie concedi & tribui, quorum fides & confessio suprà generatim declarata est.

a c. humanum
dist. 1.
b c. dilecti. extra. de maior. & obed.
c Ad Rom. 13.
d 1 Corint. 13.
e In d. c. charitatis.
f Instit. de iure nat. § sed naturalis. distin. vi. huius.
g facit quod not. de iureiur. c. & si Christus in gl. quedam.
h dist. xij. §. 1.
i dist. 2. ius natur.
j xlij. dist. quies. carnis xvi. q. 1. si cupu. lxxxvi. dist. non satis.
k 23. q. 1. c. noli.

Illa, inquit, videtur probabilior sententia, quod Princeps, absque legitima causa, pacificos Iudeos, Saracenos, & alios paganos de terris suis non possit expellere. Et primò, quia iuris naturalis est & diuini, quod quacumque vult princeps sibi iustè fieri, faciat quoque alijs, maxime suis seruis & tributarijs, nec alijs faciat quod nollet sibi fieri: sed ipse nollet de regno expelli, ergo nec alios de regno expellat. Tenetur etiam diligere Iudeos & Saracenos, in quantum sue nature participes, nedum in anima, sed etiam in corpore, ut est expressum de penit. dist. ij charitas in vers. Non illi & seq. ibi. Quomodo nos in eorum peccatis & periculis cogitamus, & sic nobis subueniri optamus, & ita eis subueniamus. & infra: Quapropter charissime ita tota dilectione satage, ut bonum quod tibi conferri vis, velis & proximo. Expellere ergo tales absque ratione, contra præcepta charitatis aperte est. Dilectio enim proximi malum expulsionis vel aliud non operatur, & charitas non agit perperam, & recta voluntas iniquum non agit. Et tale ius diuinum & naturale indispensabile est, quia impermutabile, & per Papam, quia eius permutatio necessario peccatum implicat, & naturam bonam immutat, quod est impossibile. Hinc etiam est, quod ex isto iure & charitate, in necessitate eis subuenire, & elemosynam facere tenemur. Secundo hosti capto debetur misericordia, præsertim ubi pacis perturbatio non timetur; multo fortius talis misericordia facienda est seruo tributario, ne expellatur. Principes enim iubentur timentibus

Vide Mynsingerum in suis Camera observationib;
Centur. 3. obseruat. 6. fol. 471.

& obsequentibus impendere dilectionem, nihil facere cupiditate nocendi, sed omnia charitate consulendi, nihil inhumaniter, nihil inhumane, & quod agendum est non ex furore, sed ex charitate agendum est. ^{123. q. 5. prodest.} Tertio, eadem ratione, ^{m. 12. q. 11. fraternitas.} qua non debemus Iudeos, paganos & Saracenos pacificos rebus suis spoliare, eadem ratione nec eorum habitaculis priuare & extra natale solum eicere.

Nam quod possident, iure gentium possident, siue res, siue loca, siue iurisdictiones, & sic iuste, iustitia fori, & non poli. ^{n. Hac probantur per not. 23. q. 7. c. si de rebus, in gl. per hoc.} Sicut hoc clare tenet Innocentius extra. de vot. & vot. redemp. c. quod supra: & quod non possint, nisi ^{o. 13. q. 4. c. quid dicit. extra. de verbo. sig. c. ius dictum est.} persecutores sint, expelli, facit bene à contrario sensu 23. q. 7. Si qui. Et innocentia maxime Regum est, nemini malum inferre. ^{p. 23. q. 5. c. non est, 6. q. 1. sapient.} omni Christiana religioni inest lenitas & mansuetudo, & crudelitas ei contraria est. ^{q. 23. q. 5. unus solum.} Videantur reliqua apud eum.

Hostiensis in summa tit. de Iudeis & Saracenis num. 4. ibi. In quibus tollerentur. Nonne peccat Ecclesia, dum finit Iudeos ritus suos observare? Non, quia non approbat, sed permittit; quod autem permittimus, nolentes precipimus. i. concedimus. Si Ecclesia eos non toleraret, videretur eos ad id precise velle cogere, quod fieri non debet.

Panormitanus in cap. In aliquibus de decem. primit. oblat. in princ. Nota, inquit, ex isto textu argumentum, quod mixtura Christianorum, habentium varios ritus, non videatur à iure reprobata. & vers. Ritus, denotat mores in spiritualibus. Nam in quibusdam locis, ut in insula Cretensi, & in insula Cypri, sunt Græci permixti cum Christianis: item reperiuntur in aliquibus Armeni & Indi, qui censentur Christiani, sed habent varios ritus, & diversos à nobis. Contra quod (pergit ille) tamen facit, quia cum sint heretici, & per consequens excommunicati, sunt vitandi & puniendi & c. potest dici prout dicit glo. notabilis 20. dist. cap. 1. quod Papa eos toleret in ritibus eorum.

Ferd. Vasq. illust. contro. lib. 1. c. 8. nu. 12. Apparet sententiam nostram facere pro parte negativa, existimantium principes temporales nullam habere potestatem super animam civium suorum, & consequenter non posse parvulos infantes Iudeorum, si subditi sint, à parentibus abducere ut baptizentur: quam opinionem tenuerunt gl. Io. Thento. in c. Iudeorum xxviii. q. 1. quia si possent eripi in paululum temporis, nullus esset Iudeus in mundo: & sic non posset adimpleri prophetia Esaiæ 10. & Rom. 9. c. quod reliquia Israël salua fient. Hanc glo sequitur Card. Flor. & Marianus in c. sicut de iureiur. quia nullus ad fidem est cogendus, eodem c. sicut & quia voluntarium militem Christus elegit xv. q. j. c. non est. Item quia iura communia volunt, quod nulla iniuria & nulla violentia debeat fieri Iudeis. Ut in l. Christianis C. de pag. & sacrific. eor. & in c. fin. c. Iudeos, de Iudeis q. 1. c. si quis. inde dicit Card. in C. de vxore, in fin. princ. de sepultura, quod quo ad sacramenta servum est, & c.

R

XI. Iulij

XI Iulij, posteaquam Legati Ordinum articulos, à Dominis Commissariis oblatos, legissent, & cum articulis Ducis de Terranoua, deinde cum propriis suis, & pactis præcedentibus cõtulissent, magnopere se sua spe frustratos esse vident: quamobrem ea quæ proximo scripto exponuntur, concipiunt, & altero die XII. audientia impetrata, primò ore retulerunt, deinde exemplum istius scripti exhibent.

SCRIPTVM.

*Reuerendissimi, Illustrissimi, Generose, Nobilis,
Sacra Cæs. Maiestatis Commissarij.*

ILLVSTRISSIMVS Dux Arschotanus, & nos reliqui Ordinum Legati, perlegimus vtroq. articulos, quos Celsf. & Dign. V. nudiustertius nobis exhibuerunt: Cur ita diuisi & separati sint, cum à neutra parte diuidantur, ratione suam habere potest. Sed quantum ad commendationem eorũ attinet, tantum abest vt Ordines eos pro æquis habituri sint, vel vt æquos, prout putatur, obuiis vlnis recepturi; quin potius ecõtra metuamus, si vllũ effectum consequantur, eos non aliò quàm ad maiores perturbationes & mutationes seruituros.

DE primo, quòd vt æqui non recipientur, inde patet, quòd in omnibus conueniant cum articulis, à Duce de Terranoua exhibitis: sic vt nullum quasi medium à Celsf. & Dign. V. propositũ esse dici possit, sed de nouo articuli Ducis repetiti sunt, iidemque vestro assensu & auctoritate videntur approbari & confirmari. At isti articuli iam antè per Ordines reprobatì & recusati fuerunt, sicut ex literis eorum Celsf. & Dign. V. cognouerunt.

DE secundo, quòd maiores perturbationes & mutationes excitaturi sint, in primis inde metuitur, quòd cõtrà quàm Ordines vnquã cogitarunt, contrà quàm Dux de Terranoua ipse quibusdã ex nostris promisit, cõtrà etiam quàm Celsf. & Dign. V. & publicè & priuatim, tum Cæsareo & proprio nomine, aliquoties declararunt, se velle pacificationes priores sequi, nunc
tamen

*Vt constat ex
eis qua supra
XIX. & XX.
Maij acta
sunt.*

tamen in plerisque illæ infirmentur & aboleantur.

DEINDE cuncta quæ Ordines ad optimam formam Reipub. constituendam, ad communem tranquillitatem & securitatem confirmandam, circa comitia, honores, dignitates & officia; item circa tributa, vectigalia, bona, munitiones, & iuramenta instituerunt & ordinarunt, ea omnia tanquam nulla & iniqua reiiciuntur.

QUI putat ad pacem illa collatura, ut quicumque nunc regunt & præfident, remoueantur, homines alij Ordinibus non grati, vel qui iam antè exosi & graues subditis fuerunt, in ipsorum locum sufficiantur & restituantur; deinde cetera illa publica ita tractari velit, tanquam ad Ordines non pertineant, atq. solius Regis arbitrio cum suo Concilio relinquatur: is non videtur satis de statu rerum in Belgio informatus esse, vel præiudicio quodam anticipatæ & sinistrae opinionis impeditur.

QUAMDIU Principes & Domini nostri naturales vel eorum Gubernatores, humanitate, beneuolentia & moderatione quadam cum obseruatione mediocris iustitiæ erga subditos vsi sunt, tamdiu nec Ordines, nec priuati exactiorem & strictiorem rationem iurium & priuilegiolorum suorum, etiamsi in multis læderentur, habere & inire voluerunt.

ANNOTAT.

Ad istorum paragraphorum maiorem declarationem, optarem ab omnibus politicis legi non impium & impurum illum Florētinum Machianellum, sed qui contra eum scripsit, Gallum, cuius libri titulus est: Commentarij de regno aut quouis principatu rectè administrando: Marium Salomonium patritium Romanum de principatu, Ferdinandum Vasquium Hispanum in summo Dominice rei Regis Catholici pratorio Senatorem, Hieronymum Osorium, Lusitanum Syluensem Episcopum de gloria & nobilitate, Franciscum Hotomanum de Franco-Gallia, & Ioan. Bodinum de Repub.

Marius Salomonius de principatu lib. 5. circa finem: PHI. Dic age, iuris antistes, si quid habes amplius pro Rom. principe. I V R. Habeo adhuc quædam Vlpiani verba. PHI. Recita, si placet. I V R. Hæc sunt: Quod principi placuit, legis habet vigorem, utpote lege regia, qua de eius imperio lata est, populus ei & in eum omne imperium suum & potestatem concessit. PHI. Non dicit legibus solutum. excutiamus. Omne imperium suum nonne accipitis suis ipsius populi? I V R. Vtique. PHI. Et in seipsum vel in alios? I V R. Profecto.

Adde ea quæ notat Alciatus ad l. centum ff. de verb. sign.

R 2

PHI. Po-

PHI. Potuit in principem plus iuris contulisse, quam ipse in semetipsum haberet populus. I V R. Minime. PHI. Ubinam hominum quispiam est, qui suiipsum sit dominus ac seruus? I V R. Nullibi. PHI. Si neque homo, neque populus suiipsum est dominus ac seruus, pari ratione nec in seipsum quis habet imperium. I V R. Proculdubio. PHI. Ergo aliud imperium in principem quam dominium transtulisse necesse est. I V R. Videtur. PHI. Non dominus propterea princeps, sed minister potius. natura contraria sunt, dominatio & principatus. Hinc in Panegyrico Secundus de Traiano dixit: Sedemque obtinet principis, ne sit Domino locus. & de Divo Nerva idem: Non enim seruulis tuis Dominum, sed principem ciuibz daturum. I V R. Quid amplius dicam, nescio. PHI. Præterea, quod principi placuit legis habet vigorem, Vlpianus ait: quia lege regia populus omne suum imperium transtulit. dic amice, Placere verbum, in bonam, vel in malam partem capitis? I V R. Apertius differe. PHI. Utrum licentiosum an non licentiosum Placitum dicitis? I V R. Placere verbum, receptum est boni viri arbitrio, sed in principe latius usurpatur. PHI. Ergo Principis Placitum mali viri Placitum intelligitur. I V R. Camillaris. PHI. Vera loquor, inter bonum & non bonum virum non est medium, veluti inter virtutem & vitium. Aut ergo populus imperium transtulit in principem ut malum virum, & absurdissimam rem dicitis. aut ut Placitis boni viri uteretur. & consequens est, ut boni viri non est legem transgredi sine iusta causa: sic à Principe publicæ utilitatis causa imperium collatum boni viri Placito exercendum; & eo modo quo in seipsum ipsemet populus uteretur exerceretque. Postremo in quem sensum accipitis illa verba: Omne imperium ac potestatem? an ita quod populus nihil sibi reliqui fecerit, an quod parem cum populo potestatem legibus ferendis princeps exerceret? I V R. Proclinior sententia est, quod nihil sibi reliqui fecerit populus: si quidem parem potestatem retinisset, nullam imperium super populum obtinisset princeps. PHI. In questionem reuocas quod exacte inter nos discussum constitit, si tibi non excidit. Vniuersum simul populum, suo principe potterem, in singulos verò ciues ditionem habere ratio non consentit &c.

Ferd. Vsq. illust. controuerf. lib. 1. cap. xxvi. Item apparet ex nostra sententia principali, non minus ineptè, quam noxiè usurpatum passim à nostris fuisse illum vulgarem dicendi modum, ut in Principibus sit duplex potestas, altera ordinaria, altera absoluta. Nam si rectè inspexeris, absoluta potestas principibus non est, non magis quam priuatis hominibus. Principes enim contra ius nihil possunt, non magis quàm priuati homines, etiamsi plenitudine potestatis, aut potestate absoluta uti velint: quia nulla principum (sine illi Ecclesiastici sint, sine profani) potestas est ad malum, sed tantum ad bonum, non ad nocendum, sed ad consulendum, iuuandum, proficiendum, & denique ad meram ciuium seu subditorum utilitatem, non ad ipsorum regentium commodum. Ergo si quando princeps adiecerit illam clausulam, De plenitudine potestatis vel de potestate absoluta, perinde erit, ac si diceret, de

Vide etiam
Io. Bodinum
de Repub. li. 1.
6.9. pag. 224.

ceret, de integra potestate sua, id quod in eo utile duntaxat sit, ut eius magis ac magis declaretur voluntas & animi deliberatio, non ut eius augeatur potentia: sicque illa clausula de plenitudine potestatis ubi adiecta fuerit, id efficiet, ut quatenus potentia sese porrigebat, eatenus nihil omnino dempto porrigatur effectus, illius actus vel actionis, sed ultra non porrigetur, sicque est perinde, ac si diceret princeps se id facere ex certa scientia. Nam & clausula (ex certa scientia) inducit plenitudinem potestatis &c.

SE D posteaquam per Gubernatores & Consiliarios Regis iura & priuilegia sua prorsus inuerti & auferri, noua iura introduci; item tributa noua, vectigalia noua indici & constitui, publica officia vendi, eaque imperitissimis & vilissimis hominibus commendari, iustitiam male & perperam ubique administrari viderunt: ibi Ordines non solum ad defendendos se & suos, arma aduersus illos suscipere, sed simul iura & priuilegia sua maiori studio urgere & tueri, iuste & legitime inducti & coacti sunt.

ANNOTAT.

† Ad verb. Publica officia vendi] Idem Vasq. illust. cont. lib. 1. ca. 43. *Haftenus quo ad primum art. de populo publica officia vendente. Quid autem quo ad secundum art. de principe? Et sane in eo sunt tres conclusiones. Prima, ut venditio ab eo facta mero iure valeat. Altera, ut non expediat fieri. Ultima, ut non quoque deceat fieri. ita Thomas opusculo 21. ad Ducisfam Brabantiae. Caietan. in summa verb. Realitas. & Domin. de Soto in tract. de iust. & iur. lib. 3. quest. 6. art. 4. &c. Quid dicendum? Et sane ab hoc enigmate & elemento pendet vera istius rei cognitio, quam isti grauissimi patres non potuerunt non ignorare, ac subinde cessitare, cum in legalem disciplinam, sicque in possessionem alienam pedem intulerint. (ipsi enim Theologia professores erant.) Etenim ea equiparatio, quam ipsi inter populum liberum & principem facere volunt, regulariter minimè procedit. Ut enim unicuique suis de rebus, vel ad suam utilitatem spectantibus, disponere liberum & est, & expedit esse, ut plenè supra iam ostendimus: ita populo quoque de rebus, siue suis, siue ad suam utilitatem spectantibus (quale est in specie nostra) liberrimè disponere, & licet, & expedit; ut supra edocti fuimus: idque sibi utilius esse reputatur, & consultius, quod ipse manu; ut ostendimus supra: quibus adde glo. & D. in §. prater ea, inst. de act. dum sic cecinit: Id portat leuiter, quod portat quisque libenter.*

Diuersum longe est in eo, qui agit rem alienam, aut alienam ad utilitatem spectantem, qualis est princeps, qui populi non tam dominationem quam ad-

ministrationem habet. Nec enim respublica propter principem creatur, sed princeps propter Rempub. instituitur, ut supra diximus, & nominatim ipsimet S. Thomas & Caietanus, & Sotus, ubi supra, fatentur; nec est verum, omne suum imperium à populo in principem translatum esse. Nam licet lege regia, relata in d. l. j. ff. de const. prin. generaliter ita, quod attinet ad verba ipsius, diccretur; tamen cum verba utcumque generalia, sint intelligenda & restringenda, vel amplianda iuxta subiectam materiam, etiamsi per hoc recedatur à proprietate sermonis & verborum, evenit ut verba d. l. j. ff. de const. prin. quatenus dictant omne suum imperium à populo in principem translatum fuisse, sint secundum subiectam materiam restringenda, quatenus subiecta materia patitur, & ei accommodantur aut accommodari possunt illa verba. Sicque qualis est natura principatus, talis esse debet illorum verborum utcumque generalium interpretatio. Principatus autem natura est, meram subditorum, non etiam regentium utilitatem respicere, & curare, nec alium scopum intueri aut intueri potest: ergo concessio imperij à populo principi facta, utcumque verbis generalibus, aut etiam generalissimis fiat; semper tamen sui naturæ, & ex subiecta materia limitata, & restricta ac alligata est ad meram civium, non etiam ipsius principis utilitatem; idq. tacite actum & exceptum videtur, ut dictis legibus & dictis locis habetur. Etenim omnis concessio, quamvis generaliter fiat, aptanda est ad mentem concedentis, vel concedentium; l. si quando, in princ. C. de inoff. test. & vani ac malè sani capitis esset, non intelligere quod populus, qui ad meram suam, non etiam principis sui utilitatem, suam ei potestatem & imperium dedit, id nunquam ei concederet, quod damnosum ipsi populo esset. Ut sibi enim consuleret, non ut noceret, fecit, &c. Item paulo post:

Vnde apparet, Principis potestatem hac in re parem non esse potestati ipsius populi, sed longè inferiorem: populus enim suis utilitatibus renunciare, & cum eis dispensare, & eas etiam, si libitum esset, prodigere liberrimè posset: ut iam docuimus, non secus quàm quisque priuatus in rebus suis. principi verò populi utilitatibus renunciare, easque prodigere, aut ledere nefas esset, ut ostendimus. Vnde (ut ad propositum reuertamur) si quod damnum ex publicorum honorum, munerum, officiorum venditione contrahere posset, aut eveniturum verosimile esset: id principi (qui populum tueri, non ledere potest) nefas esset attentare: populo autem non utique; propterea quòd suis utilitates pratermittere, ledere & prodigere potest, &c.

QUI CUNQUE nunc Ordines ad eam rem adiuvarunt, quicunq. pro necessitate Reipub. ab iis electi & promoti sunt; item quacunque pro conseruatione iustitiæ & tranquillitatis Reipub. decreuerunt iustæ defensionis suæ tempore, quo iure diuino & humano, administratio Reipub. apud eos fuit, ea ut
nulla

nulla, vel iniqua, negligere & reiicere, non potest non magnas confusiones & perturbationes, non solum apud vnam partem, sed etiam apud vtramq. parere: vel saltem si hic vnus ex vna parte alteri præponatur, fieri non potest, quin in se mutuo cõmoueantur & insurgant; cui factò per Cels. & Dign. V. non occasio & causa dari, sed ea omnibus modis præcaueri & auerti debet.

Nō est is status rerum nunc, in quo præcisè vel officium Regis, vel subditorum considerari potest; nempe quid vnus alteri præstare debeat; ad quod tamen si attenderemus, firmiora argumenta pro iis quæ egerunt Ordines, inuenientur, quàm sint ista, quibus alij acta ista refellere & labefactare conantur, modò quis ad illam † communem sententiam respicere velit, qua traditur, Principes propter subditos creatos & ordinatos esse, non subditos propter Principes.

ANNOTAT.

† Communem sententiam] *Ferdin. Vasq. Illust. controu. lib. 1. c. 1. nu. 10.* Omnes omnino principatus, regna, imperia, potentatus legitimos legum & hominum, ob publicam ciuium utilitatem, non etiam ob regentium commoda inuentos, creatos, receptos, admissosque fuisse, communi frequentissimâq. Philosophorum, & legumlatorum, & Sanctorum, & Doctorum sententia proditum & testatum est. Ita scriptum reliquit Plato, quem sequitur Cicero lib. 1. Officiorum. Idem vult Aristoteles lib. 5. Ethic. & 3. Politic. c. 2. Nicola. Boërius de auctor. magni consilij, in 1. addit. mag. nu. 131. vers. 7. p̄ se enim exemplo. Bart. in tract. de reg. ciuit. Plures auctoritates apud eum vide.

Marius Salomonius: Sine à Deo, siue ab hominibus Princeps sit, nolite existimare à Deo creatum mundum, & in eo homines, vt principum seruirent emolumentis. absurdum quidem supra quàm dici potest, propter principes factos homines opinari: nam liberos atque aequales nos Deus genuit: principes solum ad commoda populorum, quò facilius humanam atque ciuilem societatem innocenter custodirēt, mutuis inter se beneficiis iuuantes. Sunt autē nonnulli natura subditi, id est quibus vtile est, vt imperetur, vt liberis à parentibus, iuuenibus à senioribus, stultis à prudentioribus, ignobilibus à generosis, & his, non seruitutis iugo, sed charitatis complexu, & quandiu ipsis conducere intelligeretur: vti eis, qui propter aetates, vel quid aliud, rebus suis superesse non possunt, velut prodigi, mente capti, & similes. Et inferius:

Principis est omnium, tam priuatim quàm publicè, repositam in se curam non ignorare, & quæ omnibus p̄sunt, præponere his, quæ paucioribus, & quæ nequeunt omnibus sed quibusdam prodesse, etiam si vel vni conducant non negligere: & omnia ducat istorum gratia publicè & priuatim in ciuitate disposita,

disposita, & propter hanc ipsam, & non aliam causam se ad principatum euectum. Imperium, ait Arist. est gratia utilitatis subiectorum. lib. 2. de principat. pag. 57. & 68.

Joh. Bapt. Ficklerus de iure magistratuum in subditos: Populi, inquit, non a magistratibus primum dimanarunt, sed quicunque vel ab vno Principe, vel ab electis a se primatibus regi voluerunt; ij antiquiores suis Magistratibus fuerunt. Vnde consequitur non populos propter magistratum, sed contra magistratus propter populum fuisse creatos; sicut tutor pupillo, non pupillus tutori constituitur; & pastor ob gregem, non grex propter pastorem. Id cum per se satis manifestum est, tum ex omnium fere nationum historis confirmari potest. Hinc confirmationem apud ipsum vide.

SEd expedit eam moderationem huic negotio adhiberi, vt nec vnus nec alterius ius nimis stricte requiratur: sed ambo de iure suo aliquid remittant & concedant, donec mutua fides, mutua beneuolentia per legitimam gubernationem & obedientiam inter Sereniss. Regem Catholicum, Principem & Dominum nostrum naturalem, & nos subditos eius confirmata & stabilita fuerit. Hæc de politicis articulis.

QVod attinet ad articulos de religione, in primis mirati sumus, cur dictum nobis fuerit Cels. & Dign. V. vltra nihil à Duce de Terranova impetrare posse, quam quod iis articulis continetur; non enim media ab Excell. ipsius, sed à Cæs. Maiest. & à Cels. & Dign. V. eius Commissariis, Mediatoribus & Intercessoribus expectauimus: imò multo magis mirati sumus, non ea media nobis à Cels. & Dign. V. proposita esse, quæ ipse Dux de Terranova quibusdam ex nostris obtulit & addixit, & quæ ferè omnes Principes Catholici in suis ditionibus piissimè & prudentissimè seruant, ne cui subdito in religione graues sint, si civiliter & honeste secundum politicas leges inter conciuces & conrusticos suos viuatur, modò non auctor sit alterius exercitij, vel in eo loco alio exercitio vti cupiat. Et adhuc controuersia est in Imperio, an qui sic viuatur, expelli possit: sed & magis, non agrè etiam ferunt, si illi subditi, qui sunt Augustanæ Confessionis, e suis vrbibus & pagis singulis diebus festis exeant, & ad vicinam urbem & pagum comineant, ibique conciones audiant, eaque quæ suæ sunt

ibique conciones audiant, eaque quæ suæ sunt religionis, ceremonias & Sacramenta exerceant, ut non habeant quod de exercitio conquérantur: Ad quod in hoc negotio similiter respiciendū fuit, ne illi, qui sunt alterius religionis, exercitio prorsus destituantur, cum sine illo conscientis suis satisfacere nequeant.

ANNOTAT.

• Piiſſimè & prudentiſſimè.] *Quæ ad laudem Principum Catholicorū dicta fuerunt, ea videtur Concilium Dominorum Commiſſariorum ſiniſtrè accepiſſe: quàm rectè, Doctores iſti viderint. Ego autem continere me hic non poſſum, quin uſdem Doctores amicè in memoriam reuocem, quæ ante annos quadraginta Aretius Catharus vir magni iudicij, de magiſtratu ſeculari, quàm longè lateq; poteſtas eius pateat, ſcripſerit: ut ſi non hætenus doctrina iſtius viri, & multorum aliorum, ſaltem nunc euentu quem prædixit, & exemplis quæ præ oculis ſunt, rectius ſentire incipiant.*

Postquam ſublimiorem, inquit, mundi poteſtatem in hoc terreſtri ſeculo neceſſariam eſſe oſtendimus, mundanumq; magiſtratum, & quo pacto Chriſtiane & rectè eo utendum ſit: continuò docendum eſt, quouſque eius poteſtas & iuriſdictio extendatur, quàm latè pateat, ne fortè plus a quo progrediatur, atque in Dei regnum & principatum impetū faciat. Sed illud primum ſciendum eſt, quoniam vtrinque periculum imminet & detrimentū, ſi vel latiùs ſeſe effuderit, vel arctiùs quàm par eſt, contrahatur. Tametſi tolerabilius ſit, ſi minus diffundatur, quàm ſi nimium: ut ſi minus puniat quàm nimis: præſtat enim ſontem impunitum dimittere, quàm in ſontem punire, quādo mundus improbis prorsus ſcatet, quibus carere non poteſt; bonorum autem copia deſtituitur.

In primis diligenter aduertendū eſt, filiorum Adami duo eſſe genera, quorum alterum ad regnum Dei attinet, ſub capite Chriſto: alterum ad mundanum regnum, ſub magiſtrato: atque utrique ſuas eſſe leges, ſua deſcripta iura neceſſe eſt: cum ſine legibus nullius imperij, nullius Reipub. gubernacula rectè teneri poſſint; id quod res ipſa loquitur. Mundanum regnū eas habet leges, quibus corpora & fortuna mortaliū ſunt ſubiecta: præter hæc nullum ius, nullam habet poteſtatem. Animum enim mundanis legibus conſtringi, nec vult Deus, nec ferre poteſt, qui ſolus in eum habet ius & imperium. Itaque ubi ſecularis magiſtratus, temere attētat ferre legem animis, manus immittit in Dei poſſeſſionem, ut ſeducat animos perdatq;. Hoc ipſa luce clariùs reddemus, quo intelligant noſtri Epiſcopi & Principes, quàm ſtultè agant, ne dicā impiè, dum ſuis legibus & Ediſtis conantur mortales cogere, ut ſic vel ſic credant. Si quis hominem ſuis decretis & legibus voluerit adigere, ut hoc vel illud credat, pro ſuo arbitrio: certiffimum eſt non ad eſſe verbum Dei; quod ſi abſit, certius eſt Deo diſplicere quàm placere, qui fidem noſtram nudam & pu-

S

ram

ram vult super solum eius verbum extractam.

Animis nemo aut debet aut potest aliquid precipere, qui viam qua ducit ad celum, eis commonstrare non nouerit. Id vero prestare nemo potest, prater solum Deum: unde in iis que pertinent ad animam, nihil docendum est, aut suscipiendum, prater Dei purum verbum & aeternum. Prater ea quamuis stipes & stupidi sint, coguntur tamen fateri, nullum ius sibi esse datum in animas. Nemo enim hominū occidere animam, vita restituere, in calum attollere, ad inferos detrudere potest: quod confirmat Christus Matth. 10. Ne formidate eos qui interficiunt corpus, cum animā interficere nequeant: quin magis formidate eum, qui potest & animam & corpus in gehennam perdere. His verbis satis arbitror constare, ab humana potestate & seculari magistratu exemptam esse animam, ac relictam solius Dei potestati. Iā dic amabo, quantum rationis aut prudentia in eo sit, qui statuit leges in eos in quos nihil iuris habet?

Quid quod potestas quauis tantum ibi agere potest, & debet, ubi videre, agnoscere, iudicare, sententiā ferre, addere & mutare potest? Nihil enim debet esse certius iudicio, in quo omnia clara, explorata, meditata esse debent: animi verò & cordis recessus & arcana soli Deo placent. qui solus Actor. 10: καὶ ὁ κύριος appellatur: cui Propheta astipulantur quoque multis in locis. Ex quo sequitur vanum & arrogans esse imperare, aut velle vi cogere quenquam, ut sic vel sic credat & teneat. Quando violentia nihil proficitur, est alia via tetanda: horum stultam insolentiam satis mirari non possum, qui cum omnes fateantur Ecclesiam nihil iudicare de occultis, ipsi tamen conantur tam arcana, tam diuina, qualis est fides, iudicare, statuere. Iam & cuius suum discrimen & periculum in hoc situm est, quomodo credat: sibi enim videndum est ut recte credat. Ut enim nemo venire potest pro te, vel in calum, vel in orcum: sic nemo credere potest pro te, aut non credere. Et ut in nullius est potestate tibi calum & inferos claudere, vel aperire; sic nemo te ad fidem vel infidelitatem cogere potest. Itaque cum positum sit in sua cuiuslibet conscientia, quomodo credat, vel non credat, ut nihil detrahatur mundana potestati, ipse debet esse pacata, & suarum rerum curam gerere: atque cuiuslibet simul permittere, ut credat quomodo aut velit, aut possit, neque ad credendum quenquam impellere. Nihil debet esse tā liberum quam fides & religio: ad quā nemo potest adigi, utpote quā sit opus diuinum in Spiritu sancto: tantum abest ut humana vis vlllo modo eam possit efficere aut exprimere. Hinc illud vulgatum, quo & Augustinus usus est; Ad fidem nemo nec debet nec potest cogi: Ad hac miseri cecig, quā vani & irriti sint illorum conatus, nō vident. Quantumvis enim siue precipiunt, siue insaniunt, non tamen vltra cogere possunt mortales, quā ut eos ore manūve sequantur. Cor enim nequeunt impellere, etiam si rumpantur.

Si cupis iam scire, cur sinat Deus Principes agere tam impiè & atrociter, accipe. Permisit eos Deus in improbam mentem, vultq. extremam manum il-

lorum.

lorum conatibus addere, ut nostris Spiritualibus. Officio enim satisfaciendū, purumq; Dei verbum nunciandum erat: Verū eo spreto, assumpserunt formam mundanorum Principum, more eorum Rempub. administrantes, in his legibus, quæ ad corpus attinent: itaque vices suas bellè permutarunt. Nam cū verbo Dei deberent pascere animas: arces, ciuitates, provincias externo dominatu, & populos occuparunt, animas vexantes infandis latrociniis. Pari ratione Principes & Optimates, quos decebat suos gubernare legibus æquissimis, omne ius & fas posthabentes, iam nihil norūt quàm deglubere, dilaniare, vectigal supra vectigal, tributum supra tributum imponere, negotia publica lupis committere. quo fit ut neque iustitiæ, nec veritatis nec fidei iam ullum vestigium apud eos restet. Itaque non mirum est, si res mortales pessum eū, eas iis perturbantibus qui debuissent ad tranquillum statum reducere. Nam hi volunt ordine præpostero animis & conscientis imperare; illi rerum mundanarum curam gerere: ita sacra profanis miscentur, & vicissim alij aliorū sceleribus contaminantur, Deiq; atque hominū odium in se concitando, donec unā cum Episcopis, sacrificis, monachis præcipientes ruant: qui deinde ubi hac viderint, tum tribuent Euangelio omnium malorum causam; pro laude & benedictis maledicta Deo celi referent: sic ea patientur, quæ meruit eorum scelestæ peruersitas. Ecce tibi super Magnates diuinum consilium. cui fidem nequaquam sunt habituri, ne tam seuerum Dei consilium istorum respicientia præpediatur.

At verò obiiciat aliquis: Nōne D. Paulus Rom. 13. dicit: Omnis anima superioribus potestatibus pareat? Et Petrus: Omni humane ordinationi subditi sitis. Oportune venis: illi enim loci à me stāt. D. Paulus de magistratu & potestate loquitur. Iā autē audinisti, neminē esse rectorē animorū præter Deū. Ergo Paulum de nulla obedientia intellexisse oportet, quam potestas non possit attingere. Ex quo facile potest intelligi, eum non loqui de fide, ne à mundana potestatis præceptis pendēret: verum de bonis externis, quæ in terris ordinaret. Id verò planè indicant eius verba, ubi scopum ac metam præfigit & potestati & obedientiæ, dicens: Soluite quod cuique debetis, cui tributū, tributum; cui vectigal, vectigal; cui metum, metum; cui honorem, honorem. Ecce obedientia humana & potestas super tributum, vectigal, honorem, metū, externas res se tantum extendit. Præterea cū ait: Non rectè factis metuendi sunt magistratus, sed prauè factis: eū rursus circumscribit suis finibus, ne castiget fidem & verbum Dei, sed malefacta puniat. Idem vult D. Petr. dum ait: Humane ordinationi. Porro humana ordinatio sese in calum vsque & ad animam extendere non potest, sed manet in terris, & curat terrena, ubi videre, cognoscere, iudicare, sententiam ferre, mulctare, et eripere homines possunt.

Hoc totum Christus ipse discreuit, & in fascem unū colligauit Matih. 22. Date Cæsari quæ sunt Cæsaris, & quæ Dei, Deo. Quod si manus Cæsaris extenderet se in Dei regnum & potestatem, nec esset diuersa ab eius, quid opus erat ponere horum discrimen? Etenim ut sæpe iam dictum est, anima non est

Omnis anima potestati subdita sit.

constituta sub potestate Caesaris. Neque enim hanc docere, aut ducere, neque occidere aut vivificare, nec ligare aut solvere, nec iudicare aut absolovere, nec retinere aut dimittere potest: quae tamen oportuit fieri, si illi potestas facta praecipendi, & leges super animas ferendi: quae quidem facere potest super corpus, fortunam, honorem: quandoquidem haec sunt subiecta eius iurisdictioni.

Atque haec omnia tam praclare quam succincte David complexus est, non paucis ante saeculis, Psalm. 113. Calum, inquit, cali Domino, terram autem dedit filiis hominum. i. copia quidem est facta homini diminuta in terrena, & quicquid pertinet ad terrenum regnum: in caelestia vero & quicquid pertinet ad supernum regnum, solus caelestis Rex dominatur. Quid an non & Moyses idem voluit, cum inquit: Et dixit Deus, faciamus hominem qui dominetur bestiis terra, piscibus maris, volucris caeli? Atque haec est summarum summa. Equum est Deo potius obtemperare quam hominibus: ut D. Petrus ait Act. 4. ubi seculari magistratui limites figit, & cancellos clare circumdat. si enim esset exequendum quicquid praeciperent tyranni, quid opus fuit dicere: Deo potius obtemperandum est quam hominibus? Quod si tuus Princeps aut secularis magistratus praecipiat, ut sic vel sic credas, vel ut a libris sacris abhorreas, sic est dicendum: Non licet Lucifero proxime Deum suum thronum collocare, vir illustrissime: meum quidem est in his quae corporis & fortunarum sunt, tibi obsequi, manda vero mihi pro modulo tuae potestatis in terris, & me promptum inuenies tuis iussis exequendis. sin mihi imperes, ut pro aliorum arbitrio credam, ut libros abiciam, imperata non faciam. Hic enim agis tyrannum, & transis terminos tuae iurisdictionis, dum imperas quod neque in tuo iure, neque in tua est potestate.

Si rursum obiicias: Neminem secularis magistratus compellit ad fidem aut religionem: sed curat tantum, prohibetque, ne homines a vero prava doctrina abducantur. Quomodo alioqui excluderentur haeretici? Respondco, non Principes, sed Episcopi, quibus demandatum est a Deo, haec rei debent inuigilare. Nam haeretici non possunt cohiberi vlla vi externa: quare alia ratione cum iis agendum est, quam gladius severitate: Dei verbo hic res gerenda: quo si nihil proficies, frustra mundana vis adhibetur, etiam si omnia cruore repleas. Haeresis est quiddam spirituale, quod nullo ferro diffecari, nullo igne consumi, nulla mundana aqua elui aut submergi potest. Uno verbo Dei potest secari, exuri & submergi, D. Paulo testante, cum ait: Arma militiae nostrae non carnalia sunt, sed potentia Dei, ad munitionum demolitionem, quibus cogitationes deturbamus, & omnem sublimitatem elatam contra Dei cognitionem, omnemque mentem ad obediendum Christo cogimus. Præterea nunquam est cum fidei tum haereseos maior fortitudo, quam ubi citra verbum Dei agitur aduersus illas nuda violentia. Omnibus id clarum esse potest, istiusmodi vim, non iustam tueri causam, sed repugnare iuri & aequitati, cum sine verbo feratur, sed non possit tueri, nisi mera tyrannide & feritate, bestiarum more. Nam nec in mundanis causis reliquus sit locus violento progressui, quaudam iniuriam ab iure vi-

Etiam

Etum fuerit. Quanto autem difficilius est, violenter agere verbo Dei, iureq;
remoto in illis tam arduis causis? Vide igitur quam belle Domini isti pruden-
tiam suam produnt. Hæresin propulsare volunt, nec tamen quicquam tentāt,
quam ut aduersarios corroborent, se suspectos reddant, illos verò iustificent.
Quod si hæresin cupis abigere, oportet te eo stratagemate esse instructum, ut
primum omnium eam è corde diuellas, & redditis causis voluntariam amo-
liaris: violentia verò tantum abest ut propulses, ut etiam magis corroboret.
Quid ergo prodest, si hæresin in corde cōfirmes intus, in lingua verò solum de-
bilites & ad mentiendum cogas? Quod si aggrediare a Dei verbo, eo cor illu-
minabitur: ex quo deinceps sua spē elabitur quicquid est vel hæreseos vel er-
roris. De hac via hæreseos amolienda Esaias intellexit cap. 11. cum ait: Per-
cutiet terram virga oris sui, & interimet impium spiritu oris sui. Hic enim
docet impij contronersiam absolui verbo & spiritus energia.

Atque ut omnia simul complectar, Principes & tyranni huius mūdi igno-
rant, pugnare aduersus hæresim nihil aliud esse, quam configere cum Satana,
qui tenet corda obfessa, ut testatur Paul. Ephes. 6. Non est, inquit, nobis lucta
aduersus carnem & sanguinem, sed aduersus Principatus, potestates, domi-
nationes tenebrarum huius seculi, aduersus spiritualem nequitiam in celesti-
bus. Quamdiu ergo è corde non euellitur & abigitur Satan, perinde est illi, si
vasa eius ferro aut igni perdam, ac si fulgur culmo impugnarem; quem admo-
dum Jobus testatur cap. 14. cum ait: Ferrum instar straminis à Satana repu-
tari, utpote cuius violentiam nihil pertimescat. Et si enim necarentur omnes
Iudei & heretici, aut affligerentur: nemo tamen ideò vincitur, vel ad Chri-
stum conuertitur.

Sed operapretium est videre mundi Principū curam praposteram: neutra
enim pars suum officium prestat. Episcopi curant ut Dei verbum negligant,
nec animas curent; & mundanis principibus suas vices demandēt, ut interea
gladio verbi loco regnent. Rursum Principes mundani, ut fœnus, rapinam, a-
dulteria, latrocinia & id genus scelera, & committant ipsi & in aliis impu-
nita relinquant; admittant tamen ut Episcopi eadem persequantur schedis
excommunicatricibus, hocq; pacto calceum egregiè inuertant, ferro animam,
corpus verò verbo gubernent, utq; mūdani domini spiritualia, spirituales ve-
rò mundana procurent. Estne aliud Satana opus in terris, quam quod tantas
prestigias & ludicra exerceat? Hi sunt Christiani Principes nostri, qui fi-
dem defendunt & Turcam deuorant. His scilicet Respublica mandanda, ut
moderentur omnia ista sua prudentia: nimirum qua se precipites agant, &
redigant populos & ciuitates in horrendam ruinam & calamitatem.

Optarim tamen equidem vehementer dare consilium fidele cecis istis, ni-
mirum ut sibi caueāt ab uno breui Davidis dicto, quod habetur Psalm. 107.
Effundit contemptum super Principes. Per Deum sanctè iuro, si id verū, tan-
tillas vires in vos acceperit vestra negligentia, nulli estis, etiamsi singuli non
essetis inferiores Turca ipso potentia: neque vestra crudelitas & rabies vobis.

quicquam commodabunt, id quod vel iā nunc non parum cepit. *Vulgus* tandem sapere incipit, & *Principum* multa, quem contemptum *Propheta* vocat, potenter sanē incedit per plebem, estq; periculum ut ei possit obfisti aut remedium adhiberi, nisi esse *Principes* cœperint quod esse debent; auspicenturq; de integro pie dominari & mansuetē. Non tolerabitur nec potest iam vestra tyrannis ferri atque animi perversitas. Agite dum, viri principes, expergisci-
mini tandem, & hac versantes animo qua dixi, primū emendate vestram vitam. Sic enim *Dei* stat decretum, ut non diutius feratur vestra nequitia. hodie non est mundus ut quondam, cum homines quasi feras siluestres agita-
retis & venaremini. Quamobrem desistentes à temeritate & violentia cogi-
tate apud vos ut rectē iusteq; agatis, sinite diuino operi (quod ipse *Deus* pro-
sus vult) necessarium cursum & progressum, quem tamen vobis inuitis obti-
nebit. Si heresis adest, ea est debellanda *Dei* omnipotenti sermone. Quod si
gladium plus a quo denudare conabimini, caute ne aduentet qui vos in va-
ginam gladium recondere iubeat.

MIRABILIS autem nobis visum est, adhuc *Placitorū* in iis articulis mentionem fieri, quibus ad religionem *Regis* subditi cogendi sint, quasi non satis sanguinis propter religio-
nem hactenus effusum sit, quin debeat adhuc, & in bellō & in
pace, gladius corporalis in causa religionis, contra omnē pie-
tatem & iustitiam, dominari.

ANNOTAT.

Quoniam exteri fortē ignorant, quantum sanguinis in *Belgio* propter re-
ligionem annis iam quinquaginta effusum sit: adscribā hīc ea, quae verē nar-
rat *Baleus Carfenna*, in Oratione quam de pacāda & componēda Republica
ad *Belgas* conscripsit. Eius verba haec sunt: Nunc transeamus ad alterum,
videamusq; deinceps, quā in ministros ac vates *Iesu Christi*, qui reducere
nos in viam conati sunt, inclementer ac truculentē nos gesserimus. Ita enim
constabit omnem nos veterum ecclesiae persecutorum patrum nostrorū men-
suram accumulasse. Sed hereo hīc planē, neque vnde exordiar, neque quā aut
quō progrediar, satis expedio. Tanti enim sese hīc pandit campus, vel
potius inexplicabilis labyrinthus, ut si nostra crudelitatis exempla hac in
parte singulatim vel enumerare tantum velim, neque initium neque exitum
sim habiturus. Itaque succumbere potius tanto oneri, quā narrando exte-
nuare fidem eorum decreui, quae vix fidem apud posteros nostros sunt inuentu-
ra, quāq; nisi à nobis gesta essent, ne ipsi quidem narrantibus aliis credere
velimus.

Tantum in uniuersum vos mēque ipsum monebo, Ut si per hos quinquā-
ginta annos tantum *Christiani* sanguinis hausimus, odio renascentis *Euange-
lij*, quantum ne omnibus quidem retrō seculis patres nostri quamlibet impij;
tandem nos capiat pœnitudo, aut saltem lassitudo tanta laniena: Etenim no-
stra

stra crudelitati satis non fuit, eos qui in nomine Christi, ardenti Zelo gloriae Dei & nostrae salutis, vltro ad docendum Euangelium se nobis obtulerunt, morte mulctare: sed & rapuimus è priuato in publicum (constitutis ad hoc publicis Inquisitoribus, quadruplatoribus, facibus ac pestibus humani generis) promiscuè omnes, quotquot nobiscum ad eandem luxuriam & impietatis profusionem non concurrebant. Utq; omnes sauitia numeros impleremus, in hac tū violenta, tam immani, tamq; Barbarica truculentia, nec sexus, nec aetatis nec condicionis aut infirmitatis vlla habita est ratio. Abrepta à nobis orantes in priuato honeste matrona, productaq; in publicum spectaculum, & per carnificem vel flammis concremata, vel viua in terram de fossa sunt. Adeo & legum & humanitatis simul omnis obliti fuimus.

Præterea & senes decrepiti, homines cæci, claudi, & imberbes iuuenes, ac pueri, vix dum pubertatis annos ingressi, puellæq; virgines, unâ cum matribus, & femina uterum ferentes, iamq; vicina partui, unâ cum foetu, horrendum non solum visu, sed etiam dictu, aut in profluentem proiecta, mersaq; aut terrifico flammarum incendio consumpta sunt, id'que plerunq; indicta causa, sineque vlla legitima doctrina inuestigatione, aut forma indicij.

Posteaquam deinde tetrum illud axioma; Cum hereticis nō esse disputandum; ab Inquisitoribus receptum fuit, tanquam per se notum: factum est, ut sine vlllo doctrinae examine, audita tantum post accusatorem confessione doctrinae, sola carnificis opera requireretur. Et cum iam populus partim quasi commiseratione quadam innocentium reorum, partim edoctus quodammodo de ipsa suppliciorum indignitate & causa, stomachari, mussitare, tandemque & concitari cœpit; itum est ad clandestinas & nocturnas innocentissimorum hominum lanienas: hoc est, ad publica impunitaq; latrocinia sine ordine ac modo: in quibus idem ferè accusator qui & iudex & carnifex fuit. Quinetiam negatum sapissimè ereptumque piis martyribus id quod vnicum ipsis in morte indignissima solatium esse debuerat, ut neque de doctrina & causa mortis, neque de sua innocentia ad populum verba facere possent. Quibusdam enim eorum, antequam producerentur, inserta illigataque oribus ligna, iniecta'que pile, aut lingua præfecta, ne non modo de doctrina, sed nec de rebus quidē domesticis, vltimæque voluntate sua, alloquendi populum aut propinquos facultas esset. Nonnullis etiam nobilioribus, eadem de causa, tubarum ac tympanorum strepitu, clangorēque ad ludibrium non solum reorum: sed & populi, vox intercepta fuit. Taceo de fœditate, horrore & squalore carcerum, aliisque infinitis exquisitissimorum tormentorum cruciatibus, quibus plurimi excarnificati ac mutilati, multi in ipsis carceribus inter manus carnificum contrucidati, non pauci ita miserandum in modum excruciat, torti, tensiq;, ut ad prodeundum miserè luxatis, distortis, distractisque membris, vires non superessent. Taceo quoque de diris & horrendis immanissimorum suppliciorum exemplis & spectaculis, deque summa deformitate hærentium post mortem ad compita viarum in rotis, fureis, postibus ac patibulis corporum in escam fœ-

darum

darum volucrium & ferarum. Horret enim animus, contremiscunt artus, concutitur totum mihi corpus vel sola ac tacita commemoratione tam inhumana, & plus quam barbara, vixque fidem apud externos posterisque nostris habitura feritatis nostra. Quid enim aut magis horrendum, aut tam incredibile videbitur, quam Belgas, gentem Germanicam, ingenio placidam, professione Christianam, non solum vicinitate, sed & consanguinitate, lingua, commerciis ac moribus Germanorum planè Germanam, oblitam innata moderationis (etiamsi maxime tam frequenter ac diuturnis vicinorum commerciorum de religione restituta nihil unquam didicissent) aduersus innocentissimos Christianos, & sua ipsorum viscera, sentiendo, emulari potius Hispanorum effera tam sentitiam, rabiemque, quam imitari Germanicam, hoc est, suam humanitatem ac moderationem maluisse. Et inferius:

Iam quid querar de numero trucidatorum? Numerari enim infinita quæ possunt? Ut autem infinita videantur, quæ sanè quàm simillima sunt infinitis, nostra quoque crudelitas effecit, per nocturna clandestinæque latrocinia assidue grassando. Si tamen diuinare per vos, atque simul ex Commentariis & memoria publica conicere, & conquirere licet aliquid, quod vnum reliquum fecit inclementia, reperiemus, ni fallor, intra Belgicæ nostræ (ne quid de aliis dicam) quamlibet angustos limites, intraque iam supradictum annorum spatium, ob solam religionis professionem, haud minorem centum (quibus tamen nonnulli dimidio plures addunt) millium trucidatorum numerum. O sentitiâ furorémque horrendum atque incredibile! Quis enim posthac, præter nos ipsos, credere aut animo concipere, tam multa, tamque immitia crudelitatis exempla à Belgis, in quæ Belgas, eaque tam breui spatio temporis ac loci edita, poterit? Carent enim omnino pari exemplo cunctæ omnium temporum ac tyrannorum historia. Quamquam ut miserum hoc est in Belgis, ita mirum in Sattana non est, superasse sentitiâ omnium ætatum furore ac rabie nouissimi temporis. Nam licet idem sit hic, qui etiam omnibus post homines natos temporibus, irreconciliabili odio ecclesiam persequutus est immitissimus draco ac serpens antiquus: tamen quia cogi nunc in angustias regni ac tyrannidis suæ terminos, seque indies magis magisque constringi in exiguum temporis spatium videt, in furorem ac rabiem iam vertit iram odiūque Christi & Ecclesie: & quasi trucidandis singulis iam lassus leo, nil nisi compendia caditū requirit; ideoque nos quoque Belgas cum iniuria nature ingenique Belgici, in extrema ista tyrannidis exempla prorumpere, inque propria viscera conuertere rabiem atque arma nostra manūsque furiosas compulit. Hac ille.

Cum ergo ea, quæ diximus, in vtrisque articulis ita se habeant, nec vlllo modo alius euentus ex iis, quàm qui maiores turbas & mutationes allaturus sit, expectari possit; rogamus Cels. & Dig. V. si quid fortè moderatius adhuc & melius, pro pace & salute nostra, habeant, & proponere statuant,

VE

vt id nobis hodie vel saltem in diem crastinum communicare velint. Agnoscimus quem honorem & reuerentiam Cels. & Dig. V. debeamus, vt minus honestum videatur, certum tempus definire: sed necessitas publica, & officij nostri ratio postulat, vt ex literis Ordinum iam antè cognouistis, ne diutius hoc negotium extrahi patiamur. Neque etiam nunc animus nobis est, in vllam vltiorem tractationem progredi, sed necesse putauimus istud adhuc quærere & intelligere: sin verò hi articuli vltima sit resolutio, quibus Cels. & Dig. V. volunt & censent Ordines contentos esse debere, id tribus verbis nobis significetis; vt quod porrò in mandatis habemus, perficiamus, & ad nostros redeamus. Actum Coloniae xij Iulij Anno 1579.

XVIII Iulij Legati Ordinum vocati fuerunt ad Dominos Commissarios loco consueto. ibi Cancellarius Treuirensis iniecta mentione scripti, ab ipsis proximè exhibiti, subiiciebat Cels. & Dig. eorū illo scripto immeritò reprehensos esse, quasi non eo modo egissent quo debebant; se magnis sumptibus huc aduenisse, magnis etiā sumptibus tamdiu hīc manere: præterquā quòd serior accessus legatorum Ordinum fuerit. comparuisse etiam ipsos huc cum Mandato imperfecto, nec solum de alio ipsis, licet sæpius ad id admoniti essent, prouidisse; sed neque responsum sibi ad suas literas de prorogatione ab Ordinibus dari: ita vt iustam causam habuerint, & adhuc habeant, ab hoc negotio desistendi; verum pacis & concordiae amore ad ea se conuiuisse, quaecunque ad conciliandam & procurandam illam facere possunt, fideliter persecutos esse: tanto ergo grauius ferre se, si in eam reprehensionem venire debeant, quòd vni parti magis quàm alteri addicti sint. Quare paucis Cels. & Dig. eorum ad ea respondere velle. Hoc responsum de scripto dictum fuit. summa eius hæc erat: rationes reddebant, cur articulos diuisissent: videlicet cum quidam ex legatis dixissent, maiora sibi à Duce de Terranova in negotio religionis oblata fuisse, Cels. & Dig. eorum voluisse idem hoc negotiū illis cum Excell. ipsius transigendum relinquere. Quòd præcedētes tractatus & Pacificationes conquerebantur infirmari, & aboleri, monent illos, vt memores sint eius iuramenti, quod & Archidux Mathias, Princeps Au-

T raicus

raicus & Ordines, quoad obseruationem priorum tractatum, præstitissent, quàm multa nunc contraria iis agantur: non mirum ergo si hæreant, & solliciti sint, quomodo se circa illa, & alia, vt firma pax constituatur, gerere debeant.

QVIBVS sic in commune dictis, pergunt grauitè auctorem scripti reprehendere, ob ea, quæ ab illo de religione posita erant: quasi sermone illo nihil aliud quæreretur, quàm faciem discordiis Belgij addere, vel eas alibi etiam excitare: non agnoscere se, vllum Principem Germaniæ ad aliud quid obstrictum esse, quàm quod ex gratia facere velit; non se, etiam sanguinis effusionem quærere, sed eam auertere conari. Prolixius hæc tractata & recitata fuerunt: sed cum celeriter & non articulatè à Cancellario legerentur, non plura à legatis comprehendere & retineri potuerunt.

VLTIMO nouos articulos exhibent; deinde cum Ordines eodem modo se submiserint, quo Sereniss. Rex, ac Maiestatis ipsius legatus paratus esset hinc manere, donec responsum à Cæsare ad ea quæ hætenus acta essent, acceperint, monent ne & illi hinc, ante responsum illud, discessum parent.

LEGATI Ordinum illis auditis, cum nonnihil consulendi causa deflexissent, visum fuit iis exemplar eorum quæ lecta essent, petere; & si illud recusaretur, in genere declarare, animum suum non fuisse, illo scripto tantum abesse Dominos Commissarios, sed nec quenquam in eo cœtu offendere: Deinde indicarent scriptum illud suo omnium consensu & approbatione recitatum & exhibitum fuisse, non propterea vnum solum, qui seruitium suum concipiendo illi præstitisset, grauari debere. Quæ de Mádato dicta erant, item de transgressione priorum tractatum, per priora pro solutis habebant.

COEPIIT ergo Albada omnium nomine exemplum eorum petere, sed illud denegatum illis fuit: deinde pergit dicere, ipsos audiuisse, quàm malè proximum suum scriptum acceptum esset, ad quod tantum in genere replicatum vellet: Cum nullis melius de animo suo constare possit, quàm ipsismet, veriorque interpretatio potius ab iis, qui scripserint, quàm ab aliis petenda esset; declarant se pro necessitate rerum suarum, quæ sibi magis quàm vllis in isto Concilio notæ sint, ad ea scribenda permotos fuisse; nullam verò ne in minima quidem re cogitationem habuisse, qua Celsitudi-

nes

nes & Dignitates eorum læderent aut offenderent: sed cum in articulis, quos exhibuerint, animaduertissent, se ab omni spe pacis excludi, si quædam ex dolore animi, quæ prævidebant pericula, deinde quæ ex speratis denegabantur, liberius proposuissent, cogitarent Cels. & Dign. eorum afflictis & miseris multa permitti & indulgeri, quæ in beatis & securis reprehendi & coerceri possent. Vltimò bona sua conscientia fretos, quòd de nemine lædendo vel offendendo cogitassent, non magnopere se obiectis & reprehensionibus illis commoueri & perturbari.

DEINDE inquit Albada, quia personam meam notari per auctorem scripti illius video, primùm dico nihil me scripsisse, nisi consensu & approbatione Illustrissimi Ducis Arschotani, & reliquorum legatorum, qui hîc præsentés sunt. Fateor quidem me argumenta illa suggessisse, propterea quòd res Germanicæ magis mihi notæ sint, quàm aliis. sed in eo nihil aliud facio, quàm quod facere obstrictus sum, vt vnà cum aliis inquiram, & proponam eiusmodi argumenta, quæ & petitionem nostram in causa religionis iustificent, & ad obtinendam eam, Regem inducere & commouere queant; non vt discordias, sicut accusor, excitem. Quapropter nunc iterum dico coram Cels. & Dignit. V. ea quæ ibi scripsimus, hodiè apud plerosque Catholicos Romanos Principes obseruari. Quod addidi in Imperio adhuc controuersiam esse, an qui talis sit, expelli possit; dico iterum me sæpius in Camera Imperij super hoc puncto disputationes & altercationes audiuisse; Et ante paucos annos hîc Colonix, † per legatos quorundam Principum, in grauioribus etiam terminis negatiuam eius assertam & defensam fuisse. Quare nec hîc quicquam falsi dixi, etiamsi multi Principes sint in contrarium, qui affirmatiuam asserant & sequantur.

ANNOTAT.

† *Ad verb. Per legatos quorundam principum.* Hi principes fuerunt Fridericus Palatinus Elector, Reichardus Palatinus, Philippus Landgrauinus Hesse, Carolus Marchio Badensis. Sed vt magis de veritate huius fidei constare possit, referam propria verba, quibus legati eorum in scripto quodam, quod Senatus Coloniensi exhibuerunt, inter alia vsi sunt: Ex his, inquit, manifestè apparet, & re ipsa in Germania imperio, atq; item in Gallia, Anglia,

Ex Germanica lingua in Latinam de verbo ad verbū versa.

Anglia, Scotia & aliis multis regnis ac nationibus iam ante compertum est, quod omnis istiusmodi violentia, gladius & patibulum non medium sint quo quisquam ab una fide in aliam conuerti possit, sed potius talia media, & omnes, qui ad ea suadent, ad summam diffidentiam, effusionem sanguinis, dissipationem & deuastationem ditionum & hominum, adque omnem calamitatem, quae inde sequitur, seruire & occasionem praebere.

Quapropter etiam prudens ille Caesar Carolus Quintus, cuiusque Caesar. Maieſt. frater pacificus Caesar Ferdinandus, istiusmodi media, tanquam illegitima & inidonea, ex Imperio Germania, & inter membra eiusdem prorsus aboleuerunt, in perpetuum relegarunt, & sub grauissima maximaque poena banni interdixerunt.

Econtra Christianum in Dei verbo, omniumque hominum intellectu fundatum medium, nempe amicabilem & Christianam ex verbo Dei collationem & colloquium ordinarunt.

Sed ut possit ad uniformem intellectum perueniri, perpetuam, semperque duraturam pacem, aequè inter Status ipsosmet, atque inter subditos eorundem Statuum ordinarunt, statuerunt & expresse concesserunt. Quae forma etiam illi Status, qui non nati vel electi Status immediate sint, sed vniuersales quoque liberae, & Imperij ciuitates, inter se possint pacem & quietem habere, & ab exilio conseruari.

Nam quae illa perpetuò duratura pax esset, quae quidem disponderet, quomodo unus Status cum alio in pace & quiete viueret, permitteret autem subditos & vniuersitates inter se mutuo in contentione, dissidio & diuisione permanere? ita ut unus alterum pro suo arbitrio vexare, torquere, & ad religionem, quam in corde non haberet, per vim cogere possit.

Et ut ad causam ipsam perueniamus, non habet ciuitas Colonienſis, sicut nec alia libera & Imperij ciuitates, potestatem, (si illa ſa manere debeat religionis concordia ad quam sub poena banni adstringitur) quemquam ex ſuis conciuibus ad Papisticam religionem sub poena excommunicationis, torturae, verberum, carceris, exterminationis, aut sub alia vel corporis vel honorum vel honoris multa cogere & compellere, sed est medium istud ciuitati Colonienſi, sicut etiam omnibus Imperij ciuitatibus, sub poena banni omnino abscissum.

Quod autem quidam Iesuita aliaque mancipia sanguinariorum hominum spectabili Senatui persuadere conantur, ciuitatem Colonienſem esse reteris (ut vocant) religionis, ac propterea virtute concordiae religionis non teneri, ut ciues & incolae, qui Augustanae Confessionis sunt, toleret, sed potestatem habere eos eiciendi: illud conficta falsitas est contra manifestum textum, intentionem & fundamentalem occasionem religionis concordiae. Nam illa disponit ex diametro contrarium, nempe ut Status, eorumque subditi, inter se in pace, quiete & concordia, alij cum aliis manere debeant. Si autem quis subditus per se non sub eo magistratu, cuius religionis non sit, manere

nera.

nerere vellet, quo is in suo honore & bonis incolumis maneat, permittit pradi-
cta religionis concordia illi, liberum discessum, & prorsus non contrario mo-
do, ut scilicet magistratus ille quenuquam pro suo arbitrio, ob nominatam
causam, expellere queat. Quomodo etiam Status Augustana Con-
fessionis id non in alio usu habent, quam ut illi, qui sua religionis non sunt
(modò illi velint) apud se quietè resideant: qui autem manere nolunt, eos si-
ne ullo damno & iniuria abire sinunt. Hæc ille.

NEC etiam Celsi. & Dign. V. sanguinis auctores facere
voluimus, sed ut semel sanctionum istarum, quæ Placita vo-
cantur, ex toto abrogatio fiat, hoc petunt illi, qui alterius re-
ligionis sunt, quorum causam non minùs hîc nos, quàm alio-
rum agere oportet: & si abrogatio ista non fiat, existimant im-
piè & iniustè fieri. Iis dictis finem loquendi fecit, nec quic-
quam ad ea replicatum fuit.

ANNO T A T.

† Ad verb. Ut semel sanctionum istarum.] *Marius Celsus* disputatione
in hæreticis coercendis quatenus progredi liceat: *Antiqui* puriores ecclesia-
sticorum Canones omni sententia Placitorum aduersantur, verantes ne spiri-
tuales ullam ob rem, nedum ob fidem aut hæresin, quemquam occidere aut ei
manus afferre audeant, neque per se, neque per alios: Sed neque voluntatem
neque factum, neque consilium suum ad id accommodent; quinetiam alios,
qui id faciant, iudicent atque puniant.

Seuerus Sulpitius Martini Episcopi Gallia clementissimi vitam descri-
bens, ostendit eum in sanctionibus sanguineis abrogandis sedulo incubuisse, nec
vel in hæreticorum, nedum in aliorum, qui veriori religioni addicti essent, mor-
tem consentire voluisse, quod libro sui voluminis tertio his verbis declarat:
Maximus Imperator pridè, ex Episcoporum aliquot sententia, decreuerat,
Tribunos summa potestate ad Hispanias mittere, qui hæreticos, & alios
de religione suspectos, inquirerent, deprehensis vitam & bona adimerent;
nec dubium erat, quin sanctorum etiam maximam turbam tempestas ista
depopulatura fuisset: Sed *Martino* præcipua erat cura, ne sanctio Impe-
ratoris exequeretur, vel Tribuni cum potestate gladiorum ad Hispanias
mitterentur: Pia enim erat sollicitudo ut non solum Christianos qui sub illa
occasione erant vexandi, sed ipsos etiam hæreticos liberaret.

Ioh. Witlingius lib. de Magistratu. Legitur in fide dignis historiis tem-
pore Theodosij Episcopum fuisse Synada, qui usque adeo fertur infectatus
fuisse hæreticos, quos Macedonios nominant, ut etiam è possessionibus suis
eos deturbaret: insuper Constantinopolim horum gratia profectus est, ubi
tunc Caesaris aula erat. ibi omnes Caesaris Præfectos aduersus hæreticos sibi
adiunxit. Quod factum ea in historia Episcopo summè probro datum est, ut
ei, qui hac in re parum picant Christianè egerit. Ac postea non dissi-
mule

mile factū de Episcopo Nestorio legitur, qui cū Constantinopoli electus esset
in Prasulem, ad eundem Theodosium inter concionandum ita dixisse fertur:
O Caesar, et mihi regionem ab hereticis purgatam, & ego tibi calum daturus
sum: sis mihi in auxilio in oppugnandis hereticis, & ego tibi in Persis hosti-
bus tuis deuincendis opem feram. Hanc Episcopi orationem multi cordati
egre ferebant, & viri quanquam nemo hereticorum faucebat resātia: tamen
Episcopi leuitas, imo erga Casarem audacia nemini non displicebat.

Mutationes &
additiones qua-
rum in margine expo-
nuntur, ad præ-
scriptū ordinem
de verbo ad ver-
bum sunt, sunt
autem fuisse vi-
detur altera par-
tem sine altera
cōtenta redidit.

Quam rem et
non prædicationes
quibus non alio
esse exstima-
mus, quum ut
autem tande par-
te altera post al-
teram, oppri non
tur, atq. in ex-
tremam seruitu-
tem per si spātes
rediguntur.
Pro verbu illis,
suis sequen-
tibus raposita
sunt haec in
primis.

SE Q V V N T V R N O V I A R- T I C V L I D O M I N O R V M C O M- M I S S A R I O R V M.

I.

PRIMO pacificatio Anno 1579, die 8. Nouembris Gan-
daui inita & instituta, Vnio quoque Bruxellis 9 Ianuarij Anno
1577 subsequuta, Edictum insuper perpetuum Bruxellis 17 Fe-
bruarij anno eodem publicatum, vna cum approbatione Re-
gia, in omnibus suis punctis & articulis seruabuntur & execu-
tioni mandabuntur.

II.

ET quia præter ea, quæ à tempore primorum motuum ac-
ciderunt, post iam dictos tractatus Pacificationis Gandauensis,
Vnionis & Edicti perpetui vtròq. citroque varia facta, dicta, &
admissa fuere, tam in generali quàm in particulari, hac præ-
senti quoq. Pacificatione nō minùs posteriorū istorum facto-
rum & dictorū, quàm eorum, quæ antea contigerunt, perpetua
obliuio constituat, ita vt eorum nulla amplius fiat mentio,
exprobratio aut inquisitio, quasi ea nunquam accidissent, idq.
sub pœna exemplaris correctionis subditis cōtrauenientibus,
tanquam perturbatoribus tranquillitatis publicæ, infligenda.

III.

REX Catholicus vasallis subditisque suis seruabit, manu-
tenebit, & si opus videbitur, etiam de nouo confirmabit om-
nia & singula iura, vsus, consuetudines, immunitates, ex-
emptiones & priuilegia quarumlibet prouinciarum, ciuita-
tum, oppidorum, communitatum, aliorumque priuatorum
omnium, cum in genere, tum in specie, quemadmodum in
Edicto perpetuo articulo decimo, & cū prouinciis Belgicis
inauguratus extitit, promisit & iurauit.

IIII.

OMNES milites extranei, vtpote Hispani, Itali, Germa-
ni,

ni, Galli, Burgundi, Angli, Scoti, & cæteri omnes peregrini, qui propter hosce motus vtrinque accersiti sunt, prouinciis Belgicis, ab hac pace promulgata, intra terminum communi consensu constituendum, simul excedent & eodem tempore.

V.

QVOD verò attinet ad alios milites non extraneos, etiam ad pleniorē exonerationem afflictorum subditorum, mandabit Rex vniuersum militem tam terra quàm mari, eodem quoque tempore exauctorari & dimitti; vt nimirum deinceps sibi priuatim viuant in tranquillitate, ordinariis tantum præfidiis retentis ac suffecturis, vt subditi quoque, ciues, & incolæ omnes citra cunctationem redeant ad mercaturas, opificia & negotia pacis: quibus se vxores, liberosque citra iniuriam proximi honestè sustentare valeant, & à publico armorum vsu, antea non consueto, & pacis tempori non conuenienti, desistant & abstineant.

De nouo hic additum post verbum terminū: communi consensu constituendum.

VI.

VNIVERSÆ exactiones, impositiones, cæteraque inusitata vectigalia & onera præsentium barbarum occasione quomodolibet indicta, penitus cessabunt & tollentur: ita tamen quòd si quæ certorum onerum continuatio adhuc fore ex vsu publico iudicabitur, simulatque per Ordines Statuum eiusmodi quid demonstratum fuerit, Rex haud grauatim se Ordinum consiliis iuxta ac desiderio accommodabit.

VII.

PRAETEREA restaurabitur libertas commerciorum, & transitus vbiuis locorum, per vrbes, pagos, pontes, portus earundem prouinciarum, non minus terra quàm mari, perque fluuios & flumina, prout factitatum fuit ante præsentis hosce tumultus: nouis autem vectigalibus atque impositionibus, absque Regis auctoritate eatenus per hos motus de facto institutis, incontinenti cessaturis.

VIII.

ET ne qua semina altercationum aut querelarum relinquuntur, omnes Ecclesiastici, necnon omnes seculares, tam extranei quàm intranei, recuperabunt pacificè bona sua secularia & ecclesiastica respectiue, mobilia extantia, & omnia immobilia, titulos, debita & actiones, ijsque statim vt ac frui poterunt, in eo nimirum statu ac qualitate, quibus in præsentia-

rum.

*Omissa hic
sunt verba
illa in priore
articulo nono
posita: Et hoc
tum in Bur-
gundia, per
incogitātiā
ut arbitror,
& addita
verba illa: a
tempore Pa-
cificationis
vsq. ad finē.*

*Pro verbis il-
lis: prout ab
exordio ho-
rū motū in
art. priore x.
reposita sunt
hæc verba:
prout tēpo-
re vsque ad
verb. relictis
inclusiue.*

*Pro verb. Pa-
triæ, quo uti-
tur art. prior
xi. reponitur
hic ista ver-
ba: Harum
prouinciarū,
&c. fortē ut
Burgundi
quoq. compre-
bendantur.
Post verb. ar-
ticulos hæc
duo addita
sunt: Regi
& Ordini-
bus.*

*Mutatio ver-
borū, sed non
rei.*

rum illa ipsa reperientur; idq. omni dolo ac fraude semot non obstante vlla hypothecatione aut quauis alienatione tempore Pacificationis Gandauensis facta in contrarium: quod verò ante pacificationem Gandauensem acciderunt, eiusdem dispositioni relinquuntur.

IX.

SIMILITER quoque subditorū quilibet etiam redintegrabitur in suis honoribus, dignitatibus, beneficiis, gubernaculis, muneribus, functionibus & officiis, planè ad instar prout tempore Edicti perpetui (illis quæ ante Edictū contigere, eiusdem dispositioni relictis) extiterit: exceptis tantum iis, quibus contra libertatem, iuraq. ac priuilegia patriæ de vlla functione prospectum fuisse demonstrabitur: Prouiso tamen quòd eiusmodi spoliati denuò redintegrandi tenebuntur præstare iusiurandum, cuius in proximo sequenti articulo fit mentio; prout facturi quoq. sunt ceteri ad nouas functiones & officia in posterum cooptandi: reuocando, cassando & annullando quicquid hinc inde factum, decretum, pronunciatumue fuerit in contrarium.

X.

NVLLI admittentur ad vlla gubernacula prouinciarū, ciuitatum, castrorum & fortalitiorū, capitaneatus aut præfecturas militum, nec ad cōcilia rerum Status, priuatum, financiarū, aliaq. officia maioris momenti, præter naturales harum prouinciarum, sub gubernaculis generalibus comprehensarū: qui etiam ante receptionem, vltra antiqua & consueti iuramenta Regi, tanquam eorum Principi naturali, præstari solita, in hos articulos Regi & Ordinibus solenniter iurabūt, eosque promittent fideliter, sincereq. seruare, sub poena periurij & tanquam tales puniendi.

XI.

CAPTIVI vtriusq. partis omnes, qui ob dictos tumultus adhucdum detinentur, statim & absque vlllo pretio relaxabuntur: nisi iam antea de eo aliud inter eos fuerit conuentum & concordatum.

XII.

COMES Buranus suæ libertati & patriæ intra tres menses, postquam Princeps Auraicus ea quæ cum ipso tractabuntur, impleuerit, restituetur.

XIII

XIII.

DECRETA, dispositiones, ordinationes per D. Archiducē Mathiam, suosq; collaterales & Ordines Statuum, à tempore vltimarum barbarum nomine Regis emanata, pro legitimis & validis habebuntur, suosque debitos sortientur effectus, quoad beneficia, dignitates, officia, aut alias quaspiam res quæ solent esse potestatis aut dispositionis ordinariæ illorum, qui tenent locum Gubernatoris dictarum prouinciarum, non autem in iis quæ propriæ personæ Regis reseruantur, aut si quæ factæ sint contra iura, priuilegia & immunitates patrias, tam in generali, quàm in particulari, vel alioqui in vllius iniuriam seu detrimentum redundarint.

XIII.

PARITER etiam quarumlibet vrbium, & aliorum locorum magistratus seu officiiati, suis functionibus destituti, alia via ac ratione, quàm iuris ordine legitimè seruato, aut aliàs cōtra priuilegia dictarum vrbium, aut præter ordinarios consuetosq; modos, cum primis restituētur & redintegrabuntur in dignitates officiaq; sua, nec non ad eorum creationē futuris temporibus procedetur, prout olim & sicut ex iuribus, moribus & priuilegiis cuiusq; patriæ, vrbis & loci decet, ne cui facta tolleretur iniuria.

XV.

AUCTORITAS & obedientia Regi à subditis cum primis restituetur & seruabitur, qualis meritò iuxta præscriptum diuini & humani iuris, necnon priuilegia, vsus & cōsuetudines patrias, necnon Pacificationem Gandauensem, Vnionemque subsequētam, Edictum perpetuum, & præsentē tractatum esse debet, qualisq; olim seruata est; vt rectè nimirum administretur iustitia, subditi regantur in omni ratione, æquitatē, quiete & obedientia, idq; ad eam formam modumq; quo factum est ab omni memoria, tam defuncti Imperatoris Caroli Quinti eiusq; prædecessorum, quàm etiam Regis tempore vsque ad harum barbarum initia, sine cuius auctoritatis instauratione ac subditorum obedientia, nequaquam possibile est populum in vnione, concordia rectaque iustitia, quiete & tranquillitate manuteneri.

*Post verbum,
patrias, adie-
cta sunt hæc
verba: necnō
Pacificatio-
nem Ganda-
uensem vsq;
ad verbum
tractatum
inclusiue.*

XVI.

SUPEREST de gubernaculis generalibus dictarum prouinciarum, quarū occasione Rex eliget Principem de sanguine,

V,

ne,

*Pro verb. cō-
prehensis,
additur hac
verba: Paci-
ficationibus
supradictis,
&c.*

ne, qui, quæue, rerum experientia pollens, habeat dotes & qualitates ad eius generis arduum munus cum primis necessarias, & de quo, seu qua, subditi iustam causam satisfactionis sint habituri: gubernabit autem cum omni iustitia & æquitate, præsertim verò secundum vsus, iura, consuetudines & priuilegia dictarum prouinciarum, etiam comprehensis pacificationibus supradictis, & hoc præsentis reconciliationis Edicto, quod tenebitur promittere ac iurare.

XVII.

*Sublata sunt
ex priore
xviij. hac ver-
ba: Regij se-
natus. Item
hac verba
post verb. so-
lita, ita mu-
tata sunt: de
his articulis
seruandis, &
addita verba
illa: Regi &
Ordinibus
se se obliga-
bunt.*

Ad cuius quidem Gubernatoris generalis manus, citra vltiorem hæsitacionem, planè ac integrè tradentur omnes & singulæ ciuitates, vrbes, fortalitia, & alia loca, quæ ab vna alteraue parte quocunque titulo aut pretextu modò tenentur, vnà cum patrimonio ad Regem pertinente, tormentisq. bellicis, munitionibus, com meatibus, armis ac nauibus: vt nimirum ea loca, quæ ab omni memoria præsidium habuerunt, consilio Concilij Status naturalibus Belgicis, astringendis iureiurando, quo vltra antiqua & consueta iuramenta Regi, tanquàm eorum Principi naturali, præstari solita, de his articulis seruandis, Regi & Ordinibus sese obligabunt; custodienda committat; aliàsq. de illis disponat, sicuti seruitio Regis simul & commodis ac securitati prouinciarum magis expedire arbitrabitur: & aliàs prout fieri decet, factumq. fuit ante motus præsentis.

XVIII.

PERMITTENTE nihilominus Rege (& quidem merè in huius reconciliationis gratiam) vt quod hactenus ex eius patrimonio, seu populi subsidiis desumptum & collectum fuit, id ita collectum receptumq. maneat, absque vltiore persecutione seu vexatione, cuiuspiam mortalium eatenus inferenda: ita tamen vt in posterum ab eiusmodi detentionibus, occupationibus & collectis desistatur.

XIX.

PACIFICATIONE Gandauensi, Vnione generali Statuum subsecuta, & Edicto perpetuo Bruxellensi, supra ab initio positus, saluis, Ordines Statuum renuntiabunt aliis omnibus fœderibus, pactis, mutuisq. sponsonibus, contractis occasione dictorum tumultuum, tam intra quàm extra prouincias.

XX.

COMPREHENDENTVR hoc tractatu Regina Angliæ,
& Dux Andegaucensis. DE

DE cæteris concernentibus expeditionem, confirmationem, publicationem, perpetuamq. & firmam obseruationem huius Pacificationis, postea agendum erit, cum omnia fuerint concordata & conclusa.

ARTICVLI DE RELIGIONE.

QVAE concernunt religionẽ, † quæ omnibus Principibus verè Christianis iure debet esse commendatissima, haud potest Rex vllatenus præterire, quin vestigiis Regum Catholicorum suorum Maiorum inhærendo, percipiat ac mandet, in prouinciis suis patrimonialibus retineri, seruarique religionem Catholicam Apostolicam Romanam, ab omni æuo non solum ibidem receptam, verum etiam sub qua earundem prouinciarum subditi olim tantopere floruerunt, & in qua tam dictum Regem quàm cæteros suos prædecessores olim prouinciis inauguratos mediante solenni iureiurando in Principes suos naturales receptos fuisse notoriè constat. Quæ quidem supra dicta religio, exclusa quauis alia, liberè, pacificè & absque vllò impedimento per prouincias Belgicas posthac tradetur & exercebitur, prout etiam Ordines iam antea seipsos in Vnione generali mutuò ac solenniter obligarunt, & in Edicto perpetuo, ac literis frequentibus, Regi non minus post, quàm ante turbas præsentis se passuros & procuraturos addixerunt, & sicut etiam iam pridem scripsere ad S. Maieft. Imper. vsque adeò, quòd absque graui nota, vt ne dicatur confusione, vniuersi status politici, haud possint in re tanti momenti propriis scriptis vlla ex parte contrahenire.

QVOD verò ad Hollandiam, Zelãdiam & oppidum Bommel attinet, dispositioni Pacificationis Gandauensis relinquatur: ita tamen, quòd interea temporis in iis ciuitatibus ac locis dictarum prouinciarum religio Catholica Romana restituetur, in quibus tempore dicti tractatus ibidem exercebatur.

Hic totus § additus est.

SVBDITIS, qui in reliquis prouinciis Belgicis, in hac tractatione comprehensis, à Catholica Romana religione recesserunt, Rex Catholicus ad præsentem Belgij statum respiciens, per Regium suum Commissarium cõcedet, vt ijs liceat in prouinciis istis sine aliqua coërtione aut molestia, occasione Placitorum religionis eousque suspendendorum, degere & manere,

Immutata quadam sed nõ in melius.

nere, donec consilio Ordinum legitimè ac debitè in loco tuto, vbi suffragia libera esse queant, per Regem, seu eius Gubernatorem generalem congregandorum, aliter dispositum fuerit super Placitorum moderatione: prouiso tamè, quòd interea temporis eiusmodi subditi à scandalis ac rerum perturbatione, ac omni vsu & exercitio alterius, quàm Catholicæ Romanæ religionis prorsus abstineant: & interim etiam liberimè fruuntur omnibus suis bonis, tam mobilibus quàm immobilibus, iuribus actionibusque; & poterunt ea ipsa, qualiacunque fuerint, etiam aliò transferre, seu vendere aut alienare, prout eis videbitur: & quatenus bona sua retinere malint, poterunt etiam absentes ad eorundem bonorum regimen, administrationem & receptionem in prouinciis sibi eligere Quæstores Catholicos, quoscunq. volent: præterea toties, quoties voluerint, ad prouincias iteratò redire, victuri tamè Catholicè iisq. ritibus ac moribus, quos personas Catholicas decet: eritq. huiusmodi redditus ac facultas, bona administradi, per se cuilibet bona fide permissus, statim atque Pastoribus, Officiatis & magistratibus locorum, ad quæ redire cupient, talis intentio ac voluntas insinuata fuerit. Ex qua quidem Regali indulgentia nulli non perquam manifestum redditur, quòd Rex nihil minus, quàm bonorum confiscationes, ruinam ac perniciem suorum subditorum appetat, nec etiam quòd rigore superiorum Placitorum ipsos perstringere constituerit, cum paratissimus quoque sit ea ipsa Placita cum Concilio Ordinum Statuum competenter temperare ac moderari, omniaque facere, quæ ad Dei Opt. Max. cultum, prouinciarumque quietem ac tranquillitatem pertinent, ac benignum, amantissimum Christianumque Principem decent.

A N N O T A T.

Ad verba, Religionem, quæ omnibus Principibus iure debet esse commendatissima.] Non possum me continere, quin tandem hoc loco cuiusdam viri grauis & pijs Epistolam ex parte annotem, qua ille sententiam suam de Magistratu, quousque potestas eius se extendat, exponit. Est scripta ad quendam in Magistratu existentem, & incipit hoc modo: S. Laudo Deum, qui te hoc vltimo periculoso tempore tam Christiano zelo donauerit, vt & salutis anime tue seriam curam habeas, & in officio tuo ita versari cupias, ne quid contrarium diuinæ voluntati perperres. Quo equidem permoneor, vt tibi ad summam & Christianam tuam petitionem, indicum & sententiā meam
de

de officio civilis magistratus aperiā. sub ea tamen condicione, ne vel tu vel
 quisquam alius suspicetur, ac si in subsequēt iudicio, dum illū scribo & sentio,
 ratione muneris sui, ad regnum gratia Christi, vt in eo vi, n. ad atis & edictis
 agat, non pertinere, velim magistratum civilem à Christianismo prorsus ex-
 cludere vel reiciere. Hac mea sententia non est, vt si in Iesum Christum verè
 credant, & Christianè viuant, nō possint, qui magistratu funguntur, Christia-
 ni esse: sed hoc dicere volo, quòd spiritalis potestas, administratio & guber-
 natio spiritalis officij gratia & regni Christi, Christo Iesu filio Dei Domino
 nostro, quam is ad restitutionem deprauati hominis in salutem ipsius exer-
 cet, uni & soli competat: sicut etiam ille caput suae ecclesiae, & Rex sui populi
 solus est; simul etiam vt funditus cognoscatur, quid sit officium magistratus
 civilis, quousque id se extendat, & quomodo à gratia regno Christi, & à spi-
 rituali ipsius in animas & conscientias potestate longius quàm calum à terra
 discrepet, etiam si hactenus à plerisque eruditis aliter persuasi fuerint: Ex hoc quod a-
 quo euenit quòd magistratus hoc tempore in dominantem Regem Christum,
 in regnum & populum ipsius grauiter deliquerint, & incurrerint. At post-
 quam mundanus quoq; magistratus à Deo suam ordinationem & institutio-
 nem habeat, sit que Iesus Christus Dominus omnium magistratum, & Rex
 omnium Regum, quippe cui à Patre omnis potestas in caelo & in terra data
 est, licet munus eorum terrenum non nisi in corpora & bona directum sit, nec
 ad spirituale regnum Christi pertineat, aut conscientias vt eas regat destinātū
 sit: tamen illorum quisq; pro sua persona (modo Christiani esse velint & salui
 fieri) obstrictus est Regem regni Dei Iesum Christum, à quo potestas eorum
 provenit, diligere, diuinam ipsius veritatem confiteri, eamq; quantum in se
 est, vt Christiani promouere. Sed non debent in Christianismo vllam vim at-
 que violentiam exercere, in causis fidei neminem (qui alioquin pacificus est)
 ledere, eicere aut occidere, ne Christo Domino suum officium eripiant, & in
 ipsius iudicium poenāque incidant; qualia exempla hodiè non parca pra-
 oculis sunt. Sequitur nunc sententia mea.

Notatione
 muneris sui.
 Si quicquam
 vt Christia-
 nus agere ve-
 lit probet pri-
 mum se an-
 verè sit Chri-
 stianus dem-
 de certus sit
 per Spiritum
 Christi, & ex
 verbo Dei,
 git, Deo gra-
 tum esse.

MAGISTRATVS nostro tempore perperam edoctus, & malè instru-
 ctus est, nimium quoq; in eo fecit, quòd sibi hoc imponi passus est, vt in religio-
 ne Christi, & in causis Christianae fidei, ad eam tuendam & conseruandam,
 vi & gladio uteretur. Nam officio suo non incumbit, vt Christianam religio-
 nem, Verbum Dei & sacrosanctum Euāgelium Christi regat. Hoc officium
 ad alium Dominum & Rectorem pertinet, nēpe ad filium Dei Iesum Chri-
 stum, Deum & Dominum nostrum, quem caelestis Pater in Regem, & caput
 suae ecclesiae dedit & ordinauit. Psal. 22. Ephes. 1. Act. 20.

OFFICIUM temporariae corporalis gubernationis, aut mundani ma-
 gistratus, à Domino Deo non propterea institutum est, vt religioni & cultui
 diuino noui Testamenti imperet, vel eum regat & administret, aut vt perso-
 nas, quae hoc officio funguntur, spirituales aut Christianos esse semper oporteat:
 sed pertinet illud ipsorum officium in ordinem rerum huius mundi. Quapro-

pter D. Petrus magistratum humanam ordinationem ncinat; qua munda-
na pax, humana iustitia, dilectio & civilis concordia, aut politica cōseruatur,
vt homines vnā cōmorari possint, boni defendatur, mali coërceantur. Rcm. 13.

Gen. 9. cap.

Exod. 3.

Prouidit Deus Opt. Max. cum officio mundani magistratus humano ge-
neri, honestis ac probis hominibus, prapue suis filiis et Christianis (quanquā,
proh dolor, horum nunc pauci inueniantur, qui etiam coram mundo reiecta-
mentum, scoria & abominatio sunt, sicut populus Israel olim apud Aegyptios
erant) vt hi temporaria pace perfruatur, apud malos irrequietos homines cō-
sistant illesi, & quamdiu Deo placeat, in mundo quietem & locum habeant,
ad celebrandum Deum, Christo Domino suo seruendum, et ad peregrinatio-
nem suam iuxta Dei voluntatem perficiendam.

OFFICIUM mundani magistratus est externum mundanum officium
ordinis rerum terrenarum, habet peculiarem potentiam, peculiaria iudicia &
statuta, pertinet etiam ad peculiarem populum, & à celsi regno Christi, ab
ipsius spiritali gubernatione, potentia, iudicio & constitutione, quin etiam à
spiritali populo Noui Testamenti, aequè ac calum & terra discrepat: etiā si
populus Noui Testamenti, hoc est, veri Christiani, quantum corpora sua, tē-
poraria bona & conuersationem attinet, omnes sub eo comprehendantur, &
propterea magistratui ratione officij ipsius obedientes & subiecti esse debeant.

Diuus Paulus Apostolus Iesu Christi nihil in omnibus suis Epistolis scri-
bit de Christiano magistratu, quod nomen nuper prius inuentum, & ad quo-
rundam singulare commodum excogitatū est: sed hoc tantum docet in Episto-
la ad Romanos, vt Christiani, qui passim dispersi, & in urbe Roma habita-
bant, magistratui obediant, in iis rebus & negotiis, quæ externū munus eorū
concernunt, prout ibi expresse scribitur, quomodo etiam magistratus ille, qui
tum temporis imperabat, Nero erat. Debent obedire, non tamen contra Do-
minū Deū, nec contra sacrosanctū Verbum ipsius Iesum Christū, & fidē. Quò
pertinet dictum Petri Act. 5. Oportet magis obedire Deo quàm hominibus.

Sic mandat quoq, Dominus noster Iesus Christus in Euangelio nihil am-
plius, quàm vt Christiani Cæsari dent quæ sua sunt, nempe censuale denariū,
debitamq, obedientiā; & prout Paulus expresse dicit, Tributū, Vectigal, ho-
norem & timorem. Prapue autem dare Deo debent, quæ Dei sunt, utpote
summam charitatem, adorationem & verum cultū, fiduciam, veramq, obe-
dientiam verbi sui, vt in suo timore ambulent. Vult Deus cor & animum
habere, requiritq, veram scientiam & notitiam sui nominis, qui est Iesus
Christus Dominus noster. Requirit fructus bonorum operum, & testimoniū
bonæ conscientie, ab omnibus Christianis, vt inculpatè coram se & mundo
incedant.

Quapropter magistratus malè edoctus, & perperam instructus est, quòd
ipsi se, ratione officij sui, in locum Dei, & in regnum gratie Christi collocari
sinerunt, vt in hoc regant & gubernent, in eo iubeant & vetent. Nam, vt an-
tè dictū est, in spiritali regno Christi, in ipsius Ecclesia, quod res Christi cō-
cernit,

cernit, nullus alius Dominus & Rex existit; nullus alius magistratus, quam Iesus Christus noster Dominus & Deus, quem Deus caelestis ipse pater super populum suum & Ecclesiam constituit. Ephes. 1. & 5. Psalm. 2. & 45. Mich. 4. Syr. 17. Quo tamen varia ministeria, quae 1. Corinth. 12. describuntur, sicut in gratia Dei vigent, nullo modo sublata velim, sed ut cum illis unus Dominus & unus Deus, sicut etiam unus spiritus, unusq; magister Christus in sua Ecclesia maneat.

Syrach 17. cap. Omnibus Gentibus toto orbe terrarum praefect Dominus gubernatores, Israelitem vero peculiariter sibi delegit gubernandum.

MUNDANVS magistratus malè edoctus & perperam instructus est, quod se, officij sui ratione, pro diu secundum Iudaicum morem estimari & promoueri passi sunt. Nam si hoc ita esset, oporteret eos municipalia sua iura, proprias ac Imperatorias constitutiones missas facere: & quemadmodum ibi Iudei tantummodo secundum Moysis leges regebant; ita oporteret magistratum nunc secundum sacrosanctum Euangelium regere; quod tamen impossibile est: Nam mundus (ob quem praecipue magistratus a Deo est ordinatus) non patitur se ullo modo per sacrosanctum Euangelium regi, a quo minus atque fides cuiusvis est.

Psalm. 82.

MAGISTRATVS malè edoctus & perperam instructus est, quod ipse, tanquam mundanus magistratus, potestatem habeat, imò obstrictus sit, ratione officij sui, hunc vel illum cultum Dei cum suis sacerdotibus & ministris per vim conservare, euertere, vel constituere, quippe cum hoc unicum officium Christi Domini sit, eorumque qui à se missi & ordinati sunt Apostoli & ministri S. Spiritus, qui suum spirituale regnum, suam Christianam ecclesiam & electum populum ipsemet, etiam in ministerio à se missorum seruorum, gubernat & regit, de quo Ier. 1. Matth. 9. Sicut etiam ipsemet ministros abrogat, & constituit, secundum suum beneplacitum, pro quibus enixe orandus est. Matth. 10.

MAGISTRATVS perperam edoctus, & malè instructus, & seductus est, quod ipse tanquam mundanus magistratus, cum suo munere, quod ad hunc mundum pertinet, & de hoc mundo est & iudicat, regnum Christi, quod non est de hoc mundo, regere & gubernare voluit. Contra illud loquitur Christus, cum ait: Meum regnum non est de hoc mundo; alioquin ministri mei pro me militarent, ne in manus Iudeorum traderer.

Iohan. 18.

MAGISTRATVS perperam edoctus & malè instructus est, quod ipse, tanquam mundanus magistratus, & ratione officij sui, potestatem habeat, Christiane fidei, cum iis quae ad eam pertinent, dominari, quae tamen benignum donum Dei est, & ut ante dictum, non cuiusvis res est. Non in ipsius officio nec potestate positum est, fidem iubere vel vetare, sicut etiam non potest ulli fidem dare aut adimere. Nec est in ipsius officio positum, contradictores doctrinae (modo non pugnam adhibeant, & alioquin pacifice vinant) exturbare vel eiicere, nec Zizania malasque herbas eradicare, & gladio tollere, quod vnius Christi, suiq; sancti Spiritus officium, etiam sub Apostolico ministerio est: is gubernat suum officium non corporali, sed spirituali gladio, & verbo Dei, de quo Matth. 13. scriptum est.

MAGI-

MAGISTRATUS perperam edoctus, & malè instructus est, quòd ipse, tanquam mundanus magistratus, ad corporalem gladium spiritualem apprehenderit, regnumq; Christi mundano gladio regere & gubernare instituerit. Perperam edoctus, & malè instructus est, quòd sibi persuaderi passus est spirituale regnum Domini nostri Iesu Christi, & mundanum politicum regnum, quæ ambo quidè in hoc mundo, sed quodq; in suo ordine proprium cursum habet, vnum esse, cum tamen tam longè a se invicem distent, quam cælum & terra, caro & spiritus, mors & vita, temporarium & æternum.

Nam mundanum temporariū regnum, & officium, administrat Deus, & Dominus noster Christus, per hominum filios, prout terrā filiis hominū dedit, & cælū sibi ipsi reseruat. Administrat & regit Dominus Deus hūc visibilem mundū per Imperatores, Reges, Principes & Dominos, per Tribunos, Consules, Rectores, &c. tanquā per superiores, vel per eorū missos Praefectos, Officiales, magistratus & humanas Cōstitutiones, iis corporalem gladium in manum dedit, & officium magistratus iniunxit: ut pacem & concordiam in hoc mundo conferrent, nationes & homines regant, tributa, vectigalia & commercia inferant, vias & itinera consiciant, regiones & vrbes administrant, imò viduas & pupillos tucantur, bonos defendant malosq; coercant, hereditates inter fratres diuidant, & alia faciant, quæ ad cōservationem humane huius ordinationis corporum & bonorum pertinent. Vnde etiā magistratus suum honorem, obedientiam & mercedem habet. Quinetiam eorū nomine magistratui obedientiam debemus, non solum metu pœnæ, sed etiam propter conscientiam.

Sed æternum, spirituale & caeleste regnum Christi (quod hic in hoc mundo, apud Dei filios, suum initium, progressum & augmentum in fide habet, illic verò demum in omni perfectione incipiet, nec ullo tempore interibit) administrat Dominus noster Iesus Christus, Dominus omnium Dominorum & Rex omnium Regum & præcellentium, cui Pater omnem potestatem dedit & ad dextram suam eum collocavit, solus & vnicus per seipsum, suumq; sanctum Spiritum. Hoc regnum, quippe Christi regnum (quod aliàs etiam Christiana Ecclesia dicitur) non habet terrenum Regem, non mundanum magistratum nec vicarium; sed Dominus ipse est Rex in suo regno, æquè atque in caput Ecclesie constitutus est. Nulli alteri id regendum mandauit; honorem suum nulli alteri tribuit: Nec porrigitur hoc æternum ipsius regnum, dominatus, officium & regimen ad vllum temporarium dominatum, regnum aut populum, nec vnquā euertitur. sed omnia regna huius mundi extremo die cōminuet & euertet, ipsum autè in æternū permansturū est; Dan. 2. & 1. Cor. 15.

Regit hic Rex cum verbo gratiæ suæ, cum suo sacrosancto Euangelio animas & conscientias: ibi nullus coactus nec impulsus est, sed spiritualis libertas & promptitudo. Ecclesia Dei aperta est, Deus finit unumquemque ingredi & egredi. Esai. 60. Ibi nulla vis est nec discordia; quod autè per figuram declaratum est, cum in edificatione templi Salomonis nullus malleus, nulla securis, aut

Isaia 42.

aut ferramentum auditum est, sed ibi est charitas, & concordia, gratia, pax & misericordia apud omnes suos filios, apud populum Euangelij & noui Testamenti, de quo Esaias propheta precipue, & sacra Scriptura noui Testamenti excellenter testatur. His autem dictis ministerium noui Testamenti nullo modo tollitur: attamen Apostoli & ministri Iesu Christi nullum aliud mandatum à Domino acceperunt, quam illud, ut de ipso doceant, testentur, Euangelium gratia annuncient, vnumquemque ad Christum Dominum inuident, pœnitentiam in nomine eius pradicent, præcellentem gratiam eius laudent, ineffabile beneficium obedientie & crucis ipsius mundo aperiant, & breuiter & Christum Dominum secundum vtrumque statum suum crucis & gloria rectè doceant noscere: ita ut Christo Domino regnanti Regi semper suū proprium munus remissionis peccatorum, distributionis S. Spiritus, regenerationis & dationis pœnitentie, gratia & absolutionis, &c. sine adiectione & commixtione omnium creaturarum aut elementorum purè & soli conseruetur. Eiusmodi fideles ministri Christi, qui solum ipsius gloriam laudant, & solum ipsum apud omnes externos cultus Dei monstrant, nullam vim habent nisi ad edificationem ecclesiæ Dei. Non docent vllum ledendum, eiiciendum vel occidendum; nec miscent inter se spirituale regnum Christi, & mundanum politicum regnum, prout hodiè à multis fit ad multorum ruinam & interitum.

Fideles ministri Euangelij & verbi Dei libenter imminui se patiuntur, dummodo Dominus eorum Iesus Christus magnificetur: nihil predicant nisi Christum illum Dominum. Ministri huius regis nihil predicant quam conscientiarum pacem. Curatores huius populi nihil docent, quam iustitiam, offerunt omnibus pœnitentibus fide præditis hominibus Dei gratiam, charitatem & beneficium per Euangelium & verbum gratia ad salutem: contemptoribus verò Euangelij & Christi Dei verbi annunciant ad ipsorum damnationem Dei iram, iudicium & pœnam.

Non habent externum gladium, non innocant etiam mundanum magistratum ad sui defensionem & protectionem: sed vtuntur gladio spiritus, quod est viuum verbum Dei; eo se timentur, omniâque consilia demoliuntur, quæ se extollunt aduersus cognitionem Christi & Dei, quo etiam inobedientes excludunt & ad ipsorum emendationem inuitant.

Hoc nunc est discrimen spiritualis & mundani regni, spiritualis & mundani magistratus, eorundem Officiariorum & ministrorum, quorum confusio & permixtio attulit hoc vltimo tempore, sicut etiam olim, omnem miseriam & dolorem. Nam eo ipso gubernans Rex Christus Dominus noster remotus est & ex suo spirituali regno eiectus, contumeliis que affectus fuit: imò est ei sua propria debitâque gloria & potestas ablata & subuersa, &c.

E O D E M die audientia à prandio petita, ex multis & grauib. causis legati Ordinum sequentem petitionem faciunt.

X

*Reuerendissimi, Illustrissimi, Generose, Nobilis,
Sacr. Cæs. Maieſt. Commiſſarij.*

ILLVSTRISSIMVS Dux Arſchotanus, & nos reliqui Ordinum legati, legimus & confiderauimus articulos, qui hodie manè nobis exhibiti ſunt: & quia inuenimus eos propius ad mentem & intentionem Ordinum accedere, volumus imprimis Cels. & Dig. V. quammaximas gratias agere pro fauore, opera & labore, quæ Ordinibus & nobis amicè, gratioſiſſimè, gratioſè & beneuolè in pace concilianda oſtendunt & præſtant. Sed cum Cels. & Dign. V. non ignorent, etiam ſi nos articulis iis contenti eſſe vellemus, virtute tamen Mandati noſtri amplecti nos eos non poſſe, ſed eſſe multos alios, quibus non minus illi, quàm nobis perſuaſi & probati eſſe debent.

Ad eam rem nihil magis expedire arbitramur, quàm vt quamprimum non ſolùm apud Ordines generales, ſed etiam apud Status ſingularum prouinciarum ſuper iis deliberetur. In eum finem ſecundum prouincias, quarum nomine huc comparuimus, aliquos ex noſtris deputare propoſuimus, qui fideliter hoc, quod ſuprà diximus, exequantur: ſed cum ſingulæ prouinciæ, & præſertim illæ, quarum Mandato hîc agimus, in ſingulos dies irruptionem Hiſpanorum expectèt, fieri id commodè ad voluntatem & deſiderium noſtrum non poteſt, niſi tamdiu requies illis & ceſſatio ab armis concedatur. Quæ res etiam ſi rectè conſideretur, & ſincerè inter Seren. Regem Catholicum, Principem & Dominũ noſtrum naturalem, & Ordines recôciliatio & pax quærat, de ea Cels. & Dign. V. tum etiam Illuſtriſ. Dux de Terranoua non poſſunt aliter iudicare.

QVAPROPTERVt Cels. & Dign. V. principium nunc pacis ineundæ iacere inceperunt, rogamus porro, vt eodem affectu & amore perficere eam ſtudeant: & dum in hoc cum Ordinibus generalibus & particularibus incumbere ex toto animo propoſuimus, quod pium, iuſtum & æquum eſſe putamus, hoc agere velint vt ſaltem ad duos meſes ceſſatio ab armis indicatur, Ad quod etiam perſonam Cæs. Maieſt. quæ au-

Arix

atrix & conciliatrix huius pacis est, tū etiam personas vestras, quæ Ecclesiasticæ sunt, & maximè personas, inter quas hoc bellum geritur, attendi cupimus; quibus omnibus nihil minus conuenit, quàm pati arma dominari, vbi seriò de pace agitur.

HÆC sinceris animis Illustrissimus Dux, & reliqui Ordinum Legati, Cels. & Dign. V. proposita volumus, nec dubitamus, quin Ordinibus ista grata futura sint: imò nisi ita fiat, adhuc dicere necessitas nos cogit, metvere nos in isto armorum horrore, & animorum perturbatione, nihil pacificum & frugiferum vsquam actum & conclusum iri. Dictum & exhibitum Coloniae 18. Iulij, anno 79.

Ad hanc petitionem, quæ prius ore dicta fuit, deinde in scriptis exhibita, Domini Commissarij ipsimet deputatis illis respondent, se & approbare eam, & omni modo adnifuros, vt Dux de Terranoua illi assensum suum præbeat.

LEGATI Ordinum hoc responso accepto, prædictos articulos vnà cum scripto illo ad Ordines per Nobilem quēdam, singulariter ad hoc electum, vt illo instante & urgente, resolutionem eorum super articulis istis obtinerent, transmittunt.

XXIX. Iulij, Domini Commissarij ad legatos Ordinum binas Imperatoris literas mittunt, vnas ad Ordines, alteras ad ipsos scriptas. His ab iisdē lectis, cū altere istę ad Ordines transmittendæ essent occasione inde arrepta, vt per eundem nuncium certi aliquid illis de indutiis concessis vel denegatis significare possent, petunt à prandio audientiam, qua concessa, illi qui deputati erant, Dominis Commissariis in memoriam reuocant, quid xvij. ratione indutiarum petiissent; quæ spes etiam tum ipsis ad obtinendas eas data fuisset, quam incontinēti Ordinibus indicauerint: nihilominus tamen quicquid instent, nullum hactenus aliud responsum se accepisse, quàm quòd Terranouensis de ea re ad Parmensem scripserit: se ostendisse iam antea, quantum momenti in indutiis positum esse putent, nec dubitare se, quin Ordines auidissimè responsum super iis expectaturi sint: rogare ergo ne diutius à Duce de Terranoua responsum illud extrahatur.

Ad quod Domini Commissarij legatis Ordinum respondent, ipsos petitionem eorum Terranouensi aperuisse, com-

X 2 muni-

municasse quoque ei scriptum illud, quo illa contineatur; insuper grauitè instituisse apud eum, vt locum ei daret: sed declarasse illum, hoc negotium non ad se, sed ad principem Parmensem pertinere, in cuius manu armorum potestas consistat; se tantum ad pacis tractationem Mandatum accepisse, nihilominus velle se super ea re ad Parmensem scribere. Quid autem responsi ab illo Dux de Terranoua tulerit, aiebant nondum sibi indicatum esse: Addebant porro se quoque literas ab Imperatore recepisse, in quibus procuratio indutiarum seriò ipsis commendetur; optare enim Maiestatem eius vehementer, vt de iis conueniatur: cuius rei gratia iam se concilium cõuocasse, ac propterea opportunè earum commemorationem à legatis factam esse, velle se incontinenti aliquos ex suis ad Ducem de Terranoua mittere, qui illum & de voluntate Sac. Cæs. Maieft. & ipsorum legatorum postulatione instruant, & quantum ad personas suas attineret, nihil se omisuros quod ad conciliandas & impetrandas indutias facere posset: Responsi, quod ab eo datum fuerit, se quamprimùm legatos certiores facturos esse.

L I T E R Æ I M P E R A T O R I S
A D L E G A T O S O R D I N V M

*Rudolphus secundus diuina fauente clementia electus
Romanorum Imperator semper Augustus.*

ILLVST. Venerabiles, Magnifici, Generosi, Nobiles, Honorabiles, Deuoti, & fideles dilecti. Etsi non ita pridem vos per literas hortati sumus, vt nihil, quod ad salutarem pacem stabilendam pertineret, in vobis desiderari pateremini: tamen cum hætenus nequaquam cum cœptæ tractationis effectum secutum esse intelligamus, quem nobis pollicebamur, vestraque ac Reipub. salus maximè flagitet, quinimò Status Belgicos, à quibus missi estis, eandem tractationem ad certum ac tale tempus astrinxisse, quod nedum tam salutari operi rectè perar-

peragendo sufficiat, sed & ante plures iam dies expirarit, Nos pro paterna ea, quam hoc loci gerimus, cura pioque studio, haud omittendum duximus, quin vos denuo hortaremur, ut tam quo ad temporis illius prorogationem (de qua etiam ante plures dies cum ipsis Statibus per literas egimus) vestra auctoritate promouendam, quam aliàs tales vos exhibere velitis, ut nihil, quod ad pacis negotium feliciter conficiendum, sicque patriam vestram pristinae suae quieti & nitore restitucendam, opportunum esse queat, in vobis requiri; sicque ea, quae pro vestro potissimum patriaeque vestrae commodo & salute instituta est, transactio, haud frustra suscepta esse videri possit. Id verò ita fiet, si honestis ac æquis condicionibus, quae à Commissariis nostris vel iam propositae sunt, vel proponuntur, vestra ex parte haud desitis. Quod cum à vobis omnino expectamus, tum verò non diffidimus Illust. Ducem Terranovæ, cui in eandem ferè sententiam scribimus, nihil, quod huc pertineat, in se desiderari passurum esse. De cætero benevolentiā ac gratiam nostram Cæsaream vobis benignè deferimus. Datum in arce nostra Regia Pragæ, die xiiij. Iulij, anno Domini millesimo, quingentesimo, septuagesimo nono. Regnorum nostrorum, Romani quarto, Hungarici septimo, & Bohemici etiam quarto. Signatum *Rudolphus*. subscriptum in dextero latere: *Ad Mandatum Sac. Cæs. Maiest. proprium*. In sinistro *V. Svieheuser. D.* Inferius *Phernberger.*

II. AUGUSTI venerunt ad legatos Ordinum, quidam Dominorum Commissariorum Confiliarij, qui illis indicabant, Cels. & Dig. eorum omnem operam adhibuisse, quò Ducem de Terranova ad concedendas indutias inducerent, sed quòd ad eas attendere noluisse, permotus sequentibus rationibus. Prima, quòd Mandatum eorum in principali negotio haberet pro insufficiente. Secunda, quòd putaret articulos ab ipsis Commissariis exhibitos tam esse æquitati & rationi consentaneos, ut spem haberet citius super iis pacem, quam indutias fieri posse. Tertia, quòd non minorem difficultatem, nec brevius spatium, in convocandis & consulendis provinciis super cōdicionibus quibus indutiæ indici debeant, quam super pace ipsa constituerit. Aiebant ergo: Domini Commissarij, licet indutias vnà cum legatis necessarias esse duxerint, tamen pro-

ter denegationem alterius partis non potuisse Celsitudine
& Dignitates eorum consilium & voluntatem suam ad effe-
ctum perducere.

Ad quod legati Ordinum actis more solito gratiis, primo
quod de Mandato obiectum erat, in eum modum, quo ante
aliquoties fecerant, dissolunt; alterum de articulis pendere
id nunc ex arbitrio Ordinum dicebant, quibus probandi ve-
improbandi transmissi erant; sed quod & ibi & tertio Terra-
nouensis putaret, citius super pace, quam super indutiis agi &
conueniri posse, id ex eo confutari, quod quo ad indutias
absolutum Mandatum haberent, sed non ita in pace con-
stituenda: in reliquis referebant se ad ea quæ scripto suo
continentur.

VIII. Augusti, reuerso illo Nobili, quem supra dixi, ad
Ordines à legatis eorum missum fuisse, perlectisque literis
quas ille ipsis attulerat, quarum exempla quoque hic subiiciun-
tur, cum in iis mandaretur illis, ut insisterent petitioni, pro ob-
tinendis indutiis factæ, concipiunt sequens scriptum, & po-
stridie audiëntia petita, tenorem eius prius ore exponunt, dein-
de scriptum ipsum Dominis Commissariis exhibent.

L I T E R Æ A R C H I D V C I S.

Ex lingua
Gallica in
Latinam
translata.

*Cognato meo Duci Arschotano, Principi Chimaici, Co-
miti Bellomontij, Marchioni Rentiaci, &c.*

*Equiti Ordinis aurei velleris, ac aliis
dominis Legatis Belgij, Co-
loniam missis.*

COGNATE ac domini: Dominus à Melroy attulit nobis
vestras literas, cum exemplis iis adiunctis: nobisque vber-
rimè retulit, quàm sedulò hactenus institeritis, ut hanc pacis
coceptam tractationem ad bonum & felicem exitum perdu-
ceretis, ex voto omnium, qui quieti publicæ dediti sunt: quo
de

de nos atque Ordines vobis multum obligati manemus: nihil ambigentes, quin eadem sedulitate, et promptitudine animi in eodem perseverabitis, usque ad finem eiusdem tractationis: unde conservatio harum ditionum penderet, uti pro vestra prudentia facile poteritis animadvertere, & vivis rationibus exponere, ubi expedire videbitur. Postremi articuli, allati per dominum de Melroy, missi sunt ad omnes provincias, ad resciscendum eorum sententiam: siquidem hæc res quamproximè cōcernit vnum quemlibet in genere, & in specie, uti latius intelligetis ex literis dominorum ab Ordinibus deputatorum, ad quas nos referimus. Interim metuiamus, nisi Domini Commissarii Imperatoris Maiestatis amplius largiantur, tum super facto Religionis, tum politia; vix est verisimile, ut provinciae possint induci, ad eos articulos acceptandum: uti prolixius poteritis intelligere ex verbali relatione dicti domini de Melroy, qui magna ex parte animos & inclinationes hominum in hac ciuitate perspexit. Itaque Principum Electorum est bene ponderare & expendere, quantum mali dissolutio huius tractationis, tum uniuerso orbi Christiano, tum familiae nostrae Austriacae, totiq; adeò Germaniae allatura sit. Interea mi cognate ac domini, Deum precamur, ut vos protegat ac tueatur. Antwerpiae Cal. Augusti, M. D. LXXIX.

Vester cognatus & amicus

Mathias.

I. van Asseliers.

LITERÆ ORDINVM.

Ex lingua
Gallica in
Latinam
versa.

*Domino Duci Arschotano, Principi Chimaici, Porciani,
Comiti Bellomontij, &c. Equiti Ordinis velleris
aurei, Reuerendis in Christo patribus Abbatibus,
S. Gertrudis & Maroliensi, ac aliis Dominis Le-
gatis Ordinum generalium Coloniae.*

DOMINI. Præter epistolam, xiiij. die Iulij scriptam, Dominus à Melroy, iuxta mandatum quod à vobis habebat, tradidit nobis etiam vestras literas, xx. superioris mensis scriptas, quibus iuncti erant articuli propositi per dominos Principes Cæsareos Commissarios, ad incundam pacem & reconciliationem cum Rege Hispaniarum, Principe nostro & Domino naturali, ac responsum per vos factum. Ex quo cum videamus & percipiamus vestram industriam, atq. bona officia, non possumus non vobis ex animo gratias agere, ac certò promittere, nos perpetuò in memoria habituros hanc vestram diligentiam, ubi occasio sese offeret. Itaque à vobis petimus contendimusque, ut in ista diligentia velitis porrò pergere, iuxta mandatum quod à nobis habetis, ac potissimum inhærere petitioni de indutiis, ea lege, ut illis durantibus vtraque pars contineat se in ciuitatibus & munitionibus quas occupauit ac detinet, vna & altera respectiuè, & vtrique parti liceat liberè meare & comœare, cuique ad sua, sine vltiore communicatione. Cæterum in præsentiarum non est nobis integrum adhuc respondere ad dictos articulos, per dominos Cæsareos Commissarios propositos; siquidem ex eorum tenore non videmur posse consequi bonam & securam pacem; quos tamen iam misimus Statibus particularibus vniuscuiusque prouinciæ, ut super iis deliberent, nosque certiores faciant suarum conclusionum; quas ubi acceperimus, ne dubitate quin è vestigio daturi simus operam, ut vobis mitantur: quò secundum nostram bonam ac sinceram intentionem hæc ditiones ex his miseriis & calamitatibus belli

belli semel eximantur, easque rursus cernamus in suo antiquo statu ac splendore. Deum rogamus ut vos, Domini, ex voto sospitare dignetur, & sua gratia cumulare: Vestris D.D. nos ex animo commendantes. Antwerpiae 11. Augusti, M. D. LXXIX.

V. Patern. & D.D. ex animo addictissimi Ordines generales Belgij.

Mandato dictorum Ordinum,

I. Houfflin.

SCRIPTVM.

*Reuerendissimi, Illustrissimi, Generose, Nobilis
S. Cæs. Maieſt. Commissarij.*

ILLVSTRISSIMVS Dux Arschotanus, & nos reliqui Ordinum Legati, nudiustertius literas ab Ordinibus accepimus, quibus primum nobis significant, se articulos, quos Celsi. & Dign. V. nobis exhibuerunt, ad singulas prouincias transmississe, ut super iis iudicium & voluntatem earum cognoscant.

SECUNDO, posteaquam petitionem nostram quam eodem die, quo articuli exhibiti sunt, de induciis fecimus, æquam & necessariam prorsus inueniant, requirunt à nobis, ut urgere eas non desistamus; nondum enim literæ nostræ, quibus indicamus illas denegatas esse, ad eos tum peruenerant.

NIHILOMINVS Illustrissimus Dux, & nos excitati istis literis, semel adhuc toties propositam de induciis petitionem renouare volumus, idque ex hac ratione maxime, quod Ordines nobis significant, permouendis & conciliandis subditorum animis, qua re principium ad pacificationem ponitur, nihil adeo feruiturum, quam si illæ in præſenti ad tempus aliquod indicentur: ita etiam non ignorant Celsi. &
Y Dign.

Dign. V. inducias per se in mansuetudinis officiis includi easque sapè non paruas tantum iras, sed & magnas atque difficiles restinxisse, & benevolentiam facile conciliare.

QVINTIMO considerata persona Seren. Regis erga subditos suos, quorum obedientiam & amorem Maiores eiu & Maiest. illius ipsamet inaugurationis tempore & postquam maximum cognouit, & experta est, qui nunc multis annis communiter ab exercitu Hispano vexati, direpti & oppressi sunt: his aliquot hebdomadarum inducias in eum finem petitas, ut securè & quietè super pacis condicionibus conuenire & deliberare possint, denegare, non putant possibile esse, modò ex parte Regis sincerè reconciliatio & pax, & non potius media ad prorsus perdendos & subiugandos ipsos quarantur.

QVIBUS multis? nec nos tacere possumus, iam ab initio nobis duram visam fuisse induciarum recusationem, & durior adhuc ea visa est, quæ postremò facta est: nec dubitamus quin etiam Sac. Cæs. Maiestati displicebit, multoquæ adhuc magis Cels. V. propter personas quas sustinent, displicere: cui hoc solum nunc addere volumus ex Mandato Ordinum, nisi illæ concedantur, quæ alioquin pacem præcedere, & ad eam viam præparare solent, metuere ipsos omnem cogitationem subditos de pace abiecturos; quod & antè indicauimus: cùm contra induciis concessis, spem nouæ benevolentia concipient, animisque à bellicis curis & timoribus nonnihil liberatis, simul inter se ea solum, quæ ad pacem facere poterunt, sine dubio deliberaturi & sciscituri sint.

ANNOTAT.

† *Ad verb. Duram visam fuisse*] Claudius Cotoræus *De iur. militum* lib. 3. cap. 21. *Nemo inducias non sanctas piâsque confitebitur, tum quod a bello (per quod omnia profanantur, bona rectaque pereunt, iustitia procul exulata) sit cunctimoda cessatio; tum quod paci iusti & boni cõseruari illa multò sunt viciniore. Eam ob rem placere non potest Frothonis Danorum Regis aduersus Sclauos bellum parantis responsum quamuis scitum sit notatūque non indignum. Illud autem datum est Strumio Sclauorum Regi per legatos inducias petenti, quas ei denegauit Frotho affirmans hostem induciis nunquam instrui debere. Sed nos tametsi ex induciis aliqua peruersa iniquaque frequentet.*

*Saxo. hist.
Dano lib. 5.*

quenter cueniant, non ea de causa reiicienda esse concedimus. Et sanè non in-
 iuria forsàn aliquis putaret eas in virtutum officiis sitas esse, cum maximè
 medium quoddam inter bellum & pacem existere videatur. Hinc ego lubens
 essentior patiorque vel in fortitudinis officiis (quibus vir fortis non omnia pe-
 ricula subire debet, sed ea tantum quibus ob maius bonum fortissimè illi agen-
 dum est,) contineri. Fatebimur etiam in mansuetudinis officio includi posse
 inducias, cum inter iracundiam iracundiæ que cessationem quadam medio-
 ritas esse videatur. Ad hæc non paruas iras tantum, sed & magnas atque
 difficiles restinguunt, & benevolentiam qua nos humani dicimur, facile
 conciliant, &c.

Aristot. lib.
 1. Magna
 Morat.

CONDICIONES induciarum iam antè quoque expo-
 uimus, ex in iisdem literis repetuntur; nimirum, quandiu
 illæ durant, vna & altera pars se contineat in locis, ciuita-
 tibus & munitionibus, quas occupauit & detinet, & vt
 utrique ad ea liberè meare & remeare, in iis agere & conuer-
 sari liceat, communicatione vnus partis cum altera penitus
 interdicta, &c.

GRATIOSISSIMI Domini. Hæc est Ordinum seria
 adhuc de induciis petitio, ex rationibus quas suprà diximus.
 eas rationes vt pro vestra prudentia perpendatis, & vnà cum
 Duce de Terranoua communicetis, eiusque Excell. ad lo-
 cum petitioni illi dandum indicatis, Illustrissimus Dux Ar-
 chotanus & nos Ordinum Legati obnixissimè petimus.

VLTIMÒ, Celsæ & Dignæ. V. latère non volumus, etsi gene-
 ales Ordines non expresse terminum nobis prorogauerint:
 tamen sicut antea, ita & nunc iusserunt nobis hic subsiste-
 re, donec responsum super articulis Pacificationis ab ipsis ac-
 cipiamus.

XXI. Augusti, cum Legati Ordinum nullum respon-
 sum ad scriptum illud acciperent; deinde intelligerent Do-
 minos Commissarios, se non consultis aut rogatis, non so-
 lum ad Ordines generales, sed etiam ad singulas prouin-
 cias, & præcipuas earundem ciuitates scripsisse: præter hoc,
 Ducem de Terranoua quoque, qui pars erat, suas literas
 ipsorum literis coniunxisse, mittunt aliquos ad eosdem

Y 2

Com-

Commissarios, qui cōmuni nomine responsum Terranouensis vrgerent; deinde communicationem literarum quas misissent postulare. quo facto, Celsiss. eorum deputatis istis declarant, sibi non minùs moram Ducis de Terranoua, quàm legatis ipsis displicere, se aliquoties iam pro responso ad illum misisse, & à prandio iterum mittere velle. Quod ad literas attineret, effecturos se, vt exempla earum habeant: illa legati tertio die post acceperunt, & est earum literarum tenor, prouèquitur.

LITERÆ DOMINORVM COMMISSARIORVM, AD ORDINES GENERALES.

*Sacrae Cæs. Maiestatis ad negotium Pacificationis
Belgicae deputati Commissarij.*

*Illustres, Reuerendi, Generosi, Nobiles,
Prudentes & Circumspecti.*

QVEMADMODVM vbique gentium percrebuit, quibus quantisque calamitatibus, & afflictionibus patria vestra aliquot annis iactata, concussa & vastata fuerit: ita nemini obscurum esse potest, quàm verè paterno affectu & studio Sacra Cæs. Maiest. huius adèd calamitosi & diuturni in vestris visceribus ardentis belli faces extinguere hæcenus tentauerit. Cumque sua Maiest. inter cætera remedia, quibus patriam vestram ab hoc flagranti incendio liberatam, pristino splendori, legibus atque institutis patriis restituere conata est, nobis grauissimum onus & curam eius rei perficiendæ imposuerit; omninò duximus nostri esse officij, quantum in nobis esset, tantis malis maturè occurrere. Ac proinde ante quatuor integros menses, sepositis nostris nostrorumque subditorum negotiis, nos huc contulimus, eoque affectu, quo & Regi Catholico, & vobis, & toti Imperio ac Reipub. Christianæ ex animo bene volumus, nec laboribus nec molestiis, nec sumptibus pepercimus, nihilque prætermisimus quod ad pacem

cem conciliandam necessarium vel utile esse arbitrati sumus. Quamquam autem legatos vestros non tantum in initio huius actionis aliquandiu expectauimus; sed & deinde illos cum minus sufficienti, & ad sex hebdomadas restricto Mandato comparentes sapissimè adhortati sumus, vt plenius Mandatum & temporis prorogationem procurarent, eoque nomine etiam ad vos scripsimus, & certò nobis persuasimus, in vobis moram nullam futuram: tamen præter spem & expectationem nostram, nec ad literas nostras à vobis responsum accepimus, nec Legatis vestris sufficientius Mandatum transmissum, nec temporis prorogatio facta, nec interim ab innouationibus & mutationibus pacis conciliationem difficiliorem reddentibus, in Belgio cessatum est. Quæ res causam non iniustam nobis tribuere potuisset, spem omnem pacis constituendæ protinus deponendi, & ad euitandos inutiles sumptus & molestias, hinc discedendi, nisi & Cæs. Maiest. mandatum, & pietas Christiana erga subditos Belgij, qui diuturnis intestinis bellis miserè atteruntur, nos hic detinuisset, & ad transactionem hanc continuandam commouisset: in qua eò tandem progressum est, vt in politicis negotiis huiusmodi media proposuerimus, & à Regis Mandatario Duce de Terranova obtinuerimus, quæ nemo non iustissima, & ad tollendas omnes hæcenus allegatas sumptorum armorum causas, commendissima censere potest; nisi quis adeò diuini & humani iuris & promissionis, per Ordines & subditos tam sanctæ totiesque iteratæ, immemor esse velit, vt obediētiam & auctoritatem, ad retinendam Reipub. tranquillitatem, modis omnibus necessariam, Regi prorsus denegandam & auferendam esse arbitretur. In negotio quoque Religionis, ipsemet Regius Mandatarius, nomine Regis vltro nō minùs, sed potius plus quam in Pacificatione Gandauēsi, Vnionē secuta, & Edicto Bruxelensi conuentum, frequentioribusque, tam ad Sacr. Cæs. Maiest. quam ad Regem Catholicum, & alios Principes literis promissum, totiesque iuratum fuit, subditis concessit. Quod cum ita sit, & per horum mediorum acceptationem omnes politicæ controuersiæ propter quas grauissimum hoc bellum

*Quid in dictis
multis in lo-
cu à legatis Or-
dinis, & alia
inueniuntur.*

*Non ex parte
Ordinis solum,
sed ex parte al-
tera ratione magis.*

*Iudicium & Deo
& illis committimus,
qui hæc
acta lecturi sunt.*

*Ex qua parte in-
fractio illarum
promissum facta est
superius declaratur
exiit, &
plenior hic est
Pacificatio Gan-
dauiensis quam
præfatus concessio.
Solutur in re-
sponso Ordinum.*

inchoatum esse allegatum fuit, planè cessaturæ sint: insuper etiam in negotio religionis Regi vi & armis plus extorquere velle, quàm prioribus iuratis pacificationibus promissionibusque consentaneum est, ac Regius Mandatarius ultro periclitari, nec æquum nec necessarium sit, & ipsa patriæ vestræ calamitas omninò postulet, vt difficillimo eius tempori, & congruentibus maioribus periculis, quàm ocysimè, & sine vltima mora succurratur: Miramur non immeritò, quàm ob rem huiusmodi media, ante tres hebdomadas vestris legatis porrecta, & per eisdem tunc temporis vobis procul dubio transmissa, hætenus nihil responsi acceperimus: cumque nostra subditorum nostrorum negotia, solius huius tractationis causa, per tot menses seposita & suspensa, planè non admittatur vt hîc diutius frustrà nos detineri patiamur; facere non potuimus, quin denuò media proposita vobis transmitteremus & nomine Sac. Cæs. Maiest. vestrum responsum exigere mus. Diligenter igitur & sedulò vos adhortamur, vt quàm primùm ad media, his literis nostris adiuncta, tale responsum nobis transmittatis, vt & Cæs. Maiest. & omnes Imperij Status, & nos ex eo certò deprehendere & intelligere possimus vos malle, sopitis odiis, armisque sublatis, in pace tutò viuere quàm funesti & calamitosi belli incommoditatibus & periculis diutius agitari. Ad quam pacem maturè & solide conficiendam & corroborandam, necessarium erit vt legatis vestris, vnà cum dicto responso, sufficiens quoque Mandatum mittatis. Quod si feceritis, vti facturos confidimus, vobis ipsis & patriæ vestræ officium optimum, & planè necessarium præstabit Deus Opt. Max. vos diu seruet incolumes, & ad pacem oblatam obuiis vlnis amplectendam flectat & inclinet. Datum Colonix v. Augusti, Anno M. D. LXXIX.

LITE

LITERÆ COMMISSARIORVM AD
PROVINCIAS PARTICVLARES.

*Sacra Cæs. Maieſt. ad negotium Pacificationis
Belgicæ deputati Commiſſarij.*

REVERENDI, Generoſi, Nobiles, Spectabiles & Prudentes, Quid hætenus ex Sac. Cæs. Maieſt. mandato, ad patriam veſtram, ex diuturni & calamitoſi belli incendio eripiendam & liberandam, cum Regis Catholici, Principis veſtri naturalis, Mādatario, Duce de Terranova, & Legatis Ordinum Belgij egerimus, & quæ pacis Media propoſita ſint, per eorundem Ordinum Legatos, vel deputatos Antuerpiæ congregatos, vobis ſignificatum eſſe non dubitamus. Et licet ſuperfluum fortè videri poſſet, eo nomine ad vos, aliarumque prouinciarum Belgicarum particulares Status literas dare: cum tamen à Sac. Cæs. Maieſt. nobis mandatum, noſtriſque officij ſit, vt quacunq; ratione hoc pacificationis negotium promoueamus, & ab Ordinum deputatis Antuerpiæ congregatis, nec ad priores noſtras literas, nec ad media pacis, ante aliquot hebdomadas propoſita, reſponſum hætenus acceperimus, & noſtræ ac ſubditorum noſtrorum cauſæ hætenus ſepoſitæ, & ſuſpenſæ, ac tantum non neglectæ, non admittant, vt nos hic diutius fruſtrâ detineri patiamur; facere non potuimus, quin & vobis, & aliarum prouinciarum Belgicarum particularibus Statibus, poſteriorum literarum noſtrarum ad Ordines ſcriptarum & mediorum propoſitorum copias tranſmitteremus: certò enim nobis perſuademus, veſtram promotionem apud Ordinum deputatos, Antuerpiæ exiſtentes, tantum pondus & momentum habituram, vt eo maturius & celerius ab iſdem reſponſum accuturi ſimus. Diligenter igitur & ſedulò vos adhortamur, vt ea cura & diligentia, quam res tanti momenti, & totius patriæ veſtræ ſalus exigit, negotium hoc perpendatis, ſimulque:

*Hoc dependet
ex Dei consi-
lio & volun-
tate, qui mul-
to aliter hoc
tempore agit
quàm homi-
nes existi-
mant.*

simulque cogitetis, bellum hoc siue trahatur, siue impetu breuiore finiatur, in eam tandem necessitatem prouincias facile adducere posse, vt ad difficiliorem multo, quàm nunc offertur, pacem compellantur, atque tanto magis apud Deputatos Ordinum Antverpiæ congregatos, ea qua oportet, dexteritate negotium hoc vestrum promoueatis & sollicite- tis, vt quamprimùm ad media his adiuncta, paci & tranquillitati ac quieti patriæ vestræ conueniens responsum, & Legatis suis & vestris hîc existentibus, sufficiens Mandatum transmittatur, vt ita Dei Omnipotentis ope pax vobis & patriæ vestræ restitui, & funesti ac calamitosi belli fax extingui possit: neque ab eo proposito alicuius diffidentiae opinione, si quæ forte ab aliquibus, felicitati vestræ minùs fauentibus, vobis suggeratur, vos abduci patiamini: cùm Regis Catholici animum ad pacem non solum faciendam, sed & seruandam & continuandam, ita omninò affectum sciamus, vt non dubitemus, Imperatoria maximè intercedente auctoritate, quin ea sic muniri possit, ne quicquam periculi in posterum vnquam vobis vniuersis & singulis sit metuendum vel expectandum. Deus Opt. Max. vos seruet incolumes, vobisque pacem iamdiu exoptatam concedat. Datum Colonia die v. August. M. D. LXXIX.

NOTA. In literis ad Hollandos & Zelandos scriptis, inserta est hæc clausula post verb. transmittatur:

QVOD eo promptiùs & libentiùs vos facturos confidimus, cùm per hos pacis articulos Gandauensis Pacificatio vobis rata & firma maneat, & sic idem, quod hætenus petiistis, vltro vobis offeratur.

Et in literis ad Flandros, Geldrenses & Zutphanienses scriptis, ista clausula post idem verbum, transmittatur, inserta est:

QVOD eo promptiùs & libentiùs vos facturos confidimus, quòd in vestris visceribus ardentis belli faces, prouinciæ vestræ vastitatem & interitum comminantes, ante oculos vestros versari & quotidie augeri intelligimus.

XXV.

XXV Augusti, Domini Commissarij quosdam ex suis Consiliariis ad Legatos Ordinum mittunt, qui tradant illis responsum, quod præcedenti die à Duce de Terranova acceperant: traditione facta, addunt illi Celss. & Dign. eorum nihil amplius ab Excell. ipsius impetrare potuisse; arbitrari se porro superuacaneum fore, si Legati Ordinum petitioni illi pro induciis diutius inhæreant: sed citius & facilius super pace tractari posse.

RESPONSVM DVCIS

DE TERRANOVA.

*Reuerendissimi, Illustrissimi D. Electores Principesque
Generosi, Nobilesque Domini Cæs. Maiest.
Delegati longè dignissimi.*

AD EA quæ circa inducias armorumque suspensionem ab amplissimo vestro confesso iam aliquoties, ad requisitionem Ordinum Belgij Legatorum, proposita fuere, Dux de Terranova Regius mādātarius nihil tam ex animo desiderans, quàm ea omnia quæ ad veram solidamque pacem in- eundam quoquo modo spectare dignoscuntur, re ipsa promo- uere, breuiter respondenda duxit ea quæ sequuntur.

PRINCIPIÒ, quòd sicut armorum suspensio primus gradus esse prætenditur, ad pacis serenitatem consequen- dam: ita declarat, quòd etiam ab ipsomet exordio præsentis negotiationis in eam semper fuerit propensissimus: vt nec dubium, quòd sponte illam concessurus fuerat, si modò re- rum publicarum status ac dispositio tunc temporis præ se tu- lissent: quòd de pace tandem subsequutura, si non planè cer- tam, saltem verisimilem spem tunc iuste concipere pòtuisset: nec dubitare quisquam debet, quin in præsentiarum adhuc eadem illis mens sit ac voluntas, casu quo spes aliqua vbe- rior, quàm hactenus etiam nunc affulgere inciperet.

CETERVM cùm status Belgij neque in hunc vsq. diem, suis huc destinatis, de sufficenti Mandato, etiam ad frequen-

Z tiora

tiora Dominorum Commissariorum monita, prospexerint, ita ut propter hanc & alias causas, nec hoc quidem tempore vlla spes adhucdum sese ostendat, imò ne quidem post transmissos articulos pacis, iamdiu per Belgium satis superque late diuulgatos, non potest non sibi persuasum habere, eius rei præcipuum impedimentum prouenire à militibus præfidiariis, libertatem suffragiorum ciuium & incolarum haud dubiè prohibentibus.

Q V O C I R C A ad pacis negotium oportunè iam præparandum nihil tam necessarium videtur, quàm ciuitates, obtrusis vel sinistris persuasionibus inuectis, præfidiis citra moram exonerare, ipsosque ciues & incolas suæ libertati permittere: ut nimirum seposito omni metu horroreque belli, possint de salute propria, atque adeò etiam tranquillitate publica verum animi sui sensum apertè dicere & explicare.

P O R R ò ut ne qua excusatio retorqueatur, quasi videlicet dictæ ciuitates milite præfidiario egeant, ad tutelam sui contra exercitum Regium, paratus erit Regius Mandatarius eo casu in postulatam armorum suspensionem, sub condicionibus ac securitatibus communi partium consensu statuendis, consentire; dummodo tamen intereà temporis abstineant à noua collectione militum, simul & coactione subditorum ad nouas vniones, huic præsentì reconciliationi ac tranquillitati publicæ contrarias, prout etiam ex parte Regis idem cauebitur & præstabitur: quæ quidem res tam æqua ac iusta videtur, ut citra tergiversationem recusari nequeat. Datum Colonia xxiiij. Augusti, Anno 1579.

X X I X Augusti, Legati Ordinum, receptis ab iisdem Ordinibus literis, quibus molestiam suam declarabant, quam ex denegatis induciis acceperant, cum non dubitarent eam molestiam auctum iri, ubi Ordines secundò eas recusatas esse intellexerint, ne quid omitterent quod causæ suæ aliquo modo seruire posset, visum iis fuit exemplum earundem literarum Dominis Commissariis exhibere, ut & vnà cum illo ea quæ sequenti scripto continentur, ore exponere, prout ab iis factum fuit.

L I T E.

L I T E R Æ O R D I N V M.

D O M I N I. Accepimus literas vestras, tam eas quas ter-
tio, quàm eas quas x i. huius mensis scripsistis : ex qui-
bus cùm intellexerimus inducias, per vos nostro nomine pe-
ritas, recusatas esse, nō possumus non id ægerrimè ferre : quan-
doquidem eæ medium dedissent, facilius ad pacem perue-
niendi, & per earum recusationem, quam dudū acerbiteriam
incolæ Belgij ob belli continuationem animo conceperunt,
ea nullo modo poterit sopiri : quoniam hæc denegatio vide-
tur satis apertè declarare, quòd in hoc pacis negotio non pro-
cedatur bona fide vel seriò ; & quòd Rex Hispaniarum non
admodum proclivis sit ad commodum, quietem, & tranquil-
litatem harum ditionum : tamen in exonerationem nostri co-
ram vniuerso mundo, ad singulas prouincias misimus puncta
& articulos, præfatam pacem concernentes, super quibus ex-
pectamus hîc resolutionem earundem prouinciarum. Datæ
Antwerpiæ x x i i i. Augusti, anno M. D. L X X I X.

*Ex lingua
Gallica in
Latinam
translata.*

S C R I P T V M.

*Reuerendissimi, Illustrissimi, Generose, Nobilis
S. Cæs. Maieſt. Commissarij.*

I L L U S T R I S S I M V S Dux Arschotanus, & nos reliqui
Ordinum Legati, cùm facilè coniciamus Cels^{bus} & Dig^{it}.
V^{is} non nihil eam moram, quæ nunc ab Ordinibus, post exhi-
bitas vltimas pacis condiciones, interponitur, grauem & mo-
lestam esse ; omittere nullo modo potuimus, quin iisdē Cels^{ss}.
& Dig. V. exemplum earum literarū, quas hesternò die acce-
pimus, communicemus ; vt ex iis causam istius moræ cogno-
ſcant & perspiciant.

R E S O L V T I O quidem à Statibus singularum prouincia-
rum de die in diem super iis expectatur : sed postquam prima
nostra petitio de induciis à Duce de Terranova denegata no-
bis fuerit, quid inde euenturum Ordines metuant, non ob-
ſcurè literæ eorum indicant.

Z 2

Q V I D

QUID ergo erit, ubi responsum Ducis de Terranova ad secundam nostram petitionem de iisdem induciis acceperint & perlegerint? cum in eo nihil ferè sit, si penitiùs considere-
tur, quod non plus ad irritandos, quàm ad leniendos & con-
ciliandos eos faciat.

NARRATUR quidem de propensione quam Excell. eius ad inducias ab initio habeat, sed tamen res ipsa ostendit, cum toties eas petierimus, grauiusque causas attulerimus, cur illæ concedi debuerint, nihil nos vnquam, imò ne tum quidem, cum exercitus Regius nulli rei, quàm vexandis & depopulandis agris intentus esset, impetrare potuimus.

SPEM pacis satis superque calamitates subditorum ostendunt; quid enim iis posset esse gratius, vel magis necessarium? eandem spem pacis maior pars populi, qui Catholici Romani sunt, declarant: multæ ciuitates, multi nobiles ad eam ineundam paratos se offerunt: idem suis literis Ordines, & nos eorum nomine sæpiùs significauimus. Solum medium istud petitum est, quo solet super pacis condicionibus agi, sed in hunc vsq. diem recusatur. Quid putamus subditos cogituros? hoc nimirum, quod ex literis, hæc exhibitis, Celsi. & Dign. V. percipient, deinde esse aliquos qui existiment Ser. Regi ex nostris discordiis & mutuis laniensis plus boni, quàm ex concordia & pace nobis data prouenturum.

UTCVNQVE sit, vberimã spem præbere se, & præbuisse hactenus ad pacem dicimus, sed deesse tempus & locum: item deesse quietem & tranquillitatem, quæ in tam magna rerum confusione, tam vehementi animorum alienatione & perturbatione, ad rem tantam opus est: ita qui rectè & Regi & subditis consultum volunt, non inducias vnus aut alterius mensis, vt nos petimus, sed potiùs totius anni suadere & indulgere debebant.

NE QVE id sub ea condicione, qua soli Ordines suas ciuitates præsidariis militibus exonerarent, quæ pauca numero sunt: pleræque enim prouinciæ & ciuitates nullum militem habent, sed qua Hispani & Malè-contenti ad paria facienda simul teneantur & obstringantur.

N V N C

Nunc verò cum requiratur ex nostra parte id solum fieri, præterea cum eo casu primum, hoc est liberatis ciuitatibus nostris præsidariis militibus, de condicionibus, sub quibus induciæ constituendæ erunt, agere incipiemus. quàm alienum hoc ab omni pacis studio subditis videbitur, nemo prudens est qui non intelligat. Quod ad nos attinet, seriò dicimus vehementer nos dolere eiusmodi mediis proponendis viam ad pacem impediri.

QVIN ETIAM summopere miramur, vbique Mandati mentionem fieri, quasi per insufficientiam illius impedimentum aliquod vel induciis vel paci obiiciatur; ex subditis tamen erunt, qui sub eius prætextu aliud aliquid quæri existimabunt: nos verò arbitramur frustra difficultatem de eo fieri, nam habet omnia sua substantialia, quæ habere debet, nec quicquam relatio, in eo facta ad Instructionem nostram, ad rem pertinet, quia iam antè non semel, sed aliquoties declarauimus, nos non aliam habere Instructionem, quàm quæ articulis à nobis exhibitis continetur; quod etiam ostendere & docere tum parati fuimus, & incontinenti etiam nunc ostendere & docere parati sumus. addidimus quoque si necesse est, & negotium eò deductum fuerit, nos effecturos, vt singulæ prouinciæ, quæ per nos hîc acta sunt, grata & rata habeant. Id etiam Cels. & Dig. V. hucusque cognouerunt ex literis Ordinum, per nos exhibitis, & cognoscent, si vel articulos, iam antè exhibitos, Ordines approbauerint, vel quid vltius conuentum vel concessum fuerit. Postquam Illustrissimus Dux, & nos putauimus expedire, vt exemplum literarum, quas diximus hesternò die nos recepisse, Cels. & Dig. V. exhiberemus, simul visum nobis fuit, reliqua ista adicere, quæ vt æquis animis eadem Cels. & Dig. V. accipiant, amicè, humillimè, humiliter & officiosè postulamus. Actum Coloniae xxix. Augusti M. D. LXXIX.

I. Septembris aliqui Consiliarij à Dominis Commissariis ad legatos Ordinum missi, requirunt ab iis visionem originalium literarum, quarum exemplum postremò exhibuissent. Illi animaduersa causa istius visionis, vnà cum earum literarum

rum traditione, rogant ne Celss. & Dign. eorum offendantur verbis illis; *Bona fide & serio* &c. quibus Ordines in iisdē literis vtuntur; non enim respectu Dominorū Commissariorum, sed aduersariorum suorum dicta esse. Cū replicarēt Consiliarij illi indefinitē verba ista poni, ex sequentibus Legati ostendunt alium intellectum eorum verborum esse non posse; vrgentes deinde vt eam declarationem in scriptis facerēt, rogant vt quod ore proposuissent, ore etiam sibi responderi paterentur, non esse suum scriptum, sed tamen non aliter sē verba illa, quā prout ostendissent, intelligere.

X I. Septemb. cū Legati Ordinum literas ab Archiduce & Ordinibus acceperint, illas literas ex causis, quæ sequenti scripto exponuntur, Dominis Commissariis altero die exhibuerunt.

SCRIPTVM.

*Reuerendissimi, Illustrissimi, Generose, Nobilis,
Sacrae Cæs. Maiestatis Commissarij.*

CELSITVDINES & Dign. V. Illustrissimus Dux Archotanus, & nos reliqui Ordinum legati, amico & submissis animis celare non possumus, nos hesterno die binas literas, eiusdem ferē argumenti, vnas à Seren. Archiduce Austriae Mathia, Gubernatore & Capitaneo nostro generali, alteras ab Ordinibus acceperint: in quibus præter causas, quas repetunt, iam antē quoque excusatae moræ, vnā etiam statum consultationis, quæ super Pacificationis articulis per singulas prouincias haberi debeat, exponunt.

NULLA quidem prouincia est, nullus subditus, qui non ex toto animo reconciliationem cum Seren. Rege, Principe & Domino nostro naturali, inire desideret; nullus, qui non pacem publicē & priuatim persequendam esse existimet: sed talia dicta & facta nostrorum aduersariorum referunt, quæ iisdem prouinciis & subditis non solum impedimentum ad eam præstent, sed simul etiam alia studia in animis eorum excitent,

rent, quæ magis ad arma defendendi sui gratia, quàm ad pacem spectare videntur.

S E D hæc malumus ex allegatis literis (quarum exempla hic exhibemus) quàm ex nostro sermone cognosci & audiri: hoc vnum tantum addere nos oportet, cum ex iisdem literis Celsi. & Dign. V. simul perspicient, prædictos articulos Pacificationis, non ita Ordines approbaturus esse; nobisque inungant, ut alia media, quæ apud vtramque partem ad effectum perducere queant, postulemus.

P R O P T E R E A easdem Celsi. & Dign. V. obnixissimè rogas volumus, ut, si fieri possit, præueniendo, antequam scilicet resolutio per Status singularum prouinciarum fiat, eaque ut transmittatur (ita enim multis obstaculis & impedimentis obuiam ibitur, quæ postea non tam facillè remoueri poterint) huiusmodi media proponere nobis dignetur, † quæ subditis plenam securitatem maioremque libertatem, quàm quæ huc concessa est, animis & conscientijs eorum adferat, circa quæ duo difficultas omnis versatur.

ANNO T A T.

† *Ad verb. Quæ subditis plenam securitatem.*] Ioh. Bodinus de Repub. lib. 1. c. 8. *Inter omnes conuentiones quæ fiunt inter Principes, non est vlla quæ maiori securitate opus habet, atque est ea quæ fit cum subdito, qui contra principem suum coniurauit: hoc casu eius sum sententia, ut conuentio fiat cum principibus vicinis, qui subditorum patrocinium suscipiant, vel alias patriam cedant. Nam nihil est quod magis animis principum aduersetur, quàm scisci cum suis subditis per vim, iisque seruare fidem. Exempla apud eum vide.*

Auctor Commentariorum De regno: Verùm ne illud quidem, inquit, satis est, si Princeps sedulo incumbat ut pacem restituat patriæ; quippe facta resose seruanda est: nisi fortè pace insidiosa tanquam reti uti volumus, quo inuitos & securos capiamus. Sed qui in ea sententia sunt, ne illi venerabile fidei nomen haud magni pendunt. Nunc ut pax firmè & constanter seruetur, utilem & commodam ius esse oportet, quibus cum facta est; ut eam non tantum libenter, sed studiosè etiam colant. Duram & perniciosum cordati viri iutius ferre non possunt.

I N quibus etiam optamus, ut Celsi. & Dign. V. non tam de ea, quæ in suis vel alijs ditionibus, pacto & lege conuenta
& statuta

Non potest esse
uniformis &
simplex lex om-
nibus peraque re-
bus publicis, sed
variae leges pro
variis locis, per-
sonarum, tempo-
rum circumstan-
tiis variae sunt ac-
commodatae. Pla-
to lib. 1. de leg.

& statuta sunt, respiciant, sed quæ expedit nunc propter præ-
sentes necessitates in ditionibus nostris conueniri, & statui
non enim omnium pactorum & legum eadem causa & occa-
sio est, nec par ratio & necessitas est in omnibus locis. Sed &
negotium istud per se tale est, in quo nemo aberrare aut pec-
care potest, qui alterius commiseretur, vel indulgendo, &
permittendo quid, patientiam cum eo habeat. Dictum & ex-
hibitum Coloniae xii. Septemb. Anno M. D. LXXIX.

ANNOTAT.

† *Ad verb. Patientiam cum eo habeat*] Hilarius libro ad Constantinum
Augustum: Deus cognitionem sui docuit potius quam exegit: & operatio-
num celestium admiratione, præceptis suis concilians auctoritatem, coactam
confitendi se aspernatu est voluntatem: Si ad fidem veram istiusmodi vis
adhiberetur, episcopalis doctrina obuiam pergeret, diceretque: 'Deus vniver-
sitis est, obsequio non eget necessario, non requirit coactam confessionem. Non
fallendus est, sed promerendus: nostra potius, non sua causa venerandus est.
Non possum nisi volentem recipere, nisi orantem audire, nisi profitemem signa-
re: simplicitate quarendus est, confessione discendus est, charitate amandus
est, timore venerandus est, voluntatis probitate retinendus est. At verò quid
istud? quod sacerdotes timere Deum vinculis coguntur, pœnis iubentur, car-
ceribus continentur, plebs in custodiam catenati ordinis constricta disponitur,
virgines nudantur ad pœnam, sacra Deo corpora publico exposita conspe-
ctui, ad fructum spectaculi & quæstionis aptantur.

Augustinus contra Epist. Fund. Illi in vos sciant, qui nesciunt cum quo
labore verum inueniatur, & quam difficile caueantur errores. Illi in vos se-
niant, qui nesciunt quam rarum & arduum sit carnalia phantasmata pia-
mentis serenitate superare. Illi in vos sciant, qui nesciunt quanta difficult-
tate sanetur oculus interioris hominis, ut possit intueri solem suum: non istum,
quem vos colitis celesti corpore, oculis carneis & hominum & pecorum ful-
gentem atque radiantem, sed illum de quo scriptum est per prophetam: Ortus
est mihi sol iustitiae: & de quo dictum est in Evangelio: 'Erat lumen verum,
quod illuminat omnem hominem venientem in hunc mundum. Illi in vos se-
niant, qui nesciunt quibus suspiriis & gemitibus fiat, ut ex quantulacumque
parte possit intelligi Deus: postremo illi in vos sciant, qui nullo tali errore
decepti sunt, quali vos deceptos vident.

LITERÆ

Cognato meo Duci Arschotano, Principi Chimaici, Comiti Bellomontij, Marchioni Rentiaci, &c. Equiti Ordinis aurei velleris, ac alijs Dominis Belgij Legatis, Colonia.

*Ex Gallica
lingua in La-
tinam trans-
lata.*

COGNATE & Domini. Perquam graue nobis fuit, ex li-
teris, xxvj. diei superioris mensis, tam ad nos quàm Or-
dines generales scriptis, intelligere Ducem Terranouanum
nolle in aliquas inducias consentire, saltem sub æquis condi-
tionibus: id quod augebit opinionem, quam pleræque præci-
puæ prouinciæ & ciuitates conceperunt, hanc scilicet tracta-
tionem pacis non haberi, nisi vt interea temporis procurètur
diuulsiones & dissensiones inter prouincias & ciuitates, quò
tâto facilius utræq. possint supplâtari, prout ipso facto fieri cer-
nitur. Quâ ad rem etiâ facere videntur literæ dicti Ducis Ter-
ranouani, ad singulas prouincias, atq. adeò ad præcipuas ciuita-
tes, vnâ cum articulis, per Dominos Electores vltimò proposi-
tis, missæ, comites earum literarû quas iidẽ Domini Electores
scripserunt: Veruntamen cû prouinciæ & ciuitates, quæ hacten-
us constantes perstiterunt, satis intellexerint aduersariorum
stratagemata, & actus: non credimus eas in posterû ob huius-
modi illecebras vacillaturas, quin potius inde occasionẽ acci-
pient, sui stabiliendi, arctiusq. simul coniungendi, quò tanto
melius hostiû insidijs possint resistere. Videmus sanè exiguam
admodû spem affulgere, quòd ex hac cum Terranouano tra-
ctatione possit aliqua bona & secura pax obtineri, nisi Imper.
Maiest. ac Domini Electores, interponentes suam auctorita-
tem, vberius concedant, proponantq. condiciones æquiores,
& quæ praticari possint in iis districtibus vbi occasione turba-
rum (quia hæc pax tamdiu protracta est,) negotiû religionis
magis magisque accreuit: quod est vnicum remedium citius
perueniendi ad optatû scopum. Siquidem facile potestis con-
siderare, quòd expectare resolutiones vniuscuiusq. prouinciæ,
singulorumq. membrorum eius, easdemq. postea cõmunibus
suffragiis conciliare & concordare, res erit admodû difficilis,
propter diuersitatem ingeniorum & opinionum. Ne quid di-
cam,

a

cam,

cam, quod in longum protrahetur, quod potestis expone
illis, quibus pro rei vtilitate videbitur convenire. In reliqu
referimus nos ad ea quæ ex literis Ordinum intelligetis. in
terea mi cognate & domini mei, Deum precamur, vt vos su
protectione dignetur. Antwerpæ 1111. die Septemb
M. D. LXXIX.

Tuus cognatus & amicus

Matthias.

I. van Asseliers

LITERÆ ORDINVM.

*Ex lingua
Gallica in
Latinam
versa.*

*Dominis, Domino Duci Arschotano, Principi Chimaici ac
Porciani, Comiti Bellomontij, Equiti Ordinis aurei vel-
leris: Reuerendis in Christo patribus Abbatibus S. Ger-
trudis & Maroliensi, aliisque Dominis Legatis Ordini
um generalium Belgij, Colonie.*

DOMINI. Accepimus literas vestras XI. & XXVI. Au-
gusti, vnà cum exemplo literarum, quas domini Com-
missarij, tam nobis quàm Statibus particularium prouincia-
rum, scripserunt, ac responsione Ducis Terranouani, super
indutiis & armorum suspensione, &c. ac dolet nobis, quòd, non
obstante summa diligentia ac seriis postulationibus vestris,
idem Dux Terranouanus noluit acquiescere iisdem indutiis,
nisi sub condicionibus iniquis, & quæ solùm maiorem mate-
riam & occasionem præbent augendi dissensiones intestinas,
quo solùm spectant, vt veremur præsentationes & moræ Hi-
spanorum, præsertim cum indies detegatur, tum ex epistolis
interceptis, tum ex iis quæ ad nos perferuntur ex regionibus
peregrinis & confessionibus captiuorum, Hispanorum men-
tem nullo modo esse, ex his regionibus abire, sed solùm id si-
mulare, vt eo facilius promoucant dissensiones intestinas, &
imponant imprudentioribus, quemadmodum quotidie mul-
tis in locis contingere videmus: vnde alij occasione accipiunt
maioris diffidentiae, & procurandæ suæ defensionis. Videt enim
tracta-

etatus Principis Parmensis cum Artesiensibus & Hanno-
 ensibus, ac Ducis Terranouani nobiscū inter se differre: quę
 uersitas & separatio facit, vt hætenus nō potuerit haberi re-
 sponso, aut deliberatio prouinciarū particulariū, super scripto
 Illustr. dominū Archiducem Matthiam, nec super articulis
 per dominos Commissarios propositis, sine qua impossibile est
 vobis finalem resolutionem capere, ac cōmuni nomine vobis
 quā mutationē seu moderationem dictorū articulorū mit-
 tere, idq. etiam post termini expirationē, & in præiudicium ac
 splicetiam (vt aliās scripsimus) eorū, cū quibus tractauimus.
 hinc tamē quinq. aut sex dies iterū scripsimus particulari-
 bus prouinciis, neq. desistemus sedulò iterum eis mandare, vt
 suffragia ac resolutiones accelerēt. Cæterū vti hīc aliquid
 metuemur, præsertim in hoc rerū statu, & quod suffra-
 gia prouinciarū particularium futura sint tam diuersa, vt ægrē
 conciliari, vehementer equidē optassemus, ad vitan-
 das moras & longiores dilationes, admodum perniciosas, tum
 Regiæ Maiest. tū quieti publicæ, vt Cæs. Maiestas ac Domini
 Commissarij dignati fuissent interponere suam auctoritatē,
 pro magnitudine vulneris, ac ad præcidendum progressum
 confidentiæ, quæ indies crescit in animis subditorū, plena qua-
 m mensura procedere, ac talem moderationē proponere,
 quæ practactu ac factu possibilis sit, sine discrimine & pericu-
 lomnium prouinciarū, & cuius medio vnusquisq. possit esse
 securus & tranquillus. Id quod etiā poteritis exponere præfa-
 ctis Dominis Commissariis: nos cū primū noua acceperi-
 mus à particularibus prouinciis, eorū vos certiores faciemus:
 iterea cupimus, vt in negotio principali conformetis vos iu-
 ra præcedētes nostras literas. Intra triduum vel quatrimum
 Duci Terranouano, quā Commissariis Cæsareis mitte-
 mus responsum ad illorū scriptum. His, Domini, Deum roga-
 mus, post officiosam nostri commendationem, vt vos diu ac
 feliciter conseruet. Antuerpiæ v. i. Septemb. M. D. LXXIX.

Vobis beneuolē addicti amici Ordines generales Belgj.

Mandato dictorum Ordinum

I. Houfflin.

a 2

XV. Sc

XV. Septemb. legatis Ordinum per quosdam Consilia-
rios indicatum fuit, Dominis Commissariis non consultum
videri, antequam resolutione Ordinum super prioribus me-
diis acceperint, ad alia media progredi: Cui responso, cum ni-
hil ipsis præter opinionem suam accidisset, acquieverunt.

XIX. Septemb. Legati Ordinum literas à Statibus Bra-
bantiae acceperunt, quibus binæ subiunctæ literæ, vnæ ad Do-
minos Commissarios, alteræ ad Ducem de Terranova datæ,
inclusæ erant, quas incontinenti ad illos transmiserunt.

LITERÆ AD DOMINOS
COMMISSARIOS.

*Reuerendissimi, Illustrissimi, Generose, Nobilis
Sac. Cæs. Maieſt. Commissarij.*

EFFICIT diuturni huius belli calamitas, ac totius agri
Brabantici vastatio, qua à Duce suo Rege Hispaniarum,
seu eius per Belgium præfectis, nimis iniquè premitur, vt non
solum pacis condiciones propositæ, sed etiam ipsa pacis cogi-
tatio gratissima nobis sit, mireque animos subditorum recreet:
tum verò summæ esset ingratitude ac inhumanitatis, ope-
ram, quam hac in re tanti Principes amplissimi que viri ditio-
nibus istis hætenus præstiterint, leuem existimare, nos certè
eam semper fecimus maximi, atque eo nomine Celsi. & Dig.
V. summas gratias agimus, obnixèque rogamus, vt rem tanti
momenti aliqua ex parte bene inceptam, felicius perficiant
neu deferant. Sed cum salus istarum prouinciarum inferioris
Germaniæ ad Sac. Cæs. Maieſt. ac Celsi. & Dign. V. & utilita-
tem subditorum suorum magnoperè pertineat, animum in-
ducant, dignenturque (quod ordinem suum atque splendo-
rem deceat) causas proprias nonnihil seponere, & quoad eius
sine periculo & graui incommodo fieri poterit, negligere, quò
celeberrimæ huius Reipub. composita pristinoque nitore re-
stituta, beneficium apud Deum Opt. Max. laudem verò
immor-

in mortalem ubiuis terrarum referant. Dolemus profectò ne-
 gotium hoc tantam moram secum trahere: sed quorsum ar-
 ruit Ducem de Terranova populum, qui beneuolentia &
 quabilitate Principum suorum, seu Ducum, seu Comitum,
 seu Dominorum retineri consueuerit, tam diu tam illiberali-
 ter, durisque, nec vlla ratione accommodatis condicionibus
 istinere? nisi id studio habuerit, vt statim omnium animos
 in ipso limine ab hac Pacificatione redderet alienos; intelli-
 gentque nihil se ex Regis clementia sperare debere, quod non
 elut mercatu licitando extorqueatur, non concedendum, si
 enegando sine proprio detrimento queat auferri. Quemad-
 modum etiam cum vniuersa plebe nos ipsi satis mirari non
 possumus, illi Pacis huius negotium adeò non esse cordi, vt
 in paciscendis induciis ne tantillum quidem auctoritati Im-
 peratoriæ, ac Celsis. & Dignitatum vestrarum (quarum hæ-
 bitrij partes erant,) censuerit deferendum: nimirum vt in-
 rudescente bello, multitudinem armorum strepitu impedi-
 um, frementemque, ab omni spe pacis reuocaret, ac nequic-
 uam eo etiam magis impelleret, quos ea ratione ad tranquil-
 tatem componi potius, quàm vel intestinis dissidiis, quæ in
 desperationem plerosque adigunt, aut vi ac furore Hispano-
 rum, quem iamdudum etiam mortis periculo contemnere di-
 cicerunt, deterreri: Tum verò in ipsis pacis condicionibus a-
 deò agris animis, morbi que vim quotidie alentibus, parum
 præsidij est, siue ad securitatem publicam ex proposita guber-
 nationis ratione, siue ad vitæ commoditatem ex moribus &
 præfixita religionis obseruatione respicias, vt difficile futurum
 sit, hinc varia multumque dissidentia hominum ingenia atque
 studia, in vnā sententiam opinionemque adducere, & vbi-
 que inter se consentientia reddere. Quanquam autem hæc
 omnia magni ponderis, multa que alia sint, quæ ad concilian-
 dam hanc pacem momenti plurimum habeant: annitimur
 tamen, quantum in nobis erit, & præsens rerum status patitur,
 vt negotium hoc quam citissimè promoueatur, vtque Comi-
 tibus Ordinibus Ducatus Brabantia pleraque sic temperentur,
 quò Imper. Maiest. ac Celsis. & Dig. V. toti que orbi Christiano
 a 3 manife-

manifestum fiat, nos saluti, tranquillitati & vtilitati publicae omnia, nihil verò priuatis affectibus tribuisse; cognoscatque Rex Catholicus, Brabantiae Dux & Princeps noster, nos nominus suae Maiest. quam omnibus retrò Ducibus ac dominis nostris clementissimis subditos deuotosque manere: praesertim cum haecenus nihil ab Ordinum Legatis isthic postulatum sit, vel ad populi libertatem ac securitatem, vel ad Regis auctoritatem omnemque politiam, quod non (quantum ad ducatum Brabantiae attinet) ex priuilegiis iureque patrio, atque etiam pactis, conuentis & quidem iurato debeat. Porro Cels. & Dig. V. humiliter, humillimè officioseque precamur, vt interea Ducem de Nouaterra sic mitigare velint (si Cels. Maiestatis desit auctoritas) vt aliam, quam haecenus fecit, pacis, hisce ditionibus (quae eorum commercia officiorumque commutatio & cum aliis vicinitas est) conficiendae rationem ineat, ingeniisque ac moribus incolarum nonnihil concedat, nec ad accuratam rigidamque & summam Hispanici moderaminis regulam (cum ita non consueuerint) omnia metiatur: ita futurum est, vt huic Reipub. pristina redeat tranquillitas, eaque diuturna, quam perpetuò Sac. Cels. Maiest. ac Cels. & Dign. V. summa cum gratitudine animorumque propensione, obseruantia & obsequio acceptam feremus, post Deum Opt. Max. qui eam nobis pro immensa sua bonitate ac gratia largiatur, atque Cels. & Dign. V. in multos annos seruet incolumes. Antuerpiae sext. Id. Septemb. M. D. LXXIX.

Cels. & Dign. V.

Addictissimi

*Ordinum Ducatus Brabantiae deputati, nunc
Antuerpiae congregati.*

Mandato praedictorum dominorum

Signat.

And. Hessel.

LITE

LITERÆ AD DVCEM
DE TERRANOVA.

191

Ex lingua
Gallica in
Latinam
translata.

*Illustrissimo Domino, Domino Duci Terranova-
no & c. Regis Catholici Legato, Colonia.*

GRATISSIMÆ nobis fuerunt eę literę, Illustrissime Do-
mine, quas nobis dignatus es xiiij. Augusti scribere; quo-
iam nos adhortantur ad pacem tam optatam perficiendā, ad
uam & ut possinius hos Ordines cum Rege nostro Princi-
pe & domino videre reconciliatos, non sumus minus pręni,
uam ab omni æuo insignia gestauimus singularis fidei erga
mnes Duces Brabantię, ipsius antecessores, Dominos nostros
lementissimos, qui etiam illā in nobis fidem, amore quodam
& beneuolentia paterna, agnouerunt, donec eorum absentia
mercenariis ministris dedit commoditatē & facultatē alendi
inter nos sinistras suspiciones, dissidia, odiū & rigorem, contra
ira & priuilegia patrię. vnde ab omni tēpore in republ. orta
sunt multa incōuenientia & ataxię curatu perquā difficiles,
& quę vix diuerſi possunt, vbi tēpestas clauo vim adferre in-
cipit, adeo ut non sit opus nos admodū monere & inclinare ad
pacem: siquidem omnibus mediis possibilibus adnisi sumus,
eam consequi & promouere, simul etiā calamitates populares
atque indicant, nō ex voluptate hoc bellū geri, modō articuli &
ōdiciones propositę tales essent, uti tua Excell.^a eas suis literis
accit; quippe quę possint idoneam satisfactionem & securita-
tem unicuique pręstare: Quin potius propter diuersitatē ani-
morum, quę est inter incolas huius regionis, & qui indies ma-
gis ac magis exasperantur, vehementer veremur eas pro tali-
bus non habitū iri suffragiis nostrorum Statuum & mem-
brorum, quę quanta fieri potest diligentia promouere stude-
mus, ut referantur ad Comitia Ordinum generalium, conferan-
tur cum suffragiis aliarū prouinciarum, & procuretur bona &
equabilis resolutio, quę Dominis Principibus Electoribus, ac
aliis Commissariis Cæs. Maiest. transmittatur. Interea obnixē
& humiliter tuā Excell. rogatam volumus, ut dignetur dictos
articulos ita tēperare & moderari, quod incolę possint certō sibi
persua-

*Plutarchus
in Cesare:
Triumphus
ex patria ca-
lamitatibus
& ciuili san-
guine partis,
fatus & a-
cerbus est.*

persuadere, & animaduerrere, tibi non minùs commendatam
& cordi esse pacem securam & diuturnam, ad ipsorum quie-
tem & patriæ prosperitatem stabilire, quàm solam absolutam
auctoritatem Regiam promouere, & cõciliis, magistratibus ac
muneribus adhibere eos, quos arbitrantur offensos esse pro-
pter mutationes exortas, & qui propterea etiam vindicta &
vltione pleni sunt. Profectò Domine hac in parte summa est
diffidentia: proinde dignetur V. Excell. nobis credere, verum
ac vnicum Regiæ Maiest. seruitium & obsequium in eo resi-
dere, vt benignitas & clementia ipsius dispensetur, pro modo
profunditatis huius vulneris, neque quis sibi polliceatur victo-
rias & trophæa ex dissidiis intestinis, quæ inter nos practican-
tur, quæ multis mutationibus obnoxia sunt. Nullum priua-
tum interesse est, quod aliquis nostrum habere possit, nec mi-
nima intentio retrocedendi vel difficultatem iniiciendi huic
tractationi, quæ nos incitat ad hæc dicenda, verùm singularis
affectus ad eam promouendam, vtque res in eum statum ve-
niat, quò ambæ partes sibi mutuo possint occurrere, & fœde-
re iungi. Nouit Deus Opt. Max. quem rogamus vt id sua
gratia nobis largiatur, tuæque Excell. opus tam sanctum do-
net perficere, fausta & longa vita comite, vnà cum laude &
gloria immortalis, qua ipsum afficient omnes harum tam mi-
serè afflictarum prouinciarum incolæ: quemadmodum etiam
nos, quantum in nobis erit, perpetuò tibi beneuolè & humi-
liter deuinctissimi manebimus. Antuerpia v i i. Septemb.
M. D. LXXIX.

*Tuæ Excellentie officiosè addicti clientes
deputati, & alij Statuum Brabantie,
Antuerpiæ congregati.*

Mandato dictorum Dominorum

And. Hessels.

XXIIII

XXIIII. Septemb. Legati Ordinum ad concilium vocati sunt, ubi Domini Commissarij per Cancellariū Treuerensem breuiter repeti & exponi illis faciunt, cum commemoratione operæ & diligentia, quam negotio isti adhibuissent, ea quæ à tempore quo media exhibita erant, accidissent: quippe incontinenti se media ista, additis suis literis, ad Ordines generales & particulares, deinde ad præcipuas quasque ciuitates transmisisse, vt super iis iudicium & voluntatem suam declararent: cumque nullum responsum acciperent, secundò se ad eos scripsisse, præfixisseque illis tempus trium hebdomadarum, sed & eas quoque iamdiu finitas esse, nec tamen certam resolutionem ab vlla se prouincia vel ciuitate accepisse, nisi à sola ciuitate Buschoducensi, quæ media ista approbasset, ex aliis quasdam prouincias & ciuitates ad literas istas respondisse, sed quæ magis excusationem moræ, quàm explicationem iudicij & voluntatis suæ super mediis istis continerent, illam verò suam resolutionem ad Ordines generales reiecisse: Vltimò missas ad se esse literas à Statibus Brabantia, ex quibus facile animaduertunt, media ista in eum modum quo proposita sint, non magnopere ipsis grata & accepta esse: quorum iudicium apud alias prouincias magnum momentum habiturum existimabant, ac propterea talem resolutionem non futuram qualem expectarent, longioremque moram intercessuram, quam res suæ ferre possint; sed & pestem incipere hinc grassari, quæ iam quorundam ex se familias inuasisset, cuius occasione sola abire tandem cogentur: negotium tamen per se tale esse, ad quod facile resolutio fieri possit, quippe quod ipsorum proprium sit, domesticum & internum, non alienum: rogare ergo Legatos, an non responsum aliquod ab Ordinibus ipsi accepissent, vel quando illud expectarent; addentes se adhuc breuem iis terminum præfigere velle, intra quem nisi resolutio Ordinum adueniret, se de abitu cogituros.

Ad quod legati respondent, præmissa solita gratiarum actione, moram istam non solum Celsis & Dignis eorum, sed & ipsis grauem esse: causas tamen istius moræ iam antè se explicasse; fuisse etiam in Geldria literas istas interceptas, quibus

b

media

media ista inclusa erant, propterea serius etiam ibi comitia indicta esse: idem fortè accidisse in aliis prouinciis: ac licet intellexerint, multas prouincias suum iudicium iam pridem super iis mediis interposuisse, generalem tamen resolutionem ab Ordinibus nullam fieri posse, nisi omnes prouinciæ suum iudicium super iis ad illos transmiserint: orabant ergo non tantùm vt moram illam non ægrè ferrent, sed vnà etiam ne grauarentur tamdiu hîc permanere, donec resolutio ista ab Ordinibus fieret, atque huc transmitteretur, expectare se in dies illam, nec desinere suis literis monere & rogare Ordines, quo quamcitissimè expediatur. De nouo termino Ordinibus præfigendo, ipsorum gratiæ & arbitrio relinquebant, rogantes tamen vt terminum illum non nimis coarctarent, ne deliberatio præproperè facta, aliquid incommodi isti negotio adferret.

X X V I. Septemb. cùm Legati Ordinum sub vesperam literas ab iisdem Ordinibus accepissent, quibus adiunctæ erant literæ ad Dominos Commissarios, & Ducem de Terranova datæ: has binas literas altero die, cum simul in cōcilio essent; vtrisque exhibuerunt, regantes vt eorum quæ in literis illis continerentur, rationem habere vellent; se enim in mandatis habere, vt præter instructionem suam, super iis quoque agerent & procederent.

*Ex lingua
Gallica in
Latinam
translata.*

LITERÆ ORDINVM AD SVOS LEGATOS.

*Dominis, Domino Duci Arschotano, Principi Chimaici & Por-
ciani, Comiti Bellomontij &c. Equiti ordinis aurei velleris,
Reuerendis in Christo patribus Abbatibus S. Gertrudis &
Maroliensi, ac aliis dominis Legatis Ordinum generalium,
Coloniæ.*

VESTRAS, Domini, literas xiiij. huius mensis datas, cum scripto adiuncto accepimus, & ex iis intelleximus egregiam operam, quam isthic nauatis, eoq. nomine vobis gratiam habent.

habentes, etiam atque etiam à vobis petimus & contendimus, ut vestræ instructioni inherentes ac insistentes, vos com-
paretis ac omnia dirigatis, iuxta literas, quas non ita pridem
scripsimus, tam Duci Terranouano, quàm Dominis Principi-
bus, Casareis Cômmissariis, quæ exempla his adiuncta sunt,
vnà cum copia literarum nostro nomine Imperatori missa-
rum, xx. Iulij M. D. LXXVII. quarum fit mentio in lite-
ris quas dictis Principibus mittimus. Interim valete in Do-
mino, nosque vobis commendatissimos habete. Antuerpia
x. Septemb. M. D. LXXIX.

*T. Excell. Pat. & DD. beneuolè & obsequiosè
addicti Ordines generales Belgij.*

Mandato dictorum Ordinum

I. Houfflin.

LITERÆ ORDINVM AD DOMI-
NOS COMMISSARIOS.

*Reuerendissimi, Illustrissimi, Generose, Nobi-
les, prudentes & Circumspecti.*

QVOD ad literas Celsæ. & Dign. V. nondum responderi-
mus, non nostra culpa, negligetia aut cessatione accidit;
sed quia propter magnitudinem negotij, & prouinciarum di-
uersitatem, hætenus neque de formula certi mandati, priori-
bus literis requisiti, neq. in approbatione, contradictione aut
moderationem propositorum articulorum (de quibus postero-
ribus literis Celsæ. & Dign. V. agitur) conuenire potuimus.

E TENIM quod ad Mandatum attinet, natura rei principa-
lis talis est, ut antecederem partium disceptationem & com-
municationem exigat, nec limitibus seu formula certi Mandati
ab initio circumscribi aut concludi potuit, & liberum atq. absolu-
tum Mandatum, in re tam graui, deputati destinati Coloniam,
propter nimium onus atq. periculum, detrectassent accipere, uti

b 2 etiam

etiam in talibus prouinciarū causis, inter horrida bella summam rerū absque præparatione & referendi necessitate particularibus committi, nec ratio nec consuetudo patitur.

CUM QVE articuli, à vestris Celsi. & Dign. transmissi, omnes ex æquo respiciant, primo quoq. tempore eos omnibus & singulis communicauimus, vt singulorū arbitrio & voluntate intellecta, communi consensu de communi causa statueretur, atque tam Duci de Terranova, delegato Maiest. Catholicæ, quàm vestris Celsi. & Dign. aliquid certi responderetur: & quamuis Princeps Parmensis, & pleriq. alij, in contemptū auctoritatis Cæsareæ, & vestri celeberrimi conuentus, non destiterint per particulares conuentiones moliri distractionē prouinciarum, atq. subditos maioribus exagitare dissensionibus, quæ nobis non leuem malè suspicandi causam, & occasionem capiendi alia consilia præbuerunt, nihilominus tamen desiderio & enixo studio sinceræ pacis, quo tenemur, à cōstantia promouendi communē tranquillitatem publico fœdere non defleximus, continuò instando vrgendoq. apud prouincias, vt super dictis articulis quàm celerrimè deliberarent, atq. intentionem suam significarent, ita vt in nobis nulla mora sit, sed rei pondus, multitudo prouinciarum, naturalis opinionum varietas, & contraria maleuolorum hominum studia, tarditatē inuexerint, quam V. Celsi. & Dign. re penitus inspecta, & ob causas supradictas, non iniquo animo laturas confidimus.

INTERIM verò ex animo agnoscimus, & perpetua gratitudinis memoria celebramus, benignum atq. paternum affectum Cæs. Maiest. erga has calamitosas ditiones, & vestrarum Celsi. & Dign. in pacandis illis præclaram diligētiam, studium atque laborem, tametsi res malo quodam fato nondū in eum statum perducta sit, quem ratio temporum & rerum postulat. Maius enim, vt veremur, est malum, & altioribus radicibus prouinciarum corporibus infixum, quàm vt remedia, in dictis articulis comprehensa, curationi sufficiant, nisi Regia Maiest. effuso benignitatis sinu, dignetur maiorem in subditos suos exercere liberalitatem, & hactenus angustis exstillantia venis, longiore progressu in magnos amnes extendere.

N A M.

NAM vt cum bona venia vestrarum Cels. & Dign. & sine præiudicio prouinciarum, è multis pauca attingamus, si iuxta nonū articulū omnes hætenus absentes, vel amoti ab officiis pristinum ordinem, statum ac dignitatem recuperent, atq. auctoritatem imperiūq. consequantur; quid reliquis expectandum est? quàm cum summa rerum omnium perturbatione vincula, proscriptiones, exilia & cædes, patefacta via Hispanis, odio ditionum adhuc flagrantibus, recuperandi eas quādo-
cunque voluerint, administrantibus Rempub. eorum amicis, sociis & confœderatis, qui eorum beneficio restituti patriæ & dignitati pristinæ, sine illis arbitrabuntur vitam sibi non satis securam fore, & huius periculi procliuiorem occasionem reddunt separata & particularia cum Hannoniensibus & Artesiensibus, in propriam eorum perniciem ac præiudicium, vicinarum prouinciarum subtiliter excogitata fœdera, & ad Hispanorum, si fortè (vt Græci à Troia) simulatè abire incipiant, voluntatem & obsequium conscribendi exercitus obligationes.

NEC NON XVI. & XVII. articulorū decreta de tradendis ilicò omnibus ciuitatibus, fortalitiis, armis & munitionibus Gubernatori generali, ex arbitrio Regis Catholici designando, quod superioribus annis in conuentu Bredensi soli Hollandi Zelandiq. recusarunt, & in fœdere Gandauensi expressè pro securitate sua contrarium stipulati sunt, & conueniunt, ita vt per articulum illum decimum septimum, cōtra pacem Gandauensem; Principi Aulico prærogatiua gubernationis adimatur, & Holladis, Zelandisq. ac Bommelèsibus, eorum confœderatis, imperetur ciuitatū, castrorum & munitionum (in quibus securitatem suam habent positam) restitutio, & insuper denegetur omnibus prouinciis in vniuersum ea securitas, sine qua Hollandi, Zelandiq. soli cum vicinis reconciliari noluerunt, & qua sublata, prouinciales, fragilitate solius iuramenti muniti, sese inimicis recenter reconciliatis committerent: quod humana fugit ratio, & natura abhorret.

ET ENIM compertum est, quàm parum in regnorum & principatuum causis iurisiurandi plerumq. habeatur ratio, &

quàm faciles sint dispensationes pontificiæ, maximè si Maiest. Imperij imminuta dicatur, aut iniustitia fœderis cum rebellibus subditis initi allegetur, aut color extirpandarum hæresum prætedatur: cuius occasione ante annos aliquot vidimus Galliam pacatam, miserabili strage subito conturbari, & cadaueribus occisorum repleti.

Et quamuis Edicto perpetuo publicato Dominus Ioannes Austriacus pacem Gandauensem confirmauerat, quid per secretas molitiones occupandorum castrorum & fortalitiõrum, necnon per clandestina consilia cum Ducibus Germanorum militum conatus est, nisi pacem illam Gandauensem abrumperet, & neglectis pactis publicis, liberum dominatũ per omnes prouincias acquirere?

In quem finem etiam nunc spectare videtur frequens, & per multos articulos cum pace Gandauensi coniuncta commemoratio, dicti Edicti perpetui, quod ab Hollandis, Zelandisque ab initio constanter apertèque repudiatum est, ab aliis sine magna discussione incautè admissum fuit: vnde causa omnium calamitatum nostrarum processit, & fax sequentium bellorum accensa fuit, propter generalem & simplicem promissionem & obligationem de conseruanda religione Catholica Romana, quæ illi Edicto inserta fuit, & in vim cuius Ioannes Austriacus mox ab initio Ordines ad arma sumenda religionis ergò impellere tentauit, & ipse Rex superstruendo (cũ omnes Ordines Baroni de Selles, Cõmissario Maiest. Cathol. se offerrent paratos, secũdum terminos pacis Gandauensis & religionis obseruantiam & obedientiã superioritatis exhibere) pacẽ illam Gandauẽsem, tanquã infamem ac scandalis obnoxiam, reiecit atq. improbauit, reductisq. Hispanis, aliisq. exteris, crudelissimũ bellũ redintegravit, vt absolutum imperiũ & religionis obseruantia, qualis tẽpore Caroli Quinti Imperatoris fuerat, restauraret, vt res ipsa ostendit, & euidentius constat ex communicatione cum dicto Barone de Selles habita, eiusq. instructione, & literis regiis, per eũ allatis, quæ cum literis Ioannis Austriaci publicè impressæ, in omniũ manibus versantur: vnde prouinciales animaduertentes posses-

sessio-

essione & vsum pacis Gandauensis à Rege denegari, & apertò bello atq. incitatis dissidiis intestinis hoc agi, vt qui à Romana religione declinauerant, & ad veterē morem ritumq. fidei, qui tempore Caroli Quinti fuerat, regredi nollent, vel expellerentur vel opprimerentur, derelictis cancellis dictæ pacis, quā retinere non licebat, in tantasturbas reciderunt, vt ad euitandam totius Reipub. subuersionem, necesse fuit vltius procedere, & primò per literas mutux securitatis, deinde per cōcordiam religionis, aliaque p̄cta ciuium tranquillitati prospicere.

Ob quod magno odio digni sunt & detestabiles, qui provinciales aut Ordines inconstantia, & quodammodo periuri culpant, quòd admissò exercitio alterius religionis, intra terminos dictæ pacis Gandauensis non constiterint, cū Rex, Regij Duces & Consiliarij, prætectu dicti Edicti perpetui, & quarundam literarum (de quibus mox dicitur) prius pacem illam, tãquam infamem reiecerint, atq. vsum illius armis adinere, omniaque ad accerbitatem veteris inquisitionis reuocare tentauerint; sic vt Ordinibus, aut prouincialibus etiã, cū maximè vellent & optarent, cum quiete & tutela Ecclesiasticorum non licuerit dictæ pacis condicionibus adherere, vt vltiora incōmoda atq. inconuenientia quæ acciderunt, declarare, propter contraria regionum Ducum atq. militum studia, deò vt (præter liberum arbitrium prouincialium, in mutando pacem illam quam inter se contraxerant) Regis Catholici veritas, necessitas Reipub. & declinatio imminentium periculorū, quæ ex illato bello, & incitatis subditorū dissidiis, merebantur, mutationē induxerint. quod meritò ad excusationē Ordinū valere debet. Nihil enim imputatur ei quē impetitor, aut cui noua causa superuenit, aut quoties publica necessitas ad euitandas ciuiles dissensiones, & declinanda hostis exercitus pericula mutationē exigit: Nam Reip. quieti omnes leges attemperandæ sunt, omnesq. dispositiones & cōventiones intelliguntur rebus sic stantibus, & in eodē statu manētibus. Illi enim solū fidem fallunt, & inconstantia crimen conahunt, qui cū eadē moueant quæ erāt tēpore fidei data, nō cessat id de quo actū est, non etiam si mutatio superuenerit.

aut

aut aliquid inciderit quod impediat, maximè si (vt est in proposito) causa mutationis & impedimenti ab eo cum quo agitur, processerit, & præsens periculum tumultuum quod ex reuocatione illa pacis Gandauensis Regij sperabant, certissimè immineat.

Ex quibus causis etiam deducitur, quod de literis Ordinum ad Regē scriptis adducitur: Nam si fortè olim, ante pacem Gandauensem, particulares Ordines Regi Catholico per literas obtulerunt religionis statum tempore Caroli Quinti vigentem, id vniuersitati prouinciarum non præiudicat, & sequens pacis Gandauensis interpositio atque omnium rerum mutatio efficit, ne subditi, tam ingentibus malis circumuenti, tot bellis aliisque casibus vexati, nunc ex interuallo angustiis talium literarum, quarum executionem & obseruationem temporis ratio prorsus constituit impossibilem, coarctari possint aut debeant.

Post verò pacem Gandauensem quicquid prætendatur in contrarium, non putamus aliquas reperiri literas, communi Ordinum consensu scriptas, quæ rectè expēsæ, terminos dictæ pacis Gandauensis egrediantur, vt per Iustificationē Ordinum aduersus assertionem Ioannis Austriaci, publicis monumentis clarissimè demonstratum est: quinetiam si deputati Ordinum post pacem Gandauensem liberalius, aut Imperatori, aut Regi scripsissent, per hoc tamen non subuerteretur publicum fœdus Gandauensè, absque speciali cōsensu singularum prouinciarū, à quibus illud solenniter probatum & acceptatū fuit, nec impedirentur Ordines, post atrox bellum sibi à Rege illatum, & diu continuatum, tumultusq. inde secutos, à prioribus consiliis discedere, atq. ad alia confugere, quæ necessitati vel utilitati Reipub. conueniunt, & ad ciuium cōcordiam retinendam requiruntur; vti anno iam elapso & amplius, metu instantis mutationis, apud Cæsarē protestati sumus, in solenni illa & per Ordinum concordiam approbata respōsione, quam Maiest. suæ Imper^æ transmisimus, per aulicum suum Consiliarium Baronem de Stübing, cuius exemplum his adiunximus, & quæ in tanta rerum mutatione præponderare debet antecce.

antecedentibus epistolis, quarū causa in hoc rerum statu variationem accepit, & cum Regia Maieſt. adeò fixo iudicio pacem Gandauensem ſemel improbauerit, & tantis bellorum ſumptibus haſtenus eradicare tentauerit, iuſtam dubitationē habemus de blandimētis, quæ ſpecie dictæ pacis nobilitati & populo ſunt, verentes ne inter tot ſtipata exterorum agmina hoc ſolū agatur, vt per captionē populi incitatis maioribus diſſenſionibus inſidiæ ex æquo parentur omnibus.

N A M ſi Rex pacem illam, rebus prouinciarū meliori loco conſtitutis, improbauit, quis credet poſt tot calamitates ditionibus illatas, & tantos belli ſumptus factos, Regem ex animo pacem illam Gandauensem nunc ex interuallo probabilem iudicare, & ſubditis ſeriò offerre?

E T contraria argumenta manifeſtè ſuppeditant dictorum articulorum inuoluta conceptio, & dictæ pacis derogatio, non ſolū circa auctoritatem Principis Auraici, & ſecuritatem Hollandorum & Zelandorum; verumetiam per Ediſti perpetui accumulata obſeruationem, & expreſſam præſcriptionem, quæ duobus articulis de Religione conceptis inferitur, per quam ſubditi reliquarum ditionum nō obſcurè anguſtioribus vinculis, quā priorum pactorum concluduntur, coarctanturque omnes, ſecundum prætenſam Ediſti perpetui obligationem, ad profeſſionem & vſum fidei Romanæ, vt oſtendit effuſa diſpoſitio articulorum, & ſequens exceptio, qua pax Gandauensis reſpectu religionis ad ſolos Hollandos, Zelandosque ac Bommelenſes reſtringitur: & quanquam ſequenti articulo prætextu benignitatis, alij qui à fide illa receſſerunt, tolerantur, id tamen cum ea reſtrictione indulgetur, vt ſolū ſecuritatem habeant aduerſus rigorem regionum Placitorum, & ſi ex ditionibus diſcedant, bonorum ſuorum curam Catholicis adminiſtratoribus relinquere, & reuertentes Catholicè vitare, & curatis Eccleſiarum & Magiſtratus locorum de ea re fidem facere cogantur; quod paci Gandauenſi prorsus eſt contrarium, ſecundum quam liberum eſt omnibus, abſque aſtrictione & profeſſione vnius vel alterius religionis venire, morari, conuerſari, recedere & reuerti, &

c

commit-

committere administrationem rerum suarum cuiuslibet pro arbitrio, ita ut verbis, ad augendum intestina dissidia, vulgo speciosa fiat pacis Gandauensis ostentatio, reuera autem in totum beneficium illius subuertatur, reuocatis omnibus ad veterem morem, secundum quam vigeant aduersus quoslibet Inquisitiones, excommunicationes, aggrauationes, reaggrauationes, brachij secularis inuocationes, & similia, quæ rebus & temporibus accommodari non possunt, sine immortalibus prouinciarum ac ciuitatum inimiciis, sine seditionibus & cædibus ciuium, & euidenti reliquiarum, tam religionis quam auctoritatis discrimine.

Ex quibus perspicue intelligunt Celsi & Dign. V. subitanam illam rerum mutationem Ordinibus nimium esse periculosam, ac proinde necessitatem Reipub. maiorem quandam dictorum articulorum moderationem exigere, longe ultra terminos pacis Gandauensis, ne exemplo superiorum temporum non multo postea iisdem vel maioribus agitemur tumultibus, aut cum summo insidiarum periculo moram diutaxat aliquam his malis producamus.

Et ut ad alia veniamus, omnes vident quantis ambagibus inuoluitur, & in quam longum tempus differatur, innocentis Comitum Burani restitutio ac liberatio, videlicet donec Princeps Auracus adimpleuerit ea de quibus cum eo transigeretur, per singularem capitulationem, ad quam propter fidem datam vniuersitati prouinciarum, & post expirationem termini, communi cautione præstituti, compertum est Excell. suam non posse descendere, quemadmodum intelligimus ipsum Vestris Celsi & Dign. per literas respondisse: Vnde quantum periculi ex dictis articulis & patri & filio, non sine grauissima prouinciarum omnium perturbatione, imminet, facile est discernere.

ILLVD quoque animaduersionem desiderat, nullam neque pro Regina Angliæ, Duce Alençonio, aliisque confœderatis, imò nec pro ipso Archiduce Matthia idoneam capitulationem illis articulis contineri.

DE NIQVE gesta decretaque ipsius Archiducis & Ordinum,

dinum, in quàm fragilibus relinquuntur fundamentis, inuolucra exceptionum additarum ostendent.

QVÆ omnia representanda atque oculis subiicienda duximus, vt Celsi. & Dign. V. causas malorum nostrorū propius intuerentur, intelligerentq. nec leues, nec improbables difficultates circa dictos articulos incidere, præsertim in ista summa animorum exacerbatione & diffidentia, diuersitate capitulationum Principis Parmensis, Ducisque de Terranoua, atque dubitatione & incertitudine omnium rerum.

ET dum secundum promissa, Parmensis Hannoniensibus atque Artesiensibus facta, exercitus Hispanorum intra terminum præstitutum non decesserit, & in prædictis articulis de tempore, quo abire debeat, nihil determinatè conuenerit, multiq. non iniuste & ex indiciis non obscuris suspicentur, illorum propositum ac institutum esse ditiones istas non derelinquere, quodq. omnia per simulationem fiant, vt lenocinio pacis subditorum animis erectis, maiores turbas ac seditiones concitent, atque ita viam parent procedendi ad prouinciarum penetralia, cum miserabili omnium seruitute & oppressione.

CVMQVE in mora sit periculum, nec ita celeriter, vt rerum status postulat, suffragia prouinciarum obtineri & conciliari possint, præclarissimum & vniuersæ Reipub. Christianæ utilissimum studium esset, si Cæs. Maiest. & Celsi. & Dign. vestræ auctoritatem suam interponerent, & ex officio propositis idoneis & efficacibus remediis aduersus incommoda superius relata, aliaq. illis similia Regem Hispaniarum, aut Ducem de Terranoua eius Commissarium, inducerent ad condiciones æquiores, securiores, & statui præsentis Reipub. magis conuenientes, & tales, quæ in vniuerso profint, & quas reuera tabulas pacificatorias appellare, & æternitati cum omnium securitate consecrare liceat. In quo si (quemadmodum confidimus) Celsi. & Dign. vestræ apud Regem operam diligentiamq. impenderint, laudem consequentur apud omnes homines immortalem, & Ordines ac prouincias perpetuo obsequendi studio arctioribus vinculis sibi astringēt:

nos interim non cessabimus prouinciarum vota suffragiaque
requirere, ac per primam opportunitatem transmittere. Deus
pacis auctor Cels. & Dign. V. in inchoata pace perficienda
confirmet, & in felicitate diutissime conseruet incolumes. Ex
Antuerpia 1. Septemb. Anno Domini M. D. LXXIX.

Cels. & Dign. vestrarum

Deditissimi Ordines Belgij.

Ad mandatum supra dictorum Ordinum

I. Houfflin.

RESPONSIO ORDINVM GENERA-
LIVM GERMANIÆ INFERIORIS, AD
propositionem Illustris Domini Senfridi Preiner Baronis in
Stubing, & aulici Cæs. Maieſt. Conſiliarij, & legati, data
Antuerpiæ XX. mensis Iulij M. D. LXXVIII.

PRÆLATI, Nobiles ac prouinciarum ciuitatumque Ger-
maniae inferioris delegati, qui vniuersos Ordines repræ-
sentant, immortales Sacrae Cæs. Maieſt. summa cum ani-
mi submissione atque obseruantia agunt gratias, quod post
violatas à Ioanne Austriaco pacis conditiones, secundo lega-
tionem huc destinare, & Illustrem Dominum Seyfridum
Preiner Baronem in Stubing, & aulicum Maieſt. suae Conſi-
liarium, legatum ad se mittere dignata sit, qui pro officio &
candore suo studioque, quo has ditiones prosequitur, singu-
larem benéuolentiam & amorem Sacrae Cæs. Maieſt. erga
istas inferioris Germaniae prouincias, nec non sinceritatem,
curam & sollicitudinem pro salute & tranquillitate ipsarum
ditionum, à Maieſt. sua exhibitam, cum luculenta beneficio-
rum (quæ nulla vel temporis diuturnitate vel calamitatum
magnitudine oblitterabuntur) commemoratione clarissime
exposuit.

ET

Et cum omnia amplissima sint, quæ Sac. Cæs. Maieſt. pro salute harum prouinciarum procurauit, tum illud etiam maximi ponderis, & præcipui momenti existimant, quod sua Maieſt. Hispaniarum Regem cohortata est, vt suæ Maieſt. rem omnem permitteret, & ab armorum consilio desisteret: deinde quod Sacri Imperij Principes Electores admonuerit, vt in personis propriis in conuentu Wormatiensi conuenirent, & per seipsos deliberarent de rationibus, quibus tandem hæ prouinciæ in pristinum statum restitui possent, & quid de postulatis vtriusque partis constituendum foret.

Quod verò ad præteritas oblationes attinet, recordantur Ordines, atque in recetæ memoria habent, tenorem literarum & scriptorum, quibus vt Regi Catholico reconciliarentur, vt certam formam Reipub. ac religionis retinerent, ac tranquillam vitam ducerent, professi sunt ante annos aliquot, se neque ab obedientia Maieſt. suæ, neque à religione Catholica Romana recessuros, quemadmodum etiam superiori anno post pacem Gandauinitam, & Cæsareæ & Regiæ Maieſt. literis denuò declararunt, se in eadem obedientia ac religione secundum terminos dictæ pacis permansuros, si reuocato intolerabili Hispanorum aliorumque exterorum Imperio, quietè & securè possessiones suas cum vxoribus & liberis retinere possent: Quinetiam post violatas ab Austriaco pacis cõditiones, & bello miserabili infestati, & cum antea sæpe decepti, propter insidiarum periculum ab vltiori cõgressu abhorrent, ne quid intentatum relinquerent, quod ad pacem fulciendam & restaurandam pertineret, Baroni de Selles, Regis Catholici legato, eadem, quæ prius obtulerunt, addita aperta significatione & necessaria protestatione imminentium periculorum, tum in religione, tum in dicta obedientia, si Regia Maieſt. differendo pateretur subditorum diffidentiam, & desperationem longius procedere: Verum Maieſt. sua nunquam in tempore dignata est humiles supplicationes & lacrymabiles preces suorum subditorum admittere, & exaudire: quinimò quod est miserabilius, pro beneuolo clementique responso, ab Ordinibus certissimè expectato, & nouissimè à Domino

de Selles constanter affirmato & promisso, iustissimas preces Ordinum reiecit, pacta, transactaque Gandauensia solenniter approbata, irrita fecit, & suos subditos crudelissimo bello aggressus est, remittendo auxilia militaria, vndecumque contracta, ad exequenda turbulenta ac perniciosà Ioannis Austriaci consilia.

Qvo factum est, vt tanta Reipub. perturbatio, tantaque malorum (quæ bellum secum trahit) inundatio, cum magna animorū ab alienatione secuta sit, vt meritò dubites an priora illa promissa & oblationes (præsertim relatione facta ad tempora Caroli Quinti, quæ nunc serò à Maieſt. sua vrgētur) hoc periculoso tempore adimplere vel possibile sit, vel etiam expediat: & præterea cum Maieſt. sua inita pacificationis Gandauensis pacta obseruare detrectet, non omnino mirum videri debet, si subditi vicissim sese à vinculis dictorum pactorum respectu Regis liberatos existiment.

Et cum per belli calamitates cura religionis stabiliendæ difficulter retineatur, dolent & ingemiscunt Ordines, labi oportunitatem & tempus, quo commodè remedium adhiberi possit, præsertim inualeſcente licentia militari, & morum dissolutione, quæ ex progressu funesti belli inducitur, cuius auctoribus, non populo aut Ordinibus irascendum est, quibus in hac rerum peristasi magis ciuium suorum concordiam procurare necesse est, quàm contentione tutandæ religionis Hispanorum insolentiam confirmare, & trophæum contra se ipsos erigere, vt in tanta animorum desperatione & infinita multitudine diuersam religionem sequentium, vrbes eorum exagitata, seditionibus & cædibus ab exteris tandem diripiantur & euertantur: adeò enim sui compendij cum Ordinum dispendio studiosi sunt aduersarij, vt per religionis abusum prouinciarum seruitutem & calamitates stabilire conentur, & incitato religionis dissidio, popularibus seditionibus (quas per varias prodiones moliantur) vires Ordinum debilitent atque infirmant, & tandem absque discrimine, tam Catholicos, quàm eos qui à Romana Religione discesserunt, minori negotio aggrediantur & opprimant, redintegrata

Hispa-

Hispanorum tyrannide, ac intolerabili imperio, secundum perniciosum consilium Secretarij Escouedo, in quo præci-
uam spem & principalem scopum actionum suarum con-
stituunt: ita vt metuendum sit, ne Ordines, inter duo ma-
la constituti, cogantur quali quali remedio ciuium concor-
diam retinere potius, quàm Rempub. deferere, & exteris in-
stantibus, vitam, vxores, liberos, & possessiones euidenti peri-
culo exponere.

Ex quo fit perspicuum, non Ordinum culpa, sed mora
& perniciosis consiliis, quibus Regia Maiestas imprudenter
acquiescit, omnia in deterius, & quasi ruinam collabi. Quo
nim studio, qua sedulitate Ordines superioribus annis (cū
es tempusque ferebant) cum Regis obedientia religionem
artam testam conseruare conati sunt, Deus inspector animo-
rum nouit, & res ipsa, quæ anno sexagesimo sexto gesta est,
ante aduentum Albani luculenter testatur; quibus autem
calumniis & iniuriis improbissimorum quorundam homi-
num, præsertim Albani & sequacium suorum, sanguinem
subditorum sitientium, Maiest. sua malo quodam fato in-
transuersum acta, & ab omni clementia abalienata fuerit,
cum doloris acerbitate recordantur omnes: vnde enim quie-
tis & tranquillitatis remedia sperabantur, inde maximæ mo-
lestiarum & turbulentissimæ tempestates emanarunt.

Hic itaque consideratis, Sacr. Cæs. Maiest. facile anim-
aduertit, per Ioannem Austriacum, aliosque malè consulen-
tes, ditiones istas in maiorem confusionem recidere, atque
disturbari occasionem exequendarum priorum oblationum,
sublata causa ex qua factæ erant: nam oblationes illæ factæ fue-
runt, cū Ordines sperarent Remp. calamitatibus liberatam
iri, Regem perniciosis consiliis abiectis; à bello abstenturum,
Ordines conuenturos vt de communi vniuersæ Reipub. bono
cōmunicarent, quæ neque ad humiles preces subditorū, neq.
ad frequentes & serias Imper. Maiest. aliorumq. Principum
intercessionēs obtineri potuerunt, culpa eorū qui improbè,
temerè, imprudenter, ferociter & inhumaniter in his rebus
versati

versati sunt, & statum politicum omnimodo perturbarunt, quibus propterea omnia imputanda sunt.

QVEM AD MODUM etiam mirum videri non debet, si in hoc rerum statu subditi Regem non tam religiosè venerentur, à quo bello gravissimo provinciæ impetuntur, & maioribus cladibus afficiuntur, quàm vnquam à maximo inimico pertulerunt. Etenim defensio iuris naturalis est, & si vasallo ob negatam iustitiam licet dominum deprædari, & inter dominum & subditum mutua sit obligatio, nullum vituperium Ordinibus ascribendum est, si post obtentam erga Principes suos fidei & constantiæ laudem, malè tractati, pro defensione libertatis & vitæ, aduersus eum arma sumant, à quo armis & bello inuaduntur.

ET cùm omnes eorum beneficiorum maximè meminisse soleant, quæ in calamitatibus acceperunt, summa est occasio, qua Cæs. Maiest. & Principes sacri Imperij benemereri possunt de ditionibus Belgicis, & simul non minus sibiipsis, quàm illis prodesse, si missis suppetiis militaribus, afflictos Belgas, vicinos & membra sacri Imperij, aduersus exterorum vim atque ferociam promptè tueantur, atque illos quæ inferiorem Germaniam oppugnant, & Illustrissimum Archiducem Mathiam Cæs. Maiest. germanum fratrem, illarum provinciarum moderatissimum gubernatorem, cum ignominia tum ipsius, tum ipsorum Ordinum deturbare conantur, ab armis deterreant, tutelam atque protectionem Belgicarum ditionum suscipiant, quæ promptissima ratio conseruandi imperij Belgici, vel Regi Catholico, vel domui Austriacæ, antequam deserti Ordines de exteri principis auxiliis certiora concludant consilia.

QVÆ quidem consilia, de exteri principis auxiliis, non ignorant suis incōmodis non carere, tamen eiusmodi sunt quæ eos præsentī calamitate & belli metu possunt liberare: quod utinam Cæs. Maiest. & sacri imperij Principes etiam sibi faciendum proposuissent, hoc est, provincias imperio confœderatas, & quarum ruina magnam imperij partem inimicis patefaciet, præsentī auxilio confirmare potius, quàm

Com-

Commissariis rem gerere. Nam etsi non dubitent Maieſt. Cæſ. ſedulò procurare ea quæ exiſtimat facere ad pacem, his prouinciis reſtituendam; tamen cùm re ipſa Ordines experiantur, quàm parum ſpei ſit ponendum in rebus adèd incertis, & in voluntate inimicorum poſitis, humiliter orant ſuam Maieſt. vt ignoſcat Ordinibus, quòd in iis ſuæ Maieſt. conſilio & voluntati obſequi minus poſſunt: Nam cùm etiamnum incertum ſit Ioannes Auſtriacus quantum ſuæ Maieſt. tribuat, & quid de ceſſatione ab armis & reliquis mandatis ſuæ Maieſt. facturus ſit, facilè putant intelligi poſſe, quàm non conueniens neque conſultum ſit de indutiis & armorum ſuſpenſione mentem & voluntatem declarare: ſed cùm ab initio Ordines ſemper Pacificationi non inſidioſè operam dederint, & nihil aliud deſiderent, quàm conſeruata patriæ libertate, in pace viuere, apertè profitentur Ordines ſeſe pacis tractationem minimè reiicere, ſed eam ſummoperè deſiderare, quæ tot ærumnarum & calamitatum, quæ proueniunt ex bello, omnium malorum larua, promptam leuationem adferre poſſet. Quamobrem non poteſt non Ordinibus eſſe gratiſſimum, quòd iterum ſua Maieſt. Commiſſarios Cæſ. præcipuæ auctoritatis ac neutri parti ſuſpectos, ad ſeſe deſtinauerit, quòdque pacis tractationem per Oratorem ſuum apud Regiam Maieſt. in Hiſpaniis etiamnum proſequatur, & omni maiori ſtudio vrgeat: quæ in re ſolicitudinem & curam, quam ſua Cæſ. Maieſt. ſuſcepit, & nec intermiſſuram ſperant, pro prouinciarum ſalute humiliter agnoſcunt, indies magis ac magis ſe ſuæ Cæſ. Maieſt. pro tam immenſis beneficiis obligatos conſitentur; id vnum poſtulant, vt veniam det, ſi nihilominus interea ſuæ ſecuritati proſpectum velint, ita tamen, vt iura inclytæ Auſtriacæ domus, & fœdera à prouinciis cum ſacro Imperio inita, quantum fieri poterit, conſeruentur; quæ ſanè vt neque Regis Hiſpaniarum auctoritatem, ſi tandem ad ſubditorum ſupplicationes & preces adhibeat æquas aures, nullo modo imminui patientur.

Et cùm ex his quæ dicta ſunt, & quæ Legatus coram ſuis
d oculis

oculis animaduertere potuit, Illustri Cæs. Ma. Legato satius quàm æquum & iustum sit, desiderium Ordinum constare possit, hoc vnum petunt & rogant Ordines, vt Legatus fideliter suæ Cæs. Maieft. exponat, quæ ad salutem & conseruationem prouinciarum inferioris Germaniæ pertinebunt: & quodd in eam rem operam diligentem pollicetur, summas agunt gratias, quas referre Ordines parati sunt.

LITERÆ ORDINVM AD
DVCEM DE TERRANOVA.

*Ex lingua
Gallica in
Latinam
translata.*

*Domino, Domino Duci Terranouano, Catholici
Hispaniarum Regis Commissario,
Coloniæ.*

DOMINE, Accepimus epistolam tuam, v. Augusti scriptam, comitem illius quam nobis scribunt Domini Principes Electores & Commissarij Cæs. Maieft. quibus tum tua Excell. tum illi nos hortantur ad recipiendum & amplectendum articulos pacis huc missos: Equidem optassemus maturius nos respondisse, tam tibi quàm illis: sed quia pro rei magnitudine oportebat omnia communicari cum prouincijs particularibus, ad intelligendum eorum suffragia, & intentiones; non potuimus finalem resolutionem capere, quia propter diuersitatem prouinciarum, & multitudinem opinionum dicta suffragia sunt retardata, atque ita ea adhuc expectamus: statim autem vt acceperimus, non differemus officio nostro satisfacere, ac respondere, quemadmodum Regiæ Maieft. honori, Belgij nostri bono & tranquillitati maximè expediet. Interea volumus tibi liberè indicare seductiones vel coitiones Principis Parmensis aliasque negotiationes particulares maioris diffidentiae causam esse, magnaque repugula & impedimenta determinationi & utilitati publicæ iniicere.

Et quanquam confidimus tuam Excell. ac dictos Principes

tipēs hactenus processisse, ac procedere bona fide, & integra affectione erga suam Maiest. & has afflictissimas ditiones: metuimus tamen ut per dictos articulos, ea forma qua concepti sunt, malum tamdiu radicatū possit curari, dictaq. provinciae sincerè reconciliari suae Maiest. tam propter impossibilitatem efficiendi, & executioni mandandi quosdam ex dictis articulis, sine maiori dissensione intestina & laniena subditorum, quàm propter plurimas restrictiones & obscuritates, quæ in iisdem articulis reperiuntur; denique propter diuersitatem tractatum tuæ Excell. ac Principis Parmensis, aliasq. rationes, quas amplius scribimus dictis Principibus: Confirmantes nos nihil amplius desiderare, quàm Dominum nostrum & Principem recognoscere, & nostras personas, vxores, liberos ac facultates in quiete ac tranquillitate constituere, modò ea sit forma durabilis, & capitulatione tuta, idq. per condiciones clariores, & tali beneuolentia & rotunditate refertas, quæ possint reipsa auferre omnem diffidentiam, vnde promanat omnis sinister intellectus inter suam Maiest. & subditos.

Et quoniam vltiores moræ sunt periculosæ, & quod verendum est, ne in hac rerum perplexitate aliquid temporis adhuc elabatur, antequam particulares provinciae concluderint, & suffragiis inter se conuenerint: hac occasione & propter alias graues causas rogamus, ut placeat T. Excell. virtute potestatis suæ, cum auxilio & consilio dictorum Dominorum Principum latius sese dilatare, & dictos articulos temperare oblationibus & condicionibus verè regiis, æquioribus & magis practicabilibus, iis potissimum locis vbi occasione turbatarum, dilationum ac protractionum res eò reductæ sunt, ut impossibile sit vno tempore eas restituere, vel per pacem vel per vim: Hoc addito, si dictæ dilationes, negotiationes & tractationes particulares continuentur, timemus dictam diffidentiam incrementum accepturam, & suam Maiestatem grauius damnum quàm lucrum facturam: quod tamen lucrum nonnulli captant & sperant ex separationibus & tractatibus supradictis. Quod restat, declaramus si Regiæ Maiestati placeat suis subditis reipsa obuiam

ire, vera quadam clementia, plenaque mensura, per remedia conuenientia, iuxta magnitudinem vulneris, quod ita nos præstabimus, in omni æquitate & obedientia, cum tali amore & affectu, ex quibus in perpetuum poterit securitatem cōcipere. His, Domine, Creatorem precamur, vt tuam Excell. sua protectione conseruet. Antuerpia x. Septemb. M. D. LXXIX.

*Tua Excellentia quam officiosissimè addicti
Ordines generales Belgij.
Mandato dictorum Ordinum
I. Houfflin.*

VIII. Octobris Domini Commissarij literas Imp. quæ Ordinibus Belgij scriptæ erant, vnà cum binis literis, quas ipsimet ad Ordines dabant, legatis eorundem Ordinum, vt per eos ad ipsos procurarentur, transmittiebant: At cum Legati dubitarent, num fortè literæ illæ responsum continerēt ad eas Ordinum literas quas ipsi diebus præteritis exhibuissent, visum illis fuit exempla earum postulare, vnà cum exemplo illarum quas iam ante secundò se ad Ordines scripsisse, Celsi. & Dign. eorum xxvii. Sept. referebant, vt ex iis cognoscerent, quid porrò sibi iuxta præscriptum, quod vltimis literis ab Ordinibus acceperant, faciendum incumberet.

EODEM die Dux Arschotanus reliquis Legatis ostendit literas quas ciuitas Valencenæ ad Dominos Commissarios, & ad Ducem de Terranoua perscripserat; item respōsum quod vicissim illi ad easdem literas prædictæ ciuitati dedissent. Has literas vnà cum articulis, quorum in illis mentio fit, propter historiam subiungere quoque placuit.

SEQUENTI X. Octob. binarum vltimarum literarum, sed non secundarum, exempla Legati Ordinum à Dominis Commissariis acceperunt. At cum in iis viderent nihil Ordinibus ad literas eorum responsum esse, ea quæ subiecto scripto continentur, audientia impetrata, ore proposuerunt; deinde ad petitionem subdelegatorum in scriptis (ipsi enim Domini Commissarij præsentēs non erant) exhibuerunt. Sequuntur prædictæ literæ.

LITE;

213

LITERÆ DOMINORVM COM-
MISSARIORVM AD ORDI-
NES GENERALES.

*Sacra Cæs. Maieſt. ad negotium pacificationis
Belgicæ deputati Commiſſarij.*

Illuſtres, Reuerendi, Generoſi, Nobiles & prudentes.

POſTEA QVAM Cæs. Maieſt. Domino noſtro clementiſ-
ſimo placuit, nobis in hoc Belgicæ pacificationis negotio
ices ſuæ Maieſtatis committere, ſimusque à ſua Maieſt. mo-
iti & iuſſi, huc Coloniam, ciuitatem vobis vicinam, tātæque
tractationi commodiſſimam, ad Dominicam Lætare huius
nni labentis nos conferre, ſimul etiam ſignificatum, eundem
terminum & locum vtrique parti à ſua Maieſt. præfixum &
onſtitutum fuiſſe, quantum in nobis fuit, & voluntati ſuæ
Maieſt. vti æquum eſt, parere, & partium expectationi ſatiſ-
facere deſiderantes, omnibus noſtris & ditionum noſtrarum
negotiis ſepoſitis, paucis diebus poſt dictum à S. Maieſt. diem
nos huc omnes contulimus, veſtros legatos, quos magis tem-
peſtiuè adeſſe conueniebat, per menſem integrum patienter
expectauimus, re deinde cœpta, non leuem moram negotio
reperiit, quòd eos qui nomine veſtro aderant, ſufficienti
Mandato, eodemque ad ſex tantum ſeptimanas reſtriçto, ca-
ere compertum; cuius defectus, & quidem ſubſtantialis, ne-
que in hunc vſque diem, ad crebriores tam diligentes & ſe-
rias noſtras monitiones, à vobis ſuppletus fuit, nec temporis
prorogatio impetrari potuit, quod ipſum Regium Mandata-
rium ſtatim ab initio dubium reddere, nobis etiam voluntatis
veſtræ magnum ſcrupulum iniicere potuiſſet. Nihilomi-
nus tamen temporis lucrum affectantes, & cauſam, quantum
ad nos ſpectat, promouere ſtudentes, de pleniori veſtro Man-
dato conſiſi, cum partibus tractationem iniuimus, eademque
ſpe Regium Mandatarium hucusque ſuſpenſum tenuimus:
partium deinde propoſitionibus & allegationibus auditis, iis
quoque quæ antea inter voſmetipſos inita & conuēta fuere,
d 3 diligen-

diligenter perpensis, capita quædam pacificationis xviii. mensis Iulij proposita sunt, per quæ cum vobis omnes offensæ condonentur iniuriæ, damna, impensæ, vectigalia, præterea & onera horum rumorum & tumultuum causa inuecta tollantur, obliuioni quæ omnia tradantur, & vos Regi catholico, vestro principi & legitimo magistratui, omni rigore sublato, plenissimè reconciliemini, & pristina tranquillitati & quieti restituamini; vobis denique patriæ quæ vestræ tota Regis offeratur benignitas & mansuetudo, eadem quæ ferè omnia ampliora & mitiora quoque, quàm quæ proximis annis horum tumultuum causa à vobismetipsis in pace Gandauensi, & Vnione generali subsecuta, constituta, promissa, solenniter iurata, postea in Edicto perpetuo denuò renouata & confirmata fuisse, largiantur; Omnino nobis persuasum erat, maximè cum has tam luculentas, honestas & tolerabiles sanè condiciones Cæs. Maiest. suis sacris monitionibus plurimum commendare videbatur, vobis easdem non posse esse nisi gratissimas, vestram propterea declarationem beneuolam & obsequiosam magno desiderio in tertium usque mensem nunc expectauimus, & ne in aliquo nostro deessemus officio, si fortè dictæ condiciones vobis debito tempore non fuissent redditæ, vel fortè in via deperditæ aut suppressæ, quinta die Augusti ad vos, & particulares prouincias, primarias quæ ciuitates eisdem articulos cum literis nostris, quæ diligenter omnia præsertim vestram eius quæ tam oportunam assequendæ ad animum vobis reuocarent, transmisimus: vestros etiam deputatos præsentibus sapius de maturanda & acceleranda resolutione assidue moneri fecimus. Tertia denique vice ad prouincias particulares & ciuitates alias in eundem effectum xxix. mensis Augusti dedimus literas; ad quas soli ciues Buscoducenses pacis cupidos, iisdem quæ condicionibus contentos sese nuper declararunt. Et quamuis aliæ quædam prouinciæ & ciuitates nobis significarint, quod ad Illustrissimum Principem Dominum Matthiam Archiducem Austriæ &c. amicum nostrum singularem, Dominum quæ gratiosissimum, & Status generales Antuerpiæ cōgregatos, resolutiones suas miserint; nihil tamen certi

erti de iis ad nos præter omnem expectationem hætenus re-
 xum est. Spem autem nostram & eorum omnium qui iam
 onam de pace constituenda opinionem conceperant, non
 arum minuerunt literæ quæ his diebus à deputatis Ordinum
 Ducatus Brabantiae, Antuerpiae congregatis (à quibus nõ mi-
 nima totius huius negotiationis auctoritas dependere existi-
 natur) de dato vj. Id. Septemb. accepimus, quibus negotium
 hoc, nostra quidem opinione, ferme completum, aliqua ex
 arte tantummodo cœptum putant, & has condiciones totas
 repudiare, aliamque omnino pacis conficiendæ rationem po-
 tulari videntur.

Cum igitur etiamnum ad tam frequentes nostros horta-
 tus & monitiones nihil certi nobis per vos responsum sit, gra-
 tie admodum nobis esse cœpit, cum tanti temporis dispendio
 imptuum grauißimorum, prouisione Maiestatis Imperialis
 nostroque neglectu, diutiùs hinc immorari, his vobis significare
 oluimus, nos ab initio omnino parare. Ne autem aliquam
 culpam in nos referendi prætereundæ possitis occasionem, vo-
 bis vltimum hunc terminum peremptorium constituimus &
 assignamus, vt categoricè, clarè & apertè vestrorum animorum
 conceptum intra xvij diem mensis Octobris, proximè se-
 quentis, huc mittatis, & an articulos propositos, & iam pridem
 transmissos, acceptare velitis, rescribatis: quò nos laborum, fa-
 tiorum & sumptuum minus poeniteat, tantoque meliùs &
 citiùs totum hoc negotium confici possit. Sin verò vel mediæ
 proposita repudiaueritis, vel nihil ad ea intra terminum præ-
 fixum responderitis (cùm vix aliud nostro iudicio à quo-
 vis magistratu, per bene affectos subditos, honestè peti pos-
 sit) absque omni vltiori cunctatione, nullaque alia à no-
 bis expectanda tractatione, nos, hoc conuentu soluto, hinc
 discessuros vos certiores reddimus; cùm insuper etiam pro-
 pter indies magis ingrauescentem pestis contagionem, quæ
 etiam familiares nostros iam inuasit, hinc diutius moram tra-
 here non possumus. Neque etiam hic terminus nimis angu-
 stus censeretur potest, cùm proximis iam aliquot annis pleraque
 omnia tractata, discussa, ventilata, interim sæpius repetita,
 & rumi-

& ruminata, composita, decisa & iurata fuerint, Imperato iam antea relata, earumq. occasione huius tractationis commissio iterum impetrata, à sua Maiest. dies vobis maturè sit dictus, tanto nunc tempore coram nobis hæc negotia agitata, tertius iam cedat mensis, quo pacis condiciones vestre Legatis sint exhibitæ, neque miles Regius, neque aliud quicquam vobis impedimento esse potuerit, quo minus convenire securèque de rebus vestris agere potueritis: Imò & vos iam antea congregatos, interim quoq. particulares prouinciarum conuentus habitos esse, partim ex Ordinum ducatus Brabantiae, partim ex aliarum quarundam prouinciarum & ciuitatum scriptis intellexerimus, neque de rebus vobis ignotis vel obscurioribus agendum fuerit, sed plerumque omnia in facti vestris propriis sint posita, & à vestra omnino pendeat voluntate: Populum etiam continuis his calamitatibus attritum nihil nisi feruentissimis desideriis & suspiriis pacem exoptare constet, quam tanto facilius vobis, quanto populum propensio-rem & Regem principem vestrum benigniorem experimini, parare potestis, modò vestra auctoritate, quod facillimè præstare poteritis, & vos facturos omnino confidimus, errantem populum in viam mansuetudinis reducere velitis. Vos vestraque consilia diuinæ clementiæ commendamus, & quæcunque beneuolentiæ officia in posterum quoque de nobis omnibus & singulis sperare iubemus. Dat. Coloniae xxvi. mensis Septemb. anno Dominicæ incarnationis &c. LXXIX.

*Statuum generalium Belgij
Deputatis, Antverpia
congregatis.*

ALTE

217

ALTERÆ LITERÆ DOMINORVM
COMMISSARIORVM AD ORDI-
NES GENERALES.

*Sacræ Cæs. Maiestatis ad negotium pacificatio-
nis Belgicæ deputati Commissarij.*

Illustres, Reuerendi, Generosi, Nobiles & Circumspecti.

LITERAS vestras x. Septemb. Antuerpiæ datas, xxvij. eiusdem, postquam literæ nostræ his adiunctæ scriptæ, signatæ, & tabellario tradendæ essent, à legatis vestris accepimus, utque, post moram tam diuturnam, nihil aliud à vobis & prouinciis Belgicis, quàm certum responsum, & mediorum propositorum acceptationem auidè expectauimus; ita ex literis vestris nihil minus quàm certam Belgicarum prouinciarum resolutionem & desideratam acceptationem colligere potuimus, sed potius prouinciarum responsum in aliam, nescimus quam, opportunitatem reiectum, & interim non pauca propositorum mediorum, & præcedentium transactionum capita, plenissimo stylo in dubium reuocata, & pleraque sinistrè interpretata, omnemque ferè spem pacis conciliandæ nobis ablatam esse intelleximus. Quanquam autem ea quæ in literis vestris comprehensa sunt, bonis & firmis rationibus impugnari & elidi possent; tamen nec operæpretium nec nostrarum partium esse arbitramur, tam amplum nouæ disputationis vel altercationis campum ingredi, vel noua media, quasi hætenus nihil actum esset, proponere, nouamque tractationem æquè incerto euentu inchoare. Cùm igitur nec à Regio Mandatario intelligere potuerimus, quod amplius, quàm in mediis propositis & transmissis comprehensum est, concedere velit, nec nostra nostrorumque subditorum negotia admittant, nos hic diutius immorari, non possumus non adiunctis nostris literis inhærere, ita tamen, ut terminum in iisdem expressum, usque ad vltimum diem præsentis mensis Octobris prorogemus: infra quem terminum, si certam resolutionem prouinciarum Belgicarum,

e

gicarum, & acceptationē mediorum propositorum non acceperimus, tractationi huic finem imposituri, Sac. Cæs. Maieſtati omnia fideliter relaturi, & ſine vltiori mora hinc diſceſſuri ſumus. Sin verò prouinciæ Belgicæ infra eundem terminum dicta media acceptauerint, nobiſque id per literas ſignificarint, ſuiſque Legatiſ Mandatum ad hanc pacificationem confirmandam & ſtabiliendam neceſſarium miſerint, vt voſ ſemotis quibuſcunq. affectibus, & diffidentia omni ſepoſita, promoturos confidimus, noſ ruruſ tam diligenter & ſedulo cum regio Mandatario Duce de Terranoua, Legatiſq. vſtriſ de confirmatione & inuiolabili obſeruatiōe eiſdem pacificationiſ agemus, & quicquid ad eam rem neceſſarium videbitur, ea dexterritate promouebimus, vt non dubitemuſ, inſidias vel ſuſpicioſes illaſ de quibuſ mentionem facitiſ, nullo hūc locum habituraſ. Interim vobiſ quæcunq. beneuolentiæ officia offerimuſ. Datum Colonia 111. die menſiſ Octobriſ, anno M. D. LXXIX.

*Statibus generalibus Belgij
Antuerpia congregatiſ.*

*Ex lingua
Gallica in
Latinam
translata.*

LITERÆ CIVITATIS VALENCENENSIS, AD DOMINOS COMMISSARIOS.

*Reuerendiſſimi, Illuſtriſſimique Electoreſ, & Principeſ
ſacri Imperij, Generoſi, Nobileſ & potenteſ Domini
Commiſſarij, Sac. Cæs. Maieſtatiſ.*

DV M hūc occupati ſumuſ, ad deliberandum ſuper articuliſ paciſ & reconciliatiōniſ, quos Excell. & Dign. vſtræ, Catholica regie Maieſtatiſ nomine, propoſuerunt deputati Ordinum generalium Antuerpiæ congregatiſ, quōſq. iidem Deputati ad noſ miſerunt xv. huiuſ menſiſ, in hoc oppido redditæ nobiſ fuerunt literæ vſtræ, vnæ data quinq. Auguſti, & alteræ xxix. eiſdem menſiſ, vnā cum articuliſ

culis pacis, & adiunctis literis Illustrissimi Domini Ducis Ter-
 ranouensis; quibus nobis iniungitis, vt quamprimùm resolu-
 tionem super illis articulis capiamus, & eam ad Excell. &
 Dign. vestras Coloniam mittamus, quemadmodum illis lite-
 ris plenius continetur. Quibus vt satisfaciamus, dignabimini
 intelligere, quòd ex nostra parte in hoc oppido semper secuti
 sumus, obseruauimus & retinuimus pacificationem Gandavi
 factam, Vnionem postea secutam, atque Edictum perpetuũ,
 in omnibus eorum punctis; nihil magis cordi habentes, quàm
 viuere in bona pace, quiete, tranquillitate, & omni bona de-
 uotione ac obediẽtia erga suam regiam Maiestatem, nostrum
 Principem naturalem & supremum Dominum. Et quoniam
 sua Maieft. Catholica dictis articulis promittit manutenere,
 & obseruari facere dictam pacificationẽ Gandauensem, Vnio-
 nem & Edictum perpetuum, in omnibus suis punctis, prout
 etiam priuilegia, vsus & consuetudines cuiuslibet prouinciæ
 ac ciuitatis, facere recedere Hispanos, & alios milites exte-
 ros, multaquẽ alia capita, dictis articulis fusiùs commemora-
 ta: nunquã satis magnas gratias agere possemus suæ Maieftati,
 pro hac clementia, fauore & amore, quo prosequitur suas di-
 tiones & subditos, ac Excell. & Dign. V. pro labore & mo-
 lestia, quæ hac de causa susceperunt, ad procurandum com-
 modum & quietem harum ditionum. quo nomine in perpe-
 tum nos deuinctos vobis agnoscimus. Quia verò nonnullam
 diuersitatem comperimus inter eosdem articulos, & eos
 quos sua Maieftas conclusit cum Artesio, Hannonia, aliisque
 prouinciis confœderatis, nobis expedire videretur (sub hu-
 mili tamen reuerentia & correctione) pro meliori & secu-
 riori pace & vnione prouinciarum, vt Sacr. Cæs. Maieft.
 Excell. & Dign. V. dignentur id efficere, vt ea diuersitas
 tollatur, iidemque articuli in vnã conformitatem redi-
 gantur: Possuntque Excell. & Dign. V. certò sibi persuadere,
 nos nihil magis desiderare, quàm pacem & reconciliatio-
 nem cum sua Maieftate, Principe nostro naturali & supre-
 mo Domino amplecti, illique omnem debitam obedientiam
 exhibere. Quia verò hoc oppidum vndique circumclauditur

ditione Hannoniensi, contiguumque est Artesio, Insulis, Duaco & Orchiaco confœderatis, ac ciues dicti oppidi præcipua sua bona & redditus annuos habeant in dictis prouinciis reconciliatis, & ex eadem ditione Hannoniensi nobis ordinaria annona subministretur, & aliæ annonæ ac merces, aliunde aduenientes, non possint ad nos venire, nisi transitum faciant per dictam Hannoniam; & quia propterea est cum primis vtile opus & necessarium, pro commodo & conseruatione huius oppidi, conseruare bonam vicinitatem & amicitiam cum eadem Hannonia, hoc addito quod præfati omnes articuli, tam vni quàm alteri, videntur tendere ad vnum eundemque finem & scopum, nempe, subditos harum ditionum recipere in reconciliatione cum sua Maieſt. suo Principe naturali & supremo Domino: firmam spem ac fiduciam concepimus, quod Excell. & Dign. V. ex his satis clare nostrum desiderium & bonam intentionem intelligentes, arbitrabuntur sibi à nobis factum satis esse, neq. ægrè ferent si temporis spatium vtamur, ad capiendum maturum consilium, & postea resoluendum, suo tempore & loco amplecti eandem pacem & reconciliationem, quæ iam inita & publicata est ab Artesiensibus, Hannoniensibus & confœderatis vicinis nostris, tempore & loco per dictam tractationem dato & præscripto nobis, aliisque omnibus prouinciis & ciuitatibus, ad eam acceptandam. Quo tempore pendente speramus etiam videre effectus rerum ibi promissarum & concordatarum.

REVERENDISSIMI, Illustrissimiq. Principes & Electores sacri Imperij, Generosi, Nobiles & Potentes Domini Commissarij Sac. Cæs. Maieſt. rogamus Deum, vt vobis sua beneficia conferre pergat, & largiri impletionem vestrorum nobilium & piorum votorum cum omni felicitate. Valencenis xix. Septemb. M. D. LXXIX.

*Humillimi & morigeri seruitores, Præpositus, Iurati, Scabini, Consilium, Corpus
& Communitas oppidi Valencenensis.*

LITE.

221

LITERÆ EIVSDEM CIVITATIS AD
DVCEM DE TERRANOVA.

*Domino, Domino Duci de Terranova, Principi Castel-
vetrani, &c. Regiæ Catholicæ Maiest. Commis-
sario, Domino nostro. Colonia.*

DOMINE, xv. huius mensis accepimus tuæ Excell^{te} li-
teras, datas xi. Augusti, comites literarum domino-
rum Legatorum & Commissariorum Sacr. Cæs. Maiest. vni-
cum articulis ex parte suæ Maiest. Catholicæ oblati, ad con-
stituendam pacem & reconciliationem cum his ditionibus,
super quibus tua Excell. nos monet & hortatur, quamprimum
& intra tres hebdomadas mittere nostram resolutionem.
Itaque omnibus bene intellectis & examinatis, ac communi-
catione habita cum nostro Concilio, respondemus nos per-
quàm humiliter gratias agere suæ Maiest. Catholicæ pro sua
gratia, fauore atque etiam cura & affectione paterna, quam
demonstrat se habere & gerere erga bonos suos subditos, ac si-
mul etiam tuæ Excell. & dictis dominis Legatis pro labore &
molestia, quæ dignati sunt sumere, & in iis perseverare mul-
tos menses, ad tractandum istud reconciliationis negotiū, pro
utilitate & quiete harum ditionum. In primis verò quòd sin-
gulariter habuerint memoriā huius oppidi & prouinciæ. Quæ
cū semper sese bene & pacificè gesserit, iuxta pacificationē
Gandauensem, Vnionem & Edictum perpetuum, contra quæ
nihil attentauit aut vsurpauit, nihil etiam magis in votis habet
post tanta mala & calamitates illatas, per mutationes & bella
præterita, quàm obuiis vlnis semel amplecti pacem securam
ac perpetuam reconciliationem cum sua Maiestate Catholi-
ca, nostro supremo Domino & Principe naturali, vt ipsi red-
damus omnem debitam obedientiam. Ad quem finem con-
sequendum, dicti domini Legati miserunt ad nos dictos arti-
culos conceptos & propositos in ciuitate Coloniensi, quos in-
uenimus rationi & æquitati perquàm consonos. Ceterū quia
ab aliquot diebus prouinciæ Artesij, Hannoniæ, Insulæ, Duacū

c 3

& Or-

& Orchiacum, Mechlinia ac aliqua oppida particularia conueniunt, receperunt, atque adeò publicarunt alios pacificatorios articulos, quibus iam absolutè reconciliationem cum Rege Catholico inierunt; & quia ab omnibus partibus sumus vicini dictis prouinciis reconciliatis, & quod magis est, purè & plenè circumclusi dicta prouincia Hannoniensi, quodq. propterea nostra interest, pro vtilitate & conseruatione huius oppidi, retinere amicitiam, bonam vicinitatem & societate cum nostris vicinis: hoc addito, quòd omnes suprà memorati articuli, tam vni quàm alteri, videntur tēdere ad vnum eundemq. finem & scopum, qui est in summa, vt subditi Belgij inueant reconciliationem cum sua Maieft. firmam spem & confidentiam concepimus, quòd tua Excell. & dicti domini Legati ac Commissarij Imperiales hinc satis clarè nostram voluntatem & bonam intentionem intelligentes, habebunt de nobis satisfactionem; neque ægrè ferent, si spatium temporis acceptemus quo maturè consulemus, & postea deliberemus amplecti eandem pacem & reconciliationem modò factam & publicatam à nostris vicinis, quos habemus hīc nostris portis cōtiguos. Idq. opportuno tempore & loco & intra terminum, qui tam nobis quàm aliis prouinciis ac ciuitatibus in dicto tractatu est præfixus, ad amplectendam eandem pacem & vsurpandum eundem fructum & beneficium. Quo tempore pendente, sperabimus etiam videre effecta rerum ibi promissarum & concordatarum. In quam sententiam scribimus etiam præfatis dominis Legatis & Commissariis Cæs. Maieft.

DOMINE, post nostri humillimam commendationem Deum precamur, vt tuam Excell. in vitæ felicitate & prosperitate conseruet. Valencenis xix. Septemb. M. D. LXXIX.

*Tua Excell. humiles & addicti seruitores Præpositus, Iurati, Scabini, Concilium, Corpus
& Communitas oppidi Valencenensis.*

ARTI-

223

ARTICVLI PACIS ET RECONCILIATIONIS STATVVM ARTESIAE, HANNONIAE, *Ex lingua Gallica in Latinam translati.*
Insularum, &c. cum Hispaniarum Rege Catholico, publicati
Montibus Hannonia, XIII. Septembris M. D. LXXIX.

I.

PRINCIPIO decernimus, vti tractatus Pacificationis Gandauensis, Vnio, Edictum perpetuum & ratificatio ex nostra parte subsecuta, maneant in sua vi & pleno robore, vtque ipsa in omnibus suis punctis & articulis effectui mandentur.

II.

ET vt melius restituatur confidentia nostrorum subditorum, & mutetur in bonam vnionem & concordiam, ad honorem Dei, conseruationem religionis Catholicae Apostolicae Romanae, obedientiam nobis debitam, simul etiam pro utilitate & tranquillitate nostrarum ditionum, concessimus, & concedimus, obliuionem perpetuam ab vtraque parte omnium eorum quae possunt esse dicta vel facta, quocunque modo, ratione aut casu, a tempore primorum motuum & illorum causa: ita vt nulli iudici, aut procuratori fisci, nec aliis liceat deinceps vlli ea exprobrare, aut in aliquem ob ea inquirere, non magis quam si nunquam accidissent, ordinando, vt in hunc finem omnes sententiae, decreta & arresta pronunciata, tam in his ditionibus quam quibuscunque aliis, quae sub nostra iurisdictione sitae sunt, causa motuum praeteritorum, aboleantur & extinguantur radicitus ex Registris, ad exonerationem absolutionemque omnium eorum quae adhaeserint vni aut alteri parti contrahenti. Ad quem finem interdiximus & inhibuimus, interdiciamus & inhibemus omnibus indifferenter, cuiuscunque gradus, qualitatis aut conditionis, ne quid exprobrent sibi mutuo occasione praeteritorum. In qua tamen obliuione non sunt comprehensi communes inimici nostri, & dictarum reconciliatarum prouinciarum banniti, relegati vel in ius vocati, quod conspirauerint in aliquam ciuitatem.

III.

RATVM quoque habuimus, ratumque habemus, quicquid in dictis

dictis prouinciis reconciliatis prouisum, collatum & concessum est à fratre & nepote nostro Archiduce Matthia, Ordinibus & Concilio Status, quousq. scilicet potestas ordinaria nostrorum Gubernatorum & locum tenentium generalium in Belgio nostro sese in hunc diem extendit. Et quantum ad prouisiones, nobis specialiter reseruatas, ad instatē requisitionem & supplicationem dictorum Statuum, eas similiter confirmauimus, & confirmamus pro hac vice, nisi nobis cōstiterit personas eas quibus prouisio facta est, nō esse catholicas & ut decet qualificatas, ad obtinendum dictas prouisiones, & munera exercendum; ea tamen lege, nisi repugnet pacificationi Gandauensi, Vnioni, Edicto perpetuo, iuribus, priuilegiis & libertatibus prouinciarum, tam in genere quā in specie, reseruatis nihilominus omnibus prouisionibus, quæ fortē factæ fuerint à xvij. die Maij, vltimò elapso, quæ habebuntur pro nullis, non comprehensis etiam prouisionibus Conciliorum Status secreti & financiarum.

I I I I.

N E Q V E inquiremus, vel inquiri curabimus, in quenquam ob demolitionem arcium & fortalitorum, earūque arces & fortalitia non poterunt in prouinciis reconciliatis denuò ædificari, aut noua erigi, sine expresso consensu Statuum cuiuscunque prouinciæ specialiter.

V.

I T E M concedimus, statuimus & ordinamus, ut omnes & singuli nostri milites, Hispani, Itali, Albani, Burgundiones & alij quicunque extranei, non grati Statibus, hunc præsentem tractatum acceptantibus, discedant ex nostris inferioribus ditionibus, siue Belgio, præsertim ex ducatu Lucēburgico, intra sex hebdomadas, proximas ab horum publicatione, aut citius, si corpus exercitus, de quo infra dicitur, prius confici & erigi poterit, & quæ ad discessum eorum requiruntur, prius parata sint. Certè ut in omnem euentum discedant intra dictas sex hebdomadas, (quādoquidem dicti Status promiserunt nobis diligentissimè, cum delegatis nostris sine fraude curaturos, uti dictus exercitus paratus sit in diem discessui exterorum præfinitum)

finitum) & intra sex alteras hebdomadas ſequentes ex Ducatu Burgundiæ, ita vt reuertendi in dictas prouincias inferiores aut Belgium ipsis poteſtas adimatur, aut ulli alij induci poſſint, quamdiu extraneo bello vacamus, & generaliter niſi opus ſit, & vrgeat neceſſitas, præfatis Statibus nota & probata. Quemadmodum etiam dicti Status curabunt educi omnes Francos, Anglos, Scotos & alios extraneos, in quos imperium & auctoritatem habent.

V I.

DICTI quoque milites Hiſpani, Germani, Itali, Burgundiones, & alij quicunque exeuntes ex arcibus & oppidis, cogentur relinquere omnem com meatum, tormenta bellica, & munitiones ibidem exiſtentes. Et quantum ad tormenta bellica, ex arcibus ſumpta, reddetur & reſtituentur prima opportunitate in locum vnde deſumpta ſunt, præcluſa omni licentia auerſendi ea, quamquam extra prouincias, eaſque arces & oppida cum dicto com meatu & munitionibus ibidem exiſtentibus, nos commitemus: illas quidem quæ ſunt ſub gubernatione Hannoniæ intra viginti dies à publicatione huius, reliqua verò, vbicunque ſita ſunt, intra alios viginti proximos dies hominibus indigenis inferiorum prouinciarum, ſiue Belgij qualificatis, ſecundum earum priuilegia gratis Statibus prouinciarum reconciliatarum reſpectiuè.

V I I.

QVO tempore diſceſſus & abitus præfatorum extraneorum pendente, nos cum dictis prouinciis reconciliatis noſtris ſumptibus & expenſis conficiemus corpus quoddam militum ex indigenis prouinciarum, & aliis gratis nobis, ac iſſdem prouinciis, ea tamen condicione, quòd præfata prouinciæ nos ſuo ſubſidio iuuabunt, iuxta articulum xx. ſubſequentem, ad manutenendam religionem Catholicam Romanam, & debitam nobis obedientiam, ex forma Pacificationis Gandaueniſis, Vnionis, Ediſti perpetui, & huius præſentis tractatus in omnibus ſuis articulis.

V I I I.

M A N D A M V S quoque Statibus & Gubernatoribus, tam
f gene-

generalibus quàm particularibus, Concillis & Magistratibus Luxemburgicis & Burgundicis, manutenere & non pati diminui, aut præiudicari in re vlla, Edicto perpetuo, & huic tractatui, in vllis suis punctis & articulis, item non permittere vllis militibus transitum aut ingressum, in præiudicium harum prouinciarum, & de his omnibus præstare iusiurandum & instrumentum publicum idoneum & sufficiens: quemadmodum etiam Status reciprocè ex sua parte facient suum debitum officium, ad eundem finem, vt commercia & communicationes sint tuta & libera inter dictas prouincias, sicuti fuerunt præteritis temporibus, cum omni securitate.

IX.

VT omnes captiui vtriusque liberentur, statim post promulgationem præsentium, quatenus erunt in ipsorum potestate, sine vlllo redemptionis pretio.

X.

QVANTVM ad bona detenta, arrestata & contrectata, hinc inde à Pacificatione Gandauensi, tam in inferioribus nostris prouinciis, quàm in Burgundia & alibi: quilibet redibit statim in bona sua immobilia: in mobilia verò quilibet etiam redibit, quatenus non fuerint alienata, auctoritate & mandato iudiciali, vel per magistratus, ad id coactos tumultu populari. In quibus comprehenduntur bona captiuorum, detentorum à Gandauensibus, & aliis factionis eorum. Quo ad redditus, & onera super iisdem bonis, obseruabuntur ea quæ disposita sunt XI I I I. & X V I. articulis Pacificationis Gandauensis, habito respectu ad diem natiuitatis S. Ioh. Baptistæ anni M. D. LXXIX.

XI.

MANVTENVIMVS etiam, & manutenemus, omnes Gubernatores modernos prouinciarum, vrbium, locorum & castellorum reconciliatorum, cõstitutos ante discessum quondam nostri dilectissimi & charissimi fratris Domini Ioannis in oppidum Namurcensè, vti etiam illos quibus prouisum est de gubernationibus per mortem vacantibus. Sed quantum ad gubernationes constitutas per modum prouisionis, propter captiui-

captiuitatem & detentionem quorundam Dominorum, illi commissi ad huiusmodi gubernationes continuabuntur, vsq. ad restitutionem & reditū dictorum Dominorum captiuorū: ita tamen, vt si dicti captiui fortē moriantur, tum prouideatur iuxta articulum xviij. promittimúsque nullos ex his destituere, quatenus secuti fuerint partes Ordinum durantibus his motibus, & manutenuerint religionē Catholicam Romanam iuxta formam pacificationis Gandauēsis, Vnionis postea infectę, & Edicti perpetui; nec faciāt posthac quicquā quod præiudicium adferat huic præsentī tractationi & reconciliationi.

XII.

ET ad maiorem securitatem, ordinauimus & ordinamus, iuxta formam xj. articuli Edicti perpetui, vt status prouinciarum reconciliatarum, omnes cōstituti in dignitatibus Gubernatores, magistratus, ciues & incolæ ciuitatum & pagorum vbi erunt in præsidio milites, similiterque iis milites, ac etiam incolæ ciuitatum & pagorum vbi non est præsidium, denique omnes alij in functione aliqua, munere vel officio militari, aut alio versantes, præstent iusiurandum, se conseruatuos religionem Catholicam Romanam, & debitam nobis obedientiam, iuxta dictam Pacificationem, Vnionem postea subsequutam, Edictum perpetuū, & hunc præsentem tractatū, & quod non recipient, mutabūt vel admittēt respectiuē præsidium, absq. scitu Gubernatoris generalis, & prouincialis, & Concilio statuum cuiusque prouinciæ, aut ipsorum delegatorum: sic quidem vt necessitate repentina ac graui urgente, dictus Gubernator prouincialis prouideat fortalitiis, vbi solet haberi præsidium militare; ita tamen, vt milites nobis sint sacramento deuincti, nobisque militent in qualibet prouincia.

XIII.

PROMITTIMVS quoque non grauare, nec grauari facere ciuitates, aut agros dictarū prouinciarum reconciliatarum aliquo milite extraneo vel intraneo, nisi ipsimet incolæ id expectant, belli aut periculi alicuius causa, aut solitum sit ibidem esse ab omni tempore, quo casu erit præsidium ex indigenis Belgij, Statibus respectiuē gratis.

VOLVIMVS & statuimus, vt in omnibus ciuitatibus & pagis, vbi Magistratus extraordinariè renouati sunt ab exordio motuum, restituantur in integrum, secundum cōsuetudinem & priuilegia cuiusque loci obseruata tempore quondam inclytæ & glorioſæ memoriæ Imperatoris Caroli Domini & Patris nostri. Item vt res ita constituantur, vt dictis magistratibus sua constet auctoritas, illisque pareatur, vt decet, ne recidatur in noua denuò pericula.

PROMITTIMVS etiam, nos semper præfecturos gubernationi generali Belgij nostri, Principem vel Principissam nostri sanguinis, qui, quæ uē dotes & qualitates, ad tam arduum munus necessarias, & de quo, vel qua subditi iustam causam satisfactionis sint habaturi, vel ex omni ratione contentos se præbere debeant. Gubernabit cum omni iustitia, & æquitate, secundum iura & consuetudines dictarum prouinciarū, iurabitque solenniter se manutenturum Pacificationem Gandauensē, Vnionem postea subsecutam, Edictum perpetuum, & hunc præsentem tractatum, in omnibus suis punctis & articulis, & notanter religionem Catholicam Romanam, nobisque debitam obedientiam, præsignificabimusque dictis Statibus, vt soliti sumus, aliquo tempore ante creationē dicti Gubernatoris, quem elegerimus. Volumus autē, vt nepos noster Princeps Parmensis, pro summo voto quod habemus ante omnia procurandi quietem & securitatem nostrorū subditorum, omni officio & industria promoueat, & executioni mandet discessum extraneorū, & restitutionem locorū, vtq. eodem tempore admittatur & recipiatur in gubernatorē generalem Belgij nostri, ad tempus sex mensium, obseruatis solennibus consuetis, & pro maiori satisfactione & cōfidentia nostrorum Statuum & subditorum, habeat pro suis domesticis indigenas prouinciarū, & quā minimū poterit extraneorū: & quo magis illis gratificemur, cupimus vt numerus dictorū seruorum extraneorum non excedat xxv. vel xxx. Quibus etiam extraneis non conferetur aliqua administratio negotiorū publicorum ha-

rum harum prouinciarū. Habiturus tamen est talem corporis custodiam, quam alij Gubernatores, Principes vel Principissæ nostri sanguinis habere soliti sunt, arcuariorū nempè & hallabardariorum indigenarū ad id qualificatorum. Cum quo nepote nostro dicti Status ex hoc tempore mutuam cōmunicationem habēbunt, ipsiq; significabunt omnia quæ agentur, & pertinebunt ad executionem eiusdem tractatus, & quæ inde dependent. Fient quoq. omnia Edicta, Madata & prouisiones per nos & nostro solummodo nomine, finitisque præfatis sex mensibus, casu quo non prouiderimus dictæ gubernationi in personam eiusdem Principis Parmensis, aut alterius, qui qualitatibus supradictis præditus sit, eadem gubernatio, ne quis tumultus aut confusio oriatur, administrabitur per Cōcilium Status interea, dum expectabitur dicta noua prouisio.

XVI.

Quod quidem Concilium Status constituetur à nobis ex duodecim viris, nostro arbitrio eligendis, tā proceribus & Nobilibus, quàm togatis, vt moris fuit naturalibus harum prouinciarum, ex quibus duæ tertiæ gratæ sint Ordinibus dictarum prouinciarum, & adhæserint ipsorum partibus, ab exordio motuum vsque ad finem. Quarum duarum tertiarum quinque habebunt à nobis commissionem more solito, & tres reliqui simplicem prouisionem pro termino trium mensium, quibus elapsis eos poterimus (si ita nobis videtur,) continuare aut eligere ac constituere alios qualificados, vt suprà, vt locus apertus relinquatur prouinciis adhuc reconciliandis.

XVII.

Ex sententia verò & conclusione maioris partis dictorum Consiliatorū, qui tenebuntur præstare id ipsum iusiurandum quod iam antè diximus, omnia expedientur vti tempore dicti honoratissimi Domini & patris nostri Imperatoris Caroli, & peculiari nota signabuntur ab vno aliquo dictorum Consiliatorum, vt obuiam eatur malis sæpius deprehensis.

XVIII.

Omnibus gubernationibus, quas deinceps ad sex vsque annos proximos continget vacare, in dictis prouinciis reconciliatis,

ciliatis, præcipuè præfecturæ militum, admovebimus naturales nostrarum inferiorum provinciarum, aut extraneos, tam vnos quàm alteros Statibus dictarum provinciarum respectuè gratos, capaces, idoneos & qualificados, secundum earum priuilegia. Quantum verò ad Concilia nostra, secretum, financiarum & alia officia magni momenti attinet, similiter promovebimus naturales dictarum provinciarum, aut certè alios non naturales, dictis Statibus gratos & acceptos: qui antequam recipiantur, tenebuntur iurare sollemniter in verba huius tractatus, & medio iureiurando promittere, casu quo deprehendant agi quidquam in eius præiudicium, de eo facere certiores Status provinciarum, sub pœna periurij & infamiæ.

XIX.

RATIFICAVIMUS quoque, & ratificamus, omnes constitutiones reddituum annuorum, pensiones & alias obligationes, securitates & impositiones, quas dicti Status ex consensu singularum provinciarum constituerunt & contraxerunt, constituent & contrahent in eorum commodum, qui illis auxilio fuerunt, vel pecuniam numerarunt necessariis, & soluenda debita contracta, causa belli & motuum præteritorum, iuxta articulum xvij. Edicti perpetui.

XX.

Nec onerabuntur in futurum vllis gabellis, cōtributionibus & impositionibus, aliter aut alia forma & ratione, quàm onerabantur tempore & imperio quondam Domini & patris nostri Caroli Quinti, & ex consensu Statuum cuiuscunque provincie respectuè.

XXI.

OMNIA & singula priuilegia, vsus & consuetudines, tam in genere quàm in specie, manu tenebuntur, & si qua violata sunt, reparabuntur & restituentur.

XXII.

DICTÆ provincie reconciliatæ tenebuntur renunciare omnibus obligationibus & fœderibus factis à principio mutationum & motuum præteritorum.

XXIII.

Et quia Status sentiunt se obligatos charissimæ sorori nostræ Se-

232
stræ Serenissimæ Reginæ Angliæ & Illustrissimo Andegauen-
sium Duci Regis Christianissimi fratri, ob suppetias ab iisdem
acceptas : nos mittemus intra duos menses proximos, ex eo
tempore quo nepos noster Princeps Parmensis & Placentiæ
ingressus fuit gubernationem generalem, personam quan-
dam idoneam ad eos, ad præstanda omnia humanitatis offi-
cia; continuabiturque confœderatio, & pristina amicitia cum
dicta sorore nostra reciprocè.

XXIII.

ET ad augendum affectum & benevolentiam quam prin-
cipes debent subditis, & contrà vt subditi magis inclinent ad
venerationem & debitam obedientiam principi suo naturali,
dicti Status humillimè à nobis petierunt & supplicarunt, vt
prima occasione & primo quoque tempore mittamus in Bel-
gium vnum ex liberis nostris, quem verisimile sit nobis suc-
cessurum, in nostras prouincias, vt ibi educetur & instituatur,
iuxta morem ipsorum, in omni pietate & virtute conuenien-
ti. Qua in re habebimus eum, quem oportet, respectum.

XXV.

CONSENTIMVS etiam, vt omnes prouinciæ, castella-
niæ, ciuitates & personæ particulares nostri Belgij, qui volent
reconciliari nobiscum, iuxta formam & condicionem huius
præsentis tractatus, à nobis ad id admittentur, & gaudebunt
eodem beneficio quo dictæ prouinciæ reconciliatæ; modò vo-
luntariè eò descendant, intra tres menses, post realem disces-
sum Hispanorum ex toto Belgio.

XXVI.

CONCESSIMVS quoque, & concedimus dictis Stati-
bus, vt possint supplicare suæ Sanctitati, nostro charissimo ac
dilectissimo fratri, nepoti & cognato nostro Imperatori, Ar-
chiepiscopis Colonienfi & Treuerensi, ac Duci Cliuensi, tan-
quam zelatoribus boni & tranquillitatis Reip. Christianæ, vt
placeat eis operam dare, vt tractatus iste & pactum conuen-
tum in omnibus suis punctis ad effectum perducatur, implea-
tur, & sine vlla violatione obseruetur.

SI verò

SI verò in executione & consummatione huius pacificationis, & quod ab eo pender, oriatur aliqua difficultas & controuersia, definienda post publicationem eius: nos & Status dictarum prouinciarum reconciliatarum deputabimus respectiue Commissarios, qui omnia intelligant, componant & executioni mandent. Interea hoc obseruandum est, quòd per verba, *Grati Statibus &c.* posita in multis articulis huius tractatus, non excludentur naturales Belgij, qui adhæserint vni aut alteri parti contrahentium.

VT autem omnia & singula puncta, & articuli suprâ scripti, facti & conclusi in dicta nostra ciuitate Atrebatensi xvij. die Maij ultimò præteriti, illustrati, repurgati & resoluti in nostro oppido Montensi xii die Septembris anno M. D. LXXIX. bene & realiter obseruentur, compleantur & executioni mandentur, & vt omnia, iisdem articulis contenta, sint rata, firma, perpetuò permanentia & inuiolabilia: iussimus hunc præsentem tractatum signari per nostrum charissimum & fidelem cognatum Comitem à Mansfeldt, & alios delegatos nostros suprâ nominatos ex vna parte, ac per Gubernatores ac delegatos dictarum prouinciarum & alios confœderatos, ex altera parte: promittentes ratificare omnia literis nostris patentibus, in debita & consueta forma, intra tres menses ab hodierno die. Datum in nostro oppido Montensi, xii. die dicti mensis Septemb. M. D. LXXIX.

RESPONSVM DOMINORVM COM-
MISSARIORVM AD LITERAS
VALENCENENSIVM.

*Sacrae Cæs. Maieſt. ad negotium pacificationis
Belgicae deputati Commissarij.*

LITERÆ vestræ, xix. Septembris datæ nobis ante paucos
dies sunt redditæ. Ex quibus magna animi voluptate intellexi-

telleximus, vos pacem & reconciliationem cum Rege Catholico, Principe ac Domino vestro naturali, neutiquam recusare, sed tantum causas quasdam allegare, quare consultius videatur, vos eos potius articulos quos Arthesij, Hannonienses & eorundem confœderati inierunt, quàm media, hîc proposita, recipere. Quod cum ita sit, & vtrique articuli, vt verè scribitis, ad eundem scopum reconciliationis tendant, meritò liberum vobis relinquimus, vtrum condiciones pacis hîc propositas, vel Arthesijs & Hannoniensibus concessas, acceptare velitis, eiusdemque sententiæ etiam regium Mandatarium Ducem de Terranova esse, ex eo intelleximus; tantum id vobis significandum duximus, quòd si media hîc proposita, omnibusque nondum reconciliatis prouinciis & ciuitatibus Belgicis transmissa, acceptare, & in ea re nostra opera vti volueritis, necessarium esse, vt ante finem huius mensis Octobris nobis indicetis: nam eum terminum peremptorium ad hoc statuimus; quo elapso hinc discessuri, & tractationi huic finem imposituri sumus. Interim vos sedulò & diligenter adhortamur, vt in sententia vestra, qua pacem & reconciliationem cum Rege Catholico inire statuistis, constanter persistatis, & ab ea nulla ratione, quantumuis speciosa, vos dimoueri patiamini. Quod reliquum est, non tantum à Deo petimus & optamus, vt is in pace oblata acceptanda & perficienda vos confirmet, sed & omnia beneuolentiæ officia vobis promptè offerimus. Datæ Colonix v. Octob. 1579.

Spectabilibus, prudentibus & circumspectis Iuratis Scabinis, Senatui totique Communitati ciuitatis Valencenæ.

RESPONSVM DVCIS DE TERRANOVA AD LITERAS EORVNDENI.

*Ex lingua
Gallica in
Latinam
translatum.*

DOMINI mei. Vehementer gauisus sum ex epistola vestra, scripta xix. superioris mensis, intelligere bonam vestram intentionem & voluntatem, vt securo pace perpetuò reconciliemini cum sua Maiest. supremo vestro Domino & Principe naturali, ad exhibendum illi debitam obedientiam,

g

tiam, & quod rationi & æquitati consonos iudicatis articulos, à principibus Commissariis Cæs. Maieſt. exhibitos, vobisque missos. Quæ res non potest mihi non esse gratissima, meritòque laudo tam bonam ac sanctam resolutionem. Verùm quia propter considerationes, vestra epistola comprehensas, videmini differre in præsentiarum dictos articulos recipere, obſtante alia particulari tractatione, à vicinis vestris inita, & iam publicata, his volui vobis significare, & certos reddere, quia vtraque res tendit ad vnum eundemque scopum, vos non posse peccare neque aberrare, si promptè declaratis vos recipere dictos articulos, fidemque vobis facio & promitto per præſentes, quòd huiusmodi receptione nullo modo vobis præiudicium, aut interesse aliquod fiet, neque secludemini à tractatione cum vestris vicinis iam inita, quibus vos cupitis conformes reddere. Sed recipiendo dictos articulos, habebimini eodem cum illis loco & gradu, gaudebitisque omnibus beneficiis & gratiis per dictam tractationem ipsis concessis, vel adhuc concedendis. Cuius rei pro mea erga vos benevolentia, & vestra tam bona intentione volui vos certiores facere, atque etiam hortari, ne velitis vti termino per dictum tractatum concesso, atque ita differre vel remorari declarationem vestræ bonæ conclusionis hac in re, sed promptè recipere articulos, ad vos missos, tum ne dicta dilatione vosmetipsos ostendatis differre à vestris vicinis, qui modò sese ad eundem finem, licet alia via declararunt, tum ad maiorem fauorem promerendum penes vestrum principem naturalem, quicum reconciliari desideratis, & etiam penes hos Dominos Commissarios, qui sese Mediatores constituerunt, ac tantum temporis molestiæque, vti noſtis, subierunt; quibus etiam vestra tam prompta conclusio valde grata erit, eademque opera exemplo futura aliis ad idem faciendum, vt citius perueniatur ad pacem generalem, ab omnibus vnanimiter desideratam. Deum rogans Domini mei, vt illam nobis concedat ita bonam & duraturam, vti ego & vos desideramus. Datum Colonia 1111. Octob. 1579.

Scri-

235

SCRIPTVM LEGATORVM
ORDINVM.

*Reuerendissimi, Illustrissimi, Generose, Nobilis
Sacr. Cæs. Maieſt. Commissarij.*

ILLVSTRISSIMVS Dux Arſchotanus, & nos reliqui
Ordinum legati, litteras illas, quas placuit Celsis & Dign.
V. ad Ordines generales scribere, quarum exemplum nu-
diustertius nobis traditum est, perlegimus, & vt rogati & iussi
fuimus, easdem litteras ad illos transmissimus; sed cum præter
spem nostram acciderit, quod in iis nihil Ordinibus ad gra-
uamina ista, quæ plus quam manifestè se in articulis pacifi-
cationis exhibitis reperire ostendunt, responsum sit, nec vlla
Ordinibus spes detur maioris alicuius moderationis & gra-
tiæ, super qua firma pax inter Seren. Regem & ipsos consti-
tuatur, sed potius in contrarium omnis illa spes iis per litteras
istas præcidatur, solliciti ne inde maior aliqua alienatio à
Rege, vel sinistra suspicio de hoc tractatu apud deputatos
prouinciarum, quarum conuentus breui habebitur, suboria-
tur, qua re non solum omnia ista quæ hætenus acta sunt, in
nihilum redigentur, sed grauiora tam ab vna quam ab altera
parte consiliis & factis accidere necesse sit: propterea Celsi.
& Dign. V. iterum enixissimè rogatas volumus, ne grauentur
vel nouis literis ad Ordines datis, vel scripto nobis tradito, vt
illius eos certiores ante conuentum istum faciamus, obstacu-
la & impedimenta illa, quorum Ordines in literis suis men-
tionem faciunt, per nouam declarationem tollere, mediâque
proposita ita moderari & reformare, vt ex iis firmiorem secu-
ritatem omnes subditi, deinde maiorem reuerentiam erga
Deum & Regem, dum in animis suis vtriusque Maieſtati sa-
tisfacere poterunt, consequantur.

A D quam rem similiter submissis animis intercessionis ve-
stræ officium imploramus, cuius respectu Celsi. & Dign. V.
haud mouere debet, quod Dux de Terranova circa quædam
se difficiliorem præbeat, sed vestræ gratiæ incumbere puta-

*Pro hac noua
declaratione,
nouisq; medijs
qua à Domi-
nis Commissa-
rijs Legati
Ordinum huius
petunt tradi-
tum iis postea
est scriptum
apologeticum
Ducis de
Terranova.*

g 2 mus

mus ea ad minimum consentire, quæ conditio & status Re-
pub. nostræ præsens necessario exigere & flagitare videtur
Actum Colonix 13. Octob. M. D. LXXIX.

XXVI. Octob. cum ciuitas Arnhemensis literas ac
Dominos Commissarios, quibus ad binas primas à Cellis. &
Dign. eorum scriptas respondent, transmississet, eas legati Or-
dinum, exemplo earum lecto ut rogati ab ipsis erant, inconti-
nenti illis tradi faciunt. Cum verò iisdem literis adiuncta esset
copia secundarum literarum, quarum exhibitionem factam
non esse supra exposuimus, visum mihi est, ne quid historiae
desit, has literas hinc inferere, quibus alia, ad alias prouincias
& ciuitates datae, sine dubio similes fuerunt. iisque deinde
responsum Arnhemensium subiicere.

LITERÆ COMMISSARIORVM
AD CIVITATEM ARNHEMENSEM.

*Sacrae Cæs. Maiest. ad negotium pacificationis
Belgicae deputati Commissarij.*

Spectabiles & prudentes:

NEMINI obscurum esse arbitramur, quanto studio,
quantisque molestiis & laboribus hoc onus Belgicae pa-
cificationis, à Sac. Cæs. Maiest. nobis impositum, hucusque
prosecuti fuerimus, neque à quoquam in malam partem ac-
cipi vel posse vel debere, si longiori vestra cæterarumque pro-
uinciarum & ciuitatum (ad quas iam dudum articuli paci-
ficationis, omnium iudicio tam æqui & tolerabiles, XVIII.
Iulij à nobis Legatis Ordinum exhibiti, vobis proculdubio
communicati, postremò verò à nobis sub dato v^{ro} huius de-
nuò transmissi) protracta mora, cum magno nostro nostro-
rumque incommodo frustra hinc tempus terere, non leui affi-
ciamur tædio.

QVAM.

QVAMOBREM vos iterum hisce nostris literis monere volumus, prout monemus & hortamur, vt hanc optimam vestræ salutis, Reipublicæ quoque vestræ tranquillitatis & pacis perpetuæ stabiliendæ occasionem verè vobis cordi esse, & nec villo vel diffidetiæ vel sinistræ alicuius persuasionis affectu mentes & animos vestros ita fascinari vel obnubilari patiamini, quò præsentem vobis vltro oblatam, tamque plausibilem & iucundam quietis & felicitatis vestræ opportunitatem vobis præripi permittatis.

Et quia veremur, ne frequentiores illæ Antuerpienses turbæ impedimento sint, & in futurum esse possent, quominus res hæc tam ardua debita celeritate expediatur, ob id vos seriò hortandos duximus, quòd vltiore quavis mora remota, etiam nobis huc Coloniam, cuiuslibet alterius prouinciæ vel ciuitatis longiori protelatione non attenta, super antè memoratis vobis transmissis pacificationis articulis vestram resolutionem & sententiam, vti speramus huic negotio conuenientem, in forma authentica quamprimùm, aut saltem intra spatium trium septimanarum, à datis præsentium computandarum renuntiari curetis. Hoc ipso facietis rem in primis vobis vestræque patriæ salutarem, Cæs. Maieft. & nobis gratam. Datum Colonia xxix. August. Anno M. D. LXXIX.

Subscriptum:

- Jacobus Archiepiscopus Treuir.
- Gebhardus.
- Iulius Episcopus Wirtzb.
- Otto Henricus Comes in Schwartzenberg.
- Wernher herr zu Gimneich.

Superscriptum:

*Spectabilibus & prudentibus Burgimagistris,
Scabinis, Consulibus, Senatui totique Com-
munitati ciuitatis Arnhemensis.*

RESPONSVM CIVITATIS ARNHE-
MENSIS, AD LITERAS DOMINO-
RVM COMMISSARIORVM.

REVERENDISSIMI Illustrissimiq. Principes Electores, ceterique nobilitate generis clari viri, Cæs. Maiest. Legati, Coloniae de pace Belgicis provinciis, post earum devastationem & inauditas calamitates acceptas restituenda, cum regis Legatis tractantes. Gratias agimus Celsi. & D. V. immensas, quod propriis ditionibus propter publicum bonum & salutem uniuersorum neglectis, nullos labores detrectetis, nec vllis sumptibus parcatis, quod res feliciter coepta ad optatum tandem finem perducatur. In quo diuina æterni patris suffragante gratia perficiendo, ut porro benignissima erga afflictos Belgas animorum propensione perseueretis, suppliciter & enixe rogamus.

QVOD autem literis vestris Coloniae quinta die & rursus vicesima nona mensis Augusti ad nos datis tam serò respondemus, causa alia non est, quam quod statuere prius nec potuimus, nec debuimus quid, ante conuentum Ordinum totius, Geltrix ducatus & comitatus Zutphaniae nunc hic celebratum, respondendum esset, saluo foedere cum aliis provinciis, & præcipue cum vicinis Traiectensibus & Hollandis inito. Quæ causa nemini non maximi esse momenti haud dubie videbitur. Quemadmodum enim ante omnia ex more & consuetudine maiorum cauendum est, ut Ordines huius provinciae unanimi consensu de conditionibus pacis oblata deliberent, nec quisquam eorum priuato & præcipiti pacis desiderio è communi consilio vniuersitatis discedere tentet; ita simul providere debemus, ut iuxta pacta conuenta in foedere, etiam cum confederatis nostra sententia omnimodo cõsentiat, nec alia expetatur pax, quam quæ communi provinciarum suffragio in vnum eundemque finem cum stabili & perpetua patriæ salute dirigatur. Quanquã enim non pauci sunt quorum animos præsens calamitas adeo excæcauit, ut qualicunque modo rebus suis liberè frui permittatur, non solliciti quid hostis porro machinetur, pacem omnibus modis exoptent & petant:

petant: attamen qui ex inundatione Albani & Austriaci didicerūt, quàm fides & iuramentū nostris præstita venalia sint Hispanis, certissimum patriæ exitium denuntiant, si cæcō iniquissimæ pacis desiderio vinculum fœderis dissolui patiamur.

I D E O Q V E vt dissoluatur, nihil non tentant Hispani, vt pote cū vnicā victoriæ spem in dilaceratione pridem bene vnitæ Belgicę ponant, neq. in aliū scopum illos collimare hodie videamus. Hinc est ille subiectus pacificationis articulis manu scriptus speciosus appēdix (vt ad nostras & multorum aliorū manus eiusmodi exemplar peruenit) in illorū animos, qui cæteris plus sapere velle videntur, se insinuās ad perfidam defectionem, quasi ostensa scientiæ boni & mali arbore, eos inuitat hisce verbis: Hos articulos pacis si quæ prouinciæ seu ciuitates, nec non particulares cuiuscunque ordinis homines, acceptare velint, ab omni exercitus Regij iniuria immunes erunt, neque ciuitates vllō militari præsidio grauabuntur, neque vltèrius vrgebuntur, quàm vt Regi conditionibus suprā dictis fideles & addicti permaneant, &c. Et ad maiorem perfidiæ occasionem dandam subiicitur: Et quicunq. sibi inde amplius cauēri cupiēt, Ducem de Terranoua, pacificationis causa huc missum, adire poterunt, qui cuiusuis ita affecti desiderio abundè satisfacturus est.

E X quibus verborum illecebris, quàm hæc ab Hispanis oblata pax insidiarum plena sit, quàmque detecta fronte ciuile bellum inter malè adhuc in causa religionis recōciliatos mouere tenter, nemini iam dubium est.

Q V O D euidentius patebit examinanti ipsas huius oblatae pacis conditiones, quæ nō solum pacificationi Gandauenfi, & Edicto perpetuo, ab ipso Rege solenniter approbatis & confirmatis, verum etiam iuri & naturali æquitati contrariæ sunt, vt viuis rationibus, vbi opus erit, demonstrari poterit.

I N primis, verò ab omni naturali iudicio & humanis rationibus alienum est, tam duram & intolerabilem legē innumerosæ ecclesiæ religionis reformatæ præscribere, vt relicta patria, liberis, parētibus, cognatis & paternis bonis, à procuratore scilicet administrandis, in voluntarium eat exilium, dissipanda per totam Europam, vbi fortassis nullum sit tam amplum regnum

regnum quod hanc exultantium multitudinem hospitio vel excipere, aut si velit, capere posse videatur.

HÆC diligenter expendenda & examinanda nobis fuerant, in primis verò cauendū, ne quæ dantur pacis leges omnia, quæ ad sinceram pacificationem stabiliendam hæcenus impensa sunt, irrita faciant, nosq. simul elusos huiusmodi pactorū tenore cum summa nostra ignominia frustra tandē conqueramur.

Q V A N Q V A M enim diuturno bello nos vicinarumq. prouinciarum subditi ita attenuati sumus, vt pacem tandē petere debeamus; tamen mori satius est, quàm tales pacis cōditiones recipere, quæ Belgas in eas reducant angustias, vt qui bello vinci nō potuerint, eorum alij vxores, liberos & omnia, scientes volentes, Hispanis mox, vbi volent, redituris, aut saltem eorum coniuratis subiiciant; alij verò in exilium sponte patria relicta discedant.

Q V I N potius Mandati formam, quam Ordines prouinciarum suis legatis de pace tractaturis communi consensu dederunt, etiam cum vitæ periculo obseruare decretum est, præsertim cum nihil omnino in ea, quod ad æquas pacis conditiones, eamq. in perpetuum ad honorem Dei, & debitam Regi à subditis obedientiam stabiliendam facere vllō modo videatur, desiderari possit.

E I V S M O D I concessa pace redintegrabitur pristinus Belgicarum prouinciarum status, cum æterna laude Imperatorij nominis & Electoriæ dignitatis, simulq. cum salute totius imperij Romani nimis vicino hoc bello Hispanorum tyrannidem iam multis annis perpassi.

Q V A P R O P T E R supplices rogamus & obtestamur Cels. & D. V. vt nostrarum calamitatū misertæ dignentur Hispanorum tergiuersationes & moram tandem abrumpere, restituta nobis pace quæ Deo, quæ Dei sunt, & Regi quæ Regis sunt exhibeat & subiiciat. Datum Arnhemij xvi. Octob. Anno M. D. LXXIX.

Cels. & D. V.

Obedientiſſ.

Magistratus & Cives Arnhemij metropolis Velus.

XXX.

XXX. ОСТОВ. legati Ordinum ad Concilium vocati fuerunt; quò cum quidam eorum comparuissent, indicatum illis fuit, Ducem de Terranoua scriptum quoddam, quod loco responsi esse veller ad literas Ordinum, quæ postremò tum ad Dominos Commissarios, tum ad ipsum missæ erant, in Concilio exhibuisse. Ac licet Domini Consiliarij cum neutra parte in vllam disputationem vel ipsi descendere velint, vel partes inter se mutuò in eam venire approbent, præsertim cum ipse Dux declarauerit, se nihil amplius, quàm quod exhibitis articulis continetur, concessurum, nec Cels. & Dign. eorum quicquam etiam in iisdem articulis immutare statuerint, sed super illis resolutione Ordinum generalium expectare: omittere tamen non potuisse, quin Scriptum illud legatis Ordinum communicarent.

Ad quod illi respondent, se scriptum illud relegere velle; cui si ex tempore respondere possent, se id facturos esse: sin minus, ad Ordines transmissuros.

S C R I P T U M D V C I S
D E T E R R A N O V A.

*Reuerendissimi, Illustrissimique Domini Electores,
Principesque generosi, nobiles Domini, S. Cæs.
Maest. delegati longè dignissimi.*

QUANTVMVIS variæ sublint causæ, & quidem grauissimæ, propter quas vix operæpretium fore crediderim, ad contenta literarum, mandato Ordinum Belgij Antuerpiæ congregatorum, iampridem decima superioris mensis Septembris, ad amplissimum vestrum confessum datarum, ac deinceps mihi communicatarum, prolixiùs aut curiosiùs respondere: tamen veritus, ne qua erroris facti grauior forsan impressio vsquam locorù, præsertim verò apud incautiores, ex iis quæ adeò temerè asseruntur, quomodolibet causari queat; credidi ad functionis meæ debitum omninò nihil tam pertinere, quàm nedum vitiosos scopulos eiusmodi contentioisæ scriptionis detegere: verùm etiam ad cõfortationem illorum qui reuera pacem in Domino sitiunt, ipsam demum facti veritatem,

Hoc scriptum ad extremum seruatum est, quo nec Ordinibus vel ipsorù Mandato legatis eorum responddi ad illud tempus aut oportunitas esset.

ratem, ab omni circumuentionis fucō deterfam, breuiter ob oculos ponere.

P R I N C I P I O quod attinet ad speciosas illas excusationes subterfugiorum transmissiois Mandati plenioris, vtpote ad vtrumque effectum, tam conclusionis quā tractationis, suffecturi, verē miranda res est, quōd Ordines Belgij adēdō sobriē meminerint, non dicam propriā salutis, sed decori & respectus, quem multis nominibus debent Sac. Cæs. Maiest. tanto intercessori, atque adēdō etiam amplissimo huic vestro confesui, cuius indefessam sollicitudinem, coniunctam cum tanta æquanimitate, nemo satis laudauerit vnquam. Fuere enim ante sesquiannum dicti Ordines omnium primi, qui pertæsi ærumnarum ac sumptuum bellij iam supplicarunt suę Maiest. Cæsareę, quatenus ne dedignaretur obsequiū fauorabilis intercessionis laboranti populo Belgico apud S. Maiest. Catholicam clementer impartiri. Cæsar autem supplicibus non solum alacriter moram gessit: quinimō & instituto hoc celeberrimo conuentu, nihil non eorum prouidenter disposuit, quæ ad negotium congruæ reconciliationis subditorum cum suo principe supremo ac naturali, ritē tum inchoandum, tum etiam feliciter consummandum oportuna fore credidit. Rex autem Catholicus, pro consueta animi sui mansuetudine, Cæsareo consilio acquiescens, me suum Mandatarium, non minus amplo quā sufficienti procuratorio, legitimē instructum, huc ad præsentem conuentum destinauit; professus utique coram vniuerso orbe terrarum, omninō nihil acceptius sibi hoc Christianæ Reipub. ambiguo statu obuenire posse, quā si interuentu amicabilis compositionis Cæsareę, ac mediante sedula cooperatione vestrarum Cels. vel tandem motibus Belgicis reuera securus ac latissimus finis (Deo auspice) imponeretur. Quo quidem tempore, licet supra dicti Ordines, tanquam qui priores implorarent auxilium eiusdem Maiest. Cæs. meritō debuerant etiam priores in arenam pacificationis descendisse, necnon legitima ac sufficientia Mandata suis Mandatariis concedidisse: tamen secus accidit; quandoquidem ipsi non nisi iusto interuallo, post meum in hanc ciuitatem aduentum, suos Mandatarios destinauere, & hos quidem longē sterilioribus Mandatis suffultos, quā quæ vilius rectē sentientis iudicio sufficientia reputari meruerint.

Grauius.

Grauius autem illud est, quod post tot menses iam elapsos, quantumvis humaniter ac frequenter iam præmoniti, & antea requisiti, ne hoc quidem tempore, de ampliori Mandato trāsmittendo, vix vllam spem faciant. Ex quibus proculdubio vehemens oritur suspicio, aut deputatos Ordines, non tam pacis quàm belli contrahendi arcana consilia clam populo meditari, aut de legatorum suorum probitate & candore minus quàm deceat, confidere. Nam sustinere quod natura rei principalis, ipsa quæ ratio & consuetudo repugnent, quominus in hoc tam arduo negotio largiendum fuerit Mandatum liberum & absolutum; denique ipsos præterea legatos eiuscemodi amplum & illuminatum Mandatum, casu quo sponte etiam obtusum extitisset, haud dubiè repudiaturos fuisse: ac insuper quod natura rei talis sit, quæ antecedentem partium disceptationem requirens, nequaquam ab initio circumscribi certis quæ cancellis concludi potuerit: Nemo profecto tam leuiter versatus est in negotiis regnorum, aut rerum publicarum grauioribus, qui non vltro iudicet, eiuscemodi allegata haud aliud præ se ferre, quàm speciosa quædam verba, & quidem foliis (vt dici solet) leuiora caducis. Nam tvt breuitatis ergo, rationes contrariæ, & vetustiora exempla omittantur, tantum consideretur quænam rerum facies, quæue pacis initia, cuiusue generis Mandata, qualis quæ tractatio, & postremò quàm facilis & expedita suprema totius negotij conclusio, tempore pacis Gandauensis, nuper extiterit; comperietur sanè, nec prouincias particulares tunc temporis cum tãto apparatu, vt nunc fit, consultas fuisse; imò vix vnicum mensem vniuerso negotio impartitum extitisse. Quid mirum? cum eo tempore Ordinum deputati, ipsorum quæ deputatorum primaria capita, non minus quàm ipsemet simplex popellus, pacem ex intimis animi præcordiis appetebant. Quæ quidem mens ac voluntas, si modò penes Ordinum deputatos in hæc vsque tempora perseuerassent, iam vtique exoptata reconciliatione potiremur, nec circa angustiam Mandati procurationis adhucdum laboraremus, potissimum legatis Ordinum maiori vt numero, ita propter excelsoiorem nobilitatem Ducis Arschotensis, etiam maiori splendore ac dignitate, quàm quæ olim Gandau fuerint, indubitanter nunc præditis: & quod præcipuum est, etiam causam sibi commissam prosecuturis coram amplissimo isto
 h 2 vestro

vestro confesso. Cuius sanè æquabilis rectitudo & summa integritas, comitata perinsigni rerum agendarum prudentia & dexteritate, longè notior est ac maior, quàm ut fas fuerit vllatenus suspicari, coram eiusmodi Cæsar. delegatis, populo Belgico vllum fucum fieri, aut præiudicium generari potuisse.

A N N O T A T.

Ordines in suis literis grauissimas causas adferunt, cur legatis suis absolutum Mandatum dare non potuerint. Has ut auctor huius scripti confutet, vocat quidem eas speciosas excusationes subterfugiorum, fortè memor eius consilij, quod Princeps Parmensis Literis suis dederat, quæ Litera supra inserta sunt; sed pro argumētis, quibus id docere debet, ab exclamatione incipit: Miranda res est, &c. & ad ea digreditur, quæ non solum à proposito aliena sunt, sed quibus putat se posse Ordinibus odium aliquod conciliare. Deinde conatur à commendatione Mandati Regij, Mandatum Ordinum enervare: Esse illud non minus amplum quàm sufficiens, &c. Legari Ordinum pro reuerentia & modestia, quæ erga regium legatum sibi utendū putarunt, nunquam quicquam aduersus Mandatum ipsius proferre voluerunt, veruntamen non ignorarunt id quod sibi in suo Mandato obicitur, pari vitio (si vitium censeri debet) illius quoque Mandatum laborare, multaque iam concessa esse, quæ ex illo Mandato concedere non potuerit, & non nisi à Rege ratificata vllas vires obtinere. Ratio hæc est, quod Mandatum eius his duabus rebus expressis verbis limitetur: Ut subditi religionem Catholicam Romanam, Regisq. auctoritatem & obedientiam seruent: de posteriore, nulla quidem per se est controuersia, ut ex his Actis diuersis in locis constat: sed plus quàm manifestum est, circa prius præcipuam difficultatem versari. Nam cum una pars subditorum Romanam religionem non omni parte sinceram esse indicet, & iniustam quoque omnem coactionem, quæ religionis nomine fit: humanam pacem frustra sibi suscipiendam censent, si pacem Dei, quæ non nisi in vero Dei cultu, & obseruatione mandatorum eius consistit, obtinere nequeant. Quamdiu enim ira Dei obnoxij manserint (quod sanè erit, si contra conscientiam suam diutius priori religioni adhaeserint) à calamitatibus, quas eius nomine à Deo immisas esse credunt, liberi ac immunes non euadent. Cum ergo in Mandato illo regio Duci Terranenensi nulla potestas detur, ad concedendam vllam libertatem circa aliam religionem, quàm quæ Romana est: alterutrum necessario sequitur, aut Mandatum eius ad conciliandam pacem directum & accommodatum non esse; sicut multa Acta declarant: aut saltem nō magis sufficiens, quàm legatorum Ordinum mandatum existere. Quæ præterea hic dicitur, nihil nisi verba sunt sine vlla probatione. Quæ hætenus à legatis Ordinum acta sunt, ea iam antè Ordines suis literis approbarunt: ubi etiam plenè consilium & conclusionem super oblati articulis ceperint, sine dubio Mandatum tale daturi sunt, quale vel reiciendis iis, vel approbandis sufficiens erit.

Ad

† *Ad verb.* Nam ut breuitatis ergô, &c.] Hoc ipsum FACTI est, omnesq; legati Ordinum, qui hic sunt, quorum quidâ etiam actui isti presentes interfuerunt, dicunt se æquè restrictum tum Mandatum habuisse, quàm est illud, quod nûc est, & de singulis, quæ inter ipsos agebantur, utrinq; ad Mandatores suos relationem fecisse. Deniq; omnibus deliberatis & cõclusis, omnes prouincias particulatim consultas fuisse: Æquè breue etiam tempus in hoc tractatu Ordines desiderarunt, quod ex Mandato eorum perspicitur: sed acta ostendunt, per quam partem id steterit; qua cunctatione effectum quoque est, propter mutationes quæ interea temporis utrinque acciderunt, ut nunc & difficilior & longior sit deliberatio & conclusio.

EIVSDEM quoque ponderis, seu considerationis esse videtur mordax illa querimonia, quæ supradictis literis distringitur in Excell^m principem Parmensem, Gubernatoré & Capitaneum generalem, quem deputati Ordinum Antuerpiæ congregatorum, eo potissimùm nomine criminantur, tanquam is sit, qui in contemptum (ut aiunt) Cæs. Maiest. ac huius denique celeberrimi conuentus auctor fuerit, nedum distractionis prouinciarum, quinimò & grauissimorum dissidiorum inter subditos excitatorum. Opinor sanè de Arthesia, Hannonia, Insulensibus, Duacensibus, Valenchenibus, imò & Mechlinia, ac cæteris cordatioribus dicere ipsos voluisse. En quid non audet animus malè affectus? quid enim opus erat hanc Camarinam mouere? poterat (me hercle) taceri hoc, præsertim cùm ipsimet deputati non ignorent, vndenam vera causa & origo distractionis earundem prouinciarum nuper manarit. Imò ne eius quidem rei oblitus arbitror, quàm ipsemet Princeps Auraicus, vnâ cum suis sectatoribus, tum grauitertum verè ab Arthesiensibus & sociis, partim publicis, partim priuatis scriptis insimulentur, de violatione pacis Gandauensis, Ediçtiq; perpetui ac Vnionis subsecutæ, atque isthinc causam distractionis prouinciarum reuera manasse, nequaquam verò à Principe Parmensi, quem notoriè constat hocce in negotio, haud aliud vnquam molitum fuisse, quàm quòd prouinciis varietatem excessuum (qui passim cõtra Deum, ac ipsum quoque bonum publicum, non sine manifesta collusionem capitum dictorum deputatorum passim in prouinciis committebantur) diutius ferre & tolerare, præ animi honesti magnitudine, nequeuntibus, necnon eam potissimùm ob causam ad serenitatem reconciliationis cum sua Maiest. Catholica, quasi suoapte motu aspirantibus, vltro occurrendum

iudicari, atque eatenus ad nutantium solamen, & confortationem manum auxiliarem porrexerit. Quis enim Regi fidus minister? præsertim verò Deum timens, suauiq. (religionē in antiqua & auita puritate colēs) oblata eiuscemodi occasione, tam pingui & oportuna, non idem præstiturus fuerat? potissimum certioratus de studiosa fabricatione nouæ Vnionis Traiectensis, quam certò constabat nonnullos belli, quàm pacis appetentiores, haud alio fine, scopoq. & intentione tunc temporis procurare, quàm vt ne futuræ reconciliationi (de qua in-præsentiarum nobis cura) etiam sua obstacula & scopuli deforent.

ANNOTAT.

Ad excusationem facti Parmensis, alia causa & origo distractionis prouinciarum ponitur, nempe Violatio pacis Gandauenfis. Vt veritas huius negotij cognoscatur, quod in facto magis, quam in iure est positum; sciendum est omni iniuria subditis per omnes prouincias sine discrimine ab Hispanis affectis, primùm Ordines pacificationem Gandauensem vt se communibus vniuersibus aduersus iniurias Hispanorum defenderent, vnanimiter cōclusisse: sequuta sunt Vnio & Edictum perpetuum. quæ tamen non omnes prouincia approbarunt: postea Rex, quicquid circa religionem actum erat, reuocauit. Cum eius occasione varij tumultus in diuersis prouinciis orirentur, ex necessitate Reipublicæ per maiorem partem Ordinum noua conuentio inita fuit, quæ appellatur Declaratio pacificationis Gandauenfis, de dato 1577. 10. Decembr. in qua vtriusque religionis subditi alij alios in fidem & clientelam mutuam suscipiunt. Circa politica quoque ordinationem faciunt, quæ intra & privilegia sua conseruarent, & aduersus contrarios conatus principum suorum, maxime verò Gubernatorum, quos ipsi constituerent, tutarentur; quæ ordinatio Capitulatione cum Seren. Archiduce Matthia facta cōprehenditur. Tertiò, religionis concordia, per maiorem partem quoq. Ordinum decreta & publicata fuit. His ita positis, concedimus quidem, priuatos aliquos nobiles in locis hic memoratis, discessionem ab Ordinibus fecisse, qui se Male-contētorum nomine appellarent: sed quòd Ordines earum prouinciarum vel prouinciæ ipsæ, imò vlla in iis ciuitas, ante factum Parmensis, ab vniuersitate apertè discesserit, de eo notoriè contrarium constat. Et sanè prudentiores omnes, illorum priuatorum Nobilium discessionem, non violationi pacis Gandauenfis, sed odio & inuidia erga alios, qui plus apud populum in honore esse videbantur, vel potius ambitioni eorum attribuunt. Quicquid sit, manifestissimum est, distractionem prouinciarum, non aliunde quam ex sollicitationibus & promissis principis Parmensis, & nobilium illorum, populo male instructo, ortam esse: Nam cum hac Ordinem legati missi sunt, iam apud Ordines aderant adhuc legati

legati plerarumque urbium Hannonia & Arthesia, imò ex indigenis eorum unus quoque in legatum nominatus & electus fuit, speciatim Valencena & Mechlinia (quarum hic quoque mentio fit) legatis Ordinum, vna cum aliis, Mandatum suum dederunt. Hæc ita in FACTO vera sunt. Quæ porro addit de Deum timente, de antiqua & auita puritate religionis colenda, de suaui oblata, pingui oportuna occasione, quid vna pars subditorum sentiat, variis in locis declaratum est. Quod ad Unionem Truicelensem attinet, de qua hic in fine loquitur, istud affirmare non vereor, quòd citius calamitatibus & miseriis nostris finis imponetur, si eius conuentis & decretis nos accommodemus, quàm si vel articulos cum Hannoniensib. & Arthesiis initos, vel qui hic exhibiti sunt, approbemus & recipiamus; nec leuiter eam, cognito Hannoniensium Arthesiensiumq. proposito & consilio, institutam esse, ostendant sequentia testimonia, quæ hic adicere placuit.

F. Quintius Græcie vrbes ad mutuam concordiam cohortans, aduersus consentientes inquit: Nec Rex quisquæ satis validus nec tyrannus est, discordia & factiones omnia oportuna insidiantibus faciunt.

Philippus Cominaus De rebus gestis Ludouici x i. Quemadmodum expedit principi hostium suorum, si duo vel plures sunt confederati, amicitiam quoquo modo dirimere: ita ij qui contra vim alicuius potentioris sunt confederati, in primis cauere debent, ne vllis pollicitationibus aut arte aliqua à se mutuo diuellantur, auxiliumq. alter alteri detrahat: quod cum sit, non illius modò, qui ita desertus est, fortune omnes ac facultates, sed etiam alterius non multò post occasione data in discrimen adducuntur. Item paulò post:

Quoties illi qui fœdere coniuncti sunt, secessionem faciunt & se dissipari patiuntur, dubitari amplius non debet, quin paulatim omnes cladem aliquam accipiant: idq. pertinet tam ad principes, quàm ad ciuitates: & quoniam eius rei plurima existunt documenta, longiore sermone nihil opus est. Hæc ille.

Ex ordine sequuntur illa, quæ iuxta dispositionem articuli noni, circa mutuam hinc inde restitutionem officiorum & functionum publicarum, parum discretè taxantur, nec id solum, quinimo & prauis suspicionibus animi subditorum præoccupantur, vt nec Ordinum deputati reuereantur hoc loco inculcare de vinculis, proscriptionibus, cædibus, exiliisque, casu quo contingat ministros publicos (qui partes Regis constanter secuti fuerunt) rursus, & quasi postliminiò ad vetera exercitia suarum functionum redire. Cæterum considerato opus, quàm manifesta iniquitate & iniustitia hæc tam inciuilis prætensio laborat. Prouisio namque officiorum ab omni æuo spectauit exclusiue ad S. Maiest. tanquam supremum principem, ac verum patrem Patriæ: eadem sua Maiestas olim ante præsentis motus prouidit iis quos iudicauit ad munera publi-

publica capeſſenda præ cæteris magis idoneos, quorum maior pars durante hac fluctuatione adhæſit Ordinibus & populo: minor autem, imò & pauciſſimi adhæſere ſuæ Maiest. Accedit præterea, quòd Ordines, nulla licet auctoritate ſuffulti; tamen de factò proceſſerunt ad priuationem illorum qui regias partes tutati ſunt. Rex autem quod iure potuit conſimilis deſtitutionis nota etiam perſtrinxit omnes illos qui ſuas partes ſequi recuſarunt, vſq. ad eò, quòd hinc inde fulmina priuationum in publicum manarint: quorum tollendorum ac purgandorum gratia, quid obſecro potuit ad veram animorum conglutinationem, iteratò ſtabiliendam, iuſtius & æquabilius excogitari, quàm hinc inde priuatos & deſtitutos, rursus mutue redintegrationis conſolatione liberaliter recreare, prout iuſtiſſimè non minus, quàm prudentiſſimè diſponitur articulo ſupra dictò nono: Et proinde velle nunc arcere à priſtinis ſuis functionibus ſolos Regi fidos miniſtros; quid hoc aliud foret quàm prorfus eneruato omni vigore & ſucco articuli primi, diſponētis de vniuerſali obliuione omnium eorum quæ hætenus proceſſere, veteres ſuſpiciones, odia, ſimultates & diffidentias ter maximo præiudicio ſalutis & tranquillitatis publicæ denuò inſtaurare? Foret enim miniſtris regis tum graue, tum probroſum nimis, ad eum modum à ſuo Rege ac principe deſeri; vt ne hoc ſilentio præteream, exemplum turpiſſimum fore, & omnino nihil tam pugnare cum officio, imò & compendio ſuæ Maiest. quàm ad euſcemodi contumeliam ſuis inferendam quoquo modo conniuere. Nam id ſi faceret, quis obſecro negarit, quoniam vltra alia grauiffima diſpendia, in poſterum reſultatura, etiam omnium iudicio cenſendus foret, aperte conſiteri armorum & cauſæ iniuſtitiam, haud dubiè à parte ſua hætenus ſtetiſſe? Quamobrem ſi deputati Ordinum, proprij honoris conſeruandi gratia, nolint videri in armis contra ſas & equum fuiſſe, ratio ſanè dictat, tantundè vt permittant Regi ſuo Principi naturali, à quo & eius maioribus ſubinde tam ingētia beneficia accepēre. Eſt proſectò modus in rebus, nec ſemper prodeſt principis exiſtimationem affricaffe nimis, quàm cordati ſubditi iure aſtringuntur, non minùs quàm propriam mordicus tueri, & quàm latiffimè tum domi tum foris propagare. Eſt enim honos & reputatio ipſius Principis haud leue decoramentū populi; ſicut etiā lege diuina vetitum, principi

cipi populorum, tanquam subditorum censuræ exempto, maledicere, aut illius famam vllius defectus aspergine quomodo libet apud posteros maculare : quod indubitanter secuturum foret, casu quo Rex suos ministros ad eum modum floccipendens, culpam belli nedum præsentis, quinimo & præteriti, saltem per obliquum pateretur nomini suo ascribi, tanquam ministris suis, parum abest quin noxæ deditis, cæteris autem contrariis, & iis quidem solis, veluti ob rem præclare gestam, gloria & honore coronatis.

ANNOTAT.

Ad nonum articulum ostendunt Ordines in suis literis, quàm periculosum subditis futurum sit, si omnes hæcenus absentes, vel amoti ab officiis, pristinum statum & dignitatem recuperent, &c. Quæ pro causis & mediis adferunt, omnibus subditis Belgij ita nota & perspecta sunt, tam firmè etiã animis eorum impressa, vt si omnes Oratores Hispania contrarium iis persuadere conentur, nihil prorsus effecturi sint. Notandum tamen est, quòd dicant Si omnes, &c. quo modo loquendi eos sine dubio intelligunt, qui impiè & iniuste in officiis suis versati fuerint, qui direptiones bonorum suorum iura & privilegia sua, vnà cum Hispanis inuenterint, crudelitates & oppressiones ipsorum approbauerint, vnàq; cum iis exercuerint; imò pars capita & media omnium calamitatum & miseriarum patriæ suæ fuerint. Sed hac quia FACTI sunt, non aliis æquè ac subditis ipsis constare, & difficulter in his Actis probari queunt. Quinetiam nominatim de iis agere, nimis esset odiosum, & apud externos superuacaneum.

Vbicumque tamen isti profugi & remoti versantur, ibi indigenæ quoq; expeririuntur qualis sit animus & conatus illorum, quomodo propter sua priuata odia & commoda, non cessent hodie adhuc omnia consilia & auxilia agitare, & querere, vt Hispanos in propriam patriam suam perniciem promoueant & reducant. Quid multis? res ita se in veritate habet, multas esse prouincias quæ ita vexata & oppressæ à quibusdam suis Officiariis fuerint, qui nunc partim sua sponte male sibi conscij, discesserunt, partim legitimo modo amoti sunt, vt potius omnia extrema perlaturi sint, quàm pati eos ipsos qui tales extiterunt, officia sua recuperare. Præterea omnes isti acerbissimi persecutores fuerunt eorum qui alterius sunt religionis; nec vsquam in articulis propositis admittitur, posse hos vnà cum aliis dignitatibus & officiis præfici. Cum ergo Ordines in id incumbant, vt non vni parti tantum, sed utrique consulatur; quis negare poterit, non iuste eos illorum nomine qui Romani Catholici non sunt, metuere, ne postea vincula, proscriptiones & cades illos maneant? Quanto æquius & rectius Rex Gallia cum suis subditis egit, qui omnes sine discrimine religionis ad dignitates & officia peruenire concessit, & in omnibus curiis parinmero utrosque esse voluit, vt utrique certi essent, nihil sibi quàm quod in-

stum & rectum est euenturum. Articulos istos Pacificationis Gallica adscribere hic non grauabor.

ART. XVIII.

Et quoniam ius reddere, iudiciâq; rectè constituere, vna est ex precipuis rationibus, quibus subiecti continentur in pace & concordia: nos recipientes postulationem nobis oblatam, tam à Catholicis cōfederatis, quàm ab iis qui sunt religionis quam prætendunt reformatam, constituimus iam antè, & nūc quoque constituimus, Ut in Curia nostra Parlamenti Parisiensis, instituatur confessus iudicum, compositus ex Præsidibus duobus, & sexdecim Consiliariis, partim Catholicis, partim supradictæ religionis. Quæ officia eorum qui sunt eius religionis creabuntur à nobis eam ob causam & erigentur, additis iisdem stipendiis, honoribus, auctoritatibus & prerogatiuis, quæ sunt ceterorū Consiliariorum eiusdem Curie, quò is confessus supremo loco ac pro imperio decreta aliis derogantia constituentium cognoscat & iudicet de litibus, & controuersis iam motis, & quæ postea mouebuntur, in quibus Catholici cōfederati, aut qui sunt religionis quam prætendunt reformatam, subiecti territorio Curie nostræ, aut erunt partes principales aut fidei iussores, nihil ut inter sit, agāt an conueniantur, de causis civilibus agatur, an de criminalibus; & utrum hæc lites peragantur scripto an appellatione quæ verbis constat: si tamen ita videbitur partibus, aut vna ex his id desiderabit. Atque iste confessus ita compositus & constitutus, ut dictum est, mittetur à nobis in urbem nostram Pictanium, ut illic sedeat & ius reddat subditis nostris Catholicis cōfederatis, & qui sunt dictæ religionis, Pictanienfibus, Angolismenfibus, Alnisfis & Rupellenfibus, eadem forma et condicione, quæ fuit cū sederet in Curia nostra Parlamenti Parisiensis, idq; per tres menses singulis annis, incipientibus à prima die Augusti, vsque ad vltimum diem Octobris.

ART. XIX.

Quod attinet ad territorium Curie nostræ Parlamenti Tolosani, constituetur confessus vnus Iudicum in vrbe Monfessulo, cōstans ex duobus Præsidibus & octodecim Consiliariis, partim Catholicis, partim iis qui sunt dictæ religionis. Ex quibus Catholici eligentur à nobis ex curiis nostris Parlamenti & Consilij aulici: quæ autem erunt illius religionis, nunc primum creabuntur ac donabuntur iisdem stipendiis, honoribus, auctoritatibus & prerogatiuis, quibus Præsides & Consiliarij illius Curie nostræ Parlamenti Tolosani.

Eoq; in confesso creabuntur etiam Aduocatus vnus, & Procurator vnus generalis: scriba publici, duo, vnus civilis, alter criminalis: Accensi & omnes alij Officiales, non tantum quibus ille Confessus indigebit, sed etiam quibus indigebit Cancellaria, quæ ibi à nobis constituetur. Eruntq; omnes hi Officiales partim ex Catholicis, partim ex iis qui sunt supradictæ religionis.

Cognoscet autem & iudicabit is Confessus supremo loco, & pro imperio decreta aliis derogantia constituentium de litibus & controuersis iam motis, & quæ postea mouebuntur, in quibus Catholici cōfederati, aut ij qui sunt religionis,

ligionis, quam pretendunt reformatam, subiecti territorio Curia nostra Parliamenti Tolosani, aut erunt partes principales aut fideiussores, sine agant sine conueniantur, sine sint causae civiles sine criminales, & sine lites peragantur scripto, sine appellatione qua verbis constat: si tamen ita videbuntur partibus, aut si una ex his id desiderabit &c. Videantur etiam Articuli sequentes.

Aduersus ista auctor scripti huius, in hoc § quadam in specie praeclara adferre videtur, sed qualia reuera sint, consideremus. Primo dicit: Prouisionē officiorū ab omni aëuo ad Regiam Maiestatem pertinuisse. Sed id factum xxiā ti, verum est, sed non simpliciter, uti ostensum est in Annotatione, quae facta est ad §. Sic etiam tributa, &c. in scripto incipiente Vtunque, &c. quod exhibitū fuit xix. Iunii, & de quibus officiis simpliciter prouidere potuit, ad ea non semper idonei promoti sunt, non ex voluntate & scientia Regis, uti facile credimus, sed per falsam suggestionem & commendationem eorum qui apud Maiest. ipsius fidem habuerunt. Nam quis vnquam a multis retrō annis ad officium aliquod peruenit, nisi qui cognationem in aula habuerit, vel non donis apud Gubernatores vel intercessores aulicos emere ac impetrare id coactus fuerit? qua de re etiā ante per legatos Ordinū quereba facta est. Quod postea subiungit Ordines sine auctoritate aliqua, &c. prior distinctio iterū hic repeti debet: deinde quae auctoritas durāte hoc bello, & aliquin per se Ordinū fuerit, iam ante diuersis in locis ex doctrina & sententia praestantissimorū virorum ostensum est. Vtcrius non libet mihi pro mea persona materia istā persequi: unum tamen tacere non possum, Regem ad minimū hanc exceptionem addere debuisse: Si viri boni & iusti sunt, quales in ordinando eos sua Maiestas illos esse putauit: item super condicione ista Prouincialium iudicium, vel saltem ipsius Consilij admisset: tum Articulus ille secundum iustitiam rectius positus fuisset, & Rex sua auctoritati & Ordinū timori consulisset. Ad alium intellectum verba Ordinū trahi non debent, isq; etiam talis est, qui a nullo viro prudente & iusto reprehendi poterit. Magna pars enim eorum qui in plerisque prouinciis remoti sunt, ob iniurias quibus subditos affecerūt, remoti sunt: imō praecipua causa sunt, quod hac alienatio & discordia inter Regem & ipsos nata fuerit. An ergo restitutio eorum ad veram animorum conglutinationem iteratō stabilitādam, seruitura sit, ut auctor scripti huius sibi imaginatur, iudicabunt illi qui sine affectu hac Acta perlegent. Fidos Regi ministros Ordines reiiciendos esse minimē censent, sed ne fidi illi habeantur, qui ex iniuriis & sanguine subditorum non commodum Regis, sed proprium suum querunt, qui, ut propheta inquit, populo ut pane rescuntur. Cuiusmodi hominibus si reditus ad sua officia denegetur, dici propterea nequit, vigori & fisco primi articuli detrahi, sed in contrarium potius vigore & succum illius exprimi. Quorsum enim pertinet iste articulus, quā ut sit obliuio eorum quae utrinq; acta sunt, ac remotio ista unum ex actis praecipuū est. Ita etiam officia ista temporaria sunt, non perpetua, aliena, non hereditaria, in quo etiam minus peccatum est, quā ubi alij aliis vitam vel bona eripuerunt.

puerant. Deinde finalis causa istius oblivionis est, ut in posterum firma pax & concordia inter subditos conservetur. Sed is finis non potest obtineri, ubi illi quos Ordines intelligunt, priorem potestatem recuperaverint. Augustum, quid atque firmum est societas generis humani; ac illam, tamen stabilendam, vel evertendam, inquit Plato, maximum habet momentum Magistratus. Item paulo post: Bonus Magistratus efficit, ut vitam felicem homines vivant, quantum potest aliqua in hac vita esse felicitatis: malus econtra, vitam per se miseram plane reddit auctor.

Sed unde cognoscitur bonus magistratus? Id iam ante demonstratum est; qui nimirum, eodem Platone teste, suam salutem Reipub. salute, opes utilitate eius terminet. a qua sententia isti longissime recesserunt: quare si viola sunt illa, qua de molestia et probro eorundem ministrorum inducitur, de Regis ignominia, si eos desertos patiatur: quasi scilicet Maiestas eius non pluris aestimare debeat iustitiam, concordiam & salutem totius Reipublicae quam honorem & commodum privatorum aliquot hominum. Illud quidem maiore ponderis esse videtur, quod propterea censendus foret se aperte armorum & causae iniustitiam confiteri. Et si haec confessio a praesenti questione diversa sit, nihilominus, o Rex, clementia tua ignoscat nobis. Maiestatis tuae estimationem nunquam ladere vel imminuere in animum nostrum induximus. Sed in hoc conventu Legati nostri ostendere coacti fuerunt. & si opus est latius se ostendere posse existimant, Gubernatores & Duces Hispanos arma contra subditos tuos Belgas iniuste sumpsisse: hos vero iuste se contra illos defendisse. Quod Maiest. tua nomine nunc exigitur, Ut Belgae tui in communem impietatem & iniustitiam (FACTA demonstrant) quam Hispani commiserunt, fateantur; id omni rationi & aequitati adversum est: sed nec debet Maiest. tuae honor totius Belgij, praeter miseras & calamitates quas ab illis pertulerant, minus charus esse, quam paucorum quorundam Hispanorum, & eorum qui illis adhaeserunt. Ad odium ergo Ordinibus conciliandum, omnia sequentia praeter propositum referuntur, cum de Rege nostro nunquam nisi cum maxima reuerentia & demissione; sed de subditis eius Hispanis, eorumque, asseclis, non aliud quam quod verum sit dixerimus. Cetera qua ad hanc materiam pertinent, iam antea explicata sunt.

Q V I B V S proxima sunt decreta articulorum xvj & xvij, statuentium de ciuitatibus, oppidis, castris, fortalitiis, armis & munitionibus, Gubernatori generali ex arbitrio suae Maiest. designando tradendis: quorum decretorum licet tam exuberans sit equitas, quod vel caelitus deprompta videri queant: tamen nec reprehensionis acrimoniam evitare potuere, quae iis potissimum nixa videtur rationibus, quod olim in conventu Bredensi, soli Hollandi eiusmodi quid recusarint: quod etiam Principi Auraco praerogatiua gubernationis hac via adima-

adimatur; quòd non nisi sobria futura securitas prouinciarum in vniuersum, tamquam ex sola (vt aiunt) fragilitate regij iurisiurandi, suum munimen & affecurationem consecutura. Posterius, quòd in regnorum ac principatum causis permodica ratio iurisiurandi haberi soleat, ipsosque denique pontifices, circa absolutiones à iuramento plerumque indulgentiores se exhibere, quàm vt magnoperè illos fatigare sit necesse. En quibus coloribus, vt ne dicam prætigiis, infelix populus à gustu seu approbatione articulorum propositorum alienatur! Quasi verò difficile sit iudicio penetrare, quorsum hæc malesuada consilia, scriptaque indecòra tendant! Verùm omittantur ista; tantumque seriò expèdatur, quàm prorsus congruat iuri & rationi, Quòd sua Maiestas Catholica paratissimus, in signum veræ ac perpetuæ reconciliationis, Ordinibus ac populo reddere vniuersa, quæ hactenus vllò iusto prætectu sibi competierunt, etiam vice versa nunc beneficio præsents reconciliationis pari passu recuperet sua: alioqui quid profuerit suæ Maiest. nihil non Ordinibus & populo clementer indulgisse, deque suo iure plurimacessisse, & postremò etiam mero pacis studio, arma in vniuersum deposuisse; si nihilominus iis rebus ac præminentis spoliatus manere cogatur, quarum contemplatione arma potissimum suscepit. Sed quid opus est huic negotio prolixius immorari, quandoquidem res ipsa tantoperè sit iusta, debitaque ac prorsus ordinaria? Quod etiam si in pactis articulorum silentio tecta aut præterita mansisset, tamen realiter præstanda, imò & suæ Maiestati, tanquam naturali ac iurato principi patriæ, in testimonium redintegrati amoris, atque adeò & obedientiæ debitæ, ab Ordinibus & populo sponte offerenda fuerat: Prout etiam illa, quæ à deputatis Ordinum literis inferuntur, circa defectum securitatis prouinciarum, longè vaniora sunt, quàm vt vlla confutatione egeant; eo maximè quòd ipsemet tenor eiusdem articuli decimi septimi, tanquam prouidus interpret suimetipsum, luculenter testetur, quanta dexteritate ab amplissimo vestro cōfessu prospectum sit, ne quis fucus aut dolus ab eiusmodi obsequio redintegrandarum ciuitatum, & fortalitiõrum, Ordinibus vel subditis vllò vnquam tempore pertimescendus veniat. Non enim simpliciter disponitur, quasi res illa, quæ forsan suspicionibus non nihil obnoxia videri poterat, solius Gubernatoris generalis arbitrio absolutè concredita

conferatur : Sed quòd teneatur ex consilio grauissimorum Senatorum supremi Concilij rerum status, ea ipsa loca quæ ab omni memoria præsidium habuere, rursus custodienda concedere naturalibus patriæ, & quidem alstringendis peculiari iureiurando, de conceptis hisce articulis firmiter obseruandis. Quocirca si illi, quibus hæc ipsa fortalitia committerentur, naturales erunt subditi; si denique eiusmodi tales per Gubernatorem generalem cooptandi erunt, de gremio subditorum iuxta consilium Senatorum Concilij Status, qui & ipsi met quoque Senatores naturales erunt: Quis tandem poterit reperiri adeò suspicax doli, cui saluo pudore liceat profiteri, vllum hîc locum probabili suspitioni relictum iri? At esto, quòd ne hæc quidem perabundans cautela ad plenissimam securitatem sufficere iudicetur; tamen propterea nec oppugnandus erat præsens iste articulus; quandoquidem si ad plenitudinem securitatis ultra ea quæ in dicto articulo tum præuisa tum prouisa reperiuntur, quicquam adhuc pro cumulo desiderabatur: Cui dubium quin ad ipsum, qualecunque tandem fuerit, largissimè suppleri potuerit ex dispositione articulorum postrema? Quo loco visum fuit amplissimo vestro confessori, non sine iustis de causis ea quæ spectant ad certitudinem stabilis ac firmæ obseruantia huius Pacificationis, vsq. in finem consummati negotij principalis reseruare.

A N N O T A T.

Primò Ordines ostendunt, quæ articulis xvj. & xvij. continentur, aduersari pacificationi Gandauensi, cuius tamen obseruatio in initio adducitur, & in antè quoque à Rege approbata fuit. Secundò, grauissimas rationes adferunt, ob quas æquum esse existimant, ut reliquis prouinciis non minus quàm Hollandiæ & Zelandiæ securitas ista constitutur: præter quas etiam hoc tempore non minima reputari debet, quòd religionis mutatio æquè in illis, quàm in his prouinciis facta sit, multorumque animi à Romana religione, & olim & nunc, auersi sint. Quindiu ergo Rex persuasus erit, suam religionem solâ esse veram, subditorum falsam, nec bona conscientia tolerari eam à se posse; quis non videat, ad liberandum prouincias à cura impendentium malorum, solum pactum, quomodocunque muniatur, non sufficere? præsertim qui non erit, quâ diuersa remedia, ad illud infringendâ, vulgus Doctorum vtriusq. iuris suggerat: deinde æquè atque nos exploratum habuerit, non de futuros quoque instigatores & ministros, ad ea quæ metuuntur exequenda. Huius sanè petitionis æquitas veriùs celitùs deprompta dici potest, quàm æquitas istorum articulorum, de qua nunc acturi sumus, si prius hoc admonuero, nō noui esse quod

Vide Ioh. Bodineri de Re- publ. lib. 1. ca. p. nu. 221.

hîc

255
hic Ordines petunt, sed quod & subditi Gallia ex simili causa à Rege etiā suo olim petierunt, & obtinuerunt; prout patet ex art. LIX. quem hic adiungere non grauabor.

ART. LIX.

Catholici confederati, & qui sunt supradicta religionis, consistim post publicatum hoc Edictum nostrum efficere tenebuntur, vt omnia praesidia urbium, locorum, arcium & domorum, quas occupant, tā quae sunt nostra quā priuatorum, & maxime Ecclesiasticorum, cedat earum rerum possessione, easque restituant omni ex parte liberas, vt sint eodem in statu, quo erant tempore pacis, ante hos & superiores tumultus. Nihilominus tamen certis rationibus moti, commissimus custodia eorum Catholicorum confederatorum, & hominum supradicta religionis, octo vrbes, quae sequuntur: Aguesmortes & Beaucaire in Prouincia Narbonensi; Perigueux & le Mas de Verdun, in Aquitania, Nions & Setres, urbem & arcem, in Delphinatu; Pssoire in Aruernia; & Senielagranda tour & omnem ambitū eius, in Prouincia. Quo nomine frater noster, Rex Nauarra, princeps Codaus tribunus milium, Damuillens, & ii quibus earum rerum custodia mandabitur, cauebunt periculo fidei & honoris sui, fore vt diligenter ac fideliter illa nobis custodiantur, &c.

Videamus nunc quid ad hac auctor huius scripti respondeat. Præcipuum eius argumentum in vers. Quod sua Maiestas, &c. consistit. Vt Rex populo sua restituit: ita vice versa Rex sua recuperare debet. Apud imperitū vulgus speciosum hoc argumentum est, & verū quoque, sed alienum à nostro proposito. Diuersa enim hac sunt, pacisci et conuenire. quid altera pars alteri restituere debeat, & efficere, vt quod pactum & conuentum sit, eius fides nō ad momentum, sed in perpetuum conseruetur: Fatemur quidem æquum esse, si subditis sua omnia à Rege restituantur, vt & rex quoque sua recuperet: sed vicissim æquum esse dicimus, ad conseruationem eorum quae per pactum promittuntur, vel restituntur, ob causas supradictas securitatem subditis dari, ne paulò post vna cum illis quorum restitutionis spes datur, vitam, libertatem & bona sua amittant. Quae pro confirmatione securitatis subditorum hic adiciuntur vers. Non enim simpliciter, &c. non videntur ad eam persua- dendā sufficere: nam præter Gubernatorē, qui à Rege qualem velit, siue gra- tus siue ingratu sit Ordinibus, constituetur, Concilium quoq. non ex incorru- pto iudicio Ordinū, sed ad suggestionem sine dubio eorum qui Regis partes se- cuti sunt: deinde non ex aliis, quā qui Catholici Romani sunt; exclusis in- perpetuum iis qui alterius sunt religionis, ordinabitur. Eligentur etiam ad praesidia naturales, sed qui eorum consilio & voluntati subservient: ac licet il- li Ordinibus quoque iuramentum prestabunt; uno tamen iuramento Regi ma- gis, quā his obstricti erunt. Ergo, &c. Omnia quae dicuntur, colorem quendam habent, sed populus proditis Machiaveli mysteriis, ad omnia quae non ma- nibus suis comprehendit, factus est diffidentior. Quanquam etiam in hac secu- ritate constituenda, nullum Regi damnum, aut prauidicium nasci possit. Nam

cum sola iurisdictio & protectio ad Maieſt. ipſius pertineat, eam ſubditi obediſſimè ad bonum ſuum, ob quod poteſtas a Deo conſtituta eſt, ferre parati ſunt. Nec unquam firmiori preſidio principes muniti ſunt, quam ſi amorem & beneuolentiam ſuorum ſubditorum habeant.

LEVIORIS præterea momenti ſunt illa, quæ prolixa verborum ſerie inter cætera literis ſubnectuntur, de actionibus inclytæ memoriæ quondam Ioannis Auſtriaci. Nam ille quiſnam, qualis & quantus, dum vixit, reuera ſemper fuerit, quæque ſua intima conſilia ſtudiaque olim extiterint, haud opus eſt, mortalium dubiis teſtimoniis pugnando conuincere, poſtquam miſericors, omnipotens & ineffabilis Deus tot & tantarum illuſtrium victoriarum oportuna largitione, ſatis ſuperque orbi terrarum, quaſi digito oſtenderit, quam opinio- nem de zelo, de pietate, deque illæſo animi candore eiſdem inuictiſſimi Auſtriaci, ac poſtremò etiam de iuſtitia ſux cauſæ nos mortales (qui ſpecie recti adeò frequenter fallimur) con- cipere voluerit: tantum illud ſubiecero, quòd ſi Ordines Bel- gij reuera, quæ publicam concernunt ſalutem, ſaperent, ſi- mul & nouiſſima prouiderent, nequaquam ſe continere poſ- ſent, quin immaturum obitum tam excelli & magnanimi vi- ri, perpetuo luctu proſequerentur. Illud autem ſilentio præ- teriri nequit, quòd penè eodem contextu ſuggeritur, de Ediçto perpetuo ab Hollandis Zelandisque olim apertè repudiato. Quaſi verò ex ea re non potiùs Hollandorum perinſignis con- tumacia, quæ iuſtitia defectionis à ſuis confœderatis, plus quàm euidenter detegatur. Ratio autem in promptu eſt, quòd vniuerſo Belgio notorium ſit, Ediçtum, de quo agitur, non clam ſed palam, non in priuatis ſed particularium prouincia- rum comitiis, ſed in publicis & in iis quidem generalibus vni- uerſorum Ordinum Belgij, nimirum in ipſa ciuitate Bruxel- lenſi (vbi etiam Hollandi Zelandique ſuos peculiareſ nuncios & legatos in numero competentis, ſua libera ſuffragia depromentes, tunc temporis ibidem præſentes habuere) tandem poſt varias cõmunicationes vltro citroque cum ipſomet tunc ſuperſtite Seren. Ioanne Auſtriaco habitas conceptum, con- cectum ac deinceps ſolèmniter cõmologatum fuiſſe. Vnde liqui- dò conſtat, non minùs ipſos Hollandos, ſociosque, quàm cæ- teros Ordines ad eiſdem Ediçti, ex pluralitate ſuffragiorum riçò ac legitimè ſtabiliti, inuiolabilem obſeruantiam quouis iure

iure astrictos fuisse. Est enim iure non minùs cautum, quàm ex naturali ratione eidentissimum, haud esse in potestate paucorum, qui sint de collegio, dum lubet, se eximere a vinculo seu nexu publici decreti. Quod maiori ac saniori parti committorum placuit, praesertim verò cum inficias ire nequeunt, se nedum cum aliis deliberationi interfuisse: verùm etiam ad perorationem usque patienter auditos fuisse. Quid multis? quoquò se vertant supradicti deputati Antuerpienses, fateantur necesse est, parum sincerè minùsue consultò se facere, qui suggestione euicemodi leuissimorù argumentorum, studeant apud imperitum vulgus hosce articulos, optima fide ad Belgij salutem propositos, tanquam captiosos, aut minimè tutos diffamare: siquidem longè facilius sit populum anxiiis opinionibus semel imbuere, quàm imbutum postea dedocere.

ANNOTAT.

Quæ Ordines de Domino Ioanne Austriaco scribunt, eorum veritas ex illis libris peti debet, qui super factis eius iam pridem editi sunt: nimis enim molestum & longum esset, omnia hic explicare. Quæ in contrarium in laudē illius hic dicuntur, in medio relinquo. Sed ad rē ipsam venio. Vers. Ratio autem, &c. Hæc ratio cum tota probatione sua quam absurda sit, ex eo liquet, quòd Hollandi Zelandiq; vna partem Status, reliquarū prouinciarum alterā, inter quas pacificatio Gandauensis inita fuit, cōstituerint. Ab ea quoq; non esse recedendum, nec quicquam ei contrarium faciendū esse, inter se mutuo pacti erant. Quis ergo non intelligit potuisse Hollandos Zelandosq;, nulla repugnante ratione, aduersus Edictū illud, propterea quòd priori pacto in multis praiudicavit, sese opponere, nec vllò iure obstrictos fuisse, etiam si altera pars plures numero essent, sententiam eorum sequi? Sed ut semel dicam, nihil aliud in hoc scripto queri videtur, quàm speciosis argumentis veritatem facti obscurare, & si fieri posset, non solum populum ipsum Belgicum in se mutuo, sed & totum mundum aduersus Ordines concitare.

Eodem spectant, quæ de Barone Sellio, olim regio Cōmissario, de quæ sua instructione ac literis regiis, simul & ipsa iustificatione Ordinum, ob pacem Gandauensem minùs rotundè seruata, ac deniq; ob religionem Catholicam nimis temerariè variis in locis, etiam extra limites Hollandiæ, Zelandiæque violatam & conculcatam, longè prolixius quàm solidius demonstratur. Nam ipsa veritate verius est, quòd sua Maiest. necnon & Austriacus Gubernator generalis, nihil vnquam ardentioribus votis optarint, quàm pacem Gandauensem, Vnionemque subsecutam, vnà cum Edicto perpetuo,

k

ad cō

adeò solenniter firmato, in omnibus suis articulis, nullo prorsus excepto, ad amissim omni tempore, & quavis occasione inuiolabiliter seruare; nec dubium quin effectus omni ex parte subsequatur fuerat, nisi Princeps Auracus, vnà cum suis affeclis, nondum satiati turbis annorum præcedentium, ilicò post gubernaculis Austriacum inauguratū, cœpisset animum conuertere, non solūm ad calumniosissimas quasq. & reuera contortas articulorum dictæ pacis interpretationes; verum etiam ad perpetua insidiarum conamina, tam contra personam Gubernatoris Austriaci, quàm cæteros ministros regios, à se suisq. studiis (vtri suspicabatur) alieniores, quàm ferre poterat. Qua de causa optimus Rex, planè inuitus, & prorsus contrà quàm animo secum constituerat, cogebatur arma iteratò resumere, gladioq. ultore iniuriam sibi, ac fratri Austriaco, recentè à malè reconciliatis subditis illatam (quoad eius in se fuit) propulsare. Vnde etiam occasio nata, quòd dicto Barone Sellio, in Belgium ab se destinato, Ordinum deputatis notificari curauit, non tam ipsam pacem Gandensem sibi displicere, quàm iustissimis de causis se diffidere, quòd Princeps Auracus vnà cum suis, eadem pace secundum verum & genuinum intellectum vnquā rectè vsuri forent. Quod ignorare nequibat, quàm parum sincerè tractati fuerāt Harlemenses, Amsterdameses, ac pleræque aliæ ciuitates, iugū gubernationis Auracæ recentè tunc subire coactæ, vt ne taceam de plerisque dogmatis emissariis, ad seducendum populum in religione, & consequenter quiduis audendum, contra salutem publicam ter maximo numero, contra iurata pacta Gandensis pacis, in viscera Catholicarum prouinciarum sparsim submissis. Verū esto, quòd Rex ob causas suprà dictas, seu alias quaspiam grauiores, præsertim verò ob minus candidè adimpleta promissa, tam religionis quàm auctoritatis sibi debitæ, à pace Gandensi, se tunc forsan alieniorem ostendisset: tamen quid responsuri sunt deputati ad obligatoria pacta, quibus obstricti fuere suis comprovincialibus, atque adeò etiam Deo Omnipotenti, quem solenniter iurantes pacta Vnionis generalis, sibi tum testem, tum ultorem constituere, casu quo paterentur extra Hollandiam circa religionis Catholicæ obseruantiam vllam infractionem obrepere? quatinus in re an fidem sociis promissam opere compleuerint, ipsi vide-

nint: imò si lubet, in testes appellentur Arthesiensēs, Hannonienses, Duacenses, Insulenses, Valenchenſes, Mechlinienſes, Buſcoduſenſes, & plerique alij, quos gratia Dei illuſtratos, nulla profectò atas, pro merito virilis conſtantiæ erga noſtram auitam religionem, vllò vnquam tempore laudauerit ſaris. Sunt enim illi qui decreta pacis Gandenſis, Ediſtiq̃ue perpetui & Vnionis ſubſecutæ, ad amuſſim ſeruantes, ſummo iure nunc conqueruntur, à cæteris Ordinibus, contra omnem rationem ſe deſertos fuiſſe; & ob id nec magno odio digni, multò autem minus deteſtabiles (vt verba ſunt literarum) iudicandi videntur illi, qui de Ordinum inſtantia, vt ne addam de periurio, ſubinde ſuas querelas coram populo deponunt. Prout etiã minimè decet, culpam adeò notoriè propriomet vitio contractam in Regē, ſuoſq̃. Duces & Conſiliarios, vel alios quolibet reiſcere, ſed potiùs ſuccedanea emendatione, quod peccatum eſt, humiliter & obſequioſe corrigere. Sed quid agas? noua religio nouos inuexit mores, vtinam ne peiores. Nemo ſanè videri vult labem contraxiſſe; vnde nec mirũ ſuperos in populo- rũ flagellis adeò rigoroſè & inclemēter adhucdũ perſeuerare.

SUPEREST autem paucis confutare rationes, quibus iuſtificatio cauſarum alteratæ veteris religionis potiſſimũ for- tificari videtur. Principio namque aſſeritur, nouam cauſam ſuperueniſſe. Illud autem quotieſcumque accidit, toties obligatum à vinculo, cui aſtriſtus reperiatur, iure ſolutum cenſeri. Pulchra (me herclè) futura excuſatio, ſi modò ne pariter iuris foret notoriij, omninò fruſtrà pro excuſatione exceſſus allegari ſuperuenientiam cauſæ nouæ, quam quis ipſemet ſuo vitio ſeu dolo cauſare nequaquam erubuerit. Nam qui dolo ſeu lata culpa deſiit poſſidere aut ea poſſe ad quæ ex pacto tenebatur, haud dubiè condemnandus venit, perinde ac ſi poſſideret & poſſet. Etenim quæ latior culpa committi potuit; quàm quòd deputati Ordinũ, poſt excluſum Gubernatorem Auſtriacum, tunc rerum abſolutè potiunt, ſummam regiminis vltro concredidere Principi Auraico & ſuis? quorũ mores & impetuoſa ſtudia nouandæ religionis nequaquam ignorare potuerunt. Accedit præterea quàm manifeſtè colluſerint, tam circa temerariam deſtitutionem pænè omnium magiſtratum Catholicorum, quàm etiã ſubdolam inuectionem Pacis (vt aiunt) religionis. Qua quidem fenestra ſemel aperta,

k 2

quid

quid enim tunc Ordines minus commisisse iudicandi sunt, quàm si ex proposito in omnem apostaticam licentiam habentis laxatis, ipsam demùm religionem Catholicam quorumlibet sectariorum cupidini totaliter prostituere animus fuisset? Reliqua verò, quæ ampliandæ iustificationis ergò accumulatur, de necessitate publica, de quæ ciuiliū dissensionum euitatione, aut declinatione periculorum hostilis exercitus: illa ut nec succum præ se ferunt, ita nec responsum merentur. Nam quæ potuit tanta fuisse necessitas publica, quin si Ordines aut magistratum gerere, aut vigilantis Gubernatoris generalis officio fungi didicissent, potuissent utique, si modò ferriò conari libuisset, populum in officio, imò & ipsum quoque Principem Auraicū intra cancellos sui iuramenti continuisse? Neque enim ipse tantus erat Auraicus, quin freno tempestiuè adhibito, tum regi, tum etiam ab ausu temerario coërceri potuerit; neque etiam tam beneficè de Ordinibus vnquam ipse meritis, quòd beneficiorum respectu insolescens, sibi vllam proteruiam vel contumaciam excusabilem fore ausus fuisset sperare. Siquidem probè adhuc memor, in quantas olim angustias, post ereptam Zelandis insulam & ciuitatem Xirisensem, coniectus fuerat. Et quantoperè hoc ipsum, quod interea tum ad vitam, tum fortunas sibi accreuerit, Ordinibus Statuum, velit nolit, acceptum ferre cogitur.

OMNIVM ferè prædictorum fragilissima sunt, quæ circa extenuationem literarum, ab Ordinibus iam antea, tum ad Cæsarem, tum Regem super articulo religionis datarum, non sine manifesta perplexitate scribentis, quodammodo ex occasione & non nisi obiter inferuntur. Fuerit enim literarum dictator quicumq. velit, haud dubiè consultius fecisset, si ne quidem illas attigisset. Nam ut plurimæ aliæ omittantur: tamen omnium ad instar esse poterit sola illa Epistola, quæ auspicio vniuersitatis Ordinum Belgij, & quidem de expresso eorūdem Mandato, per Cornelium Weelemans ex oppido Bruxellensi, octaua die mensis Ianuarij, anno natiuitatis Domini 1578, etiā post inchoatos posteriores motus, necnon aduentum Archiducis Mathiæ, ad Cæsarem scriptæ reperiuntur: cuius quidem Epistolæ clausulam, huc respicientem, ad pleniorē veritatis facti elucidationem, hoc loco de verbo ad verbum inferere libuit: Et in primis Maiest. suam precamur, vt nos aduersus
fictas

fictas inimicorum nostrorum calumnias, apud Regem Catholicum, principem nostrum clementissimum, favore suo iuuare, & quo cœpit amore prosequi dignetur; sanctæ Maiest. tuæ affirmantes & pollicentes, nos nunquam fuisse, nec esse, nec fore alterius sententiæ, quàm vt hîc Catholica sanctæ Romanæ Ecclesiæ religio colatur; & suæ Maiest. regiæ semper constet auctoritas; quod superioribus nostris literis Maiest. tuæ candidè sumus professi, & in primis cupimus esse persuasum, &c. En ipsamet verba literarum, quorum tanta est claritudo & perspicuitas, quòd citra præsumptionis temerarię grauiissimam notam, haud possint vllatenus in dubium reuocari. Cæterùm quàm probè & quàm plenè Deputati Ordinum speciosis suis pollicitationibus, Cæsari tanto principi spontè obtrusis, satisfecerint; miserabilis & confusa rerum facies, quæ nunc in Belgio apparet, eheu nimis luculenter testatur. Illud autem omnem discretionis metam transcendit, quòd cùm sciant eiusmodi literis se quodammodo lethaliter iugulari; tamen conuicti turpitudinis, errorem agnoscere, seu (vt dici solet) manus dare recusant.

ANNOTATIO AD TRES PRÆCEDENTES § §.

Quid Sellij instructio continuerit, quid etiam litera Regia, quia illa publicè extant, ampliorem probationem non desiderant; sed & superius legati Ordinum de factò Sellij diuersis in locis conqueruntur. Mirum ergo est, quòd auctor huius scripti asserere audeat, Veritate verius esse, Regē pacificationem Gandauensem, &c. inuolabiliter obseruare voluisse. Imò ne nunc quidem in hoc conuentu Rex eius animi fuisse videtur, vt pacificationem Gandauensem confirmaret: Quod patet non solum ex Mandato Regij legati, sed etiā ex articulis ab ipso exhibitis. Itē ex articulis, quos primo loco Domini Commissarij ediderunt, sed postea in vltimis articulis, ad importunitatem & instantiam quorundam ex legatis, approbatio eius, iuxta eorundem præscriptū, verbis aliquatenus facta est. Culpa quæ hîc principi Auraico imputatur, ea nō ad veritatem, sed ad inuidiam & odium ei conciliandam posita est. Omnia enim facta ipsius contrarium ostenderunt, adeò vt plerosque Catholicos Romanos, quibus vnā cum aliis libertas & salus patriæ cura est, in admirationem & amorem sui traxerit, propter moderationem qua erga ipsos eorūmq. religionem vteretur: E contra multos, suæ religionis homines, sollicitos reddiderit, ne per illam suam pietatem, tum sibi tum communi causæ quam promouendam & defendendam suscepisset, noceret ac decisset. Ratio de Harlemer sibus & Amsterodamensibus addita, remotior est à proposita questione. Nam mutatio qua

rio qua in illis ciuitatibus facta est, ea longè post interuenit. Reliqui etiam, qui in testes vocantur, fortassis celerius quàm putabent, ex iusto Dei iudicio percipient, quod melius sibi fuisset, hac laude Hispanorum caruisse, quàm propter ea & sibi & alijs tantas calamitates supra priores accersuisse. Sed ut summam ad illud, quo tendunt omnia auctoris huius scripti argumenta, respondeam; optare tantum cum laborasse ad causam suam Deo Omnipotenti probandam, quantum contendit hominibus eam speciosam reddere. Nam utcumque cunctat istud, Violationem pacis Gandauensis non per Regem, sed per Ordines factam esse (etiam si contrarium eius ex publicis scriptis pateat) eosdemq; Ordines contra atque prius promiserat, libertatem conscientiarum publicè & priuatim, in alijs quoq; prouincijs, extra Hollandiam & Zelandiam permisisse (cuius nihilominus rei causam necessariam deinceps, & scripto ad Cas. Maieſt. & hic in antecedentibus Actis reddiderunt) an tamen aequè facile coram Rege Regum, & Domino dominantium, ter maximo Deo, enicturus sit, ob eam rationem licere Regi ac Domino nostro naturali, siue Placitorum rigore, siue armorum crudelitate, ad obseruationem suæ Religionis auitæ, subditos suos cogere? Item an liceat Maieſt. suæ, qua suis ad bonum data creditur, & quos patris atque pastoris vice fouere ac moderari debuerat, dulcissima patriæ suæ deuastatione, bonorum ereptione, vxorum liberorumque violatione, & uitæ amissione subditos punire, qui a religione illa discesserint, quam in suis animis diutius approbare, quòd persuasi sint eam humanis traditionibus & superstitionibus periculosis conspersam esse, reformidendi? Hoc sanè euincere illi opus, hic labor non exiguus futurus est. Ad hanc verò sententiam Regi omnibusq; cordatis Magistratibus euellendam, Annotationes præcedentes aliquantum seruire possunt, & veritati atque æquitati omnino consona videntur, quæcumque ibi ex diuersis tum antiquis tum neotericis scriptoribus allegauimus, quantumcunque licet è contrario inducere conentur immundi illi spiritus, qui, ut Apocalypsis non obscurè indicat, more ranarum Egyptiacarum, molestam & diram coaxationem in auribus Principum & Regum edere non cessant, quoadusque eos iterum ad prælium congregent magni illius diei Dei Omnipotentis. Caterum & his ipsis, & illis, quibus ad arma classicum canunt, longè consultius ad salutem foret, serio cogitare, Deum tandè aliquando vindicaturum in ipsorum capita sanguinem innocentem, qui propter testimonium Iesu iam annis 60. proximis effusus est, & quem adhuc effundere statuerunt, singulosq; de omnibus cogitationibus, dictis & factis coram tribunali iusti iudicis Christi Iesu exquisitam daturus rationem.

POSTREMO autem, quæ sequuntur de blandimentis (ut aiunt) ostentatæ pacis Gandensis, de quæ liberatione Comitæ Burani, ac insuper de priuata tractatione instituenda cum principe Auraico, simul & eneruatione decretorum Archiducis Mathiæ, ac tandem etiam de omiſſa capitulatione securitatis pro

pro regina Angliæ, Archiduce Mathia, Duce Alençonio, aliisq. confœderatis, haud sanè aliò spectare videntur, quàm in vniuersum bonis iuxta ac malè affectis prouinciarum subditis, hos ipsos articulos tanta maturitate digestos reddere, nedum inuisos, quinimo & detestabiles. Est enim vt nihil facilius quàm crudis interpretationibus dulcissima quæque exacerbare, necnon & rebus clarissimis caliginosas nebulas offundere. Ita sanè miranda res est, cuiusnam impulsu, aut quorum in-temperantia consiliorum, hæc tam cauilliosa in vulgus spargantur. Nam si ad suspecta blandimenta pacis Gandauensis respondendum fuerit, quis vnquam se ostendat tam alienum à fiducia de proximo, qui arbitretur hoc loco iustam rationem subesse diffidendi de Rege, qui educto milite peregrino, armisque depositis, haud posset ex longinquo, etsi maximè velit, Ordinibus negotium ex abrupto facessere? Dispar autem ratio est in prouincialibus, qui soli gubernaculis prouinciarum præficiundi, quodcumque volent, arma ad tutelam sui semper ad manum sunt habituri, nec supplantari poterunt. Longè autè minoris considerationis est ipsa particularis tractatio cum Auraico, ex qua proculdubio resultatura fuerat relaxatio Comitum Burani sui filij; casu quo princeps circa filij salutem studiosior tractationem nõ reieciisset. Quis enim conferat beneficium in inuitum, aut quæ ratio est quòd propter peculiarem causam principis Auraici, hominis notoriè peregrini, publica causa prouinciarum suspensa hæreat? Prout etiam ridicula sunt, quæ de enervatione decretorum Archiducis Mathiæ adducuntur: Cùm certum sit per articulos sibi parem auctoritatem indulgeri, quam legitimorum Gubernatorum generalium quisquã ante ipsum habuerit. Quæ res si nondum sufficiat, necesse est, quòd Ordines fateantur, se dictum Archiducem olim non tam pro Gubernatore generali, quàm cū exclusione Regis pro principe & hero suscepisse: quod sanè piaculum foret cogitare, absit ita factum fuisse ab Ordinibus, vt prætenditur. Quod verò attinet ad omisam capitulationem pro regina Angliæ & sociis, quodque educti militum Hispanorum præfigendi termini certitudine careat, haud sanè fieri nequit, quin is qui Ordinum literas dictarit, aut parum diligenter tenorem articulorum excusserit, aut planè secum constituerit cauillando (vti dici solet) nodum quærere in scirpo. Nam & de regina Angliæ

Hi colores apud cordatos exigui momenti sunt: reliqua etiam quòd pertineant, nemo non perspicit, & iam antè discussa & dissoluta sunt.

Angliæ ac Duce Andegauensi expressè disponitur, quòd sub tractatu erunt comprehensi, quodque de capitulatione securitatis tractabitur suo ordine & loco, & alioqui de termini præfixione decernitur, quòd communi partium consensu statuentus erit. Quæ quidem supradicta responsio meritò suffectura videtur: ita ut ne quidem operæpretium existimetur ad controuersum articulum religionis quicquam peculiariter respondere: quandoquidem à me speretur, quòd Cels. vestræ non ignorent eiusmodi articulos, non tam à Rege, quàm à solo Deo, qui incommutabilis est, omnino dependere, utq; etiam adhuc probè meminerint illorum, quæ superioribus mensibus circa contenta eiusdem articuli, ex opinione ac desiderio suæ Maiest. Catholicæ, à me satis superque latè exposita fuere.

XXXI. Octob. legati Ordinum literas ab iisdem Ordinibus acceperunt, quibus adiunctæ erant literæ ad Dominos Commissarios datæ; quas iuxta Mandatum illorum incontinenti Cels. & Dign. eorum ipsimet tradiderunt.

L I T E R Æ O R D I N V M A D

L E G A T O S S V O S.

Dominis, Domino Duci Arschotano, Principi Chimaici, Porciani, Comiti Bellomontij, &c. Equiti Ordinis aurei velleris: Reuerendis in Christo patribus, Abbatibus S. Gertrudis & Maroliensi, ac aliis Dominis Legatis Ordinum generalium Belgij; Colonia.

ACCEPIMVS epistolas vestras, tam xxvij Septemb. quàm x. xiiij & xiiij huius mensis datas, vnà cum scriptis adiunctis, quorum in iis fit mentio. Ad quas iam singulatim vobis non respondemus, propter subitaneum discessum huius tabellarij: vobis autem officiosè gratias agimus, pro bene nauata opera ac crebris istis significationibus; orantes sedulò, ut in ea velitis porrò pergere, epistolamque his inclusam tradere Do-

re Dominis principibus Commissariis Cæsar. qui isthic sunt, & iuxta tenorem eius vos comparare, interea dum expectatis ulterius nostrum responsum, intra paucos dies ad vos mittendum. Dominus Deus largiatur, ut vobis ex animo succedant, quæ piè & sanctè desideratis. Festinanter Antuerpiæ xxij. Octob. M. D. LXXIX.

V. Ex. PP. & Dignitatib. officiosè addicti
Ordines generales Belgij.

I. Houfflin.

L I T E R Æ O R D I N V M A D
D O M I N O S C O M M I S S A R I O S.

*Reuerendissimi, Illustrissimi, Generose, Nobiles
& circumspecti.*

L I T E R A S principales Cels. & Dign. vestrarum xxviij. Septembris & iij. Octobris scriptas, nondum accepimus, sed tantum exempla illarum quæ literis Ordinum Brabantiae adiuncta fuere: & quantum in dies illas expectemus; tamen quia omnium prouinciarum deputati, cum potestate statuendi de summa rerum, xxv. præsentis mensis Octobris Antuerpiæ adfuturi sunt, & omnes mortales erecti ac alacres, desiderant euentum actionum, in vestro celeberrimo conuentu habitarum; officij nostri putauimus, absque ulteriore cōtractione Vestras Cels. & Dign. de futura illa, atque ad eò instante Ordinum communicatione ac resolutione certiores facere, atque rogare, ut cum hætenus studio reconciliationis, & pacis constituendæ inter Regem Catholicum & ditiones Belgicas, per tot menses neque sumptibus, neque laboribus pepercerint, nunc in extremo actu dignentur non vsque ad eò præcisè, & tã paucis diebus (ut dictæ literæ continent) discessum suum concludere, sed paulò diutius subsistere, donec Ordines se resoluant & resolutionem suam transmittant. Quod ut intra paucos dies post finem Octobris fiat, sedulò curamus. Nam inter-

1

est

est prouinciarum maximè, semel finem imponi huic pacificationis negotio, atque omnes intelligunt pacis serenitatem belli calamitatibus potiorè esse, modò sit tolerabilis ac securà: ideoque persuasum cupimus Vestris Cels. & Dign. ea quæ præcedenti nostro responso continentur, à nobis nullius detorsionis aut sinistrae interpretationis consciis bona fide scripta esse, non ad impediendam sed ad promouendam pacem, atq. vt maturè remedia adhibeantur malis atq. periculis, quorum prorogatio dubitationem in amplectenda pace prouincialibus posset iniicere. Neque desiderauimus, quasi hactenus nihil actum esset, propositionem nouorum articulorum, sed propositorum moderationem & securitatem ampliorem, tam pro iis qui Catholicam religionem Romanam, quam qui aliam religionem profitentur. Nam quamuis & Cæsaris & Cels. & Dign. vestrarum maxima sit auctoritas, & firmum propositum sumere obseruandi omnia; tamen propter experimenta superiorum temporū, non sine ratione vltius prouinciarum quieti prospectum cupimus. Nam vt alia prætermittamus, notum est quàm parum valuerint preces & intercessionès Imper. Ferdinādi, & Maximiliani, ac omnium propemodum principum Europæ, ad cohibēdum furorem Ducis Albani, aduersus innocentes, & nos, quorū gratia & beneuolentia receptus fuerat; & quàm irrita fuerint apud Principem Parmensem postulata moderni Cæsaris ac vestrarum Cels. & Dign. de cessatione armorum, & indutiis, durante communicationis tempore: ita vt speremus Cels. & Dig. V. sollicitudinē nostram in auertendis periculis quæ inslare videntur, non prorsus improbaturos; præsertim cum si aliquid minus firmum aut detortum in responso illo nostro inueniatur, & ostendi possit, parati simus meliores rationes absque vlllo contendendi studio admittere, & per omnia rationem sequi atq. iustitiæ acquiescere. Et quòd termini prorogatio ac plenioris Mandati transmissio dilata fuerint, existimauimus Cels. & Dig. V. nunc satis compertum esse, id accidisse, neque per negligentiam, neque per contemptum Maiestatis Imper. aut vestrarum & Cels. & Dignitatum, quas meritò sacrosanctè colimus & veneramur; sed ob causas & difficultates, in dicto respōso nostro comprehensas, quas auxerant funesti belli acerbitates, & plerique consiliis aduersariorum nimium patrocinantès; item alij imperat-

tis co-

etis eorum temerè acquiescentes, qui à nobis descuerunt, augendo discordiam prouincialium. Et proinde rogamus Cels. & Dign. V. benigniùs omnia accipere, & interpretari velint, atque in constantia propemodum pacis publicæ præstandæ dies aliquot, ultra terminum in dictis literis præfinitum, Colonia morari, donec absolutum Ordinum responsum acceperint, & quæ in negotio Pacificationis restant, peregerint, atque absoluerint. Nos pro multiplici & singulari beneuolentia, prouinciis Belgicis exhibita, omni studio ac conatu gratiam referre perpetuò conabimur. Antuerpiæ xx Octob. 1579.

Vestrarum Cels. & Dign. addictissimi

Ordines & Status prouinciarum Belgij.

Ad mandatum præfatorum Ordinum.

XIII. Nouembris, legatis Ordinum ad concilium vocatis, domini Commissarij per Cancellarium Treuerensem paucis coram se declarari faciunt, qua spe huc aduenissent, qua fide negotio isti præfuisent, quantum nunc temporis lapsum esset, nec tamen ad varias ipsorum admonitiones resolutionem Ordinum aduenire: res suas proprias diuturniorem moram ferre non posse: quapropter statuisse se finem huic negotio imponere, ut ex scripto, quod ipsis Recessus loco prælegi deberet, cognoscent.

Atque tum lecto eo, legati respondébant, se cum dolore repentinum illum & inopinatum Cels. & Dign. ipsorum discessum intelligere: rogare ut exemplum istius scripti sibi communicaretur, & deliberandi super eo tempus in alterum diem vel saltem ad meridiem vsque daretur. Exemplum igitur concessum fuit: eo à prandio accepto, & à legatis perlecto, subiectum illi scriptum conceperunt; altero die hora septima, ut præfinitum erat, exhibuerunt. Ac licet in scripto isto suo, quatuor tantum dies, ad magis Cels. & Dign. eorum permouendas, postularint; ore tamen simul declarabant, se incontinenti nobilem aliquem cursorem ad Ordines missuros, quem sperarent intra sex dies reuersurum. Ad eam petitionem responsum iis fuit, fieri posse, ut quidam ipsorum maneat, quosdam verò abitum parare.

RECESSVS DOMINORVM
COMMISSARIORVM.

OPTARENT Sac. Cæs. Maiest. Commissarij, grauissimum hoc Belgicæ Pacificationis negotium, tantis laboribus, molestiis & sumptibus, per tot menses tractatum, ad eum finem, quem & sua Maiest. & proculdubio boni omnes expectarant, perducere, & pacem, pristinumque nitorem Belgio Dei ope & suæ Maiest. auctoritate, dominorumque Commissariorum opera & labore restitui potuisse. Nihil enim iis. gratis contingere potuisset, quàm si ingentis sumptus & operæ laboriosissimæ, negotio huic impensæ, dulcissimum hunc fructum, videlicet Belgij cum Rege & Principe suo legitimo reconciliationem, veramque pacem, quietem & tranquillitatem producere, & Deo, pacis auctori, Christianæque reipubl. atque æternitati offerre & consecrare licuisset.

CUM verò huius voti sui compotes fieri non potuerint, patienter id quod mutare non possunt, ferendum, & tractationi huic non eum, quem cuperent, sed quem possunt, finem imponendum censent. Ut autem varia sunt hominum iudicia, & quidam fortè temeritati adscribent, quòd graue hoc onus, nulla conciliationis spe apparente, susceptum & non protinus repudiatum sit, quidam fortè maiorem diligentiam, concessionem vel indulgentiam necessariam fuisse, dominosque Commissarios aliquid prætermisisse affirmabunt: quidam verò existimabunt nondum huic tractationi finem imponendum, sed illos, qui còsiliu mutaturi, moram purgaturi, & condiciones pacis hîc propositas acceptaturi essent, vel diutius expectandos, vel viam illis aperiendam & demonstrandam fuisse, qua sine ullo impedimento, vel scrupulo ad optatam pacis metam tandem peruenire, & huius tractationis fructum aliquem, quamuis seriùs, percipere aliquando possent: Ita Domini Commissarij, ad Cæs. Maiest. & suam auctoritatem tuendam & conseruandâ, & quorundâ iudicia conuellenda, aliorû verò ignorantia, & tardiori pacis acceptationi succurrendû, non potuerunt prætermittere, quin loco recessus, & còclusionis huius tractatus, ea quæ sequuntur, tã Catholici Regis Mandatario Duci de Terranova, quàm Legatis Ordinum Belgij exponerent.

Et primò quidem silentio prætereundum non arbitrantur,
quòd.

quòd eo ipso tempore quo suæ Cæs. Maieſtati placuit, onus sedandi hos motus Belgicos humeris eorum imponere, ex tantis turbulentissimarum tempeſtatū procellis ac fluctibus, quibus Belgium agitari, & tantum non submergi intellexerunt, aliquem timorem metumque conceperint, malum hoc tam altis radicibus multorum mentibus infixū eſſe, ut illi efficacia & salutaria remedia adhibere, & tot vulnera, tantum non lethalia, per hanc tractationem curare & sanare, vel impossibile, vel difficillimum futurum eſſet.

Et tam ob rem, aliasque non leues ob causas, variis excusationibus tam arduum onus submiſſe & diligenter deprecari, & euitare conati ſunt. Caterum ſua Maieſtas tanto, tamque vere paterno erga calamitoſas Belgicas ditiones affectu & amore flagrauit, ut à ſententia ſua nullis excusationibus ſe dimoueri paſſa ſit, ſed toties clementiſſimè ad Dominos Commiſſarios eo nomine ſcripſerit, ut ſuæ Maieſt. piæ voluntati diutius reſiſtere nec potuerint, nec debuerint. Eo autem libentiùs hoc onus ſibi imponi paſſi ſunt, quòd populos Belgicos vicinos ſuos lamentabili hoc bello, per tot annos miſerè attritos, commiſeratione dignos exiſtimarunt, iſſque ex animo condolerunt, & ſpem non vulgarem pacis conciliandæ ex eo conceperunt, quòd Regem Hiſpaniarum nihil aliud ab Ordinibus & ſubditis Belgij petere & exigere intellexerunt, quàm ut Catholica Romana religio conſeruetur, & Regi ſua auctoritas & obedientia integra maneat & præſtetur, quodque ex literis Ordinum Belgij octaua Ianuarij, anno 78. ad Cæs. Maieſt. datis (quarum exemplar ſua Maieſt. iſſis tranſmiſit) cognouerunt, Ordines Belgij ſuæ Maieſtati ſanctè affirmari & pollicitos eſſe, quòd nunquam fuerint, nec ſint, nec futuri ſint alterius ſententiæ, quàm ut in Belgio Catholica ſanctæ Romanæ Eccleſiæ religio colatur, & ſua Regi conſtet auctoritas. Cum igitur in hoc totius controuerſiæ ſtatu, à Regis ſententia ſancta promiſſio Ordinum Belgij non differre videretur, tanta ſpes pacis conſtituendæ affulſit, ut Domini Commiſſarij eò promptius & alacrius hoc munus ſuſceperint: præſertim cum Ordines Belgij in Wormacienſi etiam cōuentu anno præcedenti celebrato, tam aliorum Principum & Ordinum Imperij, quàm ipſorum Dominorum Commiſſariorum legatis, patriæ ſuæ calamitates diligenter exponi, ipſorumque auxilium

xilium & fauorem implorari, & tam Catholicæ Romanæ religionis conseruandæ desiderium, quàm fidem & obseruatiam suam in Regem Hispaniarum alligari curarint, & postea etiam pari ratione, quæadmodum per Regem factum, Cæs. Maiest. causam hanc submiserint, & in Coloniensem hanc tractationem consenserint. Quis enim non sperasset, parte vtrâq. circa hunc controuersię statum in eandem sententiam concurrente & consentiente, pacem Dei ope conciliari posse? Quis Ordines & subditos Belgicos, tantas patriæ suæ calamitates, & Cæs. Maiest. & Imperij Ordinibus, ipsorumque dominorum Commissariorum legatis exponentes, eorumque auxilium implorantes, vel auctoritati eorum quorum auxilium implorant, parum delaturos, vel ad hunc conuentum, per Cæs. Maiest. indictum, legatos suos serijs, & sine legitimo Mandato missuros, vel quicquam, quod ad proprias calamitates quàm ocysimè amouendas prodesse posset, prætermisso, cogitare vel diuinare potuisset?

QVIS non sperasset, Ordines & subditos Belgij oblationis, allegationis & sanctæ promissionis suæ memores futuros, nihilque facturos vel petituos, quod illis consentaneum non esset? Quis Ordines & populos Belgicos tam diuturnis bellis attritos & fatigatos, cessantibus etiam & sublatis sumptorum armorum causis, promptiores ad calamitosum hoc bellum continuandum, quàm ad pacem, benignè oblatam, amplectendam futuros existimasset? Quis denique submissionem vtriusq. partis, Cæs. Maiest. pari ratione factam, & expressam, huius Colonienſis tractationis, ad probationem tâtooperè mutandam & restringendam, & Cæs. Maiest. & Dominorum Commissariorum verè paternum affectum, studium atq. laborem irritum fore, sperare vel credere potuisset?

QUANTUM autem Domini Commissarij omnibus his de rebus optima quæq. sperantes, eo ipso tempore, quod Cæs. Maiest. tam ipsis, quàm partibus præfixit, & sic ante septem integros menses, sepositis suis, suorumque subditorum negotijs huc se contulerunt, & ad hanc tractationem inchoandam prompti paratiq. fuerunt: tamen ex parte Ordinum Belgij nullos hic legatos inuenerunt, & ob id cum solo Regis Mandatario Duce de Terranoua, hinc præſente, nihil tractare vel agere potuerunt.

E T

Et licet post aliquot hebdomadas legati Ordinum comparuerint, Mandatum tamen minus sufficiens & ad sex hebdomadas restrictum exhibuerunt, & in hodiernum vsq. diem plenius Mandatum, quantumuis non semel petatum & exactum, illis transmissum, tempusque prorogatum non est. Quæ res tam in ipso huius tractationis exordio, quàm in progressu spem de pace conceptam plurimum labefactauit, & suæ Cæs. Maieſt. dominorumque Commissariorum pium & diligentem conatum, & laborem, magna ex parte irritum fecit. Nam ut ex priori vtriusque partis declaratione, religionem Catholicam Romanam, & auctoritatem Regis concernente, & ex pari eaque indefinita potius, quàm ad certum tempus restricta submissione, magna pacis spes affulsit: Ita vel in ipso limine huius conuentus, ex Mandati defectu, prioris declarationis & submissionis mutatio apparuit, & spes pacis, præsertim vniuersalis, magnoperè debilitata, vel potius planè sublata est. Cum enim Ordines Belgij ne de Mandato quidem, legatis huc mittendis dando cõuenire potuerint; sed Arthesij, Hannonienses, & quidam alij, priori declarationi, & promissioni de conseruanda Catholica Romana religione inhærentes, ad petendum & defendendū alterius religionis exercitium, nullos huc legatos mittere voluerint, sed cum Principe Parmensi, aliisque regiis ministris, de pace tractare & transigere maluerint: Alij verò liberum illud exercitiū, præcipuè legatis mandari debere contenderint, illisq; illegitimum, insufficiens, incertum ad Instructionem non exhibitam se referens, & submissionem indefinitè factam, ab sex hebdomadas restringens; Mandatum dederint, & præter alias manifestas mutationes, & innouationes, inter se nouas confœderationes, statim in initio huius tractatus, & intra terminum, legatis suis præfixum, erexerint, & sic tacitè, & ipso facto Mandatū suis legatis datum, vel reuocarint, vel plurimum labefactarint, & terminum prorogare debuerint, vel sine consensu extraneorum Principum (cum quibus se tractationem iniisse scripserunt) nō potuerint: certè tot, tantiq; defectus Mandati, & tantæ distractiones & mutationes non potuerunt non spem omnem de vniuersali pace concilianda prius conceptam, Dominis Commissariis eripere, eiusque viam planè præcludere. Hinc enim factū est, quod nec cum Arthesiis & Hannoniensibus, aliisque nullo hinc legatos

legatos habentibus, quicquam de pace tractare, nec illis salua fronte & instructione sua, & inuito Regis Mandatario, auctores esse potuerint, vt cum Rege suo se non reconciliarent, vel à pace cum Regis ministris inita resilirent. Hinc etiam factum est, quòd cum reliquarum prouinciarum legatis, legitimo & sufficienti mandato carentibus, nec de indutiis & indutiarum condicionibus, nec de causa principali quicquam certi, vel intra breuissimum terminum, eisdem legatis præfixum, vel postea tractare & concludere potuerint. Estque summa admiratione dignum, quòd illi qui intra plurimos menses, & in hodiernum vsque diem, de formula certi Mandati, suis legatis dandi vel mittendi, conuenire non potuerunt, totius huius grauissimæ controuersie decisionem intra cancellos sex hebdomadarum concludere, & coarctare conati sunt; præsertim cum legati Ordinum eiusmodi non tam media, quam extrema prioribus promissionibus & pacificationibus illis quas ipsi legati xij. Iunij totius huius tractationis fundamentum esse allegarunt, parum convenientia proposuerint, vt vel sensus communis dicter, tam arduam controuersiam intra sex hebdomadas conciliari & decidi non potuisse. Quanquam autem hæc omnia Dominis Commissariis iustissimam causam præbere potuissent, saltem post præfixas sex hebdomadas, vel post xij. Iulij (quo die legati Ordinum dixerunt, quòd in vllam vltiorem tractationem progredi nollent) omnem pacis spem abiiciendi, & protinus hinc discedendi. Ne tamen officio suo villo modo deessent, vel quicquam prætermitterent, quod commissioni & instructioni Cæs. consentaneum, & ad vicinas ditiones Belgicas, miserè concussas & afflictas, à belli flagrantis incendio liberandas prodesse posset, non sine tædio, labore & sumptibus grauissimis, per septem integros menses hic manserunt, tractationemque continuarunt; vtque ex prioribus pacificationibus, variisque scriptis & actis intellexerunt, Ordines Belgij non tam ad nouam religionem inducendam, eiusque exercitium defendendum, quam ad amouendum seuertius quorundam imperium, expellendum extraneum militem, priuilegia conseruanda, libertatem commerciorum restaurandam, & insolitas collectas & exactiones auertendas, & similes politicas ob causas arma contra Regem eiusque ministros sumpsisse: ita summo studio & labore has belli & sumptorum ar-

morum

inorum causas, per propositas pacis condiciones è medio tollere conati sunt, vt ita cessante causa, effectus quoque cessaret. Et non dubitant quin omnes boni & pacis studiosi confessuri sint propositos politicos pacis articulos non sinistrè sed dextrè & candidè acceptos & interpretatos, ad tollèdas omnes hactenus per Ordines Belgij allegatas calamitosi huius belli causas commodissimos esse, maximè cum Domini Commissarij ad promouenda illa quæ ad firmam & inuiolabilem huius Pacificationis obseruationem, & sic ad vtriusq. partis plenam securitatem fortè adhuc necessaria vel vtilia censeri possent, se non semel obtulerint. Et si quis existimet præter politicas controuersias etiam seueriora cõtra alienæ religionis homines decreta causam huic bello dedisse, is quoq. si articulos pacis per Ducem de Terranoua in causa religionis propositos sincero animo legat & perpendat, non potest non fateri, per eosdem talem quoque seueritatem ita mitigatam, vt nemo iustè conqueri possit, Regem sub prætextu religionis, vel in corpora subditorum seuire, vel bona illorum appetere & cõfiscare, vel etiam ipsorum consciètiis vim inferre velle: ita vt nullam elabendi, & corpora, bona vel conscientias saluandi viam habeant, nisi contra ordinarium Magistratum, & sic cõtra ipsius Dei ordinationem cum innumerabilium corporum & animarum periculo bellum gerant.

Qvæ cum ita sint, Domini Commissarij mirantur, non immeritò, quam obrem ad exquisitissimas pacis condiciones omnem belli continuandi necessitatem, & comminatæ priuationis & desertionis prætextum è medio tollentes, & vel ipsis legatis Ordinum xvij. Iulij fatentibus, propiùs ad mentem & intentionem Ordinum accedentes, intra sedecim hebdomadas ab Ordinibus certum responsum, quamuis aliquoties petitum & exactum, non acceperint; eo excepto, quòd soli Buscoducentes, sanioribus vñ consiliis, responderunt easdem pacis condiciones sibi placere, & Transifulani xij. Septembris responderunt, se resolutionem suam, Dominis Commissariis proculdubiò placituram, ad generales Ordines misisse: & Valencienenses se Regi & Principi suo legitimo reconciliari, & condiciones pacis Arthesijs & Hannoniensibus concessas, acceptare velle, non obscurè indicarunt. & in initio Septembris Antuerpienses & Brabantia ac Geldria Status, Ordinesq; generales

nerales aliquam spem certi responsi opportuno tempore transmittendi dominis Commissariis fecerunt. Et tandem Tornacenses, Tornesienses, & Nouiomagenses responsum suum Antuerpiam transmissum esse huc scripserunt: & postremò etiam ipsi Ordinum deputati, Antuerpiæ congregati, in literis suis vicesima Octobris datis, aliquot dierum dilationem petierunt. Sed cum Buscoducentium causa iam dum transacta sit, & Dominorum Commissariorum præsentiam non requirat, & Valencenienses, vicinis suis Arthesiis & Hannoniensibus cum Rege reconciliatis, se maluerint adiungere, quàm Dominorum Commissariorum opera uti; & Transisulanorum, Tornacensium, Tornesiensium, & Nouiomagensium resolutio ex Antuerpia nondum huc sit missa: illisque & aliis pacem amantibus etiam hoc conuentu dissoluto, per viam paulo post demonstrandam, succurri possit, & Ordinum Brabantiae generaliumque Ordinum deputati, in literis suis sexto Idus & decima Septembris Antuerpiæ datis, ab acerba & odiosa veterum altercationum renouatione & resuscitatione, & quorundam iustissimorum, & ad inducendam veram anteaكتورū obliuionem & æqualem omnium reconciliationem, planè necessariorum articulorum, ipsiusque Edicti perpetui, & sic præcipui ferè fundamenti totius huius tractationis, sinistra interpretatione & impugnatione non abstinuerint, nec opportunum tempus responsi transmittendi exprefferint, nec vllam ferè spem articulorum acceptandorum Dominis Commissariis reliquerint, nec illis intra præfixum peremptorium terminum, nec intra tredecim hos dies eundem terminum sequentes, responsum promissum transmiserint: nec cuiquam obscurum esse possit, quid multi, ad arma potius quàm ad pacem propensi, de hac tractatione, articulisque hinc propositis minus candidè loquantur, scribant, confingant, & publicè etiam impressis famosis libellis per totum Belgium, & vicinas regiones spargant; & quid in quibusdam locis, ciuitatibus & prouinciis minus pacificè factum & conclusum sit: nec Arnhemienenses in literis suis decima sexta Octobris datis dissimularint, quòd malint mortem subire, quàm condiciones pacis hinc propositas (quas acerbissimè & odiosissimè impugnarunt) acceptare: Nec Domini Commissarij quicquam vltius, præsertim in causa religionis à Rege vel Duce de Terranoua obtinere, vel

illi

illi inuito extorquere possint; nec ipsorum negotia, per tot
 menses seposita & suspensa admittant, nec reputationi & au-
 ditoritati Cæs. Maieſt. cōſentaneum sit, vt se hīc diutius frustra
 & sine vllō fructu detineri patiātur: nihil aliud restare vident,
 quā vt tandem tractationi huic finem imponant, hinc disce-
 dant, & totum negotium Deo Opt. Max. & Sacr. Cæs. Maie-
 ſtati, cui omnia fideliter relaturi sunt, & ipsis partibus com-
 mendent. Diligenter interim & sedulō Ordinū legatos ad-
 hortantur, vt quantum in ipsis erit, ex suorum animis diffiden-
 tiam, exasperationem & omnem sinistram suspicionem, à suā
 Cæs. Maieſtatis & Dominorum Commissariū animis &
 proculdubio etiam à Catholico Rege alienissimā, eximere,
 ipsisq̃ue persuadere conentur, vt à diuturnis tēpestatibus pro-
 cellisq̃ue bellorum, ad humanioris vitæ quietem & tranquil-
 litatem transitum faciant, & citra longiorem moram, maxi-
 mo suo commodo & incredibili calamitosā multitudinis &
 vniuersi orbis lætitia, suā Cæs. Maieſtati vel Regi Catholico,
 vel ministris eius significant, se articulos pacis hīc propositos,
 acceptare velle, vt ita post dissolutum etiam hunc conuentum
 dulcem eius fructum percipere, perq̃ue pontem hīc constru-
 ctum, vel demonstratam salutarem tabulam, ex tam vasto in-
 finitorum malorum pelago, & præsentissimo naufragio, ad ve-
 rā quietis & tranquillitatis portum transire vel enatare, & sub
 placido & miti Regis sui imperio & gubernatione, pristinā
 felicitatem recuperare, & verā ac diuturnā pacis innumeris
 commoditatibus frui possint. Quod Domini Commissarij
 Belgicis ditionibus ex animo optant & precantur: & vtrique
 parti beneuolentiam, amicitiam, & promptum gratificandi
 studium offerunt: Nihil amplius ab iis petentes, vel expe-
 ctantes, quā vt suā Cæs. Maieſtatis & Dominorum Com-
 missariū, pro salute Belgij susceptum laborem, studium,
 sumptus & operam non vulgarem æqui boniq̃ue consulant,
 & sincerē ac candidē potiūs quā sinistrē, & in deteriorem
 partem interpretētur, vt in pacem, vel condicionibus hīc pro-
 positis, vel si malint ea via, quā Arthesij & Hannonienses
 ingressi sunt, conficiendam omnes neruos intendere, omnem-
 q̃ue operam collocare non desistant. Publicatum Colonia
 xij. Nouembris; Anno Dominicæ incarnationis millesimo
 quingentesimo septuagesimo nono.

SCRIPTVM LEGATORVM
ORDINVM.

*Reuerendissimi, Illustrissimi, Generose, Nobilis
Sac. Cæs. Maieſt. Commiſſarij.*

QVÆ heri Illuſtriſſimo Duci Arſchorano, & nobis reliquis Ordinum legatis, partim ore, partim de ſcripto dicta & recitata ſunt, ad ea vt ad plenum respondeamus, nec breuitas temporis, nec qualitas Actus, cùm Receſſus loco ſit, patitur: alioquin ſola etiam obſeruantia & veneratio, quam non tantum perſonis, ſed & ſcripturis veſtris præſtare cupimus, ſatis efficax eſt, vt ab omni contradicitione & diſputatione nos contineat.

TANTVM MODO hunc nobis amorem, & veniam dari poſtulamus, ſi profiteamur dolere nos, & conqueri, finem huic conuentui imponi, vbi primum fructum eius cognituri & percepturi eramus. Spem enim habemus vix vnum aut alterum diem præteriturum, quin generalis Ordinum reſolutio aduentura ſit; ex ea in primis omnia iſta diſſoluerentur, quibus nunc in hoc Receſſu Ordines grauari videntur: deinde iuſtitia vel iniuſtitia petitionis eorum cognosceretur; tertio, interceſſionis veſtræ officium & poteſtas tum demum vigorem & effectum ſuum conſequeretur.

HACTENVS enim circa ea, in quibus controuerſia, poſt exhibitos pacificationis articulos, inter Seren. Regem & Ordines præcipue conſiſtit, nimirum circa ſecuritatem ſubditorum, & religionis libertatem, Cæſ. & Dign. V. partes ſuas nõdum interpoſuerunt: de quo non ſolum in Actis, ſed & in hoc ipſo Receſſu patet.

TACERE quoque non poſſumus, vtcunque ex cauſis ſupradictis, ab omni examinatione illius ſcripti abſtinendum nobis eſſe cenſeamus; Cæſ. & Dign. V. diſceſſum tamen eo nobis grauioſiorem eſſe, quòd is non cum gratia & fauore, qualem non ſolum apud Sac. Cæs. Maieſt. ſed & apud Cæſ. & Dign. V. item apud omnes Status Imperij, Ordinibus & nobis ſaluum & integrum manere cupimus, propoſitus videatur, propter

277
pter rationes & argumenta, quæ in scripto illo ad longum re-
feruntur; utinam etiam non causam indignationis & offensio-
nis alicuius apud multos præbeant.

A N N O T A T.

Afflictis Belgis in hoc conuentu non subleuata est afflictio, sed aucta: ab una parte Doctoribus iuris causam eorum iniquo zelo sinistrè interpretantibus; ab altera Theologis omnem concordiam in religione dissuadentibus, omnesq; tam principes quam priuatos Cathol. Rom. ad arma continuanda, omnemq; crudelitatem in illos exercendam incitantibus. Quam pia tamen & æqua Belgarum sit petitio, ex præcedentibus Actis perspicietur; sed ut simul etiam spiritus eorum qui se præ ceteris Catholicos Romanos proficietur, cognoscatur, de aliis viris bonis, qui inter eos sunt (quorum magnam multitudinem esse apparet, qui vnà nobiscum sanguinaria ista consilia detestantur, & libertatem patriæ suæ sine respectu huius aut illius religionis defendendâ censeant) non loquor: visum mihi est ex iis libris, qui pendente hoc Conuentu, hic Coloniae editi sunt, quedam commemorare, quæ tamē nec sine horrore legere nec sine molestia describere potui.

Primum edita est Cornelij Callidij Chrysopolitani sacrifici Iesuitæstri Cōsultatio, qua ille non solum ostendit Regi non licere cum subditis suis Belgis pacem facere, sed & Hispanos retinendos, & subditos omni suppliciorum genere persequendos, & plectendos esse vult, quod per nullos etiā fidelius, quam per illos ad effectum perducere posse existimat. Quapropter Hannonienses & Arthesienses quoq; tamquam impares tantæ carnificinæ & laniinæ ridet, qui hoc onus in se solos recipere voluerunt. Sed quedam ex impia ipsius Consultatione recitemus.

Non amplius, inquit, cunctandum, vel contendendum erit verbis, quæ non nisi moram bello & Belgicæ tranquillitati iniiciunt: sed strenuè agendum erit armis, quæ sola victoriam Regi ad suæ possessionis recuperationem, & pacem Belgio ad sedandam & extinguendam suam rebellionem reportare norunt. In litera E. 1. pag. 2.

*Debet Rex ingentem & immensam militum vim & copiam, qualem Bel-
gium vix capiat, primo quoque tempore conscribere, colligere & in vnum co-
gere: nam summa vi & extrema violentia ibi opus est, ubi summum ius, neq;
iustissima obedientia amplius locum habent. In eadem litera E. 2. pag. 1.*

*Ad hunc exercitum comparandum implorabit subsidia Imp. & principū
Germaniæ; item Romani pontificis & Italia, &c.*

*Si ciuitates pacem oblatam renuant, &c. tum Regis Assyriorum Na-
buchodonosor consilium & mandatum, & ipsorum executionis per Holofer-
nem suæ militiæ principem, modum & exemplum celeris de hostibus victoriæ
accommodatissimum, in rebelles, hæreticas & infideles ciuitates Catholic. Rex
imitandum & complendum (ut quod in cogendo ingenti exercitu ex parte nō
minima imitatus erit) minus & nullatenus dubitabit. E. 4. pag. 2.*

Refert se ad initium historiae Iudith: sed audi quid amplius addat: Nec est quod quis obstitendo clamitet, sic ipsum Regē sibi utpote suis hereditariis provinciis damna illaturum. Verū longē consultius est, crines & capillos corpori detondere & demere, quā illis seruatis, noxa & pessima scabie, imō lepra (nam hac in scripturis corruptela haereseos frequēs & vrsitata significatur) corpus infectum perdere. Repurgato enim corpore, sublata & fugata sanie, citō repullulabunt & facile renascentur crines in cute.

Sic oppugnata & expugnata una & altera ex precipuis, vel tertia ciuitate, quae oblatam pacem contempserint, spreuerint & respuerint, tanta animaduersione, tanta austeritate, tanta acerbitate, ne dicam immani & plus quam barbara & fera crudelitate ibidem aget Cathol. Rex, in omnes à maximo ad minimum usque, in fontes pariter & insontes, (dictū durum) ut nemini parcat, nullius aetatem vereatur, dignitatem, cōditionem vel sexum respiciat, aut impubis vel tenella aetatis misereatur: ut omnium aures hac audientes tinniat, corpora horrore concutiantur, artus contremiscant, in verticem crines erigantur, vultus concidant, & facies pallore immutentur, quo ceteris ciuitatibus &

Per vitulum

Caluinū in-

telligit, eosq;

qui doctrinā

eius appro-

bant, Callf.

Per simiam

Martinū Lu-

therum deno-

tat, omnesq;

eos qui Augu-

stinā Confes-

sionem ample-

ctūtur. Simia

enim lingua

Belgica Mar-

ten vocatur.

Quia una ex

causis nostra-

rum calamiti-

tatum reuera

existit cru-

delitas in ve-

ritatis studio-

fos vsurpata,

eius crudeli-

zatis omisso-

ne pseudopro-

pheta hic in

contrariū pro-

pheta hic in

causa mēda-

citor cōstituit

oppidis Belgij timor & tremor incutiat. F. 1. pag. 1.

Caveat sibi Aquila à Vitulo, sub alis suis indies magis ac magis in Taurum immanem & truculentum accrescente, ne bifurcatum diadema de capite eius, cornibus ferri instar induratis, deturbet & deiiciat, qui fulgentia Christianissimi lilia ut plurimum cōculcauit, & feroces Catholici leones penē omnes subegit. A moribus verō Simia iam senescētis, quin prae senio fere delirantis (utpote cum ratione apertē pugnantis) & ad interitum ultrō tendentis & accelerantis, nullum illi amplius periculum, nullus hic metus. G. 4. pag. 1.

Secundō edita est Oratio Ioannis Lensai contra falsos Patriotas, qui inter alia laudat Catholic. Rom. religionem, quod sanguine sanctorum se inebriauerit. Sed audiamus propria ipsius verba: Horum, inquit, quoniam ingentem esse hac tempestate numerum non nesciunt boni Patriota, Romanam religionem plausibiliter accusare se non dubitant, cū per eam reuocari dicunt exilia, reaccendi rogos, patibula restitui, atque ab inferis (ut aiūt) veteres illas omnes poenarum formas excitari. Atqui si sapiunt, hinc potius collaudāda religio est, si eius beneficio hac aduersus Reip. corruptores reuocantur. Sic enim illa colitur iustitia, quae eleuat gentes, sic exterminatur peccatum, quod cū impunitū iustitiae neglectus relinquitur, miseranda consequitur etiam florentissimorum deiectio populorum. Inde enim si verū fateri volumus, nostrae quoties manat deiectio originis origo. Parua quaedam scintilla, quae initio, si vigilatum esset, opprimi potuerant, hoc nobis tantum incendiū patriae procreauit, quantis per annos iam complures magno Catholici principis studio extinguere non potuit. At sit hoc fortassis ira Dei, iustum supplicium de praetermissa iustitia reposita; ut quia qui praerant rebus, cū possent, nollent, iam cū & maxime velint non possint. Semper enim eos admonuit vera religio officij huius sui, ut intelligerent iustitia se ministros esse, neque sine causa gladium circū-

gestare,

gestare, sed vindices in iram Dei esse aduersus eos qui nequiter agunt. Item paulo post:

At nos eam ipsam, quam sic despiciunt atque execrantur & conspuunt, tanti facimus, ut solam veram Christi ecclesiam esse minimè dubitemus. Ideoque nihil esse mirandum, si dignitatis eius, si libertatis & amplitudinis summam semper habendam esse rationem arbitremur: si pro eius honore atque auctoritate tantum zeli, tantumque virtutis suscipiatur à Catholicis principibus, ut illam suis armis omniq; conatu defendant. Repugnandum enim omnino est pro defensione domus Dei. Decertandum est omni ope ac viribus pro ea matre, quæ nos in Christo genuit, fuit, educavit. Quacunque fluctu vis insurgat, quacunque tandem tempestas oriat, retinenda est hæc tanquam arca Noë, extra quam repertus quisquis est, insanis seculi huius undis obruitur, &c.

Spiritus non
Christi, sed
Antichristi.

Tertiò impressus hic est Cunei Episcopi Leonardiensis tractatus, de Christiani Principis officio, &c. Hic in primis nullam superstitionem nec errorem in Rom. ecclesia agnoscit, caterorum omniū, qui in ea Ecclesia non sunt, usum & doctrinam detestabilem hæresin vocat, quæ per principes viros puniri & eradicari debeat. c. 2.

Causam hæresos ponit, cessationem à priori crudelitate: Hollandia, inquit, Zelandia, Frisia, Flandria, Brabantia, quo tempore Regia apud eos vigerunt Edicta, paucos sanè, sparsim hic & ibi latentes, hæreticos habuerunt, hæresi per frenum Catholica potestatis ita cohibita, subacta & cōtracta, ut vix in latebris & angulis hîscere vel mutire audiretur, quemadmodum etiam nunc Italiam, Siciliam, Hispaniam, Portugalliam & alias florentissimas Respublicas, propter vigentem disciplinam, ac superioris potestatis vigilantiam & diligentiam, minus hoc malo laborare cernimus. Caterum postquam nostri dormire cœperunt, ac sublimioris potestatis timor sublatus est, tunc velut apertoputeo abyssi fumus iste, quo aer sic obscuratus & infectus est, tanta copia sicut magna fornacis ascendit, ac hæretici velut locusta & zizania tanto numero multiplicati sunt, &c. c. 4. pag. 39.

Tempus reuelationis & intellectus Dei non agnoscitur.

Non vult suos Catholicos Romanos ullam unionem, vel societatem cum iis qui sunt alterius religionis, inire posse, sed eos pro Ethnicis & publicanis habendos esse. Aduersus huiusmodi confederatos Catholicos illud Pauli dirigit: Nolite iugum ducere cum infidelibus; quæ enim participatio iustitiæ cum iniquitate? &c. Omnes alij, qui Romani non existunt, mors ei sunt, infernus, mendacium, bestia in Apoc. 13. Lupi, fures, latrones, leprosi, peste laborantes, Belial: Et contra Romani, vita, calix, veritas, agni, iusti, sani, Christus, &c. c. ix. per tot.

Tuū scriptū ostendit, te unum esse ex istis infidelibus. Nescis sanè cuius spiritus.

X. Cap. sequenti ostendit, non posse principem aliquid subditis hæreticis, pro pace & tranquillitate concedere, videlicet ut vel in locis quibusdam liberum suæ superstitionis, (ita loquitur) exercitium habeant, vel ut impunè in ea viuere, eamq; profiteri possent. Quia hæresis pessimum & nocentissimum in Repub.

Repub. malum sit, Principem ad puniendum & profigendum hoc malum diuino iure teneri, & huius impietatis participem esse, si non diligenter obstruerit. Item paulò post:

Peculiaris est in heresi causa, quæ in aliis criminibus locum non habet: hæc enim quoniam sanctissima fidei hostis est, inimica & aduersaria, debent religiosissimi principes, qui sunt tutores & defensores Ecclesiæ, vicissim se hostes inimicis Ecclesiæ ostendere, & velut indicto diuinitus bello, pro hostibus se contra hæreticos gerere, sicut huius rei figura filius Israël contra Madianitas dictum est: Hostes vos sentiant Madianita, & percutite eos, quia & ipsi hostiliter egerunt contra vos, ut deciperent insidiis per idolum Phogor & Corbi filiam Ducis Madian quæ procul dubio typum hæresis gessit, &c.

Incipit deinde exclamare: Quid igitur Belgæ Principi vestro Catholico tantopere molesti estis? quid petitis ab eo, quod Deus illi prohibet? quid postulatis permitti, quod Deus illi permittere vetat? & vobis non expedit? &c. Postea concludit:

Quasi scilicet per arma heresis curaripossit. Sic Princeps Christianus nihil, postulantiibus hac parte concedere debet, nullam populi, vel terræ suæ partem, sub vinculis & potestate principis tenerarum in heresi, velut in Ægypto relinquere, sed omni parte pessimam hanc lepram, cancrum & venenum mortiferum curare, &c.

Hæc sufficiant ad eum finem quæ in principio indicauimus. Nihilominus præterire non possum, quin tribus his crudelissimis spiritibus, præter testimonia illa, quibus supra conati sumus Regem Catholicum, omnesq; mundi principes, a sanguinariis istis mediis, ad moderatiora reuocare, ex abundanti exemplâ veterum quorundam Imper. & Doctorum Ecclesiæ opponam; ex quibus quilibet intelliget, etiamsi illi, qui apud nos à ritibus Catholica Romana Ecclesiæ decesserunt, hæreticorum numero censeri debeant, propter eam tamen doctrinam, quam sequi se profitentur, non tam diros ac sceleratos esse, ut contra legis naturæ institutam, non solum ipsimet quouis acerbissimo suppliciorum genere plectantur, sed quod & liberi eorum innocentes, & omnes Catholici, qui cum iis conuersantur (ut hi expressè asserunt) sine sexus & ætatis discrimine, morte crudelissima digni sint. Sequuntur exempla.

Constantinus Cæsar petiit ab Athanasio, Basilicam Arrianis Alexandriæ permitti: quod Athanasius ea condicione se permissurum dixit, si Imperator idem beneficium largiretur per singulas ciuitates declinantibus Arrianorum communionem. Socrat. in Tripart. lib. 1. c. 30.

Constantinus Cæsar Arrianos in suis ecclesiis conuenire passus est, non tamen quod iis (ut quidam falso credunt) faueret, quam quod subditorum paci studeret; Ieroboam de Rep. lib. 3. c. 7. fol. 583.

Julianus Cæsar dissidentes Christianorum antistites, cum plebe discissa, in palatium intromissos monebat, ut ciuilibus discordiis consopitis, quisque nullo vetante, religioni suæ seruiret intrepidus. Ita refert Ammianus Marcellinus lib. 22. Sozomenus lib. 5. c. 4. Theod. lib. 3. c. 4.

Hæc

Hoc moderamine principatus inclauit Valentinianus Imper. Catholicus, quod inter religionum diuersitates medius stetit, nec quenquam inquietauit, neque ut hoc coleretur, imperauit, aut illud, neque interdictis minacibus subiectorum ceruicem ad id quod ipse voluit, inclinabat, sed intemeratas reliquit has partes, ut ipse reperit. Hinc colligas ante Valentinianum sub Ioviniano liberam fuisse religionem. Hac Amm. Marcell. in fin. lib. 30.

Theodosius Magnus Hispanus, prudentissimus & optimus princeps, vidit Constantinopoli Arrianos, Nouatianos, Macedonianos & Eunomianos, qui inter se diuisi erant, & apud seipsos singuli congregabantur. Hoc autem sciendum est, quod Imperator nullum horum persequeretur, prater Eunomium; nullum alium fatigauit, neque sibi communicare compulit, sed singulos per loca propria collectas celebrare permisit, & cultum tenere Christianismi, sicut percipere potuit. Et alios quidem permisit extra ciuitatem Oratoria fabricare; Nouatianis autem concordibus sua fidei intra urbem Ecclesias habere concessit. Hac ad verb. Socrates in Tripart. historia lib. 9. cap. 36. & est locus omnium illustrissimus.

Tertullianus & Epiphanius colligunt sub Theodosio ad minus centum, sectas fuisse pacificas, quod una per aliam conseruaretur, ut ait Io. Bodin. lib. 4. cap. 7. fol. 747. ubi addit, Theodoricum Regem Gothorum Arrianum noluisse constringere conscientias subditorum. Religionem, inquit, imperare non possumus, quia nemo cogitur, ut credat inuitus. Allegat autem Cassiodorum.

Sub Impp. Arcadio & Honorio, & Episcopo Io. Chrysostomo, Arriani extra ciuitatem Constantinopolim collectas agebant, Sabbatho autem atque Dominica intra portas & porticus congregati, Hymnos, & Antiphonas ex Arriano dogmate compositas, decantabant; & hoc maxima noctis parte facientes, diluculo cum ipsis Antiphonis per mediam ciuitatem egressi portam, ad suam Ecclesiam concurrebant, nulla alia vi cohibiti, quam ut Chrysostomus institueret suum populum, ne simplices huiusmodi cantibus traherentur, ut & ipsi nocturnis occuparentur Hymnis. Socrates in Tripart. lib. 10. c. 8.

Gratianus Caesar considerans, quam iniquus Catholicis fuisset patruus Valens, proposuit Edictum, quo liberam religionem, liberamque conscientias esse voluit, simul sectariis conuenire in suis Ecclesiis, religionemque suam exercere permisit, exceptis Manicheis, Photianis & Eunomianis. Sozom. lib. 7. cap. 1. & 2. Socr. lib. 5. c. 4.

Zenon promulgauit Edictum pacis & concordiae (quod Henoclicon appellauit) & eum sequutus Anastasius Amnestiam sanciuit, humanissime complectens Ministros modestos, & pellens vebementiores. Io. Bodin. de Repub. lib. 3. c. 7. fol. 583. Allegat Niceph. Callist. lib. 16. c. 26. Euag. lib. 3. cap. 29.

Antiochia tolerata fuerunt per 30. annos Ecclesiae Arrianorum, sub spe melioris euentus. Theod. lib. 2. cap. 31.

Nouatiani habuerunt Romae Ecclesias usque ad Celestinum Papam, successorem Bonifacii, qui etiam diu Constantinopoli locum habuerunt.

n

Theo-

Theodoricus Rex Italia, fo. Pontificem Romanum, eius nominis primū, Theodorum duosq; Agapitas Oratores ad Iustinum Imperatorem, qui Arrianos expulerat, eorumque Ecclesias Catholicis assignauerat, misit, qui eum hortarentur, ut Arrianos restitueret: sin secus animatus esset, sciret se omnes Italia Ecclesias Catholicas demoliturū: magnificē & perbenignē primū quidem legati excepti sunt; qui ubi Constantinopoli rationem legationis exposuere, cum flectere Iustinum non possent, ad lacrymas versi, ac suppliciter petentes, ut peritura Italia unā cum Catholicis omnibus subueniret, eō tandem piū hominem perpulere, ut Arrianos restitueret, atque eos vivere suis legibus & institutis sineret. Itaque fidei causā hīc postposita necessitati est. Tomo 1. Concil. sub finem, ubi de hoc fo. agitur in Pontificali. in Cassinia. in vita Iustini.

NON ignorant tamen Cels. & Dign. V. primū quod ad literas illas attinet, quas Ordines ad Sac. Cæs. Maiest. octaua Ianuarij anno 78 scripserunt, aliter postea eandem Cæs. Maiestatem per legatum suū, Dominum Suffridum Preiner Baronem in Stubing, ab illis instructum esse; vti constat ex responsione, quam Ordines suis literis, ad Cels. & Dign. V. datis, adiunxerunt. Quā multa etiam alia, antequam hīc conuentus indictus fuerit, euenerint, prædictis Ordinum literis declaratur: quæ hīc repetere superuacaneum est.

SEd vt aliud nihil esset, articuli, quos nomine Ordinum exhibuimus, sententiā & volūtatem eorum rotundē explicauerunt. Eōdem etiam pertinuerunt, quæ Seren. Archidux Austriae Mathias per suū legatum Dominum de Moullerie Cels. & Dign. V. significauit. Si ergo hac res sic intellecta fuit, vt secundum eas literas religio obseruaretur, aq̃e in initio quā tunc proponi potuit. Imō quod ad nos attinet, si vel de hoc intellectu, vel etiam de Mandato Ducis de Terranoua, fuisse illud ad solam Catholicæ Rom. Ecclesiæ obseruationem restrictum, à principio nobis innotuisset, nunquam ne diem quidem vnum, vltra tempus in Mandato nostro expressum, mansissemus.

ANNOTAT.

Post literas illas in Receptu commemoratas, sit etiam mentio eorum quæ Ordines in conuentu Wormaciensi exponi fecerunt, de desiderio scilicet, quod haberent ad religionis Cathol. Rom. obseruationē. Oratio ista, quæ tam a Legato eorum habita fuit, publicē extat, in qua hæc verba inuenio: Quod ad religionis Catholice Romanæ conseruationem attinet, quæ tot tantisq; bellorum euulsiu iactata ac propē demersa fluctibus, moderati cuiuspiam ac lenis Gubernatione

bernatoris manum salutare iam pridem postulabat: qua tandem alia meliore ratione potuit ei consuli, quam si is Respub. regenda deligeretur, qui & ipse eam profiteretur tuereturq; & tamen illos, qui ab ea descisissent, per lenitatem ac moderationem in fide atque officio contineret: &c. Sed ab hac sententia nondum adhuc Ordines recessisse video: inde est quod propter subitorum diversas opiniones, ut quietè & tranquillè sub eiusdem Regis imperio unà degere possint, libertatem conscientiarum cuique permissam & conservatam cupiant.

Quod deinde subiicitur: Ordines pari ratione, quemadmodum per Regem factum est, Cæs. Maiest. se subiecisse: id si eò pertineat, ut quando Rex nullam aliam religionem, quam Cathol. Rom. velit, Ordines quoque non aliam pro necessitate Respub. sue postulare posse, sicut series orationis innuere videtur, non solum negant Ordines eam mentem suam fuisse, sed expressè legatis suis contrarium in mandatis dederunt: Deinde quid magnopere tantorum principum intercessione opus fuisset, si nulla controversia ratione religionis extitisset, cum iurium & privilegiorum redintegratio per se denegari non potuerit, & iam antè sæpius oblata fuerit? Spes igitur ista, cuius porro in Recessu mentio fit, ex parte Ordinum non rectè concepta, vel fortè à quibusdam, sed non in communi ab omnibus data est.

SECUNDÒ non ignorant Cels. & Dign. V. nos in aduentu nostro iustas causas moræ factæ attulisse; inter quas etiam illa non minima fuit, quòd cum iter nobis per medios hostes faciundum esset, non nisi ult. April. Neomagi in itinere, etiam si sollicitatorem hinc in loco haberemus, diplomata tuti & securi accessus acceperimus.

TERTIÒ, quòd ad Mandatum nostrum attinet, non vno loco in Actis, sed plurimis, & declaratione Instructionis nostræ, quòd ea nulla alia esset, quam quæ articulis, à nobis exhibitis, contineretur; & oblatione visionis eiusdem Instructionis; item etiam oblatione ratificationis, ratificatione etiam ipsa, per Ordines de omnibus quæ hætenus acta sunt, facta, illud iustificauimus.

SIC etiam prorogatio, etiam si hætenus necessaria nõ fuerit, tamen non vnis literis, sed ternis quaternis, de quibus etià Cels. & Dign. V. certiores fecimus, iussi sumus hinc ab Ordinibus permovere, & secundum Instructionem nostram pergere; prout etiam omni diligentia fecimus. Ambo ista enervari, multisque grauib. verbis, præter causam, in hoc Recessu exaggerari dolemus.

Non grauabor hîc repetere, quæ in Actis ratione Mandati, & prorogationis per legatos Ordinum exposita & declarata sunt: vt videat æquus Lector, an non iustè legati Ordinum doluerint super defectu eorum tam grauiter conqueri.

In responso, quod x i. Iunij ad articulos Ducis de Terranova dederunt, hæc verba reperiuntur: Quantum Mandatum concernit, vbi animaduertimus negotium ad pacem tendere, daturi operam sumus, ne per illud vllum impedimentum concludendæ & conficiendæ ei obiciatur, &c.

Similiter x v i. Iunij ita respondent: Quod ad Mandatum attinet, frustra illos de illo conqueri, cum clausula illa relatiua, in qua præcipuam constituiebant difficultatem, sola exhibitione Instructionis suæ iustificari possit, eamq; esse iustificatam per articulos suos, præter quos Instructio sua nihil contineret, sed & offerebant visionem eius: verum illi negabant conuenire, vt ipsorum Instructionem perspicerent.

In Scripto, quod exhibitum est x i x. Iunij, sequentia verba posita sunt: Quod ad Mandatum attinet, exhibemus adhuc vnum Mandatum, in quo prouinciæ, quarum nomine huc comparuimus, exprimuntur, conditio eidem inserta difficultate caret, cum nihil prorsus agere statuamus, quod non Instructioni nostræ per omnia respondeat. Et si opus fuerit, dabimus operam, vt Ordines, tam generales quàm particulares, rata & grata sint habituri, quæcunque hîc concludentur.

x x x. Iunij mirari se legati Ordinum dicunt, cur Mandati toties fiat mentio, cum prorsus nulla difficultas ratione Mandati exoriri possit: Si enim pax constituatur, omnes prouincias libentissimè ea quæ hîc acta sint, grata & rata habituras.

Præcedenti in Scripto, quod exhibitum est x x i x. Augusti repetuntur, quæ quia prolixiora sunt, referre hic supersedeo, cum ibi videri queant.

Porrò ratificatio, cuius hic fit mentio, probatur per Epistolam Ordinum, quæ i i i. Iulij suprâ exhibitæ est.

Quantum ad prorogationem attinet, in Epistola Ordinum, cuius v i i i. Augusti mentio fit, hæc verba ponuntur: Itaque à vobis petimus contendimusque, vt in ista diligentia velitis porrò pergere, iuxta Mandatum, quod à nobis habetis, ac potissimum in hære petitioni de indutiis, &c.

In Scripto, quod eodem die exhibitum est, hæc verba reperiuntur: Vltimò Cels. & Dign. V. latère non volumus, etsi generales Ordines non expressè terminum nobis prorogauerint: tamè sicut antea, ita & nunc iusserunt nobis hîc subsistere, donec responsum super articulis pacificationis ab ipsis accipiamus.

In Epistola, quæ suprâ epistola Ordinum, x x v i. Septembr. exhibitæ, adiuncta est, hæc scribuntur: Etiam atque etiam à vobis petimus & contendimus, vt vestræ Instructioni in hærentes ac insistentes, vos comparetis, ac om-

ac omnia dirigatis iuxta literas, Dominis Commissariis & Duci de Terranoua scriptas, &c. *Sunt etiam plures alie Epistole, in eandem sententiā ab Ordinibus ad Legatos ipsorum scripte, quæ Actis inserta non sunt.*

CIVISMODI est & illud quod de indutiis, earumq; conditionibus scribitur, cum de iis, ut ex Actis apparet, absolutum Mandatum habuerimus. E contra Dux de Terranoua expressè indicauerit, nullam sibi potestatem ad eas concedendas cōpetere, sed illas ex solo arbitrio principis Parmensis depēdere.

QVINETIAM ad ea, quæ sequuntur, necessitas iterū nos dicere cogit, si notum nobis fuisset, Cels. & Dign. V. haud aliam mentem de religione, nec Ducem de Terranoua aliud Mandatum de eadem habuisse, non tantū intra sex hebdomadas, sed intra primos sex dies finiri hoc negotium potuisse, resque nostræ meliori loco, quā nunc sunt, extitissent: Alioquin etiam pacificationes nostrę priores, breuiori temporis intervallo conclusæ & definitæ fuerunt.

SE D ne lōgius progrediamur,† quę præterea in hoc Recessu continentur, Ordinum considerationi & defensionī relinquimus, verū vnā cum verbis istis, quorum ibidem mentio fit, quod in nullam vltiorem tractationem progredi vellemus, quæ verba in scripto illo, quod xij. Iulij exhibitum fuit, referuntur, amicè, humillimè, humiliter & officiosè petimus, in memoriam ea etiam verba reuocari, quæ nobis dicta fuerunt xvij. Iulij sequente, cum vltimi articuli exhiberentur in hunc modum: Cum Ordines eodem modo se submiserint, quo Seren. Rex ac Maiest. ipsius legatus paratus sit hīc manere, donec responsum ad ea quæ hactenus acta sunt, Cels. & Dign. V. accepissent, monere easdem Cels. & Dign. V. ne & nos hinc ante responsum illud discessum pararemus, qua sola monitione omnia etiam superiora dissoluta sunt; necdū enim nobis de responso illo quicquam indicatum fuit.

ANNOTATIO

† *Ad verb. Quæ præterea in hoc recessu continentur, &c. Multa facta ponuntur, in hoc Recessu, de quibus legati Ordinum nihil se scire declarant, qualia præter ea, quæ diximus, sunt ista. I. Consensisse eos in pacem, indefinitamque submissionem, Si sic intelligenda est, prout hīc intelligitur. II. De mandato conuenire eos non potuisse, &c. Conuenerunt utiq;., ut ex Mandato eorum apparet. III. Confæderationes nouæ initæ, &c. Erat confæderatio Ultraiectionis inita, antequam legati huc venirent.*

sed cum viderent, quid per hunc conuentum ab Hispanis quaeretur, firmitus eam postea stabilierunt.

IIII. Mandatum suum reuocarunt. Si considerentur ea quae superius ratione prorogationis exposita sunt; item iussus Dominorum Commissariorum, non id inferri poterit.

V. Sine consensu extraneorum principum (cum quibus se tractationem iniisse scripserunt) non potuerint, &c. Videtur Recessus loqui de ea tractatione, quae cum Duce Andegauensi inita fuit; sed ea non prohibentur Ordines cum Rege suo reconciliari.

VI. Hinc etiam factum est, &c. Quorsum ista? non enim tale quicquam requisitum est.

VII. Non media, sed extrema proposuerint, &c. Iudicabit equus & pius Lector, cuiuscumque sit religionis.

VIII. Et si quis existimet, &c. Refero me ad praefationem, & ad varias huius rei nomine factas Annotationes.

IX. Buscoducenses sanioribus vli consiliis, &c. Deterrimis pro statu communis salutis patriae; qualibus etiam Hannonienses & Arthesenses vti sunt. Scire quoque velim, cur laudentur ex hoc facto, qui pro se tantum, non expectata patriae suae Brabantiae resolutione, cuius membrum sunt, ex quorum etiam Mandato non minus, quam ex aliorum eiusdem provinciae membrorum legati Ordinum hic egerunt, articulos istos acceptarunt? quin potius laude digni fuissent, si summum iudicium apud populares suos proposuissent, eorum sententiam quoque audiuissent, & quod communi consensu utile patriae suae inuenissent, Celsi. & Dign. eorum perscripissent. Quaecumque enim pax frustatim, vel particulariter quaritur, ea non potest aliud, quam ad uniuersalem oppressionem & seruitutem Belgii seruire.

X. Sinistra interpretatione & impugnatione non abstinerint, &c. Equus Lector, quæso, sine affectu Ordinum literas legat.

XI. Quod multi ad arma potius, quam ad pacem propensi sunt, &c. Exiguus sane horum numerus est, propter quos Ordines grauari non debebant.

XII. Famosis libellis, &c. Si qui tales sunt, Ordines eos non approbant, nec ipsorum iussu editi sunt. Quidam etiam circumferuntur, in quibus articuli oblatis examinantur, sed famosi nomine infamari eos posse non video.

XIII. Nec Arnhemienfes, &c. Litera eorum supra inserta sunt.

XIIII. Vt à diuturnis tempestatibus, &c. Nihil omnes boni (quorum maior pars est) magis in votis habent. Hæc ad ea quæ hoc scripto declarata sunt, addenda censui.

IN SUPER huius respectu, obnixissime pro vltima vice petimus, sicut & Ordines per suas literas proximè petierunt, ut
Celsi.

Cellſ. & Dign. V. afflictiſſimæ patriæ noſtræ, ad priorem gratiam, hanc adiicere & condonare velint, vt dignentur quatuor adhuc dies expectare: non enim poſſibile eſt, quin iam in itinere Ordinum literæ ſint; nec dubitamus vllam rem aliam, quàm ſcriptum illud Ducis de Terranoua, quod importuno tempore editum fuit, remoram reſolutioni eorum inieciſſe; quod etiam tum, cùm tranſmiſimus illud, metuebamus. Sin verò impetrare id non poſſumus, in primis Cellſ. & Dign. V. immortales gratias agimus, pro moleſtiis, laboribus & ſumptibus, quos tot iam menſibus, cauſa reconciliationis noſtræ, habuerunt & ſuſtinuerunt. Omni id amore, officio & ſeruitio promereri cupimus. Idem Ordines ſuis literis non minori affectione declaraturi ſunt, & occasione ſe offerente factis quoque relaturi. Quod reliquum eſt ſoli ſapienti & iuſto Deo cauſam noſtram commendamus. Exhibutum xiiij. Nouembris Anno M. D. LXXIX.

ANNOTATIO.

Ad verb. Soli ſapienti & iuſto Deo, &c.] Non fruſtra hac commendatio à legatis Ordinum facta videtur. Nam qui præcedentia allegata propius conſiderauerit, is non hoc ſolùm inueniet, erroneas cauſas, à mundo nunc pro veris accipi, ſed & minus conuenientia remedia pro conuenientibus probari & adhiberi; vt taceam multorum ſapientiam hoc tempore circa vanitates & ſimulationes verſari. Juſtitiā non in tribuendo cuique, quod ſuum eſt, conſiſtere, ſed in eo, quod alterius eſt, apprehendendo: quodq; ſemel apprehenſum eſt, pertinaciter & violenter defendēdo. In qua re nulli maior quàm filio Dei iniuria ſit, quam etiam ipſemet non reticet, ſed palām per tubas ſuas denunciat, & ad iniuriam, quæ ſibi facta eſt, emendandam admonet. Nemo tamen eſt qui hanc iniuriam agnoſcere velit, etiamſi mille teſtibus & instrumentis conuincatur: ſed loco iniuriæ, filio Dei illatæ, quiſque ſuam prætexit iniuriam, & ad eam vindicandam nihil non ſibi licere exiſtimat: atque ita mala malis cumulantur, iramq; Dei, quam reſtinguere nos oportebat, magis ac magis accendimus. Hac hominum ſapientia & iuſtitia ex factis, & ſcriptis, quæ hoc tempore accidunt, & in lucē veniunt, manifeſtò deprehenditur. Si ergo Deus Opt. Max. non ſua ſapientia & iuſtitia oppreſſis ſuccurrerit, finemq; calamitatibus eorum impoſuerit, ab hominibus fruſtra auxilium expectatur, quamdiu ea mente præditi erunt. Illuminet nos Dominus vt aliter ſentire incipiamus. Velimus enim aut nolimus, tempus inſtare videtur, quo oportebit nos IESU CHRISTO filio Dei, Domino gloria, ac Regi Regū, ea quæ in præſentatione per iniuriam erepta illi oſtendi, reſtituere: Tū cūeniet, quod Pſalmiſta

stia inquit: Vtique propinqua est timentibus eum salus, eius habitatura est gloria in terra nostra. Benignitas & fides occurrent inter se; iustitia & pax osculabuntur se. Fides è terra germinabit, & iustitia è calis prospectabit. Etia Dominus dabit quod bonum est, vt terra nostra edat prouentum suum, faciēs vt iustitia praeat sibi, dum conferet ad iter pedes nostros. Veni Domine Iesu, Amen.

VLTIMO Nouembris legati Ordinum literas ab iisdē Ordinibus acceperunt, quibus adiuncta erat Instructio & communis omnium prouinciarum Resolutio, vnā cum literis ad Dominos Commissarios, & ad Comitem de Schwartzenberg datis. Hæ literæ eidem Comiti, quia solus adhuc aderat, traditæ fuerunt, & super Resolutione ista communicatio cum eo habita: sed cū vltiorem tractationem Dux de Terranova, etiam si Imperator continuari eam volebat, ore & literis suis denegaret, ex consilio ipsius Comitis prædicta Resolutio ad Imperatorem transmissa fuit, vnā cum parte Instructionis ad ea, quæ in articulis istis continentur, defendenda & declaranda.

*Ex lingua
Gallicana
Latina
translata.*

LITERÆ ORDINVM AD LEGATOS SCRIPTÆ.

DOmini. Satis abundè intellexistis per tenorem omnium Literarum præcedentium, interea dum ibi agitis, continuū nostrum officium, quod præstitimus ad obtinendam conclusionem prouinciarum particularium respectiue, vt per collationem & communicationem illarum decerneremus vnā aliquā finalem Resolutionem, super punctis & articulis, qui per Dominos Principes Cæsareos Commissarios propositi fuerūt, quo tandē ad bonam & securā pacem cū Regia Maiest. perueniamus. Quæ nobis causæ erunt ne ea hīc repetamus, posteaquā hæ Literæ ad hoc solū seruient, ad vestram operā instanter requirendam, vt à Domino de Melroy vestram Instructionem & prædictam finalem Resolutionem omnium prouinciarum, super dictis punctis & articulis, vnā cum Literis, quas scribimus ad Principes & Comitem de Schwartzberg, quo in omnibus occurrentibus conformetis vos ad contenta in iis, sequentes exempla illorum, quæ simul mittimus. Si contingat diuturniorem nostram moram culpari, ad excusationē eius omnes causas, quas iam antè intellexistis, adferetis. Finem
faci-

facimus, si hoc primum indicauerimus, mirari nos supra modum, quomodo Dux de Terranova, & Domini Principes Cæsarei Commissarij nunc adeò longè reiiciant punctum, & articulum religionem concernentem, posteaquam sciuerint ab initio, quòd erat impossibile tractare cum fructu, nisi acceptato illo articulo: requirimus vt hoc illis declaretis. Quod restat, rogamus Creatorè, Domini, vt det vobis sanctam, beatam & bonam vitam cum beneficio gratiæ suæ. Antuerpiæ 25. Nouembr. Anno LXXIX.

LITERÆ ORDINVM AD DOMI-
NOS COMMISSARIOS.

Reuerendissimi, & Illustrissimi, &c.

QVandoquidem Generosus Dominus de Melroy Coloniā reuertitur, cum responsione categorica, primè seorsum in vnaquaque prouincia concepta, & deinde per collationem deprehensa deliberationum transmissarum concordia communi omnium ditionum consensu resoluta super pacificationis articulis, à vestris Celsis. & Dign. transmissis: nostri officij esse duximus, denuò immortales agere gratias, pro diuturna commoratione & ingentibus laboribus ac sumptibus, quos vest. Celsis. & Dign. postpositis propriis & subditorum suorum negotiis, in hoc pacificationis conuètu sustinuerunt, & eo ampliùs rogare, vt post adeò multiplicem laborem in extremo actu non deficere, sed pulcherrimo operi supremā manum feliciter imponere dignentur; sibi certissimè persuadentes, Ditiones & Ordines summa diligentia responsionem suam ita temperasse, vt sine maioribus perturbationibus & totius Reipub. euersione non potuerint, durantibus tumultibus bellicis, vlteriùs procedere: vel propius & æquabilioribus rationibus vestrarum Celsis. & Dign. articulis accedere. Quòd indubitanter omnes mortales fatebuntur, qui vel eminus statum præsentem rerum Belgicarum inspexerint. Etenim in diuturna principis absentia (quæ per se multa magnāq; incōmoda adferre solet) & propter dissensiones insecutas, tanta rerum publicarum mutatio facta est, vt secundum Regis desiderium, articulos ea forma qua transmissi sunt, impossibile sit v-

sibus

sibus hominum accommodare absque grauiori damno cum
 Regiæ Maiest. & religionis Catholicæ Romanæ, tum totius
 Reipub. Belgicæ. Quare rogamus & obtestamur Cels. &
 Dign. V. in tempore omnia attentius considerare velint, &
 Regium Commissarium per suas intercessionem commouere,
 ne aspernetur vota prouincialium enixè desiderantium, sub-
 lato metu belli, ad obedientiam suæ Maiestatis, tanquam ad
 clarum beneficiumq; sydus, reuerti, ac se suaque omnia appli-
 care, quocunque desiderauerit Maiest. suæ voluntas & salus, si
 hæ condiciones tolerabiles, & quæ statui præsentis tēporis ac-
 commodari possint, admittantur; non sine magna spe & certa
 expectatione postea per pacis tranquillitatem, & animis sub-
 ditorū magis pacatis cum maiore opportunitate, maiore mo-
 derationem obtineri posse: Id quod non dubitamus Cels. &
 Dign. V. seridè & pro negotij magnitudine animaduersuras;
 & antequam occasio præterlabatur, Regio Commissario per-
 suasuras, Regem dum subditis suis parcat, sibi parcere, & sine
 temperamento dictorum articulorum fieri non posse ut belli
 calamitatibus liberemur, pristinæ tranquillitati restituamur, &
 secura beneuolentia prouocati, omnes Maiestatem suam tam
 pro se quàm supra se esse agnoscant, eiusque curam excubare
 pro salute singulorum atque vniuersorum experiantur; cuius
 rei procuratio Regiæ Maiest. magnitudinem stabilem, funda-
 tamque apud Belgas efficiet, & Vest. Cels. & Dign. immorta-
 lem conciliabit gloriam, reddetque Ordines prouinciarū Bel-
 gicarum ad obsequendum sibi perpetuò deuinctos & obno-
 xios, ita quod non pigeat moram dilationemq; tēporis susti-
 nuisse, pro obtinendis & conciliandis ditionum ac prouin-
 ciarum suffragiis, quæ quantum in nobis fuit, curauimus dili-
 gentissimè; sed ipsa rei varietas & rabies flagrantium bellorū,
 necnon improba aduersariorum studia cum Regis ac ditionū
 præiudicio, tarditatis causam præbuerunt: ita ut speremus cer-
 tissimè Cels. & Dign. V. rerum veritate bene perspecta, Or-
 dinum excusationem existimaturas non solum probabilem,
 sed etiam iustam. Precando obsecrandoque iterum Cels. &
 Dign. V. non grauentur in inchoato opere procedere, & diui-
 na virgula (ut aiunt) rem ita dirigere atque disponere, ut iurgiū
 hoc inter Maiest. suam & ditiones suas patrimoniales quàm
 citissimè componatur, nec latius serpat cum dolore subdito-
 rum,

291
rum, & tandem desperatio cogat magis dura & aspera consilia
arripere. Ordines sollicitudinem, magnosque labores & sum-
ptus Cels. & Dign. V. immortalibus laudibus extollere, & o-
mni obsequiorum & gratitudinis genere promereri ac com-
pensare conabuntur semper. Antuerpiæ 25. Nouemb. 1579.

LITERÆ EORVNDEM AD COMITEM
DE SCHWARTZENBERG.

Illustriß. Domine Comes.

Fatemur humanitatem atque beneuolentiam tuam erga
istas prouincias multiplici significatione rerum agnouisse;
luculenterque perspectum, exploratum & compertum ha-
bemus, per te, qui præsens faciem rerum Belgicarum propius
aspexisti, & apertis rerum argumentis certissime deprehendi-
sti, omnem pacis tractationem absque laxamento aliquo, quo-
ad religionis exercitium, futuram inutilem & superuacaneã,
non sterisse neque adhuc stare, quominus æquabilibus ratio-
nibus ditiones Maiest. suæ reconcilientur, & pristinæ quieti
& tranquillitati restituantur: nec dubitamus te pro singulari
candore & affectu ad Belgij pacificationem, post tot periculo-
sa itinera tantosque labores exantlatos, diligentissime allabo-
raturum, vt præclara principia pacificationis perfectionẽ suam
assequantur, secundum categoricam Ditionum responsio-
nem, quam vsque adeò collimauimus, & ad rationis æquili-
brium trutinauimus, vt sine maiore detrimento Regis & Rei-
pub. (inspecto statu præsentis temporis) amplius postulare aut
exigere non conueniat, si Rex ditiones suas amet, velitque ea-
rum se conseruatorem potius quàm euerforẽ præbere, ac pro-
uincias ciuitatesque potius beneuolentia allicere, & paulatim
componere, quàm vi direptas periculoso bello ad se pertrahe-
re conari. Nimium enim & cum summo subditorum discri-
mine coniunctum videtur, secundum formulam propositorũ
articulorum, tumultus consopire, & simul defixam populariũ
opinionẽ subito conuellere, ac vniuersam propè formam Rei-
pub. commutare, antequàm per pacis experimenta & post ade-
ptam securitatem, redintegratamque de Rege fiduciam, ani-
mi magis pacati ad maiorem moderationẽ inclinent, quæ præ-

cipua est ratio componendæ Reipub. quam dolemus tot annorum spatio à Rege, eiusque ministris non fuisse obseruatâ, cum magna ditionum ab alienatione, ordinis politici perturbatione & religionis Catholicæ Romanæ diminutione, de quo D. T. pro tempore, quo in his ditionibus versata est, amplissimū potest dare testimoniū. Dilata fuit aliquandiu Ordinū categorica responsio, quæ nunc transmittitur: sed prudentia tua facile considerabit, excitatis per aduersarios tot intestinis dissidiis, Ordines prouinciarum crudeli bello oppressos, non sine summa difficultate & mora, inter infinita & varia hominum ingenia, potuisse colligere voluntates & consensum tot prouinciarum tam latè distantium: ideoque confidimus excusationem nostram apud principes Electores & Cōmissarios Cæsareos sufficientem, & amplius quàm iusti ponderis futuram; præsertim si tenor articulorum collatus cum Reipub. nostræ statu, aliæque circumstantiæ concurrentes rectè ponderentur & intelligantur. Et cum non ignoremus sincerum affectū tuū in his quæ ad peragendum pacificationis negotium pertinent, non erimus prolixiores, si vnum illud adiecerimus, quicquid laboris aut industriæ hactenus à D. T. pacis conciliationi impensum est, aut in posterum impendetur, Ordines in perpetua recordatione habituros, omni tempore agnituros, atque cum opportunitate secundum meriti & beneficii magnitudinem compensaturos. Antuerpiæ xxv. Nouembr. M. D. LXXIX.

LITERÆ IMPERATORIS AD
LEGATOS ORDINVM.

*Rudolphus secundus diuina fauente clementia, electus
Romanorum Imperator, semper Augustus.*

Illust. Generosi, Magnifici, Nobiles, honorabiles, prudentes & fideles dilecti. Allatum ad nos est, die xij. præsentis mensis, à Commissariis nostris, ad pacem inter Seren. Hispaniarum Regem Catholicum, auunculum, sororium & fratrem nostrum charissimum, ac Ordines Belgicos, conciliandam deputatis, Recessum quendam publicatum fuisse, quo se istinc discessuros declararint: Quemadmodū etiam mox altero die Elector Treuir. eius rei initium fecerit. Cæteros verò petitioni
vestræ,

293

vestræ, qua Ordinum Belgicorum responso, ad propositos pa-
cis articulos eò proferendo, saltem quadridui moram postula-
stis, locum dedisse. Quoniam verò ea est omnino mens nostra,
quòd cœptam tractationem (dum modo aliqua optati effectus
spes reliqua sit) ulterius continuari, neque ad certum aliquod
tempus restringi summopere cupiamus; scribimus vnà cū his
præfatis Commissariis nostris, præsertim verò Electori Colo-
niensi, ac Episcopo Herbipolensi, vt non modò petatum qua-
triduum (quod iam præterit) verumetiam quandiu rei neces-
sitas postulauerit, ac, vti diximus, spes aliqua supersit, isthic
subsistant. Eo verò casu, quo iam recessissent, quamprimum
Coloniam redeant, ac dictorum Ordinum Belgicorū respon-
sum expectent. Illo verò accepto, pro eiusdem qualitate vlte-
rius statuunt, ac in id quidem summo studio enitantur, vt sub-
latis si quæ sint difficultatibus, res omnis ad concordiam redu-
ci queat, prout ex ipsis Commissariis nostris, vel saltem cæteris
iam inde digressis, ex Consiliario nostro, & supremo aulæ Ma-
reschalco, Comite Ottone Henrico de Schwartzenberg, vbe-
riùs intellecturi estis. Quapropter vos benignè clementerque
hortamur, & requirimus, vt priori casu, quo scilicet Colonien-
sis Elector ac Episcopus Herbipolensis etiamnum isthic essent,
vos quoque ibidem subsistere; altero verò casu eorundem re-
ditum expectare, ac in omnem euentū tales vos exhibere veli-
tis, vt quod ad imponendum salutari huic negotio cum finem,
quem calamitosus ditionum Belgicarum, ipsiusque Reipub.
Christianæ status maximè flagitat, pertinet, in eo vobis haud
vlla culpa attribui queat. Eo namq; ipso vobis ac patriæ vestræ
rem in primis vtilem atque necessariam, nobis verò longè gra-
tissimā facturi estis. Quod reliquū, Cæsar. nostrā beneuolen-
tiā & gratiā vobis benignè deferimus. Datū in arce nostra Re-
gia Pragæ, die xxiiij. mensis Nouembr. Anno Domini Millefi-
mo quingentesimo septuagesimo nono. Regnorum nostrorū
Romani quinto. Hungarici octauo, & Bohemici etiā quinto.

Rudolphus.

V^s. Suichuser D.

Ad Mandatum Sac. Cæs. Maiest. proprium.

Phernberger.

o 3

LITE-

LITERÆ DVCIS DE TERRANOVA
AD LEGATOS ORDINVM.

*Illustrissime Domine, admodum Reuerendi &
Magnifici viri.*

ACcepi literas, quas proximè post meum Colonia decessum mihi D. & Dilectiones vestræ scripserunt, quæque iis continentur diligenter perlegi, ac planè intellexi. Verùm quia ipsis est exploratissimum, quomodo negotium huiusmodi hætenus processerit, quibus impulsu grauissimis rationibus, Illustrissimi principes Sac. Rom. Imperij Electores, cæterique Sac. Cæs. Maieft. Commissarij conuentui finem imposuerint, istincque recesserint, Vnum mihi tantummodo superesse videtur, vt quod sæpius præsens ore tenus peregi officium, rursus per literas repetam, nempe vt Do. & Dilect. vestras vehementer horter, quemadmodum libenter & ex animo facio, vt pro ea qua pollèt auctoritate, Reg. Cathol. Maieft. subditis omni studio persuadere nitantur, vt tantam eiusdem Maieft. principis sui naturalis benignitatem amplecti minimè recusent, ad eandem Cath. Maieft. via iam in ipso conuentu patefacta, propositis reconciliationis articulis, & condicionibus, vniuerso orbi tantopere probatis, redeundo, debitamque reuerentiam ac obedientiam illi exhibendo & præstando, sicque antiquam tranquillitatem & pacem recuperando. Quamuis enim Colonienfis conuentus sit finitus, adhuc suæ Cath. Maieft. subditis liberum est tâta potiri gratia, vel ipsam Reg. Cath. Maieft. vel eiusdem Gubernatorem generalem adeundo, qui non minori beneuolentia ac benignitate iisdem articulis redeuntibus suscipiet. Quod quidem Do. & Dil. vestras pro vestra erga Deū Opt. Max. pietate ac erga patriam charitate facturas esse, quantum in illis est, haud dubito. Valeant Do. & Dil. vestræ, quas Deus Opt. suo patrocinio tueatur. Datum Bonnæ die v°. Decembr. M. D. LXXIX.

*Dom. ac Dilect. Vestræ
ad seruitia paratissimus*

*Carolus ab Aragonia Dux
de Terranova.*

RE-

295

RESPONSVM LEGATORVM ORDINVM
AD IMPERATOREM.

Inuictissime Cæsar, Domine clementissime.

AD literas quas Sac. Cæs. Maieft. T. pro paterno affectu, quo afflictissimam patriam nostram prosequitur, clementissimè nobis scribere placuit, eandem Sac. Cæs. Ma. T. demississimis animis celare non possumus; cum nihil adeò sinceris animis optemus, quàm non solum in hac re, quæ ad salutem nostram instituitur, sed etiam in quauis alia Sac. Cæs. Maieft. T. humillimè obedire; nos omninò paratos esse hîc subsistere, idque eo magis, quòd Resolutio Ordinum generalium pridie quàm Sac. Cæs. Maieft. T. literæ nobis redditæ sunt, huc trāsmissa fuerit, quam incontinenti Sac. Cæs. Mai. T. Legato Comiti de Schwartzenberg, porreximus, & cum eo consultaui-
mus, quid porrò nobis in hoc negotio agendum esset, quæ sine dubio Sac. Ma. T. ipsemet latius expositurus est. Sed cum idē legatus in articulis prædictæ resolutionis aliquas difficultates nobis hodie proposuerit per exhibitionem partis Instructionis nostræ, conati sumus easdem illas difficultates lenire & dissolvere. Quibus Sac. Cæs. Maieft. T. clementissimè contentā fore propter præsentēs necessitates nostras omnino confidimus. Nihilominus vt super omnibus exactissima adhuc deliberatio per Ordines ineatur, mittimus incontinenti aliquos ex nostris, qui de omnibus quæ hîc acta sunt, præcipuè etiam quæ de nouo hodie Sac. Cæs. Ma. T. Legato nobiscum conferre placuit, Ordines instruant, quidque porrò agendum sit nobis per eosdem primo tempore significant. Interea Sac. Cæs. Maieft. T. cum omni humilitate & obedientia etiam atque etiam rogamus, vt quemadmodum Christianissimè, & plus quàm paterno affectu hoc negotium pacificationis aggressa est, eadem pietate & affectu ad recreationem miserrimæ & afflictissimæ patriæ nostræ, cum qua etiam non solū vicinæ prouinciæ, sed & rota Germania pati cogitur, id ad optatum finē pacis clementissimè perducere conetur. Ob quam rem Sac. Cæs. Ma. T. non solum nos qui hîc sumus, sed etiam tota inferior Germania, demississimè obstrictos in perpetuum ad omnem obedientiam & fidem agnoscemus. Eandem Sac. Cæs. Maieft.

Maieſt. T. gratię et protectioni Dei Opt. Max. vt in ea viuat &
valeat, eidemq̃ue Sac. Maieſt. T. ſupplices & humillimè cō-
mendamus. Colonia iij°. die Decembris Anno 1579.

Tux Sac. Cæs. Maieſt.

Humillimi ac deuotiſſimi legari
Ordinum Germaniæ Inferioris.

Mandato dictorum legatorum,

I. De Keſſel.

AR-

297

ARTICVLI, COMMVNEM OMNIVM
PROVINCIA RV M RESOLVTIONEM
CONTINENTES.

I.

Primò Pacificatio anno 76. die octaua Nouembris Gandaui inita & instituta: Vnio quoque Bruxellis nona Ianuarij 1577. subsecuta, Edictum insuper perpetuū Bruxellis 17. Februarij anno eodem publicatum, vnà cum Approbatione Regia, saluis iis, quæ in sequentibus articulis mutata, aut aliter statuta inueniuntur, in omnibus suis punctis & articulis seruabuntur, & executioni mandabuntur.

*Ea quæ hic in
margine an-
notantur, de-
sumpta sunt
ex Instructio-
ne, quæ Reso-
lutioni illi
adiuncta fuit.*

II.

Et quia præter ea, quæ à tempore primorum motuum acciderunt, post iam dictos tractatus pacis Gandauensis, Vnionis & Edicti perpetui, vtrò citroque varia facta, dicta & admissa fuere, tam in generali quàm particulari, hac præsentī quoque Pacificatione non minùs posteriorum istorum factorum & dictorum quocunque modo & loco commissorum, siue demolitione castrorum & fortalitiarum spectent, siue quiduis aliud, quàm eorum quæ antea contigerunt, perpetua obliuio constituatur; ita vt eorum nulla amplius fiat mentio, exprobratio aut inquisitio, neque per fiscales officiales publicos, neque per alios cuiuscunque conditionis fuerint, quasi ea nunquam accidissent, idq; sub pœna exemplaris correctionis, contraueniētib; tanquam perturbatorib; trāquillitatis publicæ, infligenda: Ad quem finem & ad maiorem securitatem omnes sententiæ, decreta, proscriptiones, & arresta, occasione dictarum turbarum prolata, seu facta, tam in his quàm aliis ditionibus Maiest. suæ subditis, erunt cassa & irrita, & è publicis Registris & Protocolis expungentur & delebuntur, neq; castra aliqua restaurabuntur, aut de nouo ædificabuntur per Maiestatem suam aut successores eius vlllo vnquam tempore.

*Addita est
hæc clausula,
ad tollendas
captiones &
disputatio-
nes, quæ ex
collatione &
diuersitate il-
larum conuen-
tionum in po-
sterum oriri
possent. Causa
harum diuer-
sitatū ad ar-
ticulū quar-
tum sequen-
tem explican-
tur.*

Vel saltem non sine consensu generalium & particularium Ordinum eius prouincia in qua ædificabuntur, simul, vel horum tantum qui legitimè & secundum priuilegia cuiusque prouincia vocati erunt.

III.

REX Catholicus, eiusque successores, vassallis subditisque
p suis

*Quadam hic
verba omiffa
& immutata
sunt, secundū
tenorem art.
x. in Edicto
perpetuo, ad
euitados scru-
pulos & su-
perfluitates.*

fuis feruabunt, manutenebunt, & si opus videbitur, etiam de nouo confirmabunt, & per omnes in posterum Gubernatores, tam generales quàm particulares, inuiolabiliter obseruari curabunt, cum præfenti tractatu, omnia & singula iura, vsus, consuetudines, immunitates, exemptiones & priuilegia quarumlibet ditionum, ciuitatum, oppidorum, Communitatum, aliorumque priuatorum omnium, tum in genere, tum in specie.

IIII.

*Diuturnum
bellum, a re-
pressionibus, op-
pressionibus,
violentiis, di-
uerfa insidia,
& machina-
tiones quibus
aduersarij v-
tuntur, alie-
nationes &
factiones in-
ter subditos,
ubique quafi-
ta & excita-
ta, Arthesien-
sum socio-
rumq; eorū,
in Hispanorū
locum substi-
tutio, &c. in-
stam diffidē-
tiam in ani-
mis subditorū
pepererunt.
Denique na-
turalis ratio
& experientia
demonstrant,
non vanè me-
zuere sibi sub-*

OMNES Regij milites extranei, tam pedites quàm equites, Hispani, Itali, Albani, Burgundi, Galli, Germani, cæteri; omnes peregrini, siue propter præfentes motus huc venerint, siue antea accersiti fuerint, intra quindecim dies, post publicatam pacem, egredientur ciuitates, & fortalitia, & intra viginti dies inde sequentes Luxemburgo, adeoq; toto Belgio, & post alios viginti dies Burgundia: nec reuertentur ipsi aut alij, nisi ex causa externi belli aut generaliter alterius necessitatis Ordinibus cognita & approbata; & tenebuntur dicti milites in decessu ex ciuitatibus, castris & fortaliis relinquere omnem commeatum, prouisionem, tormenta & munitiones bellicas, in illis inuentas, & eductas; euectas translataeue aliò, restituere, & prima opportunitate reponere in locis vnde ablataeuectaeue fuerint & nihil earum efferre, sed omnia remanebunt ad vsum & tutelam locorum, secundum dispositionē inferius sequentem: Et pro maiore securitate dicti articuli, Gubernatores & Ordines tam generales quàm particulares Luxemburgi & Burgundiae, iurabunt obseruationem omnium articulorum præfentis tractatus; nec permittent aut patientur vnquam redditum vel transitum aliquorum extraneorum militū in damnum aut præiudicium istarum ditionum. In cuius confirmationem exhibebunt publicum documentum. Ordines vicissim curabunt mutua commercia dictis prouinciis redintegrari, & cum omni securitate seruari.

aditos, ubi princeps eorum erga ipsos verissimiliter irritatus & exacerbatus est, &c. Propter securitatē erga subditorum hic articulus sic conceptus est, & conuenit cum art. xiiij. Edicti perpetui, & cum tractatu quem Princeps Parmensis cum prædictis Arthesiensibus sociisq; eorum iniit.

V.

*Ratio huius arti-
culi eadē est qua
præcedenti.*

EODEM tempore, quo dicti exteri decedent, Arthesienses eorumque belli consortes reddent cum commeatu, & munitione.

ditionibus ciuitates, loca & fortalitia ab ipsis in aliis ditionibus occupata, detenta, seu in eorum potestate existentia, vicissim eodem modo & tempore restituendis omnibus locis, quæ Ordines aliarum prouinciarum in ipsorum ditionibus occupant aut detinent: & ad pleniorum exonerationem subditorum inducendamque maiorem confidentiam & amicitiam, vtraque pars reuocabit & continebit omnem suum militem intra proprios suæ ditionis limites, constitutis vtrinque Cōmissariis ad designationem locorum, in quibus hinc inde degent, spatio mensis aut sex septimanarum; vt interea pecunia, solutioni stipendij necessaria, confecta omnes vtrinque eodem tempore dimittantur.

VI.

ET vt mutua ditionū concordia & securitas sit magis diuturna aut firma, Ordines Arthesiensium eorumque consortes præstabunt cautionem, de non dando exteris transitum ad interiores ditiones similē illi, de qua in superiori articulo, respectu Luxemburgensium & Burgundorum actum est. Vicissim Ordines aliarum ditionum ad eandem cautionem Luxemburgensibus, Burgundis, Arthesiensibus eorumque consortibus præstandam tenebuntur: prouiso tamen quod si præter dictos externos aliqui Regij milites adhuc inueniantur, qui partibus Arthesiensium & consortium non accesserint, ij exaucto- rabuntur, & dimittentur, eodem tempore, quo exhibent exteri: & ciuitates, castra & fortalitia, quibus exhibent, restituentur Ordinibus cuiusque prouinciæ, ea lege & cōditione, quod (vt securius reuertantur incolæ & liberiores vsum commerciorum suorum habere possint) remanebunt exonerata & libera ab omni milite, nisi sint limitrophani, quibus ante hostium tumultus & ab antiquo præsidia esse consueuerūt, quibus prouidebitur prout inferius.

VII.

QVANTVM ad exactiones, impositiones cæteraque vectigalia & onera, præsentium barbarum occasione indicta, attinet, Quandoquidem constat ditiones, occasione præsentium barbarum ac præcedentium onerum, magno ære alieno prægrauari; ita vt periculum sit, ne subditi peregrè proficiscentes detineantur, & mercatorum commercia impediatur, nisi prouideatur: Rex Ordinibus permittet eo modo prospicere, quo

ad exonerationem subditorum, libertatem & ampliationem commerciorum iudicabunt expedire, approbatis & confirmatis omnibus constitutionibus reddituum, pensionum & aliarum obligationum & securitatum hactenus per Ordines factis.

VII.

*Conuenit cū
art. x in tra-
ctat. Arthes.*

Et ne qua semina alterationum aut querelarum relinquantur, omnes Ecclesiastici, necnon Illustissimus princeps Auracus, aliique omnes seculares, tam intranei quam extranei, recuperabunt pacifice omnia in mobilia sua bona secularia & ecclesiastica, usque siue in Burgundia, Luxemburgo, Hollandia, Zelandia, siue quouis alio loco sitis, statim uti ac frui poterunt, eo nimirum statu & qualitate, quibus in presentiarum illa ipsa reperientur, idque omni dolo ac fraude senioris, non obstante ulla hypothecatione, aut quavis alienatione, a tempore Pacificationis Gandauensis facta in contrarium, saluis his, quæ in capitulis, de religionis exercitio disponentibus, inferius subiiciuntur; similiter restituentur heredes possessioni omnium mobilium, titulorum, actionum & debitorum non alienatorum. Quæ verò ante Pacificationem Gandensem acciderunt, eiusdem dispositioni relinquuntur. Quemadmodum etiam dispositioni xvi. & xvj. articulorum eiusdem pacificationis Gandensis relinquuntur redditus & onera, quibus dicta bona immobilia grauantur, usque ad Natalitia Domini proximè sequentia.

IX.

*Cōpensatio)
Secundum
qualitatem
& personarū
& officiorū,
quibus eadem
persona fun-
cta fuerunt.
Nō enim in-*

tentio Ordinum est, vllum à suo officio excludere, quò per hoc infamia aut iniuria aliqua afficiatur sed ut euentur noui motus ad securitatem tam ipsorum Officiorum, quàm subditorum, quibus illi vel suspecti vel minus grati esse poterunt: Vel saltem ut duret hac compensatio tamdiu, donec per Sacerdos generales aliter ad satisfactionem eorum ordinatum fuerit.

rum nascatur occasio: Prouiso tamē quòd eiusmodi denuo re-
dintegrandi, tenebuntur præstare iusiurandum, cuius in se-
quenti articulo fit mentio; prout facturi quoque cæteri, ad no-
uas functiones & officia in posterum cooptandi: reuocando,
cassando & annullando, quicquid hinc inde factum, decretum
pronunciatumve fuerit.

X.

N V L L I admittentur ad Consilia rerum Status, Priuatum,
financiarum, aliaque officia maioris momenti, & vniuersitatē
respicientia, nisi grati Ordinibus generalibus, nec ad governa-
cula prouinciarum, ciuitatum, castrorum & fortalitionū, Ca-
pitaneatus aut præfecturas militum præsidialium, status & of-
ficia principalia singulas prouincias concernētia, nisi grati pro-
uinciis, in quibus dicta officia exercebuntur. Omnes autē su-
pradioti, siue ad munera vniuersalia, siue alia officia assumen-
di, erunt naturales prouinciarum bene qualificati, secundum
priuilegia, qui etiam ante receptionem solenniter iurabunt
Regi, & Ordinibus fidelitatem & obseruationem istorum ar-
ticulorum: promittentque fideliter & sincerè reuelare Ordini-
bus cuiusque ditionis, si quæ intellexerint contra honorem,
utilitatem aut tranquillitatem eorundem tractari; sub pœna
periurij & destitutionis functionis & officij.

*Repetatur hic
ratio quarti
articuli. Cō-
formis quoque
est art. xviij.
in tractat.
Art. 6. ar-
ticulo xviij.
Edicti perpe-
tui respectu.
Salte ut hæc
ita obseruen-
tur ad annos
aliquot pro-
pter securita-
tem sudito-
rum.*

X I.

C A P T I V I vtriusque partis, qui ob dictos tumultus adhuc-
dum detinentur, statim et absque vlllo pretio relaxabuntur, ni-
si iam antea de eo aliud inter eos fuerit conuentum & con-
cordatum.

X I I.

C O M E S Buranus suæ libertati & patriæ restituetur, intra
tres menses, à die publicatæ huius pacificationis.

*Concordat
cum art. xij.
pacificationis
Gandauens.*

X I I I.

D E C R E T A, dispositiones & ordinationes per Sereñ. Do-
minum Archiducem Matthiam, suosque collaterales, & Or-
dines Statuum, à tempore vltimarum turbarum emanatę, tam
ante separationem quarūdam ditionum, quàm post, pro legi-
timis & validis habebuntur, suosque debitos sortientur effe-
ctus: quoad beneficia, dignitates, officia aut alias res quascun-
que, quæ solent esse potestatis ac dispositionis ordinarię illo-
rum qui tenēt locum Gubernatoris dictarum prouinciarum;

Conuenit cum
art. 3. in tract.
Art. & con-
firmatur per art.
viij. Pacificatio-
nis Gand.

& insuper ad preces dictorum Ordinum, Rex Catholicus ra-
tas habebit dispositiones factas, etiam de iis quæ propriæ per-
sonæ suæ reſeruantur, idque pro hac vice duntaxat, & ſaluis
iis quæ per hunc tractatum aliter ſunt diſpoſita.

XIIII.

AD creationem Magistratuum, aliorumque particulariū
Officiatorum in ciuitatibus, & aliis locis procedetur futuris
temporibus, prout olim, & ſicut ex iuribus & priuilegiis cuius-
que patriæ, vrbs & loci decet.

XV.

Omiſſe ſunt clau-
ſula reſtrictiue
vt euiſetur inter
conuentiones iſtas
odſtrictas, & oc-
caſio ſerupulu &
cauillationibus,
que oriri poſſint
ab Edictis olim
in cauſa religio-
nis obſeruata,
præſtatur.
Conformis priuile-
gijs prouincia-
rum.

AUTORITAS & obedientia Regi cum primis reſtitue-
tur & ſeruabitur, qualis meritò iuxta præſcriptū diuini & hu-
mani iuris, necnon priuilegia, vſus & conſuetudines patrias &
Pacificationem Gandauenſem, Vnionemque ſubſecutam, Edi-
ctum perpetuum & præſentem tractatum eſſe debet.

XVI.

Omnes prouincie
vniuerſimodis Do-
minum Archi-
ducem continui-
ti, & confirmari
poſſunt.

AD regimen & gubernacula dictarum prouinciarum, Rex
eligit principem de ſanguine ſuo legitimo, Statibus gratum,
qui quæve rerum experientia pollens, habeat dotes & quali-
tates ad eius generis arduum munus cum primis neceſſarias,
& de quo ſeu qua ſubditi iuſtam cauſam ſatisfactionis ſint ha-
bituri. Gubernabit autem cum omni iuſtitia & æquitate, præ-
fertim ſecundum vſus, iura, conſuetudines & priuilegia dicta-
rum ditionum, etiam comprehenſis pacificationibus ſupradi-
ctis, & hoc præſentis reconciliationis Edicto, quod tenebitur
promittere et iurare. Et quoniam Sereniſſ. Archidux Matthias
in maximis iſtis tumultibus moderatiſſimè ſe geſſit, cupiunt et
ſupplicant Ordines, vt Maieſtas ſua eundem Archiducem vel
continuarè, vel de nouo committere dignetur, ſub obligatio-
ne & iureiurando prædictis.

XVII.

Propter rationes
ad art. 4. expreſ-
ſas, hæc ſola
cautio extra me-
ritum & pericu-
lum ſubditos co-
ſeruare poſſit. Et que hic art. culus conformis art. viij. in tract. Arthes. & viij. Edictis perpetuis.

CIVITATES, vrbes, fortalitia, tormenta bellica, muni-
tiones, comعات, arma & naues, aliâque omnia Hollandiam,
Zelandiam & confœderatos reſpicientia, relinquuntur diſpo-
ſitioni pacis Gandenſis. Per alias verò ditiones, in poteſtate di-
ctorum Ordinum exiſtentes, ſeruabuntur & adminiſtrabuntur
per eos, quibus officia Gubernatorum, Capitaneorum & alio-
rum Officiatorum per dictum Sereñ. Archiducem & Ordines
com-

commissa sunt, præstito iureiurando Regi & Statibus, de quo in nono articulo superius est actum. Et ciuitates, castra, fortalitia ex quibus Hispani & alij exteri excedēt, aliaq; officia quæ in posterum vacabunt, committentur per Maiestatem suam naturalibus harum ditionum, qualificatis secundum priuilegia, & Ordinibus cuiusque patriæ gratis, qui antequàm suscipiant dictarum ciuitatum, castrorum & fortalitiarum gubernationem atque munitionum custodiam, iurabunt iusiurandum in nono articulo superius propositum, donec super dictis de consensu Ordinum generalium solenniter congregatorum aliter fuerit dispositum. Interim verò & incontinenti ad manus dicti Gubernatoris patrimonium aliaq; omnia bona ad Regem pertinentia tradentur.

Salutē ut hæc ita obseruentur ad annos aliquos propter securitatem subditorū.

XVIII.

PERMITTENTE nihilominus Rege, & quidem merè in huius reconciliationis gratiam, ut quod hætenus ex eius patrimonio seu populi subsidiis desumptum & collectū fuit, id ita collectum receptumque maneat: ita tamen ut in posterum ab huiusmodi detentionibus & occupationibus desistatur.

XIX.

ORDINES renunciabunt omnibus fœderibus pactisque cum exteris occasione dictorum tumultuum initis; saluis his, quæ cum Sereñ. Regina Angliæ & Duce Alenchonio tractata sunt.

Donec utrumque propter conuentiones præcedentes contentum reddiderint.

XX.

COMPREHENDENTUR hoc tractatu dicta Regina Angliæ, Dux Alenchonius, omnesque principes, & alij cuiuscunque conditionis fuerint, qui Ordinibus quoquo modo fauorem aut auxilium præstiterunt.

XXI.

ET quoniam propter commercia subditorum cum vicinis, diuersam religionem obseruantibus, diuturnam suæ Maiestatis absentiam, & tumultus subsecutos, tanta in religione mutatio orta sit, ut sine euidenti discrimine maiorum periculorū res ad pristinum statum reduci nō possit: Rex ad supplices preces subditorum suorum, & ne intestina dissidia cum maiore periculo religionis Romanæ augeantur, tolerabit tam religionis Reformatæ quàm Confessionis Augustanæ exercitia, in ciuitatibus & locis, in quibus nunc publicè obseruantur. Vi-

cissim

cissim Ordines in omnibus ciuitatibus, & locis supradictis, curabunt statim publicata pace restaurari exercitium Religionis Catholicæ Rom. propositis pactis æqualibus inuolabiliter obseruandis: Præterea post pacem publicatam & dimissum vtrunque militem, rebusque pacatis, Ordines conueniēt, & præsentibus Commissariis regis, dabunt operam, ad minus reducere vsum dictæ religionis Reformatæ ad certas ciuitates & loca, secundum exigentiam cuiusque prouinciæ; Hollâdis, Zelandis, eorumque confœderatis nihilominus manentibus in terminis pacificationis Gandensis. Studebunt quoque Ordines vt etiam per Hollandiam & Zelandiam aliquibus locis vsum religionis Catholicæ Romanæ accipiatur, donec progressu temporis per vltiorem conuentum plenius prouideatur, si in priori congressu omnia absolui non possint.

X X I I.

DE cæteris concernentibus expeditionem, confirmationem, publicationem, perpetuamque & firmam obseruationē huius Pacificationis, postea agendum erit, cum omnia fuerint concordata & conclusa.

*Ad mandatum præfatorum
Ordinum Belgij Antuer-
piæ congregatorum.*

VIII. Ianuarij literas ab Imperatore; XII. sequente ab Ordinibus, quibus domum reuocantur, legati Ordinum acceperunt: quas literas etiam hinc vnā cum responsō ad Sac. Cæs. Maiest. subiicere placuit: vt quomodo finis huic tractationi impositus sit, etiam aliis constare possit.

LITE.

LITERÆ IMPERATORIS AD LE-³⁰⁵
GATOS ORDINVM.

*Rudolphus secundus diuina fauente clementia electus
Romanorum Imperator semper Augustus.*

ILLust. Generosi, Magnifici, Nobiles, Honorabiles, docti, fideles, dilecti, Accepimus literas vestras die tertia præsentis mensis datas, simulque ex Consiliarij nostri ac supremi aulae Marechalci Comitis Otthonis Henrici de Schwartzenberg, &c. relatione ac scripturis vnà transmissis, cognouimus, quid tandem à ditionum istarum Belgicarum Ordinibus responsi secutum sit. Equidem nos, quo magis pacis negotium pro cōmuni earundem ditionum ac Reipub. Christianæ bono atque commodo feliciter confectum iampridem summo desiderio cupimus, tanto minus ab ipsis Ordinibus eiusmodi respōsum, vt quod ad eandem pacem conciliandam parum videtur idoneum, expectauimus. Quade re cū prædictum Marechalcum nostrum plura vobiscum egisse, adeoque vos ipsius rationibus motos, rem omnem per quosdam è vestro medio ad dictos Ordines, & Status, pro vltiore articulorum illorum moderatione, retulisse intelligamus; confidimus sanè ipsos Ordines ita se resoluturos esse, vt maior inde pacis stabiliendæ spes concipi possit. Quam ad rem istud parum sanè commodum, nobis verò inexpectatum planè molestūq; accidit, quòd nō modò, præter ipsum Comitem à Schwartzenberg, ceteri Commissarij nostri Colonia maturiùs recesserint: verumetiam Seren. Hispaniarum Regis Catholici, &c. auunculi, sororij & fratris nostri charissimi Mandatarius, Illustr. Dux Terrænouæ eosdem secutus sit: Nos quidem tam ipsum Ducem, quàm Commissarios omni diligentia hortati sumus, vt denuò Coloniā, vel ad alium locum ipsis magis commodum, se conferant, ac pacis tractationi continuandæ quanto maiori studio atque cura incumbant: vti ex nouissimis nostris Literis haud dubiè intellexistis. Quid autem illi, præsertim verò Dux Terrænouæ, cuius præsentia ad vltiorem illam tractationem maximè necessaria est, consilij capturi sint, necdum scire possumus, sed eorum responsa indies expectamus. Quæ si talia adferan-

ferantur, qualia nobis pollicemur; Status verò & Ordines ad æquitatis terminos propius accesserint: Nos, vti hætenus fecimus, ita deinceps etiam nihil prætermitemus, quod ad pacificationis negotium ex voto peragendum pertinere iudicabimus. Vestrum autem erit, apud Ordines auctoritate vestra efficere, vt nec ipsi quicquam, quod ad hunc effectum, calamitosum scilicet patriæ vestræ afflictissimæ statum pristino suo nitore & tranquillitati restituendum, opportunum esse queat, in se vspiam desiderari patiantur. Erit hoc vestro officio ac quam eidem patriæ debetis pietate dignum, tum etiam vobis, ipsisq; Ordinibus maximè commodum & salutare. Quod superest, Cæsaream nostram beneuolentiam & gratiam vobis propenso animo deferimus. Datum in arce nostra Regia Pragæ die xviii. mensis Decembris. Anno Domini millesimo, quingentesimo, septuagesimo nono. Regnorum nostrorum Romani, quinto; Hungarici octauo; & Bohemici itidem quinto.

Rudolphus.

V. Suicheuser.

*Ad mandatum Sac. Cæs.
Maieſt. proprium,*

Phernberger.

*Ex lingua
Gallica in
Latinā ver-
sa.*

LITERÆ ORDINVM AD EOSDEM
LEGATOS.

DOmini. Nos audiuiſimus hęc narrationem & relationem, quā ex parte vestra latè & particulariter fecerunt Conſiliarij de Meetkerke & vander Milen, collegæ vestri, super statu pacificationis, quæ per vos nomine nostro tractata est cum Duce de Terranoua Mandatario Regis Catholici, per intercessionem principum Electorum, aliorumq; Commissariorum Imperatoris, & post discessum eorum cum Comite de Schwartzenberg. Maieſtatis ipsius Oratore, sequuti literas vestras Credentiales, & Instructionem, quam prædictis Conſiliariis dedistis. Recepimus etiā literas vestras ad nos scriptas de dato xvj. Decemb.

Decemb. pridem elapſi, necnon illas Imperatoris iis adiunctas.³⁰⁷
Super omnibus accuratè & maturè, ſæpiùs deliberatione ha-
bita, pro maximo deſiderio quod nos & quilibet noſtrum ha-
bet ad bonam & firmam pacem obtinendâ, vt in quiete aga-
mus, atque pacificè noſtris iuribus, priuilegiis, bonis & liberta-
tibus fruamur: nihil tam optauimus, quàm negotiũ illud paci-
ficationis tali loco extitiſſe, vt continuatione illius veſtraque
diuturniore mora ibi ſignificationem habuiſſet ad optatum
tandem fructum eius perueniendi. Sed cõſiderato quòd prin-
cipes Electores aliq̃ue Commiſſarij Cæſarei (excepto Comi-
te de Schwartzenberg) omnes Colonia diſceſſerint, ſicut etiã
Dux de Terranoua, tanquam pars, quocum ex parte Regis vl-
terius agendum erat, quòd nec is voluerit ante diſceſſum ſuũ
recipere aut cognoscere vltimam noſtram Reſolutionem, non
obſtãte debito veſtro officio, quod, ſimulac Dominus de Mel-
roy, qui attulerat eam vobis, aduenit, præſtititiſtis, tam ex parte
veſtra quàm per mediationem & interceſſionem præſati Do-
mini Comitis, ſed quòd Dominus Dux ſe gereret & repu-
raret pro priuata aliqua perſona, accipiens Receſſum principũ
Electorum loco veniæ inde decedendi: ita vt nullum nunc ſi-
gnum amplius ſit poſſe vltèrius quicquam tractari, vel quic-
quam concludi cum Comite de Schwartzenberg, abſentibus
principibus, aliisq̃ue Commiſſariis, & præcipuè abſente parte,
quacum tractare nos oportebat, ſicut idem Comes quoque ſi-
gnificauit nullam ſe ad hoc habere auctoritatem. Quinetiam
parum materiæ comperimus ex qua reditus principũ Electo-
rum aliorumq̃; Commiſſariorum ſperari poſſit, eo quòd literæ
S. Cæſ. Ma. ad ipſos ſcriptæ conditionem contineãt, dummo-
do ſcilicet aliqua optati effectus ſpes reliqua ſit: de qua re ex
parte veſtra non æſtimatis poſſe eos concipere opinionẽ, cum
iam etiã ipſe Comes ſatis ſe in eo declarauerit, per illud quod
de noſtra Reſolutione iudicauit, niſi hîc intendamus modera-
ri iſta, noſq̃ue amplius dilatare. Ad quod auctoritatem nõ ha-
bentes, quodq̃ue per prædictam Reſolutionem communi ma-
nu & collatione fecimus, & ceſſimus omne id quod diſpoſitio
rerum patriæ, poſſibilitas & neceſſitas temporis permittunt;
atque inuenientes per rationes iſtas cum magno noſtro dolo-
re negotium pacis nõ ibi diſpoſitum eſſe ad felicem finẽ con-
ſequendum, ad quem adeò aſpirauimus: voluimus ſignificare
q 2 vobis

vobis putare nos nō conuenire, vt præbeamus vobis circa hoc negotium plus molestiæ, curæ & laboris, sed vt primo tēpore redeatis ad nos, ad faciendum nobis ampliorem relationem; assiltatis vestro consilio, ad promotionem communis nostræ causæ, subministrantes primum Comiti de Schwartzenberg exemplum Instructionis vestræ secretæ, omniumq; punctorū, quæ in ea continentur.

Et nihilominus considerata magna instantia quam Sac. Cæs. Maieft. facit per diuersas literas, vt prædictum negotium Pacificationis continuetur, ne culpa aliqua in nos coniciatur, quasi per vestri exonerationem & reditum, ex toto illud abrumpamus & præcidamus, scientes Dominos de Rummen & Doctorem Albada ibi domicilium habere, minoriq; cum incommodo subsistere posse, ab iis requirimus vt ipsi negotium istud sustentent, & continuent; sequentes vltimam nostram resolutionem, si casus se obtulerit atque aliās mutuam teneāt cum prædicto Comite de Schwartzenberg communicationem, dum mittamus aliquot personas ad Sac. Cæs. Maieft. ad reddendam ei particularem rationem de statu rerū nostrarum, ad iustificationem, excusationesq; harum ditionum, & ad demonstrandum bonam voluntatem, affectionē ac singulare desiderium, quod habemus ad securam firmamq; pacem constituendam: supplicantes in omni humilitate & obedientia, vt Mediatorem nostrum apud Maieft. Catholicam agere velit, cāmque inducere, vt placeat ei id consentire nobis, ad quod necessitate impellimur, & quod excusare non possumus, nisi petamus, si modò ditiones istas deuotioni ipsius conseruare volumus.

DOMINI, Creatorem rogamus vt expleat nobilia & honesta vestra desideria; nos intimè vestris gratiis commendantes. Antuerpiæ 1. Ianuar. M. D. LXXX.

*Excell. Patern. & Dom. V.
addictissimi Ordines
generales inferioris
Germaniæ.*

LITE.

LITERÆ ORDINVM AD DOMINVM³⁰⁹
DE RVMMEN ET DOCTOREM
ALBADA.

Ex lingua
Gallica in
Latinam
versa.

Domini. Etiam si contenta nostrarum literarum ad Domi-
num Ducem Arschotanium, atque alios legatos nostros,
qui ibi sunt, sufficienter vos instruxerint de nostra sententia &
intentione, quo ad vltiorem super pace tractationem insiste-
res postremæ nostræ resolutioni: nihilominus omittere nō vo-
luimus, in primis intimè vobis gratias agentes, ob bona vestra
officia, durante illic Pacificationis negotio præstita, requirere
à vobis instanter, vt suscepto continuandæ illius tractationis
munere, velitis vos de puncto ad punctum conformare ad cō-
tenta dictarum nostrarum literarum; vtq; nos admoneatis sæ-
piusculè de omnibus iis quæ ibi inciderint: affirmare vobis
possumus, quòd ex nostra parte ad mutuam communicationē
nihil deerit, & notanter circa legationem, quam cupimus ad
Sac. Cæs. Maieft. expedire, in eum finem, quem in prædictis li-
teris latius exposuimus. Rogamus Creatorem vt expleat, Do-
mini, vestra bona desideria, & in sanitate beatam vitam vobis
largiatur. Antuerpiæ iij°. Ianuarij M. D. LXXX.

Vestri optimè erga vos affecti amici
Ordines generales inferioris
Germaniæ.

Ad Mandatum præfatorum Ordinum,

Houfflin.

RESPONSVM LEGATORVM ORDI-
NVM AD IMPERATOREM.

Inuictissime Cæsar, Domine clementissime.

Sacr. Cæs. Maieft. T. literas xvij°. Decembris datas, octa-
uo Ianuarij proximo demississimis animis accepimus, ea-
rumq; exemplum incontinenti Ordinibus communicauimus.

q. 3

mus.

mus. Interea antequam responsum ad eas habere potuimus, hesterno scilicet die literæ ab iisdem Ordinibus ad nos perueni-
runt, quibus sententiam suam nobis circa ista absolutè decla-
rant, quam ad longum hîc referre opus esse non putauimus,
propterea quòd exscriptionem earum Generoso Comiti de
Schwartzenberg, &c. ad petitionem ipsius tradiderimus; qui
indicauit nobis ad Maiest. tuam se velle istas literas vnà cum
secreta nostra Instructione, quam offerre illi iussi eramus, trās-
mittere. Porro cùm ex iis literis, simul etiam Sac. Cæs. Maiest.
discessum nostrum intelliget, hoc vltimo responso non nostro
tantum nomine, sed & Ordinum communiter, donec alia le-
gatio (cuius ibidem mentio fit) ad Ma. tuam veniat, eidem
Maiest. T. pro vero illo paterno studio & affectu, quem erga
incolumitatem & salutem afflictissimæ patriæ nostræ hactenus
demonstrauit, quàm maximas gratias humillimè agere volu-
mus, cum hac demississima petitione, vt in eo studio & affe-
ctu, vsquequo cum Seren. Rege Catholico Principe & Domi-
no nostro naturali reconciliemur, clementissimè perseuerare
dignetur. Deo Opt. Max. Sac. Cæs. Maiest. T. vt eam sua gra-
tia augeat, atque in felici regimine conseruet, eidemq; Ma. T.
Ordines & nos supplices & humillimè cōmendamus. Colo-
niæ xiiij°. Ianuar. Anno M. D. LXXX.

Tuæ Sac. Cæs. Maiest.

Humillimi ac deuotiss. legati Ordinum
Germaniæ inferioris.

*Mandato dictorum de-
putatorum,*

I. De Kessel.

F I N I S.

TEREM IÆ XIIIIL

AN omnino abiicis tuum populum Domine,
num terrā nostram abominatur anima tua? Qua-
re percutis nos ita, ut nulla supersit nobis curatio?
Quare expectādo pacem, nullum adest bonum, &
expectando tempus curationis tantum ecce terror?

ERRATA.

Pag. 13. vers. 22. *pro eam, ea.* 34. 2. *pro pertinuerint, pertimuerint.* 42, 28. *Verba illa: Athana-
sius Epistola ad solitariam vitam agentem praeponi debent §. Quid si inhonestum est. Deinde post ver-
ba, Abscedit. Sequitur, Non enim gladiis.* 45. 14. *pro conentur, conetur.* 62. *Verba proxi in margi-
ne poni debuerunt.* 69, 34. *pro alterationum, altercationum.* 74, 13. *lege gubernabit.* 85, 30. *post sae-
uiatur omissum est nomen auctoris: Georgius Kleinbergius lib. de Religione Tot, &c.* 90, 6. *lege
mente.* 112. linea 33. *lege Ordinibus.* 137, j. *deleantur bis posita verba illa: ibique conciones audiant
eaque quæ suæ.* 139, vers. penultimo *pro eius, eis.* 149, 7. *pro ille, illi.* Eadem pag. vers. 36. *lege Syn-
nade.* 150, 6. *dele illud viri.* 156, vers. ult. *pro iudicum, iudicium.* 161, 10. *lege breuiter ut Chri-
stum.* 271, 1. *lege reiciendas.* Ibidem vers. 3. *lege Videantur.* Ibidem vers. 12. *pro indicatis, inducat.*
283, 29. *lege religiosè.* 193, 19. *lege animaduertant.* 256, 25. *pro quæ, quam.* 257, 37. *lege de-
monstrantur.* 262, 10. *lege promiserant.* 280. *circa finem pro Ieroboam, Ioannes Bodinus.* 281, 13.
lege poterant pro potuit.

SVMMA PRIVILEGII.

CAVTVM & interdictum auctoritate Ordinum
Hollandiæ, nequis hunc librum cui titulus est, *Acta*
Pacificationis quæ coram Sacr. Cæsareæ Maiest. Commissariis
inter Seren. Regis Hispaniarum & Principis Matthiæ Ar-
chiducis Austriæ, Ordinumque Belgij legatos, Colonia habita
sunt, &c. intra trienniū in hac ditione imprimat, vel
alibi impressum, venalem habeat, præter Andream
Schuttenum Typographum Leydensem, cui soli id
beneficij contulerunt: vt latiùs patet in ipsis Literis,
Datis in Haga Comitum XX°. Ianuarij, M. D. LXXX.

Ex mandato eorundem Ordinum,

Signat.

De Rechtere.

